

আধুনিক বাংলা কবিতা

আবু সয়ীদ আইয়ুব

ও

হীরেন্দ্রনাথ মুখোপাধ্যায়

সম্পাদিত



দে' জ পা ব লি শিং ॥ ক ল কা তা ৭ ০ ০ ০ ৭ ৩

প্রথম সংস্করণ : শ্রাবণ ১৩৪৭ । জুলাই ১৯৪০

প্রচ্ছদ : অজয় গুপ্ত

প্রকাশক : সুধাংশুশেখর দে । দে'জ পাবলিশিং
১৩ বঙ্কিম চ্যাটার্জি স্ট্রিট । কলকাতা ৭০০ ০৭৩

মুদ্রক : অরিজিৎ কুমার । টেকনোপ্রিন্ট
৭ সৃষ্টিধর দত্ত লেন । কলকাতা ৭০০ ০০৬

ଢ଼ ୧ ସ ଗ

ଶ୍ରୀରବୀନ୍ଦ୍ରନାଥ ଠାକୁର
ବରଣୀୟେଷୁ

প্রকাশকের নিবেদন

যেসব লেখক, সম্পাদক ও প্রকাশক এই গ্রন্থের অন্তর্গত কবিতাগুলির পুনর্মুদ্রণের অন্তিমতি দিয়েছেন তাঁদের সকলকে আন্তরিক ধন্যবাদ জানাচ্ছি।

'আধুনিক বাংলা কবিতা'র গ্রন্থন ব্যাপারে শ্রীযুক্ত দেবীপ্রসাদ চট্টোপাধ্যায়ের সাহায্য কৃতজ্ঞতার সহিত স্বীকার করতে হয়। এ ছাড়া আরো অনেকে মূল্যবান সাহায্য করেছেন, যাদের নাম উল্লেখ করা গেল না।

গ্রন্থের প্রচ্ছদশিল্পী শ্রীযুক্ত যামিনী রায়।

ভূমিকা

১

কোনো একটি ভাষায় নির্দিষ্ট কালের মধ্যে কিম্বা বিশিষ্ট শ্রেণীর ভিতরে কোন্ কোন্ কবিতা ভাল, কাব্যসঙ্কলনগ্রন্থকে এই প্রশ্নের উত্তর মনে করা যেতে পারে। অর্থাৎ কাব্যসঙ্কলন কাব্যসমালোচনারই অন্তর্ভুক্ত। কাব্যসমালোচনা এর সঙ্গে আর একটি প্রশ্ন তুলতে বাধ্য : ভাল কবিতা কোন্টা জানতে হলে জানা দরকার ভাল কবিতা কী। এ-দুটি প্রশ্ন যে পরস্পরকে এড়িয়ে চলতে পারে না সে কথা এলিয়ট প্রসঙ্গত স্বীকার করেছেন, কিন্তু দ্বিতীয় প্রশ্নের নিষ্পত্তি না হলে প্রথম প্রশ্ন সমাধানে এগুনোই যে সম্ভব নয়, তা তিনি মানেননি ; বরঞ্চ দ্বিতীয় প্রশ্নের নিরাকরণ তাঁর আয়ত্তে নয়, তাঁর আলোচনাক্ষেত্রের অন্তঃপাতীও নয়, এই সবিনয় স্বীকৃতির মধ্যে দেখাকে চাপা দিয়েছেন। তাব মানে এই যে ভাল কবিতা কী তা না জেনেও আমরা চিনে নিতে পারি কোন কবিতাটি ভাল, সম্ভবত কোনো এক অনির্দেশ্য বুদ্ধি-অতিক্রান্ত শক্তির সাহায্যে যাকে দার্শনিকরা বোধি নামে অভিহিত করতেন, কিন্তু “কচি” বলেই সাহিত্যিক সমাজে যার প্রচলন। সে সমাজের প্রত্যেক ব্যক্তিই কচিসম্পন্ন বলে নিজের প্রমাণ-নিরপেক্ষ পরিচয় দিয়ে থাকে ; সাহিত্যিক আভিজাত্যের নীলরক্তধার। তার ধমনীতে প্রবহমান, পরের কচিকে অবজ্ঞা করবার অধিকার তার বংশপরম্পরাগত। সুরুচি মানে ভাল কবিতা চিনবার শক্তি, এবং ভাল কবিতা তাই যা কচিবানেরা বরণ করেন, এমন একটি স্থূল চক্রিক গায় যে কেমন ক’রে তাঁদের সূক্ষ্ম সূকুমার দৃষ্টির আড়ালে থেকে যায়, তার রহস্য বাণীর বরপুত্রেরাই জানেন।

এটা অবশ্য সম্ভব যে ভাল কবিতা কী সে-বিষয়ে আমাদের মনে একটি ধারণা রয়েছে, অথচ সেটাকে আমরা পরের কাছে, এমন কি নিজের কাছেও, ভাষায় ব্যক্ত করিনি। সে ধারণা অজ্ঞাত বা আসংজ্ঞাত থেকেও কোন্ কবিতা ভাল তা বেছে নিতে আমাদের নির্দেশ দিতে

আধুনিক বাংলা কবিতা

পারে। সক্রটিস যেমন গ্রায় অগ্রায়ের প্রশ্ন তুলবার সময়ে ধরে নিয়েছিলেন যে আমরা কতকগুলো নৈতিক ঘটনাকে গ্রায় কিম্বা অগ্রায় বলে নিঃসন্দ্বিগ্ধভাবে চিনি। তাঁর সমস্যা ছিল এই নিবিবাদ দৃষ্টান্ত-গুলির তুলনামূলক বিচার ও বিশ্লেষণ ক'রে গ্রায়ের ধারণায় পৌঁছানো। তেমনি হোমর, দাস্তে, শেক্সপীয়র, ব্যাস, বাল্মীকি, কালিদাস এঁদের রচনা হয় তো সর্ববাদীসম্মতিক্রমে “ভাল কবিতা”র আখ্যা পেতে পারে। সক্রটিসের মতন, কাব্যসমালোচককেও এ সমস্ত কবিতার সামান্য ও বৈশিষ্ট্যের বিশ্লেষণ থেকে “ভাল কবিতা”র সংজ্ঞা-নিরূপণের চেষ্টা করতে হবে, নইলে যখন এমন কবিতার বিচার প্রয়োজন যেখানে সর্বসম্মতির অভাব, আধুনিক সাহিত্যের ক্ষেত্রে যা অনিবার্য, তখন আপন বনেদী রুচির দোহাই পাড়া ছাড়া তার গতি থাকবে না।

রুচির নির্দেশ মেনে চলতে গিয়ে সমালোচনার ইতিহাস স্মেরাচারের তালিকায় পরিণত হয়েছে। ডাইডেনের মতন কবি ও সমালোচক তাঁর সমসাময়িক নগণ্য নাট্যকারগণকে গ্রীক ও এলিজবিথীয়দের চেয়ে শ্রেষ্ঠ মনে করতেন, এবং *Measure for Measure*-এর ভাষাকে “vulgar” আখ্যা দিয়ে গেছেন। কাউলির প্রতিপত্তি তাঁর সময়ে মিল্টনের চেয়ে অধিক ছিল, মিলটন স্বয়ং তাঁকে শেক্সপীয়র ও স্পেনসরের তুল্য জ্ঞান করতেন। অষ্ট শতাব্দী পরে পোপ্ অবজ্ঞাভরে প্রশ্ন করছেন, “কাউলি আজ পড়ে কে?” পিপ্‌স্ খুব বড় সাহিত্যিক না হলেও একজন শিক্ষিত ব্যক্তি, এবং এতই বিদগ্ধ যে অথেলো নাটকখানির ইতরতা বরদাস্ত করতে পারতেন না। ইংরেজি ভাষার সবচেয়ে প্রামাণ্য কাব্য-সঙ্কলনের সম্পাদক পল্‌গ্রেভ্-এর রুচি সম্বন্ধে সন্দেহ প্রকাশ করা নিশ্চয়ই মূঢ়তা। তাঁর সঙ্কলনগ্রন্থে যেখানে ক্যাম্বেলের এগারোটি কবিতা বিরাজমান, এবং যার পরিবর্ধিত সংস্করণে লংফেলোর (“কিছু না হোক লংফেলোদের হব আমি সমান তো”—সেই লংফেলো) তিনটি কবিতা স্থান পেয়েছে, সেখানে ডান্ কিম্বা ব্লেকের জায়গা হয়নি : মোট কথা ভিন্ন দেশের রুচি তো ভিন্ন বটেই, কোনো একটি দেশেও যুগে যুগে তার

ভূমিকা

অভাবনীয় পরিবর্তন ঘটে, পঞ্চাশ বৎসর পূর্বের মহৎ তুচ্ছ হয়ে যায়, তুচ্ছ মহৎ। একই যুগেও রুচিবৈষম্য বড় কম নয়, তবু যে একটা ছাঁচ গড়ে ওঠে সেটা স্বাধীন বিচারের পরিণাম নয়, মানুষের দাসত্বপ্রীতি ও ফ্যাশনপ্রবণতার নিদর্শন। “With the ascendancy of T. S. Eliot, the Elizabethan dramatists have come back into fashion and the 19th century poets gone out. Milton’s reputation has sunk and Dryden’s and Pope’s risen. It is as much as one’s life is worth nowadays among young people, to say an approving word for Shelley or a dubious one about Donne. And as for the enthusiasm for Dante—to paraphrase the man in Hemingway’s novel, there’s been nothing like it since the Fratellinis.

(Edmund Wilson).

একথা সত্য যে দর্শনে অনন্তকাল ধরে এবং পদার্থবিজ্ঞানে ইদানিন্তন প্রভূত মাত্রানৈক্য পাওয়া যায়। প্রশ্ন উঠতে পারে যে তা সত্ত্বেও যখন এদের পক্ষে ব্যক্তিনিরপেক্ষ সত্যের অনুসন্ধান সম্ভব, তখন সাহিত্যের রুচিবৈষম্য কেন তার নৈব্যক্তিকতার অপ্রমাণ। এই জন্ম যে, দর্শনে বিজ্ঞানে যখন মতভেদ ঘটে তখন দুই পক্ষ পরস্পরকে আহ্বান করে তার প্রতিজ্ঞাগুলি বিচার করতে, তার যুক্তি খণ্ডন করতে, তার ভ্রান্তি উদঘাটন করতে। এ তর্কের মীমাংসা হয় তো অনেকক্ষেত্রে হয় না, কিন্তু তার সম্ভাবনা আছে, এবং সে সম্ভাবনার উপরই **objectivity**-র দাবী নিভর করে। এদিকে, সাহিত্যে যখন রুচির গরমিল ঘটে তখন একথা বলা ছাড়া উপায় থাকে না যে আমি দাস্তকে বড় কবি ব’লে জানি এবং আমার রুচি আপনার চেয়ে শ্রেয়, কি এলিয়ট অথবা অন্য কোনো সাহিত্যিকপ্রবর এমনতর মন্তব্যের পরিপোষক। এর বেশি কিছু বলতে গেলেই কবিতা কী, তার ভালমন্দ কিসে, এমন সব প্রশ্নের সম্মুখীন হতে হয়।

আধুনিক বাংলা কবিতা

কবিতা কী, অথবা আরো ব্যাপকভাবে বলতে গেলে আর্ট কী, এ-সমস্যা প্লেটোর সময় থেকে বহু মতবাদ ও মতবিরোধের সৃষ্টি করেছে। সংক্ষেপে, এবং চাম্বুচ বৈচিত্র্যের চেয়ে মর্মগত ঐক্যের প্রতি অধিকতর মনোযোগী হলে, সেগুলিকে তিনটি শ্রেণীতে সাজানো যেতে পারে : পারমার্থিক, সামাজিক এবং স্বাশ্রয়ী।

পারমার্থিক। আর্টের স্বাতন্ত্র্যমণীলতায় বিশ্বাস প্রাচীন, তবে হেগেলের তুর্নিবার ব্যক্তিত্বের ছাপ পেয়ে উনিশ শতকের নন্দনশাস্ত্রে এর অসম্ভব পরিব্যাপ্তি দেখা যায়। এ. সি. ব্রাড্‌লি কাব্যের বিশুদ্ধতা ও অনগ্রাধীনতার পক্ষে একান্তি করতে গিয়েও স্বীকার করে ফেলেছেন যে কাব্যের মূল্য তার প্রকাশ্য রূপে নয়, সে-রূপের অতীত কোনো এক বৃহত্তর সত্তার ব্যঞ্জনা। এটা হেগেল-দর্শনের সেই অতিউদ্ধৃতিজীর্ণ বাক্যেরই প্রতিধ্বনি যে আর্ট হচ্ছে ইন্দ্রিয়গম্যের মধ্যে ইন্দ্রিয়াতীতের প্রকাশ। রবীন্দ্রনাথের সৌন্দর্যতত্ত্বও এই মতবাদের পরিধির মধ্যে এসে পড়ে। “আমার জগৎ সমস্ত আকাশের রঙ নীল করে, সমস্ত পৃথিবীর আঁচল শ্যামল করে, সমস্ত নক্ষত্রের অক্ষর উজ্জ্বল করে আছানের বাণী মুখরিত। এই নিমন্ত্রণের উত্তর দিতে হবে না কি? মানুষ তাই মধুর করেই বললে, ‘আমার হৃদয়ের তারে তোমার নিমন্ত্রণ বাজল। রূপে বাজল, ভাবনায় বাজল, কর্মে বাজল, হে চিরসুন্দর, আমি স্বীকার করে নিলাম’।” এই স্বীকৃতির স্বাক্ষর হচ্ছে তার কলা-সৃষ্টি। তাতে সে প্রকাশ করেছে তার অন্তরতম উপলক্ষিকে, ছন্দে মিলে রঙে রেখায় রূপ দিয়েছে সুন্দরের মধ্যে সত্যের আবির্ভাবকে। সাধকের বাণী শিল্পীর বাণীও বটে : তং বেদ্যং পুরুষং বেদ যথা মা বো মৃত্যুঃ পরিব্যথাঃ। একটি জায়গায় অবশ্য কবির সঙ্গে দার্শনিকের মত-বৈষম্য স্বাভাবিক। হেগেল মনে করেন সেই বেদনীয় পুরুষের সম্যকজ্ঞান দর্শনেই সম্ভব, আর্টে তার পরিচয় কেবল আভাসে ইঙ্গিতে। আর্টকে তাই তিনি দর্শনের প্রাথমিক ও অপরিণত রূপমাত্র বিবেচনা করেন। রবীন্দ্রনাথ নিশ্চয়ই বলবেন যে দার্শনিকের তত্ত্বব্যবসায়ী বুদ্ধি যেখানে এক ও বহু, সামান্য ও বিশেষ, প্রমাণ ও প্রতিভাসের শততর্কজালে জড়িয়ে

ভূমিকা

দিশাহারা হয়, সেখানে শিল্পীর রূপায়নিক উপলব্ধি সমস্ত তর্কবিতর্কের
হট্টগোল থেকে দূরে সরে গিয়ে শুনতে পায়

ভূমি একলা ঘরে বসে বসে কী সুর বাজালে

প্রভু আমার জীবনে ।

তোমার পরশরতন গেঁথে গেঁথে আমায় সাজালে

প্রভু গভীর গোপনে ।

সামাজিক । শিল্পীর উদ্দেশ্য ধর্মনৈতি প্রচার, এমন কথা সোজাস্বজি
কেউ না বললেও, আর্টের মত যে অনেক পরিমাণে নৈতিক, গত
শতাব্দীতে এই মত শেলি, গ্যার্ডসওয়ার্থ, তলস্টয় প্রভৃতির সমর্থন লাভ
করেছিল । আর্টের উপর মরালিটির দাবী বিংশ শতাব্দীতেও অস্বীকৃত
হয়নি, তবে তার স্বরূপ এখন ব্যক্তিক নয়, সামাজিক । ব্যক্তির চরিত্রোৎ-
কর্ষের চেয়ে সমাজের স্বনিয়ন্ত্রণকে এখন বড় ক'রে দেয়া হচ্ছে । সমাজ-
জীবনকে সব দিক থেকে পঙ্গু ক'রে রেখেছে ধনবন্টনের অব্যবস্থা এবং
বৃত্তিভোগী ও শ্রমজীবীর মধ্যে শ্রেণীবিভাগ, এ-বিষয়ে বড় একটা মতভেদ
নেই । আমাদের চিৎপ্রকর্ষের সমস্ত প্রেরণাকে আপাতত নিয়োগ
করতে হবে এই বিকলাঙ্গ সমাজের পুনর্গঠনের জন্য । কাজেই শিল্পীর
শুভানুধ্যানের ভিত্তি হবে অর্থনৈতিক, আধ্যাত্মিক নয় ।

মার্ক্সবাদী দৃষ্টিতে আর্টের কোনো চিরস্থান প্রতিমান থাকতে পারে
না । প্রত্যেক যুগের উৎপাদন ও বণ্টন পদ্ধতি সে যুগের সভ্যতা ও
সংস্কৃতিকে একটি বিশেষ ছাঁচে ঢেলে দেয় ; তাব রাষ্ট্রব্যবস্থা, আইন,
আচার, ধর্মনৈতি তো এর দ্বারা নিয়ন্ত্রিত বটেই, তার দর্শন বিজ্ঞান, তার
শিল্পকলা, তার অধ্যাত্মচর্চার উপরও এর ছাপ সাক্ষাৎ বা পরোক্ষভাবে
পড়ে । ফিউডল্ যুগে যদিচ মানুষের সঙ্গে মানুষের সম্বন্ধ ছিল ধনীনির্ধন
ও দাসপ্রভুর সম্বন্ধের দ্বারা কলুষিত, তবু তাতে একটি চিত্রল সততা এবং
মানবিক সম্পর্কের বিকাশ সম্ভব ছিল বলে তার আর্টের সঙ্কীর্ণ পরিসরের
মধ্যেও ফুটে উঠল অকপট প্রাণের শ্রামলিমা । রেনেসাঁসের সময়ে
যখন ধনতন্ত্রের প্রতিষ্ঠা হল, তখন তার নবীন রক্তে প্রকৃতির গুপ্ত ভাণ্ডার

আধুনিক বাংলা কবিতা

লুপ্তন ক'রে মানুষকে (যদিও অল্প সংখ্যক মানুষকে) দনশালী করবার তৎপরমূলভ বলিষ্ঠ উল্লাস ছিল। সেই বলিষ্ঠতা দেখা যায় তার নবনির্মিত সংস্কৃতির বহুবিস্তৃত শাখায় প্রশাখায়, ইটালির চিত্রে, ইংলণ্ডের সাহিত্যে, সমস্ত য়োরোপের জ্ঞানার্জনস্পৃহায়। কালক্রমে এর নবীনতা দৃঢ়, অগ্র-গতির অনুপ্রেরণা নিঃশেষ হল, উনিশ শতকের শ্রমবিপ্লবের ফলটুকু ভোগ করবার পর এর জীর্ণ দেহ আর প্যারিসীয় প্রসাদনে ঢেকে রাখা সম্ভব বইল না। ব্যক্তিসম্পর্কের শেষ চিহ্ন মুছে গিয়ে মানুষের সঙ্গে মানুষের সম্বন্ধ ঠেকল এসে অনাবৃত স্বাথের সম্বন্ধে। বাণীর মন্দিরে কুবেরের সিংহাসন পাকা হল; বিংশ শতাব্দীর কবির। **Hymn to Intellectual Beauty** না লিখে লিখতে বাধ্য হলেন

আমাদের কলুষিত দেহে

আমাদের দুর্বল ভীকু অন্তরে

সে উজ্জ্বল বাসনা যেন ভীকু প্রহার। (সমর সেন)

এই আশুবিলীয়মান সভ্যতার ধলিধসরিত পটভূমিকায় কিন্তু ফটে উঠছে নতুন এক সমাজের অরুণ রেখা। সে-সমাজের সংস্কৃতি কী রূপ ধারণ করবে, তার সাহিত্য তার শিল্প কী আদর্শ বরণ করবে, তা এখনো নিশ্চিত ক'রে বলবার সময় আসেনি। ইতিমধ্যে শিল্পীর কাজ পুরাতনের ভগ্নাবশেষ ঝেঁটিয়ে ফেলে নূতনের পথ পরিষ্কার করা। ইতিমধ্যে আট শ্রেণীসংগ্রামের অঙ্গরূপে ব্যবহৃত হবে, সর্বদেশকালের যে অধিপতি তাকে হতে হবে সামান্য সৈনিক। এতে যদি আমাদের বিশুদ্ধ শিল্পানুরাগ পীড়িত হয়, আমাদের পরমমূল্যবোধ যদি বিক্ষুব্ধ হয়, তা হলে আমরা ত্রুণ্ডির উক্তি স্মরণ করতে পারি : **It is society itself which under communism becomes the work of art.**

স্বাশ্রয়ী। এর প্রায় বিপরীত মত প্রকাশ করেছেন ক্রোচে এবং কলিংউড। চিত্র বা কাব্য তাঁদের কাছে বিশুদ্ধ কল্পনা, সামাজিক পরিবেশ থেকে সম্পূর্ণ বিচ্ছিন্ন তো বটেই, বহির্জগতে কোনো কিছু

ভূমিকা

সঙ্গে তার ক্ষীণতম সম্বন্ধ নেই, বাস্তব অবাস্তব কোনো বিশেষণই তাতে প্রয়োগ করা যায় না। আমাদের ধ্যানদৃষ্টি যখন তাতে নিবদ্ধ তখন আমাদের চিন্তা অপরাপর সকল বিষয়ের অবগতি থেকে আকৃঙ্কিত হয়ে অব্যাহত একাগ্রতা লাভ করে তারই মধ্যে, অন্য কিছুর চৈতন্যের অবকাশ তখন থাকে না। বাস্তব সে নয়, কারণ কোনো জিনিষকে বাস্তব বলা মানেই আর সমস্ত জিনিষের সঙ্গে তাকে কতকগুলো নিত্য ও সার্বভৌম নিয়মের সূত্রে গ্রথিত করা। অবাস্তবও তাকে বলা চলে না, কারণ অবাস্তব তাই যার ব্যবহার জাগতিক নিয়মের ব্যতিক্রম, যা অপ্রত্যাশিত, উৎশৃঙ্খলিত। যেমন দর্শনে সর্পভ্রম। সে-সর্প আপন জৈব ধর্ম পালন করে না, ছোবলায় না, পালায় না, কাজেই তাকে বলি অবাস্তব। কিন্তু শিল্পীর রচনাকে আমরা বস্তুবিশ্ব থেকে পৃথক করে দেগি, তাতে বাস্তবের কোনো নিয়ম আরোপই করি না। অবশ্য তাব সঙ্গে শিল্পীর সমাজের, সে-সমাজের আর্থিক সংস্থানের, তার পূর্ব ইতিহাসের সম্বন্ধ এক দিক থেকে ক্রোচেও স্বীকার করেন। তবে সে-সম্বন্ধের কথা যখন আমরা অবগত, তখন আমরা ঐতিহাসিক বা সমালোচক, রূপদ্রষ্টা নই। তখন শিল্পরচনা ঐতিহাসিক ঘটনা মাত্র, তার শিল্পরূপ আমাদের তথ্যসম্বানী ও তত্ত্ববিশ্লেষণী দৃষ্টির দ্বারা সমাচ্ছন্ন। কিন্তু রসানুভূতির মধ্যে যখন তাকে পাই, তখন তার সঙ্গে সমাজের বা বস্তু-জগতের কোনো যোগাযোগ নেই, সে স্বতন্ত্র, স্বয়ংসম্পূর্ণ।

প্রাণধর্মের অনুশাসন থেকে আমরা দুটি দিকে মুক্তির পথ পেয়েছি, দর্শনে আর শিল্পকলায়। দর্শন বিশুদ্ধ **concept**-সমূহের বিচারের মধ্যে অন্তঃসঙ্গতি গানতে চায়; শিল্পীর কারবার **image** নিয়ে। এই মানসপুতুলগুলিকে সে খুশীমত ভাঙে আর গড়ে, সাজায় আর গুছায়। সে-ভাঙাগড়ার খেলায় একমাত্র তার মনোগত সৌন্দর্যের দাবী ছাড়া আর কিছুই সে মানে না, ব্যবহারজগতের কোনো বিধি সে পালন করে না। জৈববিজ্ঞানের আধিপত্য থেকে সে মুক্ত। আমাদের আটপৌরে জীবনের সমস্ত অভিজ্ঞতা, সমস্ত উপলব্ধি উদ্বর্তনের মৌল অনুপ্রেরণার বশীভূত : আমরা প্রয়োজনের দাস। সে-দাসত্বের শৃঙ্খল মোচন করতে

আধুনিক বাংলা কবিতা

পারে শিল্পী। রসের অন্তর্ভুক্তি মুক্তির অন্তর্ভুক্তি; তাঁর সার্থকতা, তার পরিপূর্ণতা এইখানে।

বহু মতবাদের মধ্যে তিনটি প্রতিভ মতের উল্লেখ করা গেল। এগুলির সত্যাসত্য নির্ধারণের চেষ্টা কিম্বা আপেক্ষিক বিচার এখানে সম্ভব নয়। তবে এটা নিশ্চিত যে এর কোনো নিষ্পত্তি না হলে, কাব্যতত্ত্ব সম্বন্ধে অংশতও কোনো মতস্থৈর্য না ঘটলে, কবিতার ভালমন্দ যাচাই নিতান্ত ব্যক্তিগত খাম্পেয়াল, তাতে সর্বসম্মতির দাবী করতে যাওয়া হয় যত্নতা নয় অহঙ্কার। সে-যাচাই আমরা যে-রূপদক্ষ কচি দিয়ে করি তা সেই রসনা-রুচির সগোত্র যার কল্যাণে কেউ আম খেয়ে সুখ পান, কেউবা আমসত্ত্ব পছন্দ করেন।

* * * *

আধুনিক বাংলা কবিতা ঠিক কোনখান থেকে আরম্ভ হয়েছে বলা শক্ত। প্রাচীন ও আধুনিকেব মাঝখানে সব জায়গায় প্রাকৃতিক সীমানা খুঁজে পাওয়া যায় না। কালের দিক থেকে মহাযুদ্ধ-পরবর্তী, এবং ভাবের দিক থেকে রবীন্দ্রপ্রভাবমুক্ত, অন্তত মুক্তিপ্রয়াসী, কাব্যকেই আমরা আধুনিক কাব্য বলে গণ্য করেছি। বর্তমান শতাব্দীর প্রথম দুই দশকের কবিতা যে মোটের উপর রবীন্দ্রকাব্যেরই প্রতিধ্বনি, এতে সন্দেহ করা চলে না, এবং আক্ষেপও করা যায় না যখন আমরা স্বরণ করি, রবীন্দ্রনাথের প্রতিভা বাংলার মতন দীন সাহিত্যকে ঋদ্ধির কোন স্তরে নিয়ে এসেছে। তৃতীয় দশকে নাজরুল ইসলাম, যতীন সেনগুপ্ত প্রভৃতির শক্তি ও সাহসের ফলে সে-সর্বজয়ী প্রতিভার একচ্ছত্র সাম্রাজ্যে বিদ্রোহ ঘোষণা ক'রে নবীন বাঙালী কবিদের নিজেকে চিনবার এবং চেনাবার স্বেযোগ দেখা দিল। রবীন্দ্রনাথ স্বয়ং বিদ্রোহী দলে যোগ দিয়ে তাকে আশাতীত মর্যাদা দান করলেন। গদ্যরীতির প্রচলন ক'রে, কাব্যের বিশিষ্ট ভাষা বর্জন ক'রে, কবিকুলপরিত্যক্ত “অসুন্দর” প্রাকৃতিক ও মানবিক পরিবেশকে গ্রহণ ক'রে, তিনি নিজের ঐতিহ্য নিজেই ভেঙেছেন। তার স্থানে নতুন কোনো ঐতিহ্য এখনো গ'ড়ে

ভূমিকা

ওঠেনি, অদূর ভবিষ্যতে গ'ড়ে ওঠবার কোনো লক্ষণও দেখা যাচ্ছে না। মুদ্রপারবর্তী মেজাজ ঐতিহ্যগঠনের অন্তকল নয়।

আধুনিক বাংলা কবিতা যে আধুনিক ইংরেজী কবিতার দ্বারা বহুল পরিমাণে প্রভাবান্বিত, একথা অস্বীকার করবার উপায় নেই। এদিকে মধুসূদন দত্তই পথপ্রদর্শক। অষ্টাদশ শতাব্দী পর্যন্ত বাংলা কাব্যে দুটি মূল ধারা প্রবাহিত ছিল, বৈষ্ণব ও মঙ্গলকাব্যের ধারা। মঙ্গলকাব্যের দেশজ রূপ ভারতচন্দ্রের হাতে সংস্কৃত হয়ে দরবারী সূক্ষ্মতা, ছন্দচাতুরী ও অলঙ্কারবাসন লাভ করেছিল। মধুসূদনের সময়ে ভারতচন্দ্রই সব চেয়ে প্রতিষ্ঠালব্ধ ও অন্তকরণযোগ্য কবি ছিলেন। এ ছাড়া তখন দাশরথী রায়ের পাঁচালী আর বামপ্রসাদের শ্যামাসঙ্গীত ছিল জনপ্রিয়তার দিকে অঙ্গুলি নির্দেশ ক'রে। মধুসূদনের ব্যক্তিত্ব কিন্তু প্রাদেশিকতার কোনো সীমানাই মানল না, যে-পথে বেরিয়ে পড়ল তার পাথেয় তিনি সংগ্রহ করলেন সমুদ্রের ওপার থেকে, হোমর ভার্জিল্ মিল্টনের কাছ থেকে। এর জন্তে তাঁকে বিস্তর গালাগাল সহ্য করতে হয়েছিল। গালাগাল কিন্তু টিকল না, টিকে রইল তাঁর দুঃসাহসিক অবদান। রবীন্দ্রনাথ এসে বাংলার প্রাচীন কাব্যের একটি ধারাকে পুনঃপ্রতিষ্ঠিত করলেন, বৈষ্ণব ভক্তি ও ভাবাদ্বিতা ফিরিয়ে নিয়ে এলেন, তার সঙ্গে যুক্ত করলেন লোক স্কলের প্রকৃতিবন্দনা, তাতে কিছু আমেজ দিলেন উপনিষদী অধ্যাত্মরসের। সমস্তকে নির্মল ক'রে উজ্জ্বল ক'রে রইল এবশ্ব তাঁর বিশিষ্ট প্রতিভার রশ্মিধারা। আজ তৃতীয় দফায় বাংলা কবিতা প্রতীচীর কাছে ঋণী। এবার কিন্তু উত্তমর্গর। সমসাময়িক, মিল্টন বা ওয়ার্ড্‌সওয়ার্থ শেলি-র সার্বজনীন প্রতিষ্ঠা তাঁদের এখনো গ'ড়ে ওঠেনি।

সাম্প্রতিক য়োরোপে, অস্তত ইংরেজী ও ফরাসী সাহিত্যে, দুটি প্রায় বিপরীত আন্দোলনের প্রভাব সব চেয়ে প্রবল, প্রতীকী (symbolist) এবং সাম্যবাদী। প্রতীকী আন্দোলন রোম্যান্টিসিজ্‌ম্-এরই পুনরাবর্তন, তবে তার সঙ্গে এর মিল যতখানি, গরমিলও তার চেয়ে কম নয়। ক্লাসিক যুগের বুদ্ধিপ্রবণ ও ভঙ্গিপ্রধান সাহিত্যের প্রতিবাদস্বরূপ এসেছিল

আধুনিক বাংলা কবিতা

রোম্যান্টিসিস্টদের কল্পনা ও আবেগের উচ্ছ্বাস, এবং ড্রাইডেন পোপ কিম্বা রাসিন মলিয়েরের লেখার মধ্যে সমগ্র সমাজকে সাহিত্যে ফুটিয়ে তুলবার যে চেষ্টা ছিল, তার বিরুদ্ধে বিদ্রোহ করেই ওয়ার্ডস্‌ওয়ার্থ শেলি যুগো নিজের উপলব্ধিকে, নিজের বিশিষ্ট মনোভঙ্গিকে বড় করে দেখলেন। ওয়াইটহেড মনে করেন যে সপ্তদশ শতকের নবগঠিত জড়বিজ্ঞানের অভাবনীয় সিদ্ধির ফলে মেকানিস্টিক দৃষ্টিভঙ্গি সবব্যাপী হয়ে উঠেছিল, ক্লাসিসিজম তারই সাহিত্যিক প্রতিবিম্ব। এই সূত্র ধরে উইলসন বলতে চান যে উনিশ শতকের মধ্যভাগে জীববিজ্ঞানের পরিণতির সঙ্গে ক্লাসিসিজম-এর দ্বিতীয় অভ্যুদয় হল, এবার কিম্ব পদ্যের চেয়ে ইব্‌সেন ফ্লোবের প্রভৃতির গদ্যেই তা স্পষ্টতর। কিম্ব উনিশ শতকের বিজ্ঞান ও বিজ্ঞানী দর্শনের আত্মস্মৃতি এতই উত্ত্বুঙ্গ হয়ে উঠেছিল যে তল্লকালেব মতো তার অনিবাঘ ব্যর্থতাবোধের ফলে, বুদ্ধির সার্বভৌম শক্তির উপর ভরসা বইল না, বেগস ব্র্যাডলি প্রভৃতি বোধির চর্চায় মনোনিবেশ করলেন। সাহিত্যে এর পরিণাম প্রতীকী আন্দোলন। বুদ্ধিকে অস্বীকার করে আবার আবেগ ও কল্পনার আধিপত্য এলো, আবার ঝাঁক পড়ল শিল্পীর ব্যক্তিত্বের উপর। রোম্যান্টিসিস্টদের ভাষাগত শৈথিল্য কিম্ব গেল ঘুচে, উপমা উৎপ্রেক্ষা প্রয়োগে শৈলীয় অনবহিতি সযত্নে বর্জিত হল। ক্লাসিসিস্টদের কাছ থেকে শেখা বাক্যবিজ্ঞানে চোস্ত বলিষ্ঠতা অটুট রইল, এবং কাব্যকে আরও প্রকাশক্ষম করা হল ভাষাগত সর্ববিধ শুচিবায়ু পরিভ্যাগ করে, শুঁড়িখানার কথোপকথনের সঙ্গে রাজকীয় সালঙ্কার সম্ভাষণের নির্ভীক সমাবেশ ঘটিয়ে। এদিক থেকে লোক স্কুলের কবিদের চেয়ে এলিজাবীথীয় নাট্যকারগণের সঙ্গে এঁদের সাদৃশ্য অধিক।

প্রতীকী কবিদের ভাষাব্যবহারে যে-গুণটা সব চেয়ে চোখে পড়ে সেটা হচ্ছে তার অভূতপূর্ব নির্বাহিত্য। শব্দচয়ন এঁদের এত নিখুঁত এবং বাক্যনির্মাণ এত ঘন যে এলিয়টের পক্ষে সম্ভব হয়েছে আন্ত একখানি উপন্যাসকে **Portrait of a Lady**-র মত ছোট কবিতায় সন্নিবিষ্ট করা। এতখানি ক্ষিপ্ৰগতির জন্য অবশ্য উল্লেখ ও উল্লেখের

ভূমিকা

সাহায্য প্রায়ই নিতে হয়, ইংরেজি এবং অন্যান্য প্রধান সাহিত্যের সঙ্গে পাঠকের বিস্তৃত পরিচয় আবশ্যিক হয়ে পড়ে। ফলে কবিতার যে পূর্বতন প্রাঞ্জলতা ও অনায়াসবোধ্যতায় আমরা অভ্যস্ত তা অনেক পরিমাণে অবলুপ্ত। কোনো এক জনপ্রিয় মাসিকের সম্পাদক নাকি বিষ্ণু দেব একটি কবিতার অর্থবিভ্রাটে পড়ে সেটাকে চারিদিক থেকে চৌষটি বার পড়েছিলেন। এই প্রশংসনীয় অধ্যবসায়টি বাহুল্য হলেও এটা সত্য যে, কোনো কোনো ইংরেজ এবং বাঙালী কবির লেখা পড়তে গেলে রসানুভূতির আনন্দের সঙ্গে হেঁয়ালি ভাঙবার কৌতুক এবং কষ্ট একাধারে ভোগ করতে হয়। এঁরা বাহুল্য বর্জনের অজুহাতে সিনেমা প্রযোজকদের **cutting** পদ্ধতি অনুসরণ করে কবিতার যেখানে সেখানে কাঁচি চালিয়ে যান। সে ছেঁটে ফেলা অংশগুলি পাঠককে নিজ গুণে পূরণ করে নিতে হয়, নইলে বাঙালী কবিতাও তিব্বতী মন্ত্রের মত শোনায়। এই পদ্ধতিকে আমি নিন্দার বলতে চাই না, পাঠকের কাছ থেকে লেখক কিছু সহযোগিতা প্রত্যাশা করতে পারে বৈ কি। বিষ্ণু দেব ক্রেসিডা বা জন্মাষ্টমীর মত অর্থঘন কবিতায় এর চরিতার্থতা বিস্ময়কর। কিন্তু তাঁরই কোনো কোনো দুর্বল কবিতায়, এবং তাঁর অনুকারকদের অনেক কবিতায়, এর আতিশয্য লেখক ও পাঠক উভয়ের পক্ষেই শোকাবহ হয়েছে।

রচনাভঙ্গিতে রোম্যান্টিসিস্টদের সঙ্গে প্রতীকীদের বৈষম্য যত প্রকট হোক, বিষয়ের দিক থেকে এঁরাও অনুরাশ্রয়ী অভিজ্ঞতা ও অনুভূতির পক্ষপাতী। তফাৎ বরঞ্চ এই যে এঁরা নিজের ব্যক্তিত্ব সম্বন্ধে অধিকতর সজ্ঞান, নিজেকে নিয়ে আরও বেশী ব্যাপৃত। অনেক সময়ে এঁদের লেখা এমন একান্ত ব্যক্তিগত উপকরণের দ্বারা ভারাক্রান্ত থাকে যে লেখক ও পাঠকের মধ্যে ভাববিনিময় প্রায় অসম্ভব হয়ে পড়ে। সিম্বলিজম্-এর সংজ্ঞা দিতে গিয়ে উইলসন্ লিখেছেন, “It is an attempt by carefully studied means—a complicated association of ideas represented by a medley of metaphors — to communicate unique personal feelings.” এই

আধুনিক বাংলা কবিতা

উপমাপুঞ্জের সাহায্যে কোনো স্থনির্দিষ্ট সাধারণের বোধগম্য অর্থ প্রকাশ করাকে প্রতীকী কবিরা অনাবশ্যক জ্ঞান করেন। বরঞ্চ এঁদের বিশ্বাস যে কবিতার স্বনি ও রূপকল্পের সঙ্গে একটি শৃঙ্খলিত গায়ুক্তিসঙ্গত অর্থ জুড়ে দিলে তার উপর অযথা ভার চাপিয়ে দেওয়া হয়, বিশুদ্ধ আবেগ বহন করবার স্বাচ্ছন্দ্য তার সঙ্কচিত করা হয়।

“The chief use of the ‘meaning’ of a poem, in the ordinary sense, may be to satisfy one habit of the reader, to keep his mind diverted and quiet, while the poem does its work upon him : much as the imaginary burglar is always provided with a bit of nice meat for the house-dog. This is a normal situation of which I approve. But the minds of all poets do not work that way ; some of them assuming that there are other minds like their own, become impatient of this ‘meaning’ which seems superfluous, and perceive possibilities of intensity through its elimination.”

(T. S. Eliot)

সাধারণ অভিজ্ঞতার জগতের দিকে ভাষার সমাজপ্রদত্ত আভিপাতিক নির্দেশকে বিলপ্ত ক’রে, ভালেরি, এলিয়ট, য়েট্‌স্ প্রভৃতি তাঁদের কাব্যলোকের চারিদিকে একটি অগণ্ড শূন্যতা রচনা করেছেন : এর ক্রয়েডীয় ব্যাখ্যাও সম্ভব, তবে মার্কেসের অর্থনৈতিক বিশ্লেষণের মধ্যেই এর পূর্ণতর হৃদিস্ পাওয়া যায়। ধনতন্ত্রের সম্প্রসারণের যুগে সংস্কৃতির অবকাশ ছিল, প্রয়োজনও ছিল। আজ তাকে আগাছার মতন ছেঁটে ফেলা হচ্ছে। চিত্রে কাব্যে দর্শনে বিজ্ঞানে লোকহিতৈষণায় সর্বত্র যে-প্রাণরসধারা প্রবাহিত ছিল তার উৎস শুকিয়েছে। ধনতন্ত্রী সমাজ এখন রুদ্ধগতি এবং প্রতিক্রিয়াশীল। তার অস্তুর্নিহিত সঙ্কট তাকে চতুর্দিক থেকে আক্রমণ করেছে, আত্মরক্ষার শেষ চেষ্টায় জলে স্থলে

ভূমিকা

অন্তরীক্ষে সে আজ অপ্রসজ্জিত. মারণব্রতী। বাইরের যখন এই অবস্থা,
য়েট্‌স্-এর ভাষায় যখন

“The blood-dimmed tide is loosened, and everywhere
The ceremony of innocence is drowned.”

তখন যদি কবির বিভ্রান্ত দৃষ্টি আপন অন্তরলোকের সূক্ষ্মাতিসূক্ষ্ম ভাব
ও আবেগের রহস্যব্যঞ্জনায়ে ব্যাপ্ত থাকে, তা হলে আশ্চর্য হবার
কিছু নেই।

স্বধীন্দ্রনাথ দত্তের কোনো কোনো কবিতায় এই “পলায়নী” মনোবৃত্তি
ধরা পড়ে। তাঁর বেলায় কিন্তু সন্দেহ করবার হেতু রয়েছে যে তাঁর
সমাজবিমুগ্ধতা সামাজিক কারণে নয়, স্বভাবজ। তাঁর মনের নির্মিতাই
ভাবুক। ‘অতএব’, ‘কিন্তু’ প্রভৃতি শব্দের দ্বারা সংযোজিত পদবিগ্ৰাস
তাঁর কবিতায় আমরা প্রায়ই লক্ষ্য করেছি, এবং সবিস্ময় আনন্দবোধ
করেছি যখন তিনি রসশাস্ত্রের দাবী ও অনীক্ষাশাস্ত্রের বিধি যুগপৎ অক্ষুণ্ণ
রেখে স্বচ্ছন্দে কাব্য রচনা ক’রে গেছেন। তাঁর অভিজ্ঞতা আধুনিক
যে-কোনো বাঙালী কবির তুলনায় গভীর এবং বাস্তব, কিন্তু অভিজ্ঞতার
বিষয়ের চেয়ে অভিজ্ঞতার ভঙ্গিটাই তাঁর অন্তব্যবসায়ী মনকে আকৃষ্ট করে
বেশি। তবে সাম্যবাদের হাওয়া আজকাল এমনই বেগে বইছে যে তাঁর
অন্তঃসলিল মননধারাও নিস্তরঙ্গ থাকতে পারেনি, নিজের স্বভাবের প্রতি
বিদ্রোহ ক’রে বলেছে—

তাই অসহ্য লাগে ও-আত্মরতি,

অন্ধ হলে কি প্রলয় বন্ধ থাকে ?

স্বধীন্দ্রনাথের প্রত্যেকোন্মুখ দৃষ্টি কিন্তু এই আসন্ন প্রলয়ের মধ্যে নবসৃষ্টির
সূচনা দেখছে না, দেখছে শুধু

ব্যাপ্ত মোর চতুর্দিকে অনন্ত অমার পটভূমি,

সবি সেথা বিভীষিকা, এমন কি বিভীষিকা তুমি ॥

বিষ্ণু দেব চিন্তা এতখানি আত্মকেন্দ্রিক নয়, কিন্তু তাঁর সমাজবোধও
নেতিবাচক, **negative emotion**-এর দ্বারা পরিচালিত। সমাজের চেতনা

আধুনিক বাংলা কবিতা

হয় তাঁর বিদ্রূপের সমস্ত শাণিত অঙ্গগুলিকে উত্তর করে তোলে, নয় তাঁর অতি-আধুনিক অতি-সাবধান মনের উপর গভীর বিরক্তি ও বিষাদের ছায়া ফেলে :

ভুলেছ কি নব নব পথের নির্মাণে
পরিক্রমা হয় না কো শেষ,
প'ড়ে থাকে সেই যক্ষপ্রশ্নকটকিত রুক্ষ দেশ ।
- নিয়ে যাবে বল কোন্ সঙ্গীহীন নব হতাশ্বাসে ।
মিনতি আমার
যাত্রা কর রোধ ।
এক ক্লান্তি হতে যাবে আর ক্লান্তি-দেশে, নব প্রতিভাসে
যাত্রা কভু যাবে না থমকি ।

এই কবির রচনা ইতিমধ্যে আমরা যা পেয়েছি তার মূল্য কিছু কম নয়। কিন্তু এখনও তিনি নিজেকে প্রকাশ করতে পেরেছেন বলে মনে হয় না। তাঁর নিত্যনবপরীক্ষানিরত লেখনীর মধ্যে যে-মহৎ কবিতার শুধু প্রতিশ্রুতি নয় অঙ্গীকার রয়েছে, তা তাঁকে অনেকাংশে এড়িয়েই চলেছে, সম্ভবত এই জন্য যে তাঁর বিচিত্র অভিজ্ঞতা ও উপলব্ধি এখনো কোনো অগুণ দৃষ্টিভঙ্গির মধ্যে দানা বাঁধেনি।

আমাদের দেশে যারা সাম্যবাদী কবিতা লিগতে শুরু করেছেন তাঁদের মধ্যে এক দল হচ্ছেন যারা ভাব কিম্বা ভঙ্গি কোনো দিক থেকে কবি নন। এঁরা যে-কর্তব্যবোধের প্রবর্তনায় গোলদীঘি থেকে সুদূর পল্লীগ্রাম পর্যন্ত সভাসমিতি করে বেড়ান, দৈনিক সাপ্তাহিক কাগজে প্রবন্ধ লেখেন, জেল খাটেন, সেই প্রবর্তনার বশেই কবিতা লিখছেন। এতে তাঁদের প্রপাগ্যান্ডার কাজ কতখানি হাসিল হয় বলা শক্ত, তবে বিশুদ্ধ সাহিত্যানুরাগী ব্যক্তি তাঁদের সাহিত্যপ্রচেষ্টাকে সন্দেহের চোখে না দেখে পারে না। অবশ্য বিশুদ্ধ সাহিত্যানুরাগকে বৃহত্তর কোনো অনুপ্রেরণার জন্য পথ ছেড়ে দিতে হতে পারে, সে সম্ভাবনার কথা পূর্বেই উল্লিখিত হয়েছে। অন্য দিকে সাম্যবাদী দলে সমর সেনের মত নিঃসন্দ্বিগ্ন কবিও রয়েছেন, এবং সুভাষ মুখোপাধ্যায়ের কাব্যকৌশল

ভূমিকা

অত্যন্ত নির্বিকার বৃজোয়া পাঠকদের কাছ থেকেও প্রশংসা অর্জন করতে পেরেছে। এঁরা প্রায় বালক বয়সেই অঙ্ককারকের দল সৃষ্টি করে (সমর সেনের তো রীতিমত একটি স্কুল গ'ড়ে উঠেছে) আধুনিক বাংলা কাব্যে আসন পাকা করেছেন। এঁদের সম্ভাবনা প্রচুর, কিন্তু সিদ্ধি এখনও এতটা নিশ্চিত নয় যে তাঁদের লেখা সম্বন্ধে—তথা সাম্যবাদী বাংলা কবিতা সম্বন্ধে—আমরা কোনো স্থির সিদ্ধান্তে পৌঁছতে পারি। হয় তো এঁরাই অদূর ভবিষ্যতে প্রমাণ করবেন যে আধুনিক কালের শ্রেষ্ঠ কবিতা ব্যক্তিত্বচেতনা-সম্পন্ন নয়, সমাজবোধের উপর প্রতিষ্ঠিত। তার জন্ম কবির চাই শ্রমিক ও কৃষকশ্রেণীর সঙ্গে নিরবচ্ছিন্ন সংযোগ, চাই ডায়ালেক্টিক দৃষ্টি, চাই ইতিহাসের অর্থনীতিমূলক ব্যাখ্যায় বিদগ্ধ।

আধুনিক বাংলা কবিতা থেকে রোম্যান্টিক মনোভাব অন্তর্হিত এখনও নিশ্চয়ই হয়নি, তবে অন্তর্ধানের পথে চলেছে। পূর্বতন সমস্ত প্রথার ছোয়াচ বাঁচিয়ে চলাই হালের ফ্যাশান। সে-ফ্যাশনের প্রতি ক্রম্বেপ না করে বৃদ্ধদেব বসু উনিশ শতকের খেয়ালী সুরকে সাহস এবং কৃতিত্বের সঙ্গে বাঁচিয়ে রেখেছেন। অবশ্য বিশ শতকের রোম্যান্টিসিজ্‌ম উনিশ শতকের ধ্যোমাত্র হতে পারে না; যদি হয় তা হলে বুঝতে হবে যে, কবির ইন্দ্রিয় অসাড়, তার মন অসংবেদনশীল। কবিতার প্রগতি সম্বন্ধে যতই তর্ক উঠুক, তার পরিবর্তন অবিসংবাদিত। বৃদ্ধদেবের খেয়ালী মনও তাই মাঝে মাঝে বিংশ শতাব্দীর আত্মজিজ্ঞাসায় পীড়িত হয়, অমৃতসুপ্ত পুত্রদের ভাগ্য সম্বন্ধে সন্দিহান হয়ে ওঠে। তবে সমরোত্তর যুগের মানসিক ও সামাজিক উপপ্লব তাঁর চিত্তকে স্পর্শ করলেও তেমন ক'রে অধিকার করেনি যেমন করেছে স্বধীন্দ্র দত্ত কি বিষ্ণু দেব চিত্তকে। **Eternal verities** নিয়ে ব্যস্ত থাকবার মত মনঃসঙ্কলন এখনো তাঁর রয়েছে। বিশেষ করে, তিনি যে এখনো প্রেমের কবিতা লিখছেন এটা সৌভাগ্য বলেই গণ্য করি। বিষ্ণু দেব সতর্ক বাণী সত্ত্বেও যে “প্রেমে পতন ছাড়া কিছুই নেই,” আশা করি আমরা এখনও প্রেমে প'ড়ে থাকি। অথচ ঐ কথাটা উল্লেখ করতে আধুনিক কবিরা ঘণা বোধ করেন, যদি না ব্যঙ্গের গরজ থাকে। অবশ্য যে-সাহিত্য “সখি, কী পুছসি

আধুনিক বাংলা কবিতা

অনুভব মোয়,” “স্বথের লাগিয়া এ ধর বাঙ্কিলু,” “হে নিরুপমা”, “বোলো, তারে বোলো”, কিম্বা রবীন্দ্রনাথের অসংখ্য অনবদ্য গানে সমৃদ্ধ, সে-সাহিত্যে প্রেমের কবিতার অকুলান আছে এমন কথা বলা চলে না। কিন্তু তাই ব’লে কি ঐ শব্দটা কাব্যসাহিত্য থেকে আজ একেবারেই নির্বাসিত হয়ে যাবে? সব জিনিষের অবশ্যস্বাবী পরিবর্তনে যখন আমরা বিশ্বাসী, তখন কেমন ক’রে বলতে পারি যে মানুষের প্রেম বৃত্তিটাই যুগে যুগে অবিকল থাকে। নতুন কবিরা যদি নতুন ক’রে প্রেমের কবিতা না লেখেন তা হ’লে আমাদের একালের মনের কথা যে মনেই থেকে যায়, প্রকাশের আনন্দ পায় কেমন ক’রে?

আবু সয়ীদ আইয়ুব

২

এ সঙ্কলনের সার্থকতা সম্বন্ধে হয়তো বহু প্রশ্ন উঠবে, আর বিশেষ করে প্রশ্ন তুলবেন তাঁরা, যারা আধুনিক বাংলা কবিতাকে কবিতা বলে মানতেই রাজী নন। যে ধরণের কবিতা কিছুকাল থেকে লেখা হচ্ছে আর যার পরিচয় দেওয়াই এ সঙ্কলনের উদ্দেশ্য, তাকে বিদ্রোপ করবার লোকের অভাব এদেশে নেই। এমনও হয়তো অনেকে আছেন, যারা অধিকাংশ আধুনিক কবির লেখাকে বেয়াড়া মনের বেয়াদবি মনে করে থাকেন, আর ভাবেন যে এই কুপথ্য দিয়ে মুখ বদলাবার নেশা বেশী দিন টিকতে পারে না। আর আমাদের এই মাস্কাতাগম্বী দেশে নতুন কিছু দেখলেই অনেকে খড়্গহস্ত হয়ে ওঠেন, ত্রিকালদর্শী ঋষিদের কৃপায় সমাজ ব্যবস্থার রঞ্জুতে আমাদের সমাজচৈতন্যকে সঙ্কীর্ণতম পরিধির মধ্যে বেঁধে রাখা হয়েছে বলে বর্তমান যুগের অস্থির, অশান্ত, পথান্বেষী সমাজের ছায়া সাহিত্যে দেখলে অভিশাপ তাঁদের জিহ্বাগ্রে এসে পড়ে।

ভূমিকা

কাব্যের স্বাধিকারপ্রত্যর্পণের জন্ত রবীন্দ্রনাথ যখন প্রচলিত প্রথার অঙ্কুশ থেকে তাকে আলোকে টেনে আনছিলেন, তখন তাঁকে অর্বাচীন অপোগণ্ড বলে ঝাঁরা উপহাস করেছিলেন, অপমান করেছিলেন, তাঁদের উত্তরাধিকারীদের সংখ্যা নগণ্য নয়। দুঃসাহসীর দোহাই দিয়ে বা নিছক নিন্দাবাদের জোরে তাঁরাই আজকের কবিতা দেখে নাসিকাকুঞ্জন করছেন, সহজ তাচ্ছিল্যের সরস ব্যাখ্যান দিয়ে সাধারণ পাঠকের মনোরঞ্জন করছেন। অবশ্য আধুনিক কবিতাকে আসামীর কাঠগড়ায় খাড়া করলে নানান দফায় অভিযোগ পেশ করা চলে। কিন্তু কাব্য-বিচারের কাণ্ডনে জ্বরদস্তির ভাগ যে অনেকটা কম, তা ভুলে চলে না, আর আধুনিক কবিতার বহু অপকর্ষ সম্বন্ধে যুগাবর্তের উৎকর্ষিত লক্ষণ এবং কাব্যসিদ্ধির সম্ভাবনা আছে বলেই এ সঙ্কলনের সার্থকতা রয়েছে।

বাংলার কবিকাহিনী নিয়ে বাঙালীর আত্মপ্রসন্ন অহঙ্কার সমীচীন কিনা সে-আলোচনার এখানে প্রয়োজন নেই। আমাদের সৌভাগ্য যে রবীন্দ্রনাথের অমিত প্রতিভা আজও অপরিমিত; তিনি শুধু জ্যেষ্ঠ নন, তিনি শ্রেষ্ঠ, তাই বিনয়রহিত কনিষ্ঠদের আশীর্বাদ করতে তিনি কুণ্ঠিত হন নি, স্বসৃষ্ট ঐতিহ্যের বিরুদ্ধে যে দুঃসাহসীরা বিদ্রোহ করতে চেয়েছিল, তাদেরই দলে যোগ দিতে সঙ্কোচ করেন নি। রবীন্দ্রপ্রভাব থেকে অল্পবিস্তর ঝাঁরা মুক্ত হয়েছেন বা হতে চেষ্টা করেছেন, তাঁদেরই লেখা থেকে এ সঙ্কলন, অথচ এখানে সর্বাত্মে পাওয়া যাবে সর্বাগ্রগণ্য রবীন্দ্রনাথকে।

রবীন্দ্রপ্রভাব থেকে মুক্তির প্রয়াস মাত্রই যে শ্রদ্ধের, তার কোন অর্থ নেই। আর সে-প্রভাবকে সম্পূর্ণ বর্জন করার চেষ্টা হচ্ছে হাশ্বকর ব্যাপার। রবীন্দ্রনাথের ভাষা আজ সকল বাঙালীর সম্পত্তি; রবীন্দ্রনাথ পড়ি নি বা ভুলে গেছি বলে বড়াই করা হয় অনুভবাদন, নয় দুঃশীলতা। যে সাহিত্যিক ঐতিহ্যে রবীন্দ্রনাথের অবদান অপরিমিত, সে-ঐতিহ্যের সঙ্গে অপরিচয় হচ্ছে সাহিত্যসৃষ্টির পথে মারাত্মক প্রতিবন্ধক। কিন্তু আজ একথাও স্বীকার না করে চলে না যে সে-ঐতিহ্যের ছত্রছায়ায় কাব্যরচনায় এখন বিড়ম্বনা ঘটছে, যে বৃহৎ বিচিত্র বাধাহীন লীলা-

আধুনিক বাংলা কবিতা

জগতে নানা আশ্বাদনে নিজেকে উপলব্ধি করতে চেয়ে রবীন্দ্রনাথ সাহিত্যসৃষ্টি করতে পেরেছেন, সে-জগতের দ্বার রুদ্ধ হয়ে গেছে। সূর্যোদয় আর সূর্যাস্ত আর আকাশ থেকে ধরণী পর্যন্ত সৌন্দর্যের যে প্লাবন, তার মধ্যে কোনো জ্বরদস্ত পাহারওয়ালার তক্কার চিহ্ন রবীন্দ্রনাথ আগে দেখেন নি কিন্তু আজ সে তক্কা যেন দৃষ্টির পথে অস্তরায় হয়ে পড়েছে। তাই গত বিশ বছরের কবিতায় এত গ্লানি, এত জিজ্ঞাসা; তাই লীলাসঙ্গিনীর কঙ্কণঝঙ্কার অলীক পূর্বস্মৃতি মাত্র হয়ে পড়েছে; তাই গানের ধুয়োর মত নানাদেশের কবির লেখায় নানা ছদ্মবেশে এলিয়টের প্রশ্ন শোনা যাচ্ছে;

“.. Please, will you

Give us a light ?

Light

Light.” (Triumphant March)

তাই আলোর সন্ধানে বেরিয়ে বাঙালী কবিরাও দেখছেন যে “গগ্নজের অটল বিশ্বাস” না ফেরাতে পারলে কিম্বা অনুরূপ কোনো চিন্তাধারাকে মনের পটভূমিকাতে বসাতে না পারা গেলে কবিতার ভবিষ্যৎ নেই। প্রকৃত সাহিত্যকে “ব্রহ্মাস্বাদসহোদর” মনে করার মত তুরীয় ভাব আধুনিক কবির পক্ষে সম্ভব নয়। “যেন শুক্লীকৃতা হংসাঃ, শুকাস্চ হরিতীকৃতাঃ, ময়ূরাশ্চিত্রিতা যেন”—বলে যে পরম রূপদক্ষের বর্ণনা করা হয়েছে, তার প্রেরণা আর তাকে স্পর্শ করে না। তা ছাড়া পশ্চিমের যে সংস্কৃতির প্রতিফলিত ভাতি দেখে আমরা মুগ্ধ, যা অন্তরকরণ ও আমাদের সমাজে সাহিত্যে সংযোজনের জন্য আমরা ব্যস্ত, সেই সংস্কৃতি এখন ব্যাধিগ্রস্ত। যে মহাযুদ্ধ সভ্যতার সমাধি হবে বলে বছবার শোনা গেছিল, সে-যুদ্ধ আজ হাজির হয়ে গেছে। বর্ষরদের হাতে রোমান সাম্রাজ্য ধ্বংসের পর অবশ্য কয়েকজন পুরোহিত প্রাচীন সভ্যতার ভগ্নাংশকে বাঁচিয়ে রেখেছিলেন। এ-যুদ্ধের পরও হয়তো সে-রকম কিছু ঘটতে পারে; কিন্তু দেশের মাটির সঙ্গে সংস্কৃতির যোগ না থাকলে তার প্রাণশক্তি লুপ্ত হতে বাধ্য। সে-যোগ ছিল না বলেই

ভূমিকা

নাৎসিরা জার্মান সাহিত্যিকদের উপর অবলীলাক্রমে নির্যাতন করতে পেরেছিলেন, “নিছক আর্টিষ্টের” বোরখাও তাঁদের বাঁচাতে পারে নি। সমসাময়িক ইতিহাসকে অবজ্ঞা করে নিজেদের মুক্তপুরুষ ভেবে আত্মতুষ্টি নিয়ে আর কতদিন চলবে— এ প্রশ্ন তাই কবিরাও তুলতে শুরু করেছেন। অস্থির, অশান্ত, জিজ্ঞাসু জীবন থেকে বিচ্যুত হয়ে পড়লে রূপসৃষ্টিও যে প্রাণহীন হবে, তা তাঁরা বুঝেছেন।

All the poet can do today is to warn.

That is why the true poet must be truthful.

ওয়েনের এ-কথা তাঁদের কানে আর এখন অর্থহীন ঠেকতে পারে না। বর্তমানকে বর্জন করলে, যুগধর্মকে প্রত্যাখ্যান করলে একমাত্র উপায় হচ্ছে প্রাচীরের মহিমা পুনঃ প্রচার করা আর নিজেকে জ্ঞাতসারেই মায়ামুগ্ধ করা—

Because these wings are no longer wings to fly

But merely vanes to beat the air

The air which is now thoroughly small and dry

Smaller and dryer than the will

Teach us to care and not to care

Teach us to sit still (Ash Wednesday.)

এলিয়ট আমাদের অতীতজ্ঞ অশুভূতির উপর মোহজাল বিস্তার করতে পারেন বটে, কিন্তু আমাদের মনকে ভোলাতে পারেন না যে তাঁর সাম্প্রতিক পলায়নীবৃত্তি সূর্যাস্তের বর্ণচ্ছটায় রূপায়িত হলেও সমাপ্তপ্রায় যুগেরই প্রকাশ, ভোলাতে পারেন না যে বর্তমান সংস্কৃতির বাস্তব ভিত্তি নানা ঐতিহাসিক কারণে শিথিল হয়ে আসার প্রধান সাক্ষ্য দিচ্ছে তাঁর কবিতা।

*

*

*

পশ্চিম থেকে বহু সত্তার এনে মাইকেল আর রবীন্দ্রনাথ বাংলা কবিতাকে সমৃদ্ধ করেছেন। আজও পশ্চিম থেকে আমদানী চলেছে—

আধুনিক বাংলা কবিতা

আমাদের কাছে তা ভাল লাগুক বা না লাগুক। তাই দেখি বাঙালী কবি উনিশ শতকের বিখ্যাত গওয়ালীদের “ঐশী অতৃপ্তির” নামকরণে আত্মগানি ছাড়া কথা খুঁজে পান না। আধুনিক কবি বৈদ্যের তত্ত্ব, প্রেরণা বলতে তিনি বোঝেন পরিশ্রমের পুরস্কার, স্বধীন্দ্রনাথ দত্তের ভাষায় তিনি জানেন যে “বিশ্বের যে আদিম উর্বরতার কল্যাণে গাছ একদিন বাড়ার আনন্দেই আকাশের দিকে হাত বাড়াতো। সে উর্বরতা আজ আর নেই, সারা ব্রহ্মাণ্ড খুঁজে বীজসংগ্রহ না করলে কাব্যের কল্পতরু আর জন্মায় না।” আধুনিক কবিতার দুর্লভতার পশ্চিমী প্রতিক্রমণ রয়েছে, আর পশ্চিমেরই মত তার আবহাওয়াতে আছে শূন্যতার, অবসাদের ভাব—সবই যেন অনিশ্চিত, সবই নিরর্থক, আশা আর ছলনায় প্রভেদ নেই, উগম অহমিকারই রূপান্তর। আধুনিক কবিতায় আছে একদিকে ছন্দের যন্ত্রকৌশল বর্জন, অন্যদিকে ছন্দের বৈচিত্র্য নিয়ে দুঃসাহসী পরীক্ষা। তাছাড়া আছে সাম্যবাদের ধূয়ো—ভালো-মন্দ-মাঝারি গলায় আধুনিক কবিরা বিপ্লবের আগমনী গেয়েছেন।

এ পশ্চিমী প্রভাব অনেকের মনোমত নয়, কিন্তু আমাদের বর্তমান অবস্থায় এ প্রভাব যে স্বাভাবিক, তা অকাট্য, আর এ প্রভাব গৃহীত হয়েছে এই কারণে যে সকল দেশের কবি আজ স্বীকার করছেন, হয় তো অনিচ্ছাসত্ত্বেও স্বীকার করছেন, যে শিল্প ও সাহিত্যকে অভেদ বেড়া দিয়ে জীবন থেকে নিঃসম্পর্কিত করে রাখা আর চলছে না। অবশ্য ভালেরির মত শ্রদ্ধেয় কবি বলেছেন যে ইতিহাসের বালাই মন থেকে মুছে ফেলে নিজেদের “ivory tower” থেকে রূপসৃষ্টিই একমাত্র উপায়। কিন্তু এ কথার মধ্যে যেন একটা অস্বস্তির স্বীকৃতি রয়েছে যে ইতিহাস নিয়ে খেলা চলে না, আর কবিশেখরের নির্জন দুর্গও “আকাশস্থ বায়ুভূতো নিরালস্য নিরাশ্রয়ঃ” কিছু হতে পারে না। কবিজীবনের প্রথম দিকে স্বেটস্ বলেছিলেন—

Come away, O human child !

To the waters and the wild

ভূমিকা

'With a faery hand in hand,
'For the world's more full of weeping than you
can understand.

শেষ জীবনে "The Herne's Egg"এ আবার তিনি বাস্তব-স্পর্শশূন্য উদ্ভট কল্পনার চূড়ান্ত করেছিলেন। কিন্তু এ দুই পর্যায়ের মধ্যে নিজের সঙ্গে অনেক ঝগড়া করে তিনি বস্তুজগৎ আর কল্পজগতের ব্যবধান দূর করার চেষ্টায় ছিলেন, আর সেই চেষ্টা তাঁকে অনবদ্য কবিতা লিগিয়েছিল। **Parnassian, Symbolist, Naturalist**—সকলেই চেয়েছিল আর্টিষ্টের স্বয়ম্বশ স্বাতন্ত্র্য, চেয়েছিল কবিতাকে দৈনন্দিন জীবনের মালিন্য ও অশুদ্ধি থেকে সরিয়ে অধিষ্ঠিত করতে এক সুরম্য শূন্যদেশে যেখানে বাস্তবতা একেবারেই অস্পৃশ্য। কিন্তু যাকে রেণা বহুদিন আগে বলেছিলেন ছায়ার ছায়া আর খালি শিশির উবে যাওয়া গন্ধ, তা নিয়ে আত্মরতি যে অসহ, তার সাক্ষ্য আমাদের কবিরা দিচ্ছেন। কিন্তু এ আবিষ্কার আবিষ্কারমাত্র থেকে গেছে বলে সুধীন্দ্রনাথের মত নিঃসন্দ্বিগ্ন কবিও অন্তর্ভব করছেন যে তাঁর পরিচিত বিশ্বকে দৈব ছাড়া আর কেউ বাঁচাতে পারে না। তিনি শুধু দেখছেন যে সত্যতার ষ্টীম রোলার যেন চিরকালের কীর্তিস্তম্ভগুলোকে ভেঙে চূরে দানবীয় গতিতে এগিয়ে চলেছে, আর দুঃসাহসী কবি রয়েছে সৌন্দর্যের দরজা আগলে। "তার কণ্ঠ হয়তো ক্রোধে ও ক্ষোভে কর্কশ। ভয় ভুলতেই সে হয়তো চেষ্টা করে সারা। কিন্তু আসন্ন প্রলয়ের প্রথর কোলাহল ছাপিয়ে উঠেছে একা তারই বাণী। অতএব সে আমাদের নমস্, রাজগ্রন্থ হলেও সে আমাদের নমস্" (স্বগত)। কবির বিবেককে তুষ্ট করতে হলে যদি এটি সিদ্ধান্তে নোঙর ফেলতে হয় তা হলে জীবন অতিষ্ঠ হয়ে ওঠে, বর্তমান বিশ্বের সংক্রামক ব্যাধির তাড়নায় মন অনড় হয়ে পড়ে, চাঞ্চল্য পরিণত হয় শুধু নিফল ক্ষোভে, সে-ক্ষোভকে জ্বলন্ত খড়্গের মত ব্যবহার করবার স্পৃহা পর্য্যন্ত জাগ্রত হয় না, প্রলয়ের কোলাহল ছাপিয়ে নতুন যুগের নবসৃষ্টির পদধ্বনির বদলে শুনতে হয় কবির নিজের হতাশ ক্ষণবাণী, বলতে হয়—

আধুনিক বাংলা কবিতা

মৃত্যু, কেবল মৃত্যুই ধ্রুব, সখা.

বেদনা, শুধুই বেদনা সৃষ্টির সাথী। (অর্কেস্ট্রা)

যুগধর্মকে প্রত্যাখ্যান করে এলিয়ট আত্মরক্ষার জন্ত আশ্রয় নিয়েছেন এক বাতাহত শৈলের ছায়ায়, “rock”এর ওপর বীজ পড়লে সূর্যরশ্মিও তাকে প্রাণ দিতে পারে না জেনেও ক্যাথলিক চার্চকে বরণ করেছেন, তাই কবিতার কাছে প্রায় বিদায় নিতে গিয়েও তিনি বলতে পেরেছেন—

**Consequently, I rejoice having to construct something
Upon which to rejoice.**

সুধীন্দ্রনাথ যুগধর্মকে অস্বীকার করতে পারেন নি, বিশ্বাসবলে কৃষ্ণপ্রাপ্তি তাঁর মনঃপূত নয়, সাধ্যায়ত্ত নয়, তাই তাঁর কাছে—

মানুষের মর্মে মর্মে করিছে বিরাজ

সংক্রমিত মড়কের কীট ;

শুকায়েছে কালশ্রোত, কর্দমে মিলে না পাদপীঠ।

“**Heartbreak House**” তাঁর আবাস—“**this strangely happy house, this agonising house, this house without foundations**”—আর মৃত্যুর সুরে তাঁর কবিতা অনুরণিত—সে মৃত্যু যেন মড় বডকিনের ভাষায় : “**death without moral, legal and social implications**” ! সমাজস্বরূপ সম্বন্ধে জ্ঞানের ষাঁর অভাব নেই, সেই ছন্দস্বচ্ছন্দ, সংস্কৃতিসমৃদ্ধ কবি কি এভাবে নিজেকে ব্যাহত করেই চলবেন ?

আজ ষাঁরা আমাদের শ্রেষ্ঠ কবি, তাঁদের লেখার পিছনে নানা সুরে নানা ভঙ্গিতে, নেতিবাদের ঔদ্ধত্যের মধ্যেও রয়েছে হপকিন্সের প্রার্থনা—
“**mine, O thou lord of life, send my roots rain !**” এলিয়টের **The Waste Land**এর ধূয়াও হচ্ছে তাই। আর সেই সঙ্গে রয়েছে গুয়েনের যুদ্ধক্ষত মনের বেদনা—

Was it for this the clay grew tall ?

—O what made fatuous sunbeams toil

To break earth’s sleep at all ?

ভূমিকা

আধুনিক কবিতা যে দুর্লভ, তাতে কোন সন্দেহ নেই, আর তার প্রধান কারণ আধুনিক মনের অপ্রকৃতিস্থ জটিলতা। কিন্তু কবি নিশ্চয়ই আশা করতে পারেন যে পাঠক আসবেন সহানুভূতি নিয়ে, বৈরিতার লগুড় নিয়ে নয়। আর যে প্রাক্তন কবিতার মহত্ত্ব এখন অনস্বীকার্য, তা যে সর্বদা সহজে বোধগম্য, তা একেবারেই নয়। ধ্বনিমাধুর্য—শুধু শব্দার্থ নয়, শব্দের আবেগ ও সমাবেশ—কাব্যরূপের অপরিহার্য অঙ্গ বলে হয়তো কোলরিজের কথায় অনেকটা সত্য আছে যে—“poetry gives most pleasure when only generally and not perfectly understood.” আজকের কবিতার প্রসঙ্গ প্রায়ই বিভ্রান্ত বলে তার রূপেও যে প্রসঙ্গের প্রতিফলন পড়বে, তা স্বাভাবিক।

সকলে মিলে যখন গান করেছে, নৃত্য করেছে, উৎসব করেছে, তখনই কবিতার সৃষ্টি—প্রতিযোগিতার ক্ষেত্রে নয়, সহযোগিতার ক্ষেত্রে “the cadence of consenting feet” এর মধ্য দিয়ে। বর্তমান ধনতান্ত্রিক সমাজ সে সহযোগিতার প্রতিকূল। উনিশ শতকের শিল্প-বিপ্লবের পর থেকে মানুষের সঙ্গে মানুষের সম্বন্ধ হয়েছে নির্লজ্জ স্বার্থের সম্বন্ধ। তাই কবি ক্রমে সমাজজীবন থেকে সরে গেছেন, স্কাইলার্ক বা নাইটিংগেল সেজে গোপন গহ্বর থেকে গান গেয়েছেন, আর বোধ হয় শুধু কাব্যের ঐতিহ্য ভুলতে না পেরে নিজেদের “unacknowledged legislators” আখ্যা দিয়েছেন—স্মরণ করেন নি যে জীবননিরপেক্ষ সম্ভ্রাই তাঁদের legislation-কে “unacknowledged” অবস্থায় রেখেছে। ভিক্টোরীয় যুগে কবি জীবন থেকে সাময়িক অবসর গ্রহণ করে “the meditative lucidity of a waking dream”—এ আশ্রয় খুঁজেছেন। আজ আর কবির সে আশ্রয়ও নেই, ক্ষুধা ক্ষুধিত পৃথিবীতে থেকে নিরালস্য ভজন পূজন সাধন আরাধনা পর্যন্ত অসম্ভব হয়ে পড়েছে। তাই কবিদের বক্তব্য হয়েছে অরাজক, কামনার অনল নির্বাণিতপ্রায় হয়েছে, আর ক্ষতিপূরণ হিসাবে তাঁরা বিষ্ণু দেব মত কবিতার সূক্ষ্মাংশকে অনবত্ত করার চেষ্টায় লেগেছেন, প্রত্যেক রক্ত পূরণ করেছেন কবিতার অষ্টধাতু দিয়ে। অর্থঘনত্বের প্রয়াস আর সংঘমের আতিশয্য বিষ্ণু দেব

আধুনিক বাংলা কবিতা

কবিতায় বিশেষ লগ্ন্য করা যায় ; সে-প্রয়াসে তিনি আশ্চর্য সাফল্য লাভও করেছেন। কিন্তু আজকের ক্রুর পৃথিবীতে মনুষ্য ও প্রজ্ঞার যোগ্যস্থানের অভাব দেখে আত্মসমাহিতিক্লাস্ত মন বিচলিত বলে তাঁর কবিতা যেন জীবনকে খণ্ড, ক্ষুদ্র করে দেখছে, তাঁর ব্যাজোক্তি পর্যন্ত যেন তিক্ততাকেও মোহনীয় করতে চায়, সমাজব্যাপি উন্মূল করা সম্বন্ধে মনস্থির করে নি। এলিয়ট পাউণ্ডের তিনি ভক্ত, কিন্তু তাঁর স্মরণ রাখা উচিত যে পাণ্ডিত্য কবিতাকে গুরুত্ব দেয়, মহত্ব দিতে পারে কি না সন্দেহ। তবে এ আশা হয় তো সমীচীন যে “ষোড়সওয়ার” ও “পদ-ধ্বনির” লেখক একক অতৃপ্তির দৃষ্টিকোণ ছেড়ে আসছেন। সম্প্রতি যে অবিকল্প ভঙ্গী ও প্রসঙ্গ তাঁর লেখায় দেখা দিয়েছে তাতে ভরসা হয় যে মাত্র কয়েকজনের জগৎ ইঙ্গিতবহুল ভাষা বর্জন করতে তাঁর কবিবিবেক আর বাধা দেবে না।

“সাম্যবাদী” কবিতা আজকাল বাংলাদেশে অনেকে লিখতে শুরু করেছেন, কিন্তু তাঁরা যদি সকলেই কবি না হন, তো আশ্চর্য হবার কিছু নেই। তাঁরা “যে কর্তব্যবোধের প্রবর্তনায় গোলদীঘি থেকে সূদূর পল্লীগ্রাম পর্যন্ত সভাসমিতি করে বেড়ান, দৈনিক সাপ্তাহিক কাগজে প্রবন্ধ লেখেন, জেল খাটেন,” সেই প্রবর্তনায় যে কবিতা লিখতে পারবেন না, এমন কথা কেউ জোর গলায় বললে অন্তায় করবেন। সমাজতত্ত্ব-জ্ঞান সরেশ না হলে কবির কবিতাও যে নিরেশ হবে, এমন কথা কেউ বলছে না ; বুদ্ধিমান্ মার্কস্পন্থী না হলে যে কেউ কবি হতে পারে না, তা বলার মানে বুদ্ধিব্রংশ ; মার্কস্পন্থা যে কাব্যরাজ্যেরও পাসপোর্ট, তাও বলা হচ্ছে না। কিন্তু এ কথা স্বতঃসিদ্ধ হওয়া উচিত যে বর্তমান যুগে পনতন্ত্রের মুম্বু অবস্থায় পুরোধো রাস্তায় সংস্কৃতিবিকাশের আশা নেই যখন, যে অভিজ্ঞতা হচ্ছে আর্টিষ্টের উপকরণ, সে অভিজ্ঞতার রং আর প্রকৃতিও বদলাতে বাধ্য। আর্টিষ্ট কর্মিষ্ঠ না হতে পারেন, কিন্তু অভিজ্ঞতার অশুভূতি আর প্রকাশ তাঁর ব্যবসা। তাই বোঝা শক্ত যে :

যব্, গোবলি সময় বেজি

ধনি মন্দির বাহির ভেলি

নব জলধরে বিহুরি রেহা স্বন্দ পসারিয়া গেলি।

ভূমিকা

হচ্ছে নিঃসংশয় কাব্যানুভূতি. আর আজকের বিক্ষুব্ধ সমাজে চটকল-মজুরদের ধর্মঘট বা কিষণ জমায়েতের কোনো বিশেষ ভঙ্গিমা কবিতা-ক্ষমতা ধীর আছে, তাঁর কাব্যানুভূতির সরঞ্জাম নয়! অবশ্য “**Mine be the dirt and the dross, the dust and the scum of the earth**” বলে পতিতের বন্দনা প্রচার করলেই সাম্যবাদী কবিতা হয় না। আর হঠাৎ যে ভালো সাম্যবাদী কবিতা লেখা হবে, তা আশা করাই অন্তায়। কারণ হুকুমে রাতারাতি প্রলেটেরিয়ন আর্ট এদেশে দেখা দেবে ভাবা হচ্ছে বাতুলতা। ঐতিহ্যের শক্তি যেখানে বেশী, সেখানেই কাব্যরূপান্তরে বিলম্ব ঘটতে বাধ্য। তাই Proletcult আন্দোলনকে লেনিন বলেছিলেন “bunk” আর ১৯২৫ সালে রুশদেশের সাম্যবাদী দল প্রস্তাব করেছিল : “**The Party must fight against all thoughtless and contemptuous treatment of the old cultural heritage as well as of literary specialists... It must also fight against a purely hot-house proletarian literature.**” সাম্যবাদী আন্দোলন যতই এদেশে দৃঢ়মূল হবে, ততই দেখা যাবে যে কবিদের অভিজ্ঞতা প্রেমের প্রয়াস আর দখিন হাওয়া আর অসামাজিক ব্যবহারের মধ্যে কবিতার মালমশলা সংগ্রহ করার ব্যর্থ চেষ্টাকে অতিক্রম করবে।

সার আর্থার কুইলার-কুচ, একবার হিসাব করে বলেছিলেন যে গত শতাব্দীর প্রধান ইংরেজ কবিরা প্রায় সকলেই ধনীবংশে জন্মেছিলেন ; একমাত্র কীটসের অবস্থা খুব ভাল ছিল না। মহৎ লেখকের যে পরিবেশ প্রয়োজন, তা সাধারণ ইংরেজদের অনধিগম্য ; আড়াই হাজার বছর আগে গ্রীসীনিয়ান ক্রীতদাসের এ বিষয়ে যতটুকু স্বাধীনতা ছিল, উনিশ শতকের ইংরেজেরও তার বেশী ছিল না। আজও নেই। আমাদের দেশের কবিরা যে ঐদিক থেকে এখানকার বহুগুণ অস্পষ্ট অবস্থার কথা ভাববেন না, তা অসম্ভব। বর্তমান সমাজের মেরুদণ্ডহীনতা আর শিক্ষিত মধ্যবিত্তের বিড়ম্বনা দেখে কবিরা বিচলিত বলেই তাঁরা দেশের পূর্ণাঙ্গ স্বাধীনতার সংগ্রামে সাহিত্যের আশা খুঁজে পাবেন, এ কথা মনে করা

আধুনিক বাংলা কবিতা

নিশ্চয়ই অন্য় নয়। এ কথাকে যদি কেউ সাহিত্যের অপতাত্ত্বিক ব্যাখ্যা বলে উপহাস করেন, তাে উপায় নেই।

আধুনিক বাংলা কবিতায় এক এক সময় দেখা যায় যে কবির সমাজ চৈতন্য বেড়েছে, দৃষ্টিভঙ্গী বদলেছে, কিন্তু ভাষার ও ভাবের ঐতিহ্য অনস্বীকার্য বলে কবিতায় স্পষ্টতা নেই, কঠোরতা আছে। এ হচ্ছে অবশ্যস্বাবী; কিন্তু কবিতার ক্ষেত্রেও জ্ঞান হচ্ছে শক্তি, আর সমাজ-বোধের বোঝা স্বচ্ছন্দে বহন করার ভাষাকে কবিরাই তৈরী করবেন। জীবনের নূতন পর্যায়ের সঙ্গে প্রাক্তন প্রকাশভঙ্গীর মিলন তখনই সম্ভব হবে, যখন কবিচিত্তে সমাজবোধ অন্তর্ভুক্তির সুরে উপনীত হবে। তাই এখনও ভাববিলাসী ধারায় ভালো কবিতা লেখা অসম্ভব নয়। এখনও রবীন্দ্রনাথ যখন হঠাৎ দেখে ফেলেন যে সৌন্দর্যের কল্পরাজ্যে আকবর বাদশা আর হরিপদ কেরাণীর মধ্যে কোন প্রভেদ নেই, তখন মনে হয় যে শুধু ভাষায় নয় ভাবেও আর্ষপ্রয়োগের অধিকার তাঁর আছে। তাই বৃদ্ধদেব বসুর গজপ্রবন্ধে আত্মজিজ্ঞাসা প্রকট হলেও তিনি (এবং পাঠক-সমাজে অপেক্ষাকৃত অল্প পরিচিত কয়েকজন কবিও) এখনও এমন আত্ম-অচেতন খেয়ালী কবিতা লিখতে পারছেন, যাকে সমাজবুদ্ধ আধুনিক মনও অস্বীকার করতে পারে না। নিষ্কপট ভাববিলাসকে অশ্রদ্ধেয় বলার লোভ সম্বরগঠ করা উচিত, আর স্বভাবজ ভাববিলাসের দ্রুত বিপর্যয়ের ফলে ভুরি ভুরি সাম্যবাদী রূপক ব্যবহারের প্রতি নির্মম ঔদাসীন্যও অহেতুক। কিন্তু সমর সেন বা স্ত্রীভাষ মুখোপাধ্যায়ের মত সাম্যবাদী কবিহিসাবে ঙাদের পরিচিতি, তাঁদের কবিযশ এখনই ব্যাপ্ত হয়ে পড়েছে বলে তাঁরা যেন প্রতি সাম্যবাদীর প্রতিপাল্য অন্তশাসন কবিতার ক্ষেত্রে অচল মনে না করেন। সমর সেনের কাছে অভিযোগ করলে অন্য় হবে না যে তাঁর লেখায় এক এক সময় সত্যই নৈরাশ্যের একটা বিকৃত সুর বেজে ওঠে, আর তাঁর অন্তরাগীদের মনে সন্দেহ হয় যে হয়তো তিনি প্রায় আড়চোখে আর্তসমাজের দিকে তাকিয়ে শুধু বহু-জনের ব্যক্তিগত বিপত্তির ভিত্তিতে কাব্য রচনা করছেন, মার্ক্স-পন্থীর পক্ষে যা অকর্তব্য। (‘অকর্তব্য’ কথাটীতে তিনি অস্তুত গুরুমশায়ী সুর

ভূমিকা

পেয়ে বিরক্ত হবেন না আশা করি)। পুরোণো পৃথিবীর ধ্বংসস্তূপে চাপা পড়ার আগে সে পৃথিবীকে গণশক্তিবলে ধ্বংস করার ঐচ্ছিক্য সম্বন্ধে নিশ্চিন্তি তাঁর বা সূভাষ মুখোপাধ্যায়ের লেখায় যেন পাওয়া যায় না। বিপ্লবী মনোভাবকে আত্মস্থ না করাতে তাঁদের কবিক্ষমতা কি ত্রিশঙ্কু-রাজ্যেরই প্রতিভূ হয়ে থাকবে? সময় সেন ও সূভাষ মুখোপাধ্যায়ের লেখার নানা গুণ সত্ত্বেও দেখা যায় যে অনেক সময় তাঁদের কাব্যপ্রসঙ্গ ও প্রকরণের সঙ্গে বিপ্লবী সিদ্ধান্তের সঙ্গতি নেই, সে-সিদ্ধান্তকে যেন ক্রোড়পত্র করে জুড়ে দেওয়া হয়েছে। অরুণ মিত্রের “লাল ইস্তাহারের” ক্ষুদ্র পরিধিতে যে অবৈকল্য আছে, তার সম্মান ঐ দুই কৃতী কবির লেখাতেও দুর্লভ।

আধুনিক বাঙালী কবিরা যদি সমাজজীবনের সঙ্গে সম্পর্ক স্থাপন করতে পারেন, জগতের মৌলিক পরিস্থিতির বহু পর্যায় থেকে অন্তর্ভুক্তি সংগ্রহ করে কবিলিপিতে প্রকাশ করতে পারেন, তাহলেই তাঁদের চেষ্টা সার্থক হবে। বিদগ্ধ জনের মনোরঞ্জন যে তাঁদের উদ্দেশ্য হতে পারে না, তা তাঁরা বুঝেছেন। কিন্তু এ যুগের অগ্রগতির ও উৎকর্ষের সব পথ আপাতদৃষ্টিতে বন্ধ মনে হয় বলে এ পরিস্থিতির অসহনীয়তা মাত্র নিয়ে কাব্যসৃষ্টিতে যদি তাঁরা তুষ্ট হন, তা তা একরকম আত্মঘাতই হবে। অনেকে হয়তো ভাবেন যে সাহিত্য ক্ষেত্রে সমাজতাত্ত্বিকের অনধিকার প্রবেশকে বরদাস্ত করা উচিত নয়, বিশেষত যখন অর্থনৈতিক সমস্যার সমাধান হলেও মানুষের সঙ্গে প্রকৃতির সম্বন্ধ নিয়ে যে সমস্যা তার সমাধান হবে না, সে সমস্যা সনাতন, অচঞ্চল, অভেদ্য। কিন্তু আসলে মানুষ ও মানুষের সম্পর্কের চেয়ে বিজ্ঞান তাড়াতাড়ি বদল করে দিচ্ছে মানুষ ও প্রকৃতির সম্পর্ক। অবশ্য ফ্রয়েড, যাকে বলেছেন “সত্যতার বোঝা”, তা সর্বযুগেই মানুষকে বহন করতে হয়েছে; সাম্যবাদ এলে সে-বোঝা যে এখনই সরে যাবে, তা মনে করা ঠিক হবে না। কিন্তু সে-বোঝা আজ অসহ্য বলেই নতুন সমাজের কথা কবিকেও ভাবতে হয়েছে। তাই কবির কাছে আহ্বান যাচ্ছে আর্টকে ব্যবহার করতে অস্ত্ররূপে, যে অস্ত্র হবে সর্বব্যাপ্ত রৌদ্রের নির্বিশেষ আভরণে দীপ্ত। কবি বুঝেছেন যে বিপ্লব

আধুনিক বাংলা কবিতা

যখন আগত বা আসন্ন, তখন আর্টের চেহারা বদলাবে। সে চেহারা হয়তো মনোরম নয়। কিন্তু সামাজিক সমস্যার নির্বন্ধ লঘু না হওয়া পর্যন্ত কবিতার নতুন মূর্তি আমাদের কাছে প্রকট হবে না। আধুনিক কবিতার অসমান কৃতিত্ব আর সংশয়ী অতৃপ্তি দেখে নিরাশ হবার প্রয়োজন নেই : “All is well ; it must be worse before it is better.”

আধুনিক বাংলা কবিতার এই সঙ্কলন আমরা দুজনে মিলে করেছি। আমাদের দৃষ্টিভঙ্গীতে বহু পার্থক্য আছে বলে সস্তা বাহাদুরীর অভিযোগ অসম্ভব নয় জেনেও আমরা আলাদা ভূমিকা লিখেছি। কয়েকজন খ্যাতনামা কবিকে আমরা বাদ দিয়েছি, তাঁদের লেখায় আধুনিক ভাব বা ভঙ্গীর সন্ধান পাই নি বলে। রবীন্দ্রোত্তর বাংলা কবিতা যে অবজ্ঞেয় নয়, আর অস্তুত কয়েকজন নিঃসন্দিগ্ন কবি যে আসন্ন সমাজবিপ্লবের কথা ভেবে কবি ও নাগরিকের মধ্যে কৃত্রিম ব্যবধান দূর করার চুস্তর প্রয়াসে লেগেছেন, আশা করি এ সঙ্কলনে তার পরিচয় মিলবে ; কীর্তনানন্দে মাতোয়ারা আর অক্ষ বাউলের অস্তুদৃষ্টিতে মুগ্ধ এই দেশে সাহিত্য যে গ্রাম্যতা ও কৃত্রিমতার উভয়সঙ্কটকে বর্জন করতে অক্ষম হবে না, সে ভরসার কিছু হেতুও পাওয়া যাবে।

লেখক, সম্পাদক ও প্রকাশকগণকে এই গ্রন্থে কবিতামুদ্রণের অন্তমতির জন্য আমরা কৃতজ্ঞতা জানাচ্ছি।

হীরেন্দ্রনাথ মুখোপাধ্যায়

১. সন্ধ্যা ও প্রভাত

এখানে নাম্ন সন্ধ্যা । সূর্য্যদেব, কোন্ দেশে কোন্ সমুদ্রপারে
তোমার প্রভাত হ'ল ?

অন্ধকারে এখানে কেঁপে উঠ্চে রজনীগন্ধা, বাসর-ঘরের
দ্বারের কাছে অবগুষ্ঠিতা নববধুর মতো ; কোন্‌খানে ফুল
ভোরবেলাকার কনকচাঁপা ?

জাগ্ল কে ? নিবিয়ে দিল সন্ধ্যায় জ্বালানো দীপ, ফেলে
দিল রাত্রে-গাঁথা সঁউতিফুলের মালা ।

এখানে একে একে দরজায় আগল প'ড়ল, সেখানে
জান্না গেল খুলে । এখানে নৌকো ঘাটে বাঁধা, মাঝি
ঘুমিয়ে ; সেখানে পালে লেগেচে হাওয়া ।

ওরা পান্থশালা থেকে বেরিয়ে পড়েচে, পূবের দিকে
মুখ করে চ'লেচে ; ওদের কপালে লেগেচে সকালের আলো,
ওদের পারাণীর কড়ি এখানে ফুরোয়-নি ; ওদের জন্তে পথের
ধারের জান্নায় জান্নায় কালো চোখের করুণ কামনা অনিমেষ
চেয়ে আছে ; রাস্তা ওদের সাম্নে নিমন্ত্রণের রাঙা চিঠি
খুলে ধরুলে, ব'ল্লে, “তোমাদের জন্তে সব প্রস্তুত ।” ওদের
হৃৎপিণ্ডে রক্তের তালে তালে জয়ভেরী বেজে উঠ্লে ।

এখানে সবাই ধূসর আলোয় দিনের শেষ খেয়া পার
হ'ল ।

পান্থশালার আঙিনায় এরা কাঁথা বিছিয়েচে ; কেউ
বা একলা, কারো বা সঙ্গী ক্লান্ত ; সামনের পথে কী আছে
অন্ধকারে দেখা গেল না, পিছনের পথে কী ছিল কানে কানে
বলাবলি ক'রুচে ; ব'ল্লে ব'ল্লে কথা বেধে যায়, তার পরে
আঙিনা থেকে উপরে চেয়ে দেখে আকাশে উঠেচে সপ্তর্ষি ।

আধুনিক বাংলা কবিতা

সূর্য্যদেব, তোমার বামে এই সন্ধ্যা, তোমার দক্ষিণে ঐ
প্রভাত, এদের তুমি মিলিয়ে দাও। এর ছায়া ওর আলোটিকে
একবার কোলে তুলে নিয়ে চুম্বন করুক,

এর পূর্ববী ওর বিভাসকে আশীর্বাদ ক'রে চ'লে যাক।

২. একটি দিন

মনে পড়েছে সেই দুপুর বেলাটি। ক্ষণে ক্ষণে বৃষ্টিধারা ক্রান্ত
হ'য়ে আসে, আবার দমকা হাওয়া তাকে মাতিয়ে তোলে।

ঘরে অন্ধকার, কাজে মন যায় না। যন্ত্রটা হাতে নিয়ে
বর্ষার গানে মল্লারের সুর লাগালেম।

পাশের ঘর থেকে একবার সে কেবল ছুয়ার পর্য্যন্ত
এলো। আবার ফিরে গেল। আবার একবার বাইরে এসে
দাঁড়াল। তার পরে ধীরে ধীরে ভিতরে এসে বসল। হাতে
তার সেলাইয়ের কাজ ছিল, মাথা নীচু ক'রে সেলাই ক'রতে
লাগল। তার পরে সেলাই বন্ধ ক'রে জানলার বাইরে
ঝাপসা গাছগুলোর দিকে চেয়ে রইল।

বৃষ্টি ধ'রে এল। আমার গান থামল। সে উঠে চুল
বাঁধতে গেল।

এইটুকু ছাড়া আর কিছুই না। বৃষ্টিতে গানেতে
অকাজে আঁধারে জড়ানো কেবল সেই একটি দুপুর বেলা।

ইতিহাসে রাজা-বাদসার কথা, যুদ্ধবিগ্রহের কাহিনী,
সস্তা হ'য়ে ছড়াছড়ি যায়। কিন্তু একটি দুপুরবেলার ছোটো
একটু কথার টুকরো হৃলভ রত্নের মতো কালের কোটোর মধ্যে
লুকোনো রইল, দুটি লোক তার খবর জানে।

রবীন্দ্রনাথ ঠাকুর

৩. অচেনা

রে অচেনা, মোর মুষ্টি ছাড়াবি কী ক'রে,

যতক্ষণ চিনি নাই তোরে ?

কোন্ অন্ধক্ষেণে

বিজড়িত তন্দ্রাজাগরণে

রাত্রি যবে সবে হয় ভোর,

মুখ দেখিলাম তোর ।

চক্ষু 'পরে চক্ষু রাখি শুধালেম, কোথা সঙ্কোপনে

আছ আত্ম-বিস্মৃতির কোণে ?

তোর সাথে চেনা

সহজে হবে না,

কানে কানে যুহু কণ্ঠে নয় ।

ক'রে নেবো জয়

সংশয়-কুণ্ঠিত তোর বাণী ;

দৃপ্ত বলে লবো টানি'

শঙ্কা হ'তে, লজ্জা হ'তে, দ্বিধাছন্দ হ'তে

নির্দয় আলোতে ।

জাগিয়া উঠিবি অশ্রুধারে,

মূহূর্ত্তে চিনিবি আপনারে ;

ছিন্ন হবে ডোর,

তোমার মুক্তিতে তবে মুক্তি হবে মোর ।

হে অচেনা

দিন যায়, সন্ধ্যা হয়, সময় র'বে না ;

মহা আকস্মিক

বাধাবন্ধ ছিন্ন করি' দিক্

তোমারে চেনার অগ্নি দীপ্তশিখা উঠুক উজ্জলি',

দিব তা'রে জীবন অঞ্জলি ॥

আধুনিক বাংলা কবিতা

৪. প্রশ্ন

ভগবান তুমি যুগে যুগে দূত পাঠায়েছ বারে বারে
দয়াহীন সংসারে,
তারা বলে গেল ক্ষমা করো সবে, বলে গেল ভালোবাসো—
অন্তর হতে বিদ্রোহ-বিষ নাশো।—
বরণীয় তারা, স্মরণীয় তারা, তবুও বাহির দ্বারে
আজি দুর্দিনে ফিরান্তু তাদের ব্যর্থ নমস্কারে ॥
আমি যে দেখেছি গোপন হিংসা কপট রাত্রি-ছায়ে
হেনেছে নিঃসহায়ে,—
আমি যে দেখেছি প্রতিকারহীন শক্তির অপরাধে
বিচারের বাণী নীরবে নিভতে কাঁদে।
আমি যে দেখি তরুণ বালক উন্মাদ হয়ে ছুটে
কী যন্ত্রণায় মরেছে পাথরে নিষ্ফল মাথা কুটে ॥
কণ্ঠ আমার রুদ্ধ আজিকে, বাঁশি সঙ্গীতহারা.
অমাবস্কার কারা
লুপ্ত করেছে আমার ভুবন দুঃস্বপনের তলে,
তাই তো তোমায় শুধাই অশ্রুজলে—
যাহারা তোমার বিষাইছে বায়ু, নিভাইছে তব আলো,
তুমি কি তাদের ক্ষমা করিয়াছ, তুমি কি বেসেছ ভালো ॥

৫. বিস্ময়

আবার জাগিছু আমি।
রাত্রি হোলো ক্ষয়।
পাপড়ি মেলিল বিশ্ব।
এই তো বিস্ময়
অস্বহীন।
ডুবে গেছে কত মহাদেশ,

রবীন্দ্রনাথ ঠাকুর

নিবে গেছে কত তারা,

হয়েছে নিঃশেষ

কত যুগ যুগান্তর ।

বিশ্বজয়ী বীর

নিজেরে বিলুপ্ত করি শুধু কাহিনীর

বাক্যপ্রান্তে আছে ছায়াপ্রায় ।

কত জাতি

কৌত্তিভূক্ত রক্তপঙ্কে তুলেছিল গাঁথি

মিটাতে ধূনির মহাস্ফুধা ।

সে বিরাট

ধ্বংস-ধারা মাঝে আজি আমার ললাট

পেলো অরুণের টিকা আরো একদিন

নিদ্রাশেষে,

এই তো বিশ্বয় অস্তহীন ।

আজ আমি নিগিলের জ্যোতিষ্ক সভাতে

রয়েছি দাঁড়িয়ে ।

আছি হিমাদ্রির সাথে,

আছি সপ্তর্ষির সাথে,

আছি যেথা সমুদ্রের

তরঙ্গে ভঙ্গিয়া উঠে উন্নত রুদ্রের

অটহাস্তে নাট্যলীলা ।

এ বনস্পতির

বঙ্কলে স্বাক্ষর আছে বহু শতাব্দীর,

কত রাজমুকুটেরে দেখিল খসিতে ।

তারি ছায়াতলে আমি পেয়েছি বসিতে

আরো একদিন—

জানি এ দিনের মাঝে

কালের অদৃশ্য চক্র শব্দহীন বাজে ॥

৬. উন্নতি

উপরে যাবার সিঁড়ি,
তারি নীচে দক্ষিণের বারান্দায়
নীলমণি মাষ্টারের কাছে
সকালে পড়তে হোত ইংলিশ রীডার
ভাঙা পাঁচিলের কাছে ছিল মস্ত তেঁতুলের গাছ ।
ফল পাকবার বেলা
ডালে ডালে ঝপাঝপ বাঁদরের হোত লাফালাফি ।
ইংরেজি বানান ছেড়ে দুই চক্ষু ছুটে যেত
ল্যাজ-দোলা বাঁদরের দিকে ।
সেই উপলক্ষ্যে—
আমার বুদ্ধির সঙ্গে রাঙামুখো বাঁদরের
নির্ভেদ নির্ণয় করে
মাষ্টার দিতেন কানমলা ॥

ছুটি হলে পরে
সুরু হোত আমার মাষ্টারি
উদ্ভিদ মহলে ।
ফল্‌সা চালতা ছিল, ছিল সারবাঁধা
সুপুরির গাছ ।
অনাহুত জন্মেছিল কী করে কুলের এক চারা
বাড়ির গা ঘেঁষে ;
সেটাই আমার ছাত্র ছিল ।
ছড়ি দিয়ে মারতেম তাকে ।
বলতেম, “দেখ দেখি বোকা,
উঁচু ফল্‌সার গাছে ফুল ধরে গেল,
কোথাকার বেঁটে কুল উন্নতির উৎসাহই নেই ।”
শুনেছি বাবার মুখে যত উপদেশ
তার মধ্যে বারবার “উন্নতি” কথাটা শোনা যেত ।

রবীন্দ্রনাথ ঠাকুর

ভাঙা বোতলের ঝুড়ি বেচে
শেষকালে কে হয়েছে লক্ষপতি ধনী
সেই গল্প শুনে শুনে
উন্নতি যে কাকে বলে দেখেছি স্থম্পষ্ট তার ছবি ।

বড়ো হওয়া চাই—
অর্থাৎ নিতান্ত পক্ষে হতে হবে বাজিদপুরের
ভজু মল্লিকের জুড়ি ।
ফলসার ফলে ভরা গাছ
বাগান মহলে সেই ভজু মহাজন ।

চারাটাকে রোজ বোঝাতেম
ওরি মতো বড়ো হতে হবে ।
কাঠি দিয়ে মাপি তাকে এবেলা ওবেলা,
আমারি কেবল রাগ বাড়ে,
আর কিছু বাড়ে না তো ।

সেই কাঠি দিয়ে তাকে মারি শেষে সপাসপ জোরে,-
একটু ফলেনি তাতে ফল ।
কান-মলা যত দিই
পাতাগুলো মলে মলে,
ততই উন্নতি তার কমে ॥

ইদিকে ছিলেন বাবা ইন্কম্-ট্যাঙ্কো-কালেঙ্কার,
বদলি হলেন
বর্ধমান ডিভিডনে ।

উচ্চ ইংরেজির স্কুলে পড়া শুরু করে
উচ্চতার পূর্ণ পরিণতি
কলকাতা গিয়ে ॥

বাবার মৃত্যুর পরে সেক্রেটারিয়েটে
উন্নতির ভিত্তি ফাঁদা গেল ।

আধুনিক বাংলা কবিতা

বহুকষ্টে বহু ঋণ করে

বোনের দিয়েছি বিয়ে ।

নিজের বিবাহ প্রায় টার্মিনসে এল

আগামী ফাল্গুনমাসে নবমী তিথিতে ।

নব বসন্তের হাওয়া ভিতরে বাইরে

বইতে আরম্ভ হোলো যেই—

এমন সময়ে, রিডাকশান ।

পোকা-খাওয়া কাঁচা ফল

বাইরেতে দিব্য টুপটুপে,

ঝুপ করে গসে পড়ে

বাতাসের এক দমকায়,

আমার সে দশা ।

বসন্তের আয়োজনে যে একটু ক্রটি হোলো

সে কেবল আমারি কপালে ।

আপিসের লক্ষ্মী ফিরালেন মুখ,

ঘরের লক্ষ্মীও

স্বর্গকমলের খোঁজে অন্ত্র হলেন নিরুদ্দেশ ।

সার্টিফিকেটের তাড়া হাতে,

শুকনো মুখ,

চোখ গেছে বসে,

তুবড়ে গিয়েছে পেট,

জুতোটার তলা ছেঁড়া,

দেহের বর্ণের সঙ্গে চাদরের

ঘুচে গেছে বর্ণভেদ,

ঘুরে মরি বড়োলোকদের ঘারে ।

এমন সময় চিঠি এল.

ভজু মহাজন

দেনায় দিয়েছে ক্রোক ভিটে বাড়িখানা ॥

রবীন্দ্রনাথ ঠাকুর

বাড়ি গিয়ে উপরের ঘরে
জানলা খুলতে সেটা ডালে ঠেকে গেল ।

রাগ হোলো মনে—

ঠেলাঠেলি করে দেখি—

আরে আরে ছাত্র যে আমার !

শেষকালে বড়োই তো হোলো,

উন্নতির প্রত্যক্ষ প্রমাণ দিলে

ভক্ত মল্লিকেরি মতো আমার ছুয়ারে দিলে হানা ॥

৭. সাধারণ মেয়ে

গামি অন্তঃপুরেব মেয়ে.--

চিনবে না আমাকে ।

তোমার শেষ গল্পের বইটি পড়েছি, শরৎবাব,

“বাসি ফুলের মালা ।”—

তোমার নায়িকা এলোকেশীর মরণদশা ধরেছিল

পঁয়ত্রিশ বছর বয়সে ।

পঁচিশ বছর বয়সের সঙ্গে ছিল তাব রেশারেশি,

দেগ্লেম, তুমি মহদাশয় বটে,

জিতিয়ে দিলে তাকে ।

নিজের কথা বলি ।

বয়স আমার অল্প ।

একজনের মন ছুঁয়েছিল

আমার এই কাঁচা বয়সের মায়া ।

তাই জেনে পুলক লাগত আমার দেহে,—

ভুলে গিয়েছিলেম, অত্যন্ত সাধারণ মেয়ে আমি ।

আমার মতো এমন আছে হাজার হাজার মেয়ে

অল্প বয়সের মস্ত তাদের যৌবনে ।

আধুনিক বাংলা কবিতা

তোমাকে দোহাই দিই
একটি সাধারণ মেয়ের গল্প লেখো তুমি
বড়ো দুঃখ তার ।

তারো স্বভাবের গভীরে
অসাধারণ যদি কিছু তলিয়ে থাকে কোথাও,
কেমন করে প্রমাণ করবে সে,
এমন ক-জন মেলে যারা তা ধরতে পারে ।
কাঁচাবয়সের জাছু লাগে ওদের চোখে,
মন যায় না সত্যের খোঁজে,
আমরা বিকিয়ে যাই মরীচিকার দামে ।

কথাটা কেন উঠল তা বলি ।
মনে করো তার নাম নরেশ ।
সে বলেছিল কেউ তার চোখে পড়েনি আমার মতো ।
এত বড়ো কথাটা বিশ্বাস করব-যে সাহস হয় না,—
না করব-যে এমন জোর কই ।

একদিন সে গেল বিলেতে ।
চিঠিপত্র পাই কখনো বা ।
মনে মনে ভাবি, রাম রাম, এত মেয়েও আছে সে দেশে,
এত তাদের ঠেলাঠেলি ভিড ।
আর তারা কি সবাই অসামান্য,
এত বুদ্ধি, এত উজ্জলতা ।
আর তারা সবাই কি আবিষ্কার করেছে এক নরেশ সেনকে
স্বদেশে যার পরিচয় চাপা ছিল দশের মধ্যে ।

গেল মেল-এর চিঠিতে লিখেচে
লিজির সঙ্গে গিয়েছিল সমুদ্রে নাইতে ।

রবীন্দ্রনাথ ঠাকুর

বাঙালী কবির কবিতা ক-লাইন দিয়েচে তুলে,

সেই যেখানে উর্কশী উঠ্চে সমুদ্র থেকে ।

তার পরে বালির পরে বসল পাশাপাশি,—

সামনে ছলচে নীল সমুদ্রের ঢেউ,

আকাশে ছড়ানো নিশ্চল সূর্যালোক ।

লিজি তাকে খুব আশ্বে আশ্বে বললে,

“এই সেদিন তুমি এসেচ, দুদিন পরে যাবে চলে,

ঝিল্লকের দুটি খোলা,

মাঝগানটুকু ভরা থাক

একটি নিরেট অশ্রুবিন্দু দিয়ে,—

দুর্লভ মূল্যহীন ।”

কথা বলবার কী অসামান্য ভঙ্গী ।

সেই সঙ্গে নরেশ লিখেচে

“কথাগুলি যদি বানানো হয় দোষ কী,

কিন্তু চমৎকার,—

হীরে-বসানো সোনার ফল কি সত্য, তবুও কি সত্য নয়?”

বঝতেই পারচ,

একটা তুলনার সঙ্কেত ওর চিঠিতে অদৃশ্য কাটার মতো

আমার বৃকের কাছে বিঁধিয়ে দিয়ে জানায়—

আমি অত্যন্ত সাধারণ মেয়ে ।

মূল্যবানকে পুরো মূল্য চুকিয়ে দিই

এমন ধন নেই আমার হাতে ।

ওগো না হয় তাই হোলো,

না হয় ঋণীই রইলেম চিরজীবন ।

পায়ে পড়ি তোমার, একটা গল্প লেখো তুমি, শরৎবাবু,

নিতান্ত সাধারণ মেয়ের গল্প,—

যে ছুর্ভাগিনীকে দূরের থেকে পাল্লা দিতে হয়

অস্তুত পাঁচ সাতজন অসামান্যার সঙ্গে—

আধুনিক বাংলা কবিতা

অর্থাৎ সপ্তরথিনীর মার ।

বুঝে নিয়েছি আমার কপাল ভেঙেচে,

হার হয়েছে আমার ।

কিন্তু তুমি যার কথা লিখবে,

তাকে জিতিয়ে দিয়ে। আমার হয়ে,

পড়তে পড়তে বুক যেন ওঠে ফুলে ।

ফুল চন্দন পড়ুক তোমার কলমেব মুখে ।

তাকে নাম দিয়ে। মালতী ।

ঐ নামটা আমার ।

পর। পড়বার ভয় নেই ;

এমন অনেক মালতী আছে বাংলাদেশে.

তার। সবাই সামান্য মেয়ে.

তার। ফরাসী জন্মান জানে না

কাদতে জানে ।

কী করে জিতিয়ে দেবে ।

উচ্চ তোমার মন, তোমার লেখনী মহীয়সী

তুমি হয়তো ওকে নিয়ে যাবে ত্যাগের পথে,

ছুপের চরমে, শকন্তলার মতো ।

দয়া কোরে। আমাকে ।

নেমে এসে। আমার সমতলে ।

বিছানায় শুয়ে শুয়ে রাত্রির অন্ধকারে

দেবতার কাছে যে অসম্ভব বর মাগি—

সে বর আমি পাব না.

কিন্তু পায় যেন তোমার নায়িকা ।

রাখ না কেন নরেশকে সাত বছর লগনে.

বারে বারে ফেল করুক তার পরীক্ষায়,

আদরে থাক্ গাপন উপাসিকা-মণ্ডলীতে ।

রবীন্দ্রনাথ ঠাকুর

ইতিমধ্যে মালতী পাস করুক এম, এ,

কলকাতা বিদ্যালয়ে,

গণিতে হোক প্রথম, তোমার কলমের এক আঁচড়ে ।

কিন্তু ঐখানেই যদি থামো

তোমার সাহিত্য-সম্রাট নামে পড়বে কলঙ্ক ।

আমার দশা যাই হোক

গাটো কোরো না তোমার কল্পনা ।

তুমি ত রূপণ নও বিধাতার মতো ।

মেয়েটাকে দাও পাঠিয়ে য়ুরোপে ।

সেখানে যারা জ্ঞানী যারা বিদ্বান যারা বীর,

যারা কবি যারা শিল্পী যারা রাজা,

দল বেঁধে আশ্রুক গুর চারদিকে ।

জ্যোতির্বিদের মতো আবিষ্কার করুক গুকে,

শুধু বিদূষী বলে নয়, নারী বলে ।

গুর মধ্যে যে বিশ্ববিজয়ী জাদু আছে

পরা পড়ুক তার রহস্য, মূঢ়ের দেশে নয়,

যে দেশে আছে সমজদার, আছে দরদৌ,

আছে ইংরেজ, জার্মান, ফরাসী ।

মালতীর সম্মানের জগ্ন সভা ডাকা হোক না,—

বড়ো বড়ো নামজাদার সভা ।

মনে করা যাক সেখানে বর্ষণ হচ্ছে মৃষলধারে চাট্বাক্য,

মাঝখান দিয়ে সে চলেচে অবহেলায়—

চেউয়ের উপর দিয়ে যেন পালের নৌকো ।

গুর চোখ দেখে গুরা করচে কানাকানি,

সবাই বলচে, ভারতবর্ষের সজল মেঘ আর উজ্জল রৌদ্র

মিলেচে গুর মোহিনী দৃষ্টিতে ।

(এইখানে জনান্তিকে বলে রাখি,

সৃষ্টিকর্তার প্রসাদ সত্যই আছে আমার চোখে ।

আধুনিক বাংলা কবিতা

বলতে হোলো নিজের মুখেই,
এখনো কোনো যুরোপীয় রসজ্ঞের
সাক্ষাৎ ঘটেনি কপালে ।)
নরেশ এসে দাঁড়াক সেই কোণে.
আর তার সেই অসামান্য মেয়ের দল ।
আর তার পরে ?
তার পরে আমার নটে শাকটি মুড়োলো.
স্বপ্ন আমার ফরোলো ।
হায়রে সামান্য মেয়ে
বিধাতার শক্তির অপব্যয় ॥

৮. শিশুতীর্থ

রাত কত হোলো ?
উত্তর মেলে না ।
কেননা, অন্ধ কাল যুগ-যুগান্তরের গোলকর্ধাধায় ঘোরে,
পথ অজানা.
পথের শেষ কোথায় খেয়াল নেই ।
পাহাড়তলীতে অন্ধকার মত রান্ধসের চক্ষুকোটরের মতো ;
সূপে সূপে মেঘ আকাশের বুক চেপে ধরেচে,
পুঞ্জ পুঞ্জ কালিমা গুহায় গর্তে সংলগ্ন,
মনে হয় নিশীথ রাতের ছিন্ন অঙ্গপ্রত্যঙ্গ ;
দিগন্তে একটা আগ্নেয় উগ্রতা
ক্ষণে ক্ষণে জলে আর নেভে ;
ও কি কোনো অজানা ছুঁইগ্রহের চোখ-রাঙানি,
ও কি কোনো অনাদি ক্ষুধার লেলিহ লোল জিহ্বা ।
বিক্ষিপ্ত বস্তুগুলো যেন বিকারের প্রলাপ,
অসম্পূর্ণ জীবনীলার ধূলিবিহীন উচ্ছিষ্ট ;
তারা অমিতাচারী দৃষ্ট প্রতাপের ভয় তোরণ,

রবীন্দ্রনাথ ঠাকুর

লুপ্ত নদীর বিশ্বতিবিলগ্ন জীর্ণ সেতু,
দেবতাহীন দেউলের সর্পবিবরছিদ্রিত বেদী,
অসমাপ্ত দীর্ঘ সোপানপংক্তি শূন্যতায় অবসিত ।
অকস্মাৎ উচ্চণ্ড কলরব আকাশে আবর্তিত আলোড়িত হতে থাকে,
ও কি বন্দী বন্যা-বারির গুহা-বিদারণের রলরোল ?
ও কি ঘূর্ণ্যতাণ্ডবী উন্মাদ সাধকের রুদ্ধ মন্ত্র উচ্চারণ ?
ও কি দাবাগ্নিবেষ্টিত মহারণের আত্মঘাতী প্রলয়-নিনাদ ?
এই ভীষণ কোলাহলের তলে তলে একটা অক্ষুট ধ্বনিধারা বিসর্পিত—
যেন অগ্নিগিরিনিঃসৃত গদগদ-কলমুখর পঙ্কশ্রোত ;
তাতে একত্রে মিলেচে পরশ্রীকাতরের কানাকানি, কুৎসিত জনশক্তি,
অবজ্ঞার কর্কশহাস্য ।

সেখানে মানুষগুলো সব ইতিহাসের ছেঁড়া পাতার মতো
ইতস্তত ঘুরে বেড়াচ্ছে,
মশালের আলোর ছায়ায় তাদের মুখে
বিভীষিকার উল্কি পরানো ।
কোনো এক সময়ে অকারণ সন্দেহে কোনো-এক পাগল
তার প্রতিবেশীকে হঠাৎ মারে,
দেখতে দেখতে নির্বিচার বিবাদ বিক্ষুব্ধ হয়ে ওঠে দিকে দিকে ।
কোনো নারী আর্তস্বরে বিলাপ করে.

বলে, হায় হায়, আমাদের দিশাহারা সন্তান উচ্ছন্ন গেল ।
কোন কামিনী যৌবনমদবিলসিত নয় দেহে অটহাস্য করে,
বলে, কিছুতে কিছু আসে যায় না ॥

২

উর্ধ্বে গিরিচূড়ায় বসে আছে ভক্ত, তুষারশুভ্র নীরবতার মধ্যে ;—
আকাশে তার নিদ্রাহীন চক্ষু খোঁজে আলোকের ইন্দ্রিত ।
মেঘ যখন ঘনীভূত, নিশাচর পাখী চিৎকার শব্দে যখন উড়ে যায়,
সে বলে, ভয় নেই ভাই, মানবকে মহান বলে জেনো ।

আধুনিক বাংলা কবিতা

ওরা শোনে না, বলে, পশুশক্তিই আত্মশক্তি, বলে পশুই শাস্ত ;
বলে সাধুতা তলে তলে আত্মপ্রবঞ্চক ।
যখন ওরা আঘাত পায়, বিলাপ ক'রে বলে, “ভাই তুমি কোথায় ?”
উত্তরে শূন্যে পায়, “আমি তোমার পাশেই ।”
অন্ধকারে দেখতে পায় না, তর্ক করে, “এ বাণী ভয়াবৃত্তের মায়ী-সৃষ্টি,
আত্মসাত্বনার বিড়ম্বনা ।”
বলে, “মানুষ চিরদিন কেবল সংগ্রাম করবে,
মরীচিকার অধিকার নিয়ে
হিংসা-কণ্টকিত অস্ত্রহীন মরুভূমির মধ্যে ॥”

৩

মেঘ সরে গেল ।
শুকতারা দেখা দিল পূর্কদিগন্তে,
পৃথিবীর বক্ষ থেকে উঠলো আরামের দীর্ঘনিশ্বাস,
পল্লবমন্দের বন পথে পথে হিল্লোলিত,
পাখী ডাক দিল শাখায়-শাখায় ।
ভক্ত বললে, সময় এসেচে ।
কিসের সময় ?
যাত্রার ।
ওরা বসে ভাবলে ।
অর্থ বুঝলে না, আপন আপন মনের মতো করে অর্থ বানিয়ে নিলে
ভোরের স্পর্শ নাম্ন মাটির গভীরে,
বিশ্বস্তার শিকড়ে শিকড়ে কেঁপে উঠল প্রাণের চাঞ্চল্য ।
কে জানে কোথা হতে একটি অতি সূক্ষ্মস্বর
সবার কানে কানে বললে,
চলো সার্থকতার তীর্থে ।
এই বাণী জনতার কণ্ঠে কণ্ঠে মিলিত হয়ে
একটি মহৎ প্রেরণায় বেগবান হয়ে উঠল ।

রবীন্দ্রনাথ ঠাকুর

পুরুষেরা উপরের দিকে চোখ তুললে,
জোড় হাত মাথায় ঠেকালে মেয়েরা ।
শিশুরা করতালি দিয়ে হেসে উঠল ।
প্রভাতের প্রথম আলো ভক্তের মাথায় সোনার রঙের
চন্দন পরালে,
সবাই বলে উঠল, “ভাই, আমরা তোমার বন্দনা করি ॥”

৪

যাত্রীরা চারিদিক থেকে বেরিয়ে পড়ল—
সমুদ্র পেরিয়ে, পর্বত ডিঙিয়ে, পথহীন প্রান্তর উত্তীর্ণ হয়ে ।—
এল নীলনদীর দেশ থেকে, গঙ্গার তীর থেকে,
তিব্বতের হিমমজ্জিত অধিত্যকা থেকে ;
প্রাকাররক্ষিত নগরের সিংহদ্বার দিয়ে,
লতাজালজটিল অরণ্যে পথ কেটে ।
কেউ আসে পায়ে হেঁটে, কেউ উটে, কেউ ঘোড়ায়, কেউ হাতীতে,
কেউ রথে চীনাংশুরের পতাকা উড়িয়ে ।
নানা ধর্মের পূজারী চল্ল ধূপ জালিয়ে, মন্ত্র পড়ে ;
রাজা চল্ল, অম্ভচরদের বর্শা-ফলক রোদ্রে দীপ্যমান,
ভেরী বাজে গুরু গুরু মেঘমন্দ্রে ।
ভিক্ষু আসে ছিন্ন-কস্থা পরে,
আর রাজ-অমাত্যের দল স্বর্ণলাঞ্ছন-খচিত উজ্জ্বল বেশে ;—
জ্ঞানগরিমা ও বয়সের ভারে মন্ত্র অধ্যাপককে ঠেলে দিয়ে চলে
চটুলগতি বিদ্যার্থী যুবক ।
মেয়েরা চলেছে কলহাস্তে, কত মাতা, কুমারী, কত বধু ;
থালায় তাদের শ্বেতচন্দন, ঝারিতে গন্ধসলিল ।
বেশ্যাও চলেছে সেই সঙ্গে, তীক্ষ্ণ তাদের কণ্ঠস্বর,
অতি-প্রকট তাদের প্রসাধন ।

আধুনিক বাংলা কবিতা

চলেচে পশু খঞ্জ, অন্ধ আতুর,
আর সাধুবেশী ধর্মব্যবসায়ী,
দেবতাকে হাতে হাতে বিক্রয় করা যাদের জীবিকা ।
সার্থকতা !
স্পষ্ট করে কিছু বলে না—কেবল নিজের লোভকে মহৎ নামে
বৃহৎ মূল্য দিয়ে ঐ শব্দটার ব্যাখ্যা করে,
আর শাস্তিশঙ্কাহীন চৌর্যবৃত্তির অনন্ত সুযোগে ও আপন মলিন
ক্লিন্ন দেহমাংসে অক্লান্ত লোলুপতা দিয়ে কল্পস্বর্গ রচনা করে ।

৫

দয়াহীন দুর্গমপথ উপলথণ্ডে আকৌর্ণ ।
ভক্ত চলেচে, তার পশ্চাতে বলিষ্ঠ এবং শৌর্ন.
তরুণ এবং জরা-জর্জর, পৃথিবী শাসন করে যারা,
আর যারা অন্ধাশনের মূল্যে মাটি চাষ করে ।
কেউ বা ক্লাস্ত বিক্ষতচরণ, কারো মনে ক্রোধ, কারো মনে সন্দেহ ।
তারা প্রতি পদক্ষেপ গণনা করে আর শুধায়, কত পথ বাকি ।
তার উত্তরে ভক্ত শুধু গান গায় ।
শুনে তাদের ড্র কুটিল হয়, কিন্তু ফিরতে পারে না,
চলমান জনপিণ্ডের বেগ এবং অনতিব্যক্ত আশার তাড়না
তাদের ঠেলে নিয়ে যায় ।
ধুম তাদের কমে এল, বিশ্রাম তারা সংক্ষিপ্ত করলে,
পরস্পরকে ছাড়িয়ে চলবার প্রতিযোগিতায় তারা ব্যগ্র,
ভয়, পাছে বিলম্ব করে বঞ্চিত হয় ।
দিনের পর দিন গেল ।
দিগন্তের পর দিগন্ত আসে,
অজ্ঞাতের আমন্ত্রণ অদৃশ্য সঙ্কেতে ইঙ্গিত করে ।
ওদের মুখের ভাব ক্রমেই কঠিন
আর ওদের গঞ্জনা উগ্রতর হোতে থাকে ।

রবীন্দ্রনাথ ঠাকুর

৬

রাত হয়েছে ।

পথিকেরা বটতলায় আসন বিছিয়ে বসল ।

একটা দমকা হাওয়ায় প্রদীপ গেল নিবে, অন্ধকার নিবিড়,

যেন নিদ্রা ঘনিয়ে উঠল মূচ্ছায় ।

জনতার মধ্যে কে একজন হঠাৎ দাঁড়িয়ে উঠে

অধিনেতার দিকে আঙুল তুলে বললে,

“মিথ্যাবাদী, আমাদের প্রবঞ্চনা করেচ ।”

ভৎসনা এক কণ্ঠ থেকে আরেক কণ্ঠে উদগ্র হতে থাকল ।

তীব্র হল মেয়েদের বিদ্বেষ, প্রবল হল পুরুষদের তর্জ্জন ।

অবশেষে একজন সাহসিক উঠে দাঁড়িয়ে

হঠাৎ তাকে মারলে প্রচণ্ড বেগে

অন্ধকারে তার মুখ দেখা গেল না ।

একজনের পর একজন উঠল, আঘাতের পর আঘাত করলে,

তার প্রাণহীন দেহ মাটিতে লুটিয়ে পড়ল ।

রাত্রি নিস্তব্ধ ।

ঝরনার কলশব্দ দূর থেকে ক্ষীণ হয়ে আসচে ।

বাতাসে যুথীর মূহু গন্ধ ।

৭

যাত্রীদের মন শঙ্কায় অভিভূত ।

মেয়েরা কাঁদচে, পুরুষেরা উত্ত্যক্ত হয়ে ভৎসনা করচে, চুপ করো ।

কুকুর ডেকে ওঠে, চাবুক খেয়ে আর্ত কাকুতিতে তার ডাক খেমে যায় ।

রাত্রি পোহাতে চায় না ।

অপরাধের অভিযোগ নিয়ে মেয়ে পুরুষে তর্ক তীব্র হতে থাকে ।

সবাই চীৎকার করে, গর্জ্জন করে,

আধুনিক বাংলা কবিতা

শেষে যখন গাপ থেকে ছুরি বেরোতে চায়

এমন সময় অন্ধকার ক্ষীণ হোলো,

প্রভাতের আলো গিরিশৃঙ্গ ছাপিয়ে আকাশ ভরে দিলে ।

হঠাৎ সকলে শুরু ;

সূর্য্যরশ্মির তর্জ্জনী এসে স্পর্শ করল

রক্তাক্ত মৃত মানুষের শান্ত ললাট ।

মেয়েরা ডাক ছেড়ে কেঁদে উঠল, পুরুষেরা মুখ ঢাকল ছুই হাতে ।

কেউ বা অলসিতে পালিয়ে যেতে চায়, পারে না ;

অপরায়ের শৃঙ্খলে আপন বলির কাছে তারা বাঁধা ।

পরস্পরকে তারা শুধায়, “কে আমাদের পথ দেখাবে ?”

পূর্ব দেশের বুদ্ধ বললে,

“আমরা যাকে মেরেচি সেই দেখাবে ।”

সবাই নিরুত্তর ও নতশির ।

বুদ্ধ আবার বললে, “সংশয়ে তাকে আমরা অস্বীকার করেচি,

ক্রোধে তাকে আমরা হনন করেচি,

প্রেমে এখন আমরা তাকে গ্রহণ করব,

কেননা, মৃত্যুর দ্বারা সে আমাদের সকলের জীবনের মধ্যে সঞ্জীবিত

সেই মহা মৃত্যুঞ্জয় ।”

সকলে দাঁড়িয়ে উঠল, কণ্ঠ মিলিয়ে গান করলে,

“জয় মৃত্যুঞ্জয়ের জয় ।”

৮

তরুণের দল ডাক দিল, “চলো যাত্রা করি,

প্রেমের তীর্থে, শক্তির তীর্থে,”

হাজার কণ্ঠের ধ্বনি-নির্ঝরে ঘোষিত হোলো—

“আমরা ইহলোক জয় করবো এবং লোকান্তর ।”

উদ্দেশ্য সকলের কাছে স্পষ্ট নয়, কেবল আগ্রহে সকলে এক,

রবীন্দ্রনাথ ঠাকুর

মৃত্যুবিপদকে তুচ্ছ করেছে

সকলের সম্মিলিত সকলমান ইচ্ছার বেগ ।

তারা আর পথ শুধায় না, তাদের মনে নেই সংশয়,

চরণে নেই ক্লাস্তি ।

মৃত অধিনেতার আত্মা তাদের অন্তরে বাহিরে ;

সে-যে মৃত্যুকে উত্তীর্ণ হয়েছে

এবং জীবনের সীমাকে করেছে অতিক্রম ।

তারা সেই ক্ষেত্র দিয়ে চলেচে যেখানে বীজ বোনা হল,

সেই ভাণ্ডারের পাশ দিয়ে, যেখানে শস্য হয়েছে সঞ্চিত,

সেই অল্পবর্ষের ভূমির উপর দিয়ে

যেখানে কঙ্কালসার দেহ বসে আছে প্রাণের কাঙাল ।

তারা চলেচে প্রজাবহুল নগরের পথ দিয়ে,

চলেচে জনশূন্যতার মধ্য দিয়ে

যেখানে বোবা অতীত তার ভাঙা কীৰ্ত্তি কোলে নিয়ে নিস্তরু ;

চলেচে লক্ষ্মীছাড়াদের জীর্ণ বসতি বেয়ে

আশ্রয় যেখানে আশ্রিতকে বিক্রম করে ।

রৌদ্রদগ্ন বৈশাখের দীর্ঘ প্রহর কাটল পথে পথে ।

সন্ধ্যাবেলায় আলোক যখন ম্লান তখন তারা কালজ্বলে শুধায়,

“ঐ কি দেখা যায় আমাদের চরম আশার তোরণ-চূড়া ?”

সে বলে, “না, ও যে সন্ধ্যাভ্রশিখরে

অস্তগামী সূর্যের বিলীয়মান আভা ।”

তরুণ বলে, “থেমো না, বন্ধু, অন্ধ তমিস্র রাত্রির মধ্য দিয়ে

আমাদের পৌছতে হবে মৃত্যুহীন জ্যোতির্লোকে ।”

অন্ধকারে তারা চলে ।

আধুনিক বাংলা কবিতা

পথ যেন নিজের অর্থ নিজে জানে,
পায়ের তলার ধূলিও যেন নীরব স্পর্শে দিক চিনিয়ে দেয় ।
স্বর্গপথযাত্রী নক্ষত্রের দল মৃক সঙ্কীতে বলে, “সাথী, অগ্রসর হও ।”
অধিনেতার আকাশবাণী কানে আসে, “তার বিলম্ব নেই ।”

৯

প্রত্যুষের প্রথম আভা

অরণ্যের শিশিরবর্ষা পল্লবে পল্লবে ঝলমল করে উঠল ।
নক্ষত্রসঙ্কেতবিদ জ্যোতিষী বললে, “বন্ধু আমরা এসেছি ।”
পথের দুইধারে দিকপ্রাপ্ত অবধি
পরিণত শস্যশীর্ষ স্নিগ্ধ বায়ুহিল্লোলে দোলায়মান.—
আকাশের স্বর্ণলিপির উত্তরে ধরণীর আনন্দবাণী ।
গিরিপদবর্তী গ্রাম থেকে নদীতলবর্তী গ্রাম পর্য্যন্ত
প্রতিদিনের লোকযাত্রা শাস্ত গতিতে প্রবহমান
কুমোরের চাকা ঘুরচে গুঞ্জনস্বরে,
কাঠুরিয়া হাতে আনচে কাঠের ভার,
রাখাল ধেনু নিয়ে চলেচে মাঠে,
বধূরা নদী থেকে ঘট ভরে যায় ছায়াপথ দিয়ে ।
কিন্তু কোথায় রাজার দুর্গ, সোনার খনি,
মারণ উচাটন মন্ত্রের পুরাতন পুঁথি ?
জ্যোতিষী বললে, “নক্ষত্রের ইঙ্গিতে ভুল হতে পারে না
তাদের সঙ্কেত এইখানেই এসে থেমেচে ।”
এই বলে ভক্তি-নব্রশিরে

পথপ্রাপ্তে একটি উৎসের কাছে গিয়ে সে দাঁড়ালো ।
সেই উৎস থেকে জলস্রোত উঠে যেন তরল আলোক,
প্রভাত যেন হাসি-অশ্রুর গলিত-মিলিত গীতধারায় সমুচ্ছল ।

রবীন্দ্রনাথ ঠাকুর

নিকটে তালি-কুঞ্জতলে একটি পর্ণকুটীর

অনির্বচনীয় স্তব্ধতায় পরিবেষ্টিত

দ্বারে অপরিচিত সিদ্ধুতীরের কবি গান গেয়ে বল্চে,

“মাতা, দ্বার খোলো।”

১০

প্রভাতের একটি রবিরশ্মি রুদ্ধদ্বারের নিম্ন প্রান্তে

তির্যক্ হয়ে পড়েচে।

সম্মিলিত জন-সংঘ আপন নাড়ীতে নাড়ীতে যেন শূন্যে পেল
সৃষ্টির সেই প্রথম পরমবাণী, “মাতা, দ্বার খোলো।”

দ্বার খুলে গেল ✓

মা বসে আছেন তৃণশয্যায়, কোলে তাঁব শিশু,

উষার কোলে যেন শুকতার।

দ্বারপ্রান্তে প্রতীক্ষাপরায়ণ সূর্যরশ্মি শিশুর মাথায় এসে পড়ল।

কবি দিল আপন বীণার তারে ঝঙ্কার, গান উঠল আকাশে,

“জয় হোক মানুষের, ঐ নবজাতকের, ঐ চিরজীবিতের।”

সকলে জান্ন পেতে বসল, রাজা এবং ভিক্ষু, সাধু এবং পাপী,

জ্ঞানী এবং মূঢ়—

উচ্চস্বরে ঘোষণা করলে, “জয় হোক মানুষের,

ঐ নবজাতকের, ঐ চিরজীবিতের।”

৯.

মধ্যদিনে যবে গান

বন্ধ করে পাখী,

হে রাখাল, বেণু তব

বাজাও একাকী।

আধুনিক বাংলা কবিতা

শান্ত প্রান্তরের কোণে

রুদ্ধ বসি তাই শোনে

মধুরের ধ্যানাবেশে

স্বপ্নমগ্ন আঁপি ।

হে রাখাল, বেণু যবে

বাজাও একাকী

সহসা উচ্ছ্বসি উঠে

ভরিয়া আকাশ

তুষাতপ্ত বিরহের

নিরুদ্ধ নিঃশ্বাস ।

অম্বর প্রান্তের দূরে

ডম্বর গন্তীর সুরে

জাগায় বিদ্যুৎ ছন্দে

আসন্ন বৈশাগী ।

হে রাখাল, বেণু তব

বাজাও একাকী ॥

১০.

কেন পাঙ্ক এ চঞ্চলতা ।

কোন শূন্য হ'তে এল কার বারতা ।

নয়ন কিসের প্রতীক্ষা-রত

বিদায় বিষাদে উদাস মতো,

ঘন-কুন্তলভার ললাটে নত

ক্লাস্ত তড়িৎবধু তন্দ্রাগতা ॥

রবীন্দ্রনাথ ঠাকুর

কেশর-কৌণ কদম্ব বনে

মর্ম্মরমুখরিত মৃদু পবনে

বর্ষণ-হর্ষভরা ধরণীর

বিরহ-বিশঙ্কিত করুণ ব্যথা ।

ধৈর্য্যে মানে। গুণে ধৈর্য্যে মানে!

বর-মালা গলে তব হয়নি ম্লান

আজো হয়নি ম্লান

ফলগন্ধ-নিবেদন-বেদন সুন্দর

মালতী তব চরণে প্রণতা

১১.

নীলাঞ্জন ছায়া।

প্রফুল্ল কদম্ববন.

জম্বুপুঞ্জ শ্যাম বনাস্তু

বনবীথিকা ঘন স্তম্ভক ।

মস্তুর নব নীলনীরদ-

পরিকৌণ দিগন্ত ।

চিত্ত মোর পন্তহারা

কান্ত'-বিরহ কান্তারে ।

১২.

নীল অঞ্জনঘন-পুঞ্জছায়ায় সম্বৃত অম্বর,

হে গন্তীর,

বনলক্ষ্মীর কম্পিত কায় চঞ্চল অন্তর

ঝঙ্কত তার ঝিল্লীর মঞ্জীর

হে গন্তীর ।

আধুনিক বাংলা কবিতা

বর্ষণ গীত হলো মুখরিত
মেঘমন্দিরিত ছন্দে,
কদম্বঘন গভীর মগন
আনন্দঘন গন্ধে,
মন্দিরিত তব উৎসব-মন্দির ।

দহন-শয়নে তপ্ত ধরণী
পড়েছিল পিপাসার্তা,
পাঠালে তাহারে ইন্দ্রলোকের
অমৃতবারির বার্তা ।
মাটির কঠিন বাধা হল ক্ষীণ,
দিকে দিকে হল দীর্ঘ,
নব অঙ্কুর জয়পতাকায়
ধরাতল সমাকীর্ণ,
ছিন্ন হয়েছে বন্ধন বন্দীর,
হে গভীর ।

যতীন্দ্রমোহন বাগচী

(১৮৭৮)

১৩. যৌবন চাঞ্চল্য

ভূটিয়া যুবতী চলে পথ ;
আকাশ কালিমামাথা কুয়াশায় দিক্ ঢাকা,
চারিধারে কেবলই পর্বত ;
যুবতী একেলা চলে পথ ।
এদিক ওদিক চায় গুণগুণি' গান গায়,
কভু বা চমকি চায় ফিরে' ;

যতীন্দ্রমোহন বাগচী

গতিতে ঝরে আনন্দ উথলে নৃত্যের ছন্দ
 'আঁকা-বাঁকা গিরি-পথ ঘিরে' ।
 ভুটিয়া যুবতী চলে পথ !
 টস্টসে রসে ভরপুর—

আপেলের মত মুগ আপেলের মত বুক
 পরিপূর্ণ প্রবল প্রচুর ;
 যৌবনের রসে ভরপুর

মেঘ ডাকে কড়্, কড়্, বৃষ্টি বা আসিবে ঝড়,
 একটু নাহিক ডর তা'তে ;

উঘারি' বৃকের বাস, পুরায় বিচিত্র আশ
 উরস পরশি' নিজ হাতে !
 অজানা ব্যথায় স্তমধুর—
 সেথা বৃষ্টি করে গুরুগুর !
 যুবতী একেলা পথ চলে ;

পাশের পলাশ-বনে কেন চায় অকারণে ?
 আবেশে চরণ দু'টি টলে—
 পায়ে-পায়ে বাধিয়া উপলে !

আপনার মনে যায় আপনার মনে গায়,
 তবু কেন আনপানে টান ?

করিতে রসের সৃষ্টি চাই কি দশের দৃষ্টি ?
 —স্বরূপ জানেন ভগবান !
 সহজে নাচিয়া যেবা চলে
 একাকিনী ঘন বনতলে—
 জানি নাকো তারো কি ব্যথায়
 আখিজলে কাজল ভিজায় ।

১৪. দূরের পাল্লা

(অংশ)

ছিপ্‌খান তিন-দাঁড়-
তিনজন মাল্লা
চৌপর দিন-ভোর
গায় দর পাল্লা ।

কঞ্চির তীর-ঘর
ঐ চর জাগছে,
বন-হাঁস ডিম তার
শ্যা গলায় ঢাকছে ।

চুপ চুপ— এই ডুব
গায় পানকোটী,
গায় ডুব টুপ টুপ
ঘোমটার বউটি ।
রূপশালি খান বৃষ্টি
এই দেশে সৃষ্টি,
ধূপছায়া যার শাড়ী
তার হাসি মিষ্টি ।

মুখখানি মিষ্টি রে
চোখ দুটি ভোমরা
ভাব-কদমের — ভরা
রূপ দেখো তোমরা ।

পান বিনে ঠোঁট রাঙা
চোখ কালো ভোমরা.
রূপশালি-খান-ভানা
রূপ দেখো তোমরা ।

*

*

*

সত্যেন্দ্রনাথ দত্ত

পান সুপারি ! পান সুপারি !
এই খানেতে শক। ভারি,
পাঁচ পীরেরই শৌণি মেনে
চল্বে টেনে বৈঠা হেনে ;
বাঁক সমুখে, সামনে ঝুঁকে
বায় বাঁচিয়ে, ডাইনে রুখে
বুক দে টানো.. বইঠা হানে,
সাত সতেরো কোপ কোপানে।।
হাড়-বেরুনে। গেজুর গুলে।
ডাইনী যেন ঝামর-চুলে।
নাচতেছিল সন্ধ্যাগমে
লোক দেখে কি থম্কে গেল।
জম্জমাটে জঁাকিয়ে ক্রমে
রাত্রি এলো রাত্রি এলো।।
ঝাপসা আলোয় চরের ভিত্তে
কিচ্ছে কার। মাছের পাছে,
পীর বদরের কুদ্রতিতে
নৌকা বাধা হিজল-গাছে।

*

*

*

লক্ লক্ শর বন
বক্ তায় মগ্ন,
চুপ্, চাপ চারদিক্
সন্ধ্যার লগ্ন।

চারদিক নিঃসাড়,
ঘোর ঘোর রাত্রি,
ছিপ্, খান তিন দাঁড়,
চারজন যাত্রী।

আধুনিক বাংলা কবিতা

জড়ায় ঝাঁঝি দাড়ে মখে,
ঝাড়য়ের বাঁথি হাওয়ায় ঝুঁকে
ঝিমায় বৃষ্টি ঝাঁঝিঁর গানে--
স্বপন পানে পরান টানে ।

তারায় ভরা আকাশ ও কি
ভুলোয় পেয়ে ধুলোর পরে
লুটিয়ে প'ল আচম্বিতে
কুহক-মোহ মস্ত-ভরে !

কেবল তারা ! কেবল তারা !
শেষের শিরে মাণিক-পারা.
হিসাব নাহি সংখ্যা নাহি
কেবল তারা যেথায় চাহি ।

কোথায় এলো নৌকাখানা
তারার ঝড়ে হই রে কাণা,
পথ ভুলে কি এই তিমিরে
নৌকো চলে আকাশ চিরে ।

আর জোর দেড় ক্রোশ--
জোর দেড় ঘণ্টা,
টান্ ভাই টান্ সব---
নেই উৎকর্ষ ।

চাপ্, চাপ্, শ্যাঙলার
দ্বীপ সব সার সার,
বৈঠার ঘায় সেই
দ্বীপ সব নড়ছে,
ভিল্ ভিলে হাঁস তার
জল গায় চড়ছে ।

ওই মেঘ জম্ছে.
চল ভাই সমঝে.
গাও গান, দাও শিশ্,---
বক্শিশ্ ! বক্শিশ্ !

খুব জোর ডুব-জল,
বয় শ্রোত ঝিঝিঝি,
নেই টেউ কল্লোল,
নয় দর নয় তীর ।

নেই নেই শঙ্কা.
চল্ সব ফুঁড়ি,---
বক্শিশ্ টঙ্কা.
বক্শিশ্ ফুঁড়ি ।

ঘোর ঘোর সন্ধ্যায়,
ঝাউগাছ তুলছে,
ঢোল-কলমীর ফুল
তন্দ্রায় তুলছে ।

১৫. ইল্শে গুঁড়ি

ইল্শে গুঁড়ি ! ইল্শে গুঁড়ি !

ইলিশ মাছের ডিম ।

ইল্শে গুঁড়ি ইল্শে গুঁড়ি

দিনের বেলার হিম ।

কেয়াফুলে ঘুণ লেগেছে

পড়তে পরাগ মিলিয়ে গেছে,

মেঘের সীমায় রোদ জেগেছে,

আলতা-পাটি শিম্ ।

ইল্শে গুঁড়ি ! হিমের কুঁড়ি,

রোদুরে রিম্ ঝিম্ ।

আধুনিক বাংলা কবিতা

হাল্কা হাওয়ায় মেঘের ছাওয়ায়
ইল্শে গুঁড়ির নাচ ।
ইল্শে গুঁড়ির নাচন দেখে
নাচ্ছে ইলিশ মাছ ।
কেউবা নাচে জলের তলায়
ল্যাজ তুলে কেউ ডিগ্বাজী খায় ;
নদীতে ভাই ! জাল নিয়ে আয়,
পুকুরে ছিপ গাছ ।

উল্সে গুঁঠে মনটা, দেখে
ইল্শে গুঁড়ির নাচ ।

ইল্শে গুঁড়ি- পবীর ঘুড়ি,—
কোথায় চলেছে ?
ঝুম্‌রো চুলে ইল্শে গুঁড়ি
মুক্তো ফলেছে !
ধানের বনের চিংড়ি গুলো
লাফিয়ে গুঁঠে বাড়িয়ে নুলো ;
ব্যাঙ ডাকে এই গলা ফুলো।

আকাশ গলেছে ;
বাঁশের পাতায় ঝিমোয় ঝিঁঝি
বাদল চলেছে ।

মেঘায় মেঘায় সূর্য্য ডোবে
জড়িয়ে মেঘের জাল,
ঢাকলো মেঘের ঝুঞ্জে-পোষে
তাল-পাটালির খাল !
লিপছে যারা তালপাতাতে
থাগের কলম বাগিয়ে হাতে

সত্যেন্দ্রনাথ দত্ত

তাল-বড়া দাও তাদের পাতে
টাটকা ভাজা চাল ;
পাতার বাঁশী তৈরী করে
দিয়ে। তাদের কাল ।

খেজুর পাতার সবুজ টিয়ে
গডতে পারে কে ?

তালের পাতার কানাই-ভেঁপু
না হয় তারে দে !
ইলশে গুঁড়ি—জলের ফাঁকি—
ঝরছে কত,— বল্‌ব তা কী ?
ভিজতে এল বাবুই পাখী
বাইরে ঘর থেকে ;—

পডতে পাখায় লুকালো জল
ভিজলো নাকো সে !

ইলশে গুঁড়ি ! ইলশে গুঁড়ি !
পরীর কানের ছল.

ইলশে গুঁড়ি ! ইলশে গুঁড়ি !
ঝুরো কদম ফুল ।
ইলশে গুঁড়ির খুনসুড়িতে
ঝাড়ছে পাখা—টুনটুনিতে,

নেবফুলের কুঞ্জটিতে
ছলছে দোছল্‌ ছল ;
ইলশে গুঁড়ি মেঘের খেয়াল
ঘুম-বাগানের ফুল ।

১৬. শব্দকল্পদ্রুম !

ঠাস্ ঠাস্ দ্রম্ দ্রাম্, শুনে লাগে খটকা,—
 ফুল ফোটে ? তাই বল ! আমি ভাবি পটকা !
 শাঁই শাঁই পনপন, ভয়ে কান বন্ধ—
 এই বুঝি ছুটে যায় সে ফুলের গন্ধ ?
 হুড়মুড় ধূপ্, ধাপ—ও কি শুনি ভাই রে !
 দেখছ না হিম পড়ে—যেও নাকো বাইরে ।
 চূপ্, চূপ্, ঐ শোন । ঝুপ্, ঝাপ্, ঝাপা—স্ ।
 টাঁদ বঝি ডুবে গেল ?—গব্, গব্, গবা—স্ ।
 খ্যাশ্, খ্যাশ্, ঘ্যাচ্, ঘ্যাচ, রাত কাটে ঐ রে ।
 ছুড় দাড় চুরমার—ঘুম ভাঙে কই রে ।
 ঘর্ঘর ভনভন ঘোরে কত চিন্তা ।
 কত মন নাচে শোন—ধেই ধেই ধিন্তা !
 ঠুং ঠাং ঢংঢং , কত ব্যথা বাজে রে !
 ফট্ ফট্ বুক ফাটে তাই মাঝে মাঝে রে !
 হেই হেই মার্ মার্, 'বাপ্, বাপ্,' চীৎকার—
 মালকোঁচা মারে বুঝি ? স'রে পড্ এইবার !

১৭. রামগরুড়ের ছানা

রামগরুড়ের ছানা	হাস্তে তাদের মানা
হাসির কথা শুনলে বলে,	
“হাস্বে না না, না না” !	
সদাই মরে আসে—	ঐ বুঝি কেউ হাসে !
এক চোখে তাই মিটমিটিয়ে	
তাকায় আশে পাশে ।	

আধুনিক বাংলা কবিতা

গীত গাই কানে কানে চাঁৎকার করে,
কোন গানে মন ভেজে শোন বলি তোরে-
পূর্বদিকে মাঝ রাতে ছোপ দিয়ে রাঙা
রাতকানা চাঁদ গুঠে আধখানা ভাঙা ।
চট্ করে মনে পড়ে মটকার কাছে
মালপোয়া আধখানা কাল থেকে আছে ।
ছুড় ছুড় ছুটে যাই দূর থেকে দেখি
প্রাণপণে ঠোট চাটে কানকাটা নেকী !
গালফোলা মুখে তার মালপোয়া ঠাসা
ধুক করে নিভে গেল বুক ভরা আশা ।
মন বলে আর কেন সংসারে থাকি
বিল্কুল্ সব দেখি ভেঙ্কির ফাঁকি ।
সব যেন বিচ্ছিরি সব যেন থালি,
গিল্লির মুখ যেন চিমনির কালি ।
মন ভাঙা তখন মোর কণ্ঠেতে পূরে
গান গাই আয় ভাই প্রাণফাটা সুরে ।

১৯.

শুনেছ কি হলে গেল সীতানাথ বন্দ্যো ?
আকাশের গায়ে নাকি টকটক গন্ধ ?
টকটক থাকে নাকো হলে পরে বৃষ্টি---
তখন দেগেছি চেটে একেবারে মিষ্টি ।

২০. আবোল তাবোল

মেঘ মলুকে ঝাপসা রাতে,
রামধনুকের আবছায়াতে,
তাল বেতালে খেয়াল সুরে
তান ধরেছি কণ্ঠ পূরে ।

স্বকুমার রায়

হেথায় নিষেধ নাই রে দাদা
নাইরে বাঁধন নাইরে বাধা ।
হেথায় রঙীন আকাশ তলে
স্বপন দোলা হাওয়ায় দোলে,
স্বরের নেশায় ঝরণা ছোটে,
আকাশ কুমুম আপনি ফোটে,
রঙিয়ে আকাশ রঙিয়ে মন
চমক জাগে ক্ষণে ক্ষণ ।
আজকে দাদা যাবার আগে
বল্ব যা মোর চিন্তে লাগে—
নাইবা তাহার অর্থ হোক
নাইবা বুকু বেবাক লোক ।
আপনাকে আজ আপন হ'তে
ভাসিয়ে দিলাম খেয়াল স্রোতে ।
ছুটলে কথা থামায় কে ?
আজকে ঠেকায় আমার কে ?
আজকে আমার মনের মাঝে
ধাঁই ধপাধপ্, তব্, লা বাজে—
রাম-খটাখট্ ঘঁ্যাচাং ঘঁ্যাচ্,
কথায় কাটে কথার পঁ্যাচ্ ।
আলোয় ঢাকা অন্ধকার
ঘণ্টা বাজে গন্ধে তার !
গোপন প্রাণে স্বপন দূত
মঞ্চে নাচেন পঞ্চ ভূত ।
হ্যাংলা হাতী চ্যাং দোলা,
শূন্তে তাদের ঠ্যাং তোলা ।
মক্ষিরানী পক্ষীরাজ—
দস্যি ছেলে লক্ষী আজ ।

আধুনিক বাংলা কবিতা

আদিম কালের চাদিম হিম
তোড়ায় বাঁধা ঘোড়ার ডিম ।
ঘনিয়ে এলো ঘুমের ঘোর
গানের পালা সাজ মোর ।

মোহিতলাল মজুমদার

(১৮৮৮)

২১. পান্ডু

(অংশ)

(দার্শনিক সন্ন্যাসী Schopenhauer-এর উদ্দেশে)

* * * *

১২

যে স্বপ্ন হরণ তুমি করিবারে চাও, স্বপ্নহর !
তারি মায়্যা-মুগ্ধ আমি, দেহে মোর আকণ্ঠ পিপাসা !
মৃত্যুর মোহন-মন্ত্রে জীবনের প্রতিটি প্রহর
জপিছে আমার কানে সক্রম মিনতির ভাষা !
নিফল কামনা মোরে করিয়াছে কল্প নিশাচর !
চক্ষু বৃজি' অদৃষ্টের সাথে আমি খেলিতেছি পাশা—
হেরে যাই বার বার, প্রাণে মোর জাগে তবু দুরন্ত দুরাশা !

১৩

সুন্দরী সে প্রকৃতিরে জানি আমি—মিথ্যা সনাতনী !
সত্যেরে চাহি না তবু, সুন্দরের করি আরাধনা—
কটাক্ষ-ঈক্ষণ তার—হৃদয়ের বিশল্যকরণী !
স্বপনের মণিহারে হেরি তার সৌমন্ত-রচনা !
নিপুণা নটিনী নাচে. অঙ্কে-অঙ্কে অপূর্ব লাবণি !
স্বর্ণপাত্রে সুধারস, না সে বিষ ?—কে করে শোচনা ।
পান করি স্থনির্ভয়ে, মুচকিয়া হাসে যবে ললিত-লোচনা !

জানিতে চাহি না আমি কামনার শেষ কোথা আছে,
ব্যথায় বিবশ, তবু হোম করি জ্বালি' কামানল !—
এ দেহ ইক্ষন তায়—সেই সুখ !—নেত্রে মোর নাচে
উলঙ্গিনী ছিন্নমস্তা !—পাত্রে ঢালি লোহিত গরল !
যত্ন ভূতরূপে আসি' ভয়ে ভয়ে পরসাদ যাচে !
মুহূর্তের মধু লুটি—ছিন্ন করি' হৃদপদ্ম-দল !
যামিনীর ডাকিনীর। তাই হেরি' এক সাথে হাসে গল-গল !

চিনি বটে যৌবনের পুরোহিত প্রেম-দেবতারে,—
নারীরূপা প্রকৃতিরে ভালোবেসে বক্ষে লই টানি,'
অনন্ত রহস্যময়ী স্বপ্নময়ী চির অচেনারে
মনে হয় চিনি যেন—এ বিশ্বের সেই ঠাকুরাণী !
নেত্র তার মৃত্যু-নীল !—অধরের হাসির বিথারে
বিস্মরণী রশ্মিরাগ ! কটিতলে জন্ম-রাজধানী !
উরসের অগ্নিগিরি সৃষ্টির উত্তাপ-উৎস !—জানি তাহা জানি !

এ ভব ভবনে আমি অতিথি যে তাহারি উৎসবে !—
জন্ম-মৃত্যু - দুই দ্বারে দাঁড়াইয়া সে করে বন্দনা !
অশ্রুজলে স্নানোদক ঢালি' দেয় স্নেহের সৌরভে.
মুক্ত করি' কেশপাশ, পাদপীঠ করে সে মার্জনা !
নিঙাড়িয়া মর্ম-মধু গুঠে ধরে অতুল গৌরবে !
পরশে চন্দন-রস ! মালাখানি হু'ভুজে রচনা !
আমারে তুষিবে বলি' প্রিয়া মোর ধূলি'পরে দেয় আলিপনা !

আধুনিক বাংলা কবিতা

১৭

তবু সে মোহিনী ! আহা, তাই বটে !— হে জ্ঞানী বৈরাগী,
এ জ্ঞান কোথায় পেলো ?— মর্শ্বে-মর্শ্বে তুমি মহাকবি !
রুদ্ধপ্রাণে কুপিতা সে প্রকৃতির অভিশাপভাগী—
কল্পনার নিশিথোগে আধারিলে ঝনের অটবী !
অভভেদী চিন্ত-চূড়া যস্তিকার পরশ তেয়ানি
উঠিয়াছে মেঘলোকে !— সেথা নাই নিশাস্তের রবি !—
বিদ্যৎ-গর্জন-গানে নিত্য সেথা নৃত্য করে ভাবনা-ভৈরবী !

১৮

কহ মোরে, জাতিস্মর ! কবে তুমি করেছিলে পান
ধরণীর মৃৎপাত্রে রমণীর হৃদয়ের রস ?
পূর্বজন্ম-বিভীষিকা ?— তারি তার প্রেতের সমান
বক্ষে চাপি স্মৃতি-বিষে করিল কি বাসনা বিবশ ?
ব্যথার চাতুরী শুধু ?—মাধুরীতে ভরে নাই প্রাণ ?
মধু-রাতে মাধবীটি তুলে নিতে হ'ল না সাহস !
ওষ্ঠে হাসি, নেত্রে জল— বৃষিল না অপরূপ জ্বালায় হ্রস্ব !

১৯

জীবনের দুঃখ-সুখ বার-বার তুঞ্জিতে বাসনা—
অমৃত করে না লুক, মরণেরে বাসি আমি ভালো !
যাতনার হাহারবে গাই গান,—তুষার্ত রসনা
বলে, 'বন্ধু ! উগ্র ওই সোমরস ঢালো, আরো ঢালো !'
তাই আমি রমণীর জায়ারূপ করি উপাসনা—
এই চোখে আর বার না মিবিতে গোধুলির আলো,
আমারি নূতন দেহে, ওগো সখি, জীবনের দীপখামি জ্বালো !

মোহিতলাল মজুমদার

২০

আর যদি নাই ফিরি-- এ ছুয়ারে না দিই চরণ ?
অশ্রু আর হাসি মোর রেখে যাবো তোমার ভবনে,
এই শোক এই স্মৃতি নবদেহে করিয়া বরণ,
মন সে অমর হবে বেদনার নূতন বপনে !
পয়োধর-সুধা দানে ক্ষুধা তার করি' নিবারণ,
জীয়াইয়া তুলি' তারে পিপাসার জীবন্ত যৌবনে,
আবার জ্বালায়ে দিও বিষম বাসনা-বহি বৈশাখী-চুষনে !

২১

অস্তহীন পন্থচারী, দেহরথে করি আনাগোনা ।--
জীবন-জারুবা বহে নিরবধি শ্মশানের কলে,
নিত্যকাল কুলু-কুলু কলধ্বনি যায় তার শোনা,
কভু রৌদ্র, কভু জ্যোৎস্না, কভু ঢাকা তিমির-তুকূলে !
জলে দীপ, দোলে ছায়া, উন্মিগ্ধলি নাহি যায় গোণা,
ভেসে যাই তটতলে -এই দেখি এই যাই ভুলে !
সুক্রাতে তারকার পানে চেয়ে জাঁখি মোর ঘুমে আসে ঢুলে !

২২

কোথা হ'তে আসি, কিবা কোথা যাই--কি কাজ স্মরণে ?
চলিয়াছি--এই স্মৃতি ! সঙ্কে চলে গই গ্রহতারি !
ভয়, পাছে থেমে যাই গতিহীন অবশ চরণে,
দিক্চক্র-অস্তরালে হয়ে যাই উদয়াস্ত-হারি !
জামারে হারাই যদি ! যদি মরি স্মৃতির মরণে !
ব্যথা আর নাহি পাই--শেষ হয় নয়নের ধারি !
বল, বল, হে সন্ন্যাসী ! এ চেতনা চিরতরে হবে না ত হারি ?

আধুনিক বাংলা কবিতা

২৩

এ পিপাসা স্তমধুর—বল তুমি, বল, স্বপ্নহর !—
ঘুচিবে না ?—মরণের শেষ নাই, বল আর বার !
তুমি ঋষি মন্ত্রদ্রষ্টা !—বলিয়াছ, এ দেহ অমর !
সৃষ্টিমূলে আছে কাম, সেই কাম দুর্জয় দুর্বার !
যূপবন্ধ পশু আমি ?—ভরিতেছি মৃত্যুর গর্পর
তপ্ত শোণিতের ধারে ?—না, না, সে যে মধুর উৎসার !
দুই হাতে শূন্য করি পূর্ণ সেই মধুচক্র প্রতি পূর্ণিমার !

২৪

তোমারে বেসেছি ভালো—কেন জানি ; হে বীর মনীষী !
ব্যথায় বিমুখ তুমি, তব্ তাতে করেছ উদার !
করুণার সঙ্ক্যাতারা !—মস্ত্রে তব স্ত্রীতল নিশি
তাপশেষে মিটাইয়া দেয় বাদ গরল-সুধার !
স্বপ্ন আরো গাঢ় হয়, সত্য সাথে মিথ্যা যায় মিশি,
মনে হয়, সীমাহীন পরিধি যে ক্ষুদ্র এ ক্ষুধার !—
পরম আশ্বাসে প্রাণ পূর্ণ হয়, ধন্য মানি এ মর্ম-বিদার !

২৫

কবির প্রলাপ শুনি' হাসিতেছ ?—তাপস কঠোর !
স্বপ্নহর ! স্বপ্ন কিগো টুটিয়াছে ? ধলির ধরায়
কামনা হয়েছে ধলি ? আর কভু নয়নের লোর
বহিবে না !—এড়ায়েছ চিরতরে জন্ম ও জরায় ?
ওগো আশ্র-অভিমানী ! এত বড় বেদনার ডোর
বুনিয়াছে যেই জন, মুক্তি তার হবে কি স্বরায় ?
দুঃখের পূজারী যেই, প্রাণের মমতা তার সহসা ফুরায় ?

যতীন্দ্রনাথ সেনগুপ্ত

২৬

নিঃসঙ্গ হিমাদ্রি চূড়ে জলিয়াছে হর-কোপানল,
মদন হয়েছে ভঙ্গ, রতি কাঁদে গুমরি' গুমরি' !
উমা সে গিয়েছে ফিরে, অশ্রু-চোখ মান ছল-ছল
ফুলগুলি ফেলে গেছে ঈশানের আসন উপরি ;
আঁগিতে আঁকিয়া গেছে অধরোষ্ঠ—পঙ্ক বিশ্বফল !
শ্মশানে পলায় যোগী তারি ভয়ে ধ্যান পরিহরি'—
বধুর ঢুকলে তব বাঘচাল বাঁধা প'ল—গাহা, মরি মরি !

*

*

*

যতীন্দ্রনাথ সেনগুপ্ত

(১৮৮৮-)

২২. দুখবাদী

তা'রই পরে তব কোপ গো বন্ধ, তা'রই পরে তব কোপ,
যেজন কিছুতে গিলিতে চায় না এই প্রকৃতির টোপ, ।
সুনীল আকাশ, স্নিগ্ধ বাতাস, বিমল নদীর জল
গাছে গাছে ফুল, ফুলে ফুলে অলি, সুন্দর ধরাতল !
ছবি ও ছন্দে তোমারি দালালি করিছে স্বভাব কবি,
সমসুন্দর দেখে তারা গিরি সিন্ধু সাহারা গোবি ।
তেলে সিন্দূরে এ সৌন্দর্যে 'ভবি' ভুলিবার নয় ;
সুখ-দুঃখ ছাপায়ে বন্ধ উঠে দুঃখেরি জয় ।

অতল দুঃখ-সিন্ধু,

হাস্তা সুখের তরঙ্গ তাহে নাচিয়া ভাঙিছে ইন্দু ।
তাই দেখে যারা হয় মাতোয়ারা তীরে বসে' গাহে গান,
হায় গো বন্ধ, তোমার সভায় তাহাদেরি বহু মান ।

আধুনিক বাংলা কবিতা

দিগন্তপারে তরঙ্গ-আড়ে যারা হাব্‌ডুবু খায়,
তাদের বেদনা ঢাকে কি বন্ধু, তরঙ্গ-সুখমায় ?

বজ্জে যেজন। মরে.

নবঘন শ্যাম শোভার তারিফ, সে বংশে কেবা করে ?

ঝড়ে যার কঁড়ে উড়ে,-

মলয়-ভক্ত হয় যদি, বল কি বলিব সেই মুঢ়ে !
ফাস্তানে হেরি নব কিসলয় যারা আনন্দে ভাসে,
শীতে শীতে ঝরা জৌর্ণ-পাতার কাহিনী না মনে আসে,
ফল দেগে যার নাহি কাঁদে প্রাণ ঝরা ফুল দল লাগি,
তারা সভাকবি, আমরা বন্ধু, চুখবাদী বৈরাগী !

এই বিশ্বের ব্যবসার লাভ বন্ধু তুমি ত জানো,
একা বসে' যবে রাতের পাতায় ছুংগের জের টানো ।
জমাগরচের কৈফ্যৎ কেটে বাকী যে ফাজিল কত,
বাহিরে 'বিজ্ঞাপনে' যাই বল,- -অস্তরে বঝেছি ত !

বজায় থাকিতে গ্যাতি,—

সহসা জ্বালাবে কোন সঙ্ক্যায় প্রলয়ের লাল বাতি !
সুখে মোড়া ছুখে ভরা কত বড় রচিয়াছ কৌশল.
এ ব্রহ্মাণ্ডে ঝুলে প্রকাণ্ডে রঙিন মাকাল ফল ।
সৌন্দর্যের পূজারী হইয়া জীবন কাটায় যারা,
সত্যের শাঁস কালো বোলে খাসা রাঙা খোসা চোখে তারা ।

বাহিরের এই প্রকৃতির কাছে মানুষ শিগিবে কিবা ?
মায়াবিনী নরে বিপথযাত্রী করিছে রাত্রি দিবা
চটক বা চখা কি জানে প্রেমের ? বকে কি শিখাবে ধর্ম ?
সহজ-স্বাধীন হিংস্র শ্বাপদ বুঝাবে জীবন-মর্ম !
অরণ্য শুরু জপিছে অন্ধ ঠেলাঠেলি অধিরাম,
কুসুম অন্ধির অবাধ প্রণয়, উভয়তঃ কি আরাম !

যতীন্দ্রমোহন সেনগুপ্ত

বজ্র লুকায়ে রাঙা মেঘ হাসে পশ্চিমে আনন্দ—
রাঙা সঙ্ঘার বারান্দা ধোরে রঙিন বারান্দা !
খান্ধে খাদকে বাণ্ডে বাদকে প্রকৃতির ঐশ্বর্য,
ষড়-ঋতু ছলে ষড়রিপু খেলে কাম হ'তে মাৎসর্য ।
ছলে বলে কলে দুর্বলে হেথা প্রবল অত্যাচার ;
এ যদি বন্ধ হয় তব ছায়া, কায়া ত চমৎকার !

শুনহ মানুষ ভাঙি !

সবার উপরে মানুষ শ্রেষ্ঠ, স্রষ্টা আছে বা নাই ।
যদিও তোমারে ঘেরিয়া রয়েছে মৃত্যুর মহারাত্রি,
সৃষ্টির মাঝে তুমিই সৃষ্টিছাড়া দুঃখ-পথ-যাত্রী ।
তোমাদেরি মাঝে আসে মাঝে মাঝে রাজার ছলান ছেলে,
পরের দুঃখে কেঁদে কেঁদে যায় শত সুখ পায়ে ঠেলে ।
কবি-আরাধ্য প্রকৃতির মাঝে কোথা আছে এর জুড়ি ?
অবিচারে মেঘ ঢালে জল, তাও সমুদ্রে হ'তে চুরি !
সৃষ্টির সূত্রে মহাখুসি যারা, তারা নয় নহে জড় ;
যারা চিরদিন কেঁদে কাটাইল তারাই শ্রেষ্ঠতর ।
মিথ্যা প্রকৃতি, মিছে আনন্দ, মিথ্যা রঙিন সুখ ;
সত্য সত্য সহস্রগুণ সত্য জীবের দুঃখ !

সত্য দুঃখের আগুনে বন্ধু পরাণ যখন জলে,
তোমার হাতের সুখ-দুঃখ-দান ফিরায়ে দিলে কি চলে ।

২৩. কবির কাব্য

সন্দেহ হয় পেয়েছ বন্ধু, কবির কু-অভ্যাস ;—
যত দুঃখ পাও মিঠে স্বরে গাও দুঃখেরি ইতিহাস ।

কবির সে দুঃখগান,
শুনি জুটি কানে যিনি প্রাণে প্রাণে যত বেশী সুখ পান

আধুনিক বাংলা কবিতা

তিনি তত অল্পরক্ত রসিক ভক্ত সমেজদার ।
কবির বৃকের ছুখের কাব্য ভক্তে চমৎকার ।
মেঘে মেঘে বাজে গুরু ক্রন্দন,—বনে বনে শিখি নাচে ;
বৃক ফেটে তার ঝরে আঁধি জল,—তৃষিত চাতক বাঁচে ।
জলিয়া জ্যোৎস্না মরীচিকা বৃকে মরুচন্দ্র সে জাগে
পিয়াসী চকোর তাপিত পাপিয়া তারি পাশে সূধা মাগে
মৃক কাননের মনের আগুন ফুটিলে ফাগুন-ফুলে,
দিকে দিকে দিকে রসিক ভ্রমর স্তবগুঞ্জন তুলে ।
মহাসিকুর প্রণয়ের টানে নদী পথে কেঁদে যায়,
নিরুপায় জেনে প্রতি তটতলে আঁকড়ি ধরিতে চায় ।
যত বেলা উঠে তপনের ফুটে বহিরন্তরদাহ,
সোহাগী কমল ডুবাইয়া গলা কহে—বঁধু ফিরে চাহ ।
দিনান্তে যবে ব্যর্থ সে রবি অস্তশিখর 'পরে,
ছেঁড়া মেঘে পাতি' মৃত্যুশয়ন রক্ত বমন করে.
উঠে ত্রিভুবন ভরিয়া তখন বৃথা গায়ত্রী গান ;
রাত্রি আসিয়া ঢেকে দেয় সেই অযাচিত অপমান ।
সেই রাত্রির তারায় তারায় জলে অসংখ্য জ্বালা,
আঁধার আঁচলে নিশার অশ্রু উষার শিশির-মালা ।

এমনি বন্ধু ভুবনে ভুবনে চলিতেছে লুকোচুরি,
অস্তর-তারে ব্যথার কাঁপন সুরের মোড়কে মুড়ি' ।
প্রকাশিতে নয়,—করিতে গোপন প্রাণের গভীর ব্যথা,
ওগো মহাকবি, রচিয়াছ বুঝি এই মহা-উপকথা ?
তথাপি বন্ধু নিষ্ঠুর সত্য নিখুঁত পড়েনি ঢাকা,
ফুলে ফুলে বুঝি তোমারি দীর্ঘ-হৃদয়-রক্ত মাথা !
চোখে চোখে ঝরে কার যে অশ্রু বুঝেও বুঝিনে কেউ,
বৃকে বৃকে ভাঙে কোন সে অতল বৃকের ছুখের ঢেউ ?

যতীন্দ্রনাথ সেনগুপ্ত

কঠে কঠে কে কঠহীন কাঁদিয়া কাঁদিয়া উঠে ।
মরণে মরণে তিল তিল করি কোন্ মহাপ্রাণ টুটে ?

আছে গো আছেও মুখ ;---

খছোৎ বিনা দেখা যাবে কেন বনের আঁধার মুখ !
মাঝে মাঝে যুগতৃষ্ণিকা বিনা কে মাপে মরুর তৃষা !
আলোয়ার আলো নহিলে পাশ্ব কেমনে হারায় দিশা !
বন্ধু, বন্ধু, হে কবিবন্ধু, উপমার ফাঁস গুণি'
আসল কথাটা চাপা দিতে ভাই কাব্যের জাল বৃনি ।

২৪. দেশোদ্ধার

বার বার তিনবার,—

এবার বুঝেছি চাষা ছাড়া কতু হবে না দেশোদ্ধার !
শোন্ রে শ্রমিক শোন ভাই চাষা,
আমাদের বুকে যত ভালবাসা
ঢালিব বিলাব তোদের দুয়ারে অকাতরে অনিবার !

তোদের দুঃখে হায়,—

পাষণ হ'লেও চক্ষের জলে বক্ষ ভাসিয়া যায় ।
কোরো নাকো ভাই হীন আশঙ্কা,
এবার নয়নে ঘষিনি লক্ষা ;
সত্য সত্য ত্রিসত্য করি হৃদয় তোদেরই চায় ।

ওরে চির পরাধীন !

তোরা না জানিস্ মোরা জানি তোর কি কষ্টে কাটে দিন !
নানা পুঁথি পড়ে' পেয়েছি প্রমাণ
তোরাই দেশের তের আনা প্রাণ ;
বৎসরে হায় বিশ টাকা আয়, তবু তারা ভাষাহীন !

আধুনিক বাংলা কবিতা

তোরাই যে ভাই দেশ ;—

তোদের দৈন্ত-জন্ত মায়ের কঙ্কাল অবশেষ ।

মহার্ঘ্য হ'লে বেগুন পালঙ

যদিও ভিতরে চটে' হই টং.

তবু তোর সেবা দেশেরই যে সেবা মনে মনে বঝি বেশ

ওরে নাবালক চাষা !

আমরা তোদের ভাঙাব নিদ্রা মুক মুখে দিব ভাষা ।

শ্রমিক চাষার দুঃখে ফন্দ

রচিত্তে ছুটিব লিলুয়া খড়্দ ।

গড়িয়া আইন ভাঙি বে-আইন জাগাইব নব আশা !

ওরে ওঠ, ওঠ, জেগে ;—

তরুণ অরুণ আলোকে জানা ও অজানা ব্যথায় লেগে !

সবলে স্কন্ধে তুলে নিয়ে হল,

পাঁচনে খেদায় বলদের দল ;

প্রভাতের মাঠে কলকোলাহলে দল বেঁধে চল বেগে ।

জুড়ে দে লাঙল কসে' ;

ফালের আগায় যত উঁচু নীচ সমভূম্ কর চষে' ।

মাথা উঁচু করে' আছে ঢালা গুলো,

মইএর চাপনে ক'রে দে' রে ধুলো ;

কাঁটার বংশ কর রে ধ্বংস জোএ জোএ বিদে ঘষে' ।

ফসল হবেই হবে !

আকাশ হইতে না নামে বৃষ্টি, পাতাল ফুঁড়িবি তবে ।

আপনার হাতে বুনেছিস যা'কে,

টেনে তুলে' বলে ক'রে দিবি পাঁকে ;

বাজিবে মাদল ঝরিবে বাদল বর্ষার উৎসবে ।

স্বধীরকুমার চৌধুরী

সেই ভূখ্যোগ-উৎসব যবে ঘনাইবে চারিধার,
মেঘে ঝড়ে জলে বজ্রে বাদলে রচিয়া অন্ধকার ;—
সরে' পড়ি যদি ক্ষমা কোরো দাদা
খাঁটি চাষা ছাড়া কে মাগিবে কাদা ?
মনে কোরো ভাই মোরা চাষা নই ;— চাষার ব্যারিষ্টার !

স্বধীরকুমার চৌধুরী

(১৮২৭-)

২৫. একটি নিমেষ

আজি এ নিমেষখানি উতরিল এসে চূপে চূপে,
কি নিবিড় পূর্ণতার রূপে
নিভৃত এ হৃদিতটে এসে ।
বুকে নিয়ে এল ভালবেসে
অসীমের যত পণ্য । অনাদির যত আয়োজন,
একটি নিমেষ-বৃন্তে ফুটি' উঠি' ফুলের মতন
রহিয়াছে স্থির,
অস্তুহারা তপোনিষ্ঠা বারে বারে টুটিছে সৃষ্টির !
নিতল এ নভোতলে শরতের মেঘ-আলিঙ্গন,
নত করবীর শাখা, রৌদ্র-দীপ্ত গৃহের প্রাক্ষণ,
নিদ্রাতুর সারমেয়, উড়ে যাওয়া চিলের ছায়াটি,
পাতা-খোলা বইখানা, কাপড় কৌচানো পরিপাটি,
কিছু নহে মিছে,—
স্নেহতরা কার ছুটি নয়নে জাগিছে
সবে এরা ।
পথে পথিকের চলাফেরা,
ও বাড়ীতে ছেলেদের স্বর করে ধারাপাত শেখা,

আধুনিক বাংলা কবিতা

এরও লাগি অনাদির যুগে যুগে কত স্বপ্ন দেখা,
অধীর প্রতীক্ষা কত কল্প কল্প ধরে !
তরুতলে পাতার মর্ম্মরে,
গাড়ীর চাকার শব্দে, কামারের হাতুড়ির ঘাস,
নারীর কলহে আর শিশুর কান্নায়
ধ্বনিতোছে যেই মূরছনা,
তারে ছেড়ে কোনোমতে চলিত না,
এ বিশ্বের সঙ্গীত-সাধন,
ব্যর্থ হয়ে যেত তার যুগান্তের যত আয়োজন ।

পরিপূর্ণ একটি নিমেষে
নিজেরে হেরিষ্ঠ পরিপূর্ণতার রাজরাজ-বেশে ।
আমি আছি,—চূড়াস্ত এ অধিকারে গণি.
আমি বিশ্ব-দেবতার নয়নের মণি ।

নীরেন্দ্রনাথ রায়

(১৮২৭-)

২৬. ঝিল্লীস্বর

আজ বিকালে হঠাৎ দুপেয়লা চা খাওয়া ঘটে গেল
যদিও নিয়মিত চা খাওয়া আমার অভ্যাস নয় ।
ফলে লাভ হোল এই যে রাত্রে কিছুতেই ঘুম এল না ।
ঘণ্টার পর ঘণ্টা একে একে বেড়ে যাচ্ছে,
ক্ষান্ত হয়ে আসছে পরিচিত পৃথিবীর কলরব,
বরফগুলার ডাক পাহারগুলার হাঁক বাস্-এর মেরামত ;
গাড়ী মোটরের বিরতিতে, পথ এলিয়ে আছে নিশ্চিন্ত আরামে ।
স্বধু ঝিল্লীর ডাকের বিরাম নেই,
সে-ডাকও এত মৃদু ও এমন অবিচ্ছিন্ন যেন নৈঃশব্দ্যের প্রতিধ্বনি ।

নীরেন্দ্রনাথ রায়

মনে পড়ে গেল সেদিনের কথা যেদিন পাহাড়ী দেশে বেড়াতে গিয়ে

দলছাড়া হয়ে তোমাতে আমাতে বনের মধ্যে গিয়ে পড়ি,
গভীর ঘন বন যাতে সূক্ষ্ম একটি পায়ে-চলা রেখা ছাড়া পথ নেই,
যার গাছে গাছে লাগালাগি, পাতায় পাতায় ঠাসবুনানি হ'য়ে
আকাশ পড়েছে ঢাকা, দিন হয়েছে স্নানাত রাত্রি,
আর অসংখ্য ঝিল্লীর অশ্রান্ত ক্রন্দনে যেখানে আদিম
পৃথিবীর প্রথমতম সঙ্গীত আজও ধ্বনিত হচ্ছে
মানুষের সমস্ত মুখর ভাষণকে স্তম্ভিত করে ।

সেই থেকে ঝিল্লীস্বর আমার কাছে অফুরন্ত ব্যঞ্জনায় ভরা ।
কারণ সেদিন সে মুহূর্তে আমাদের উদ্বেলিত মন তার পরম আশ্রয়
পেয়েছিল ।

কিন্তু যে কথা তখন মুখে থেমে গিয়ে বৃকে দোলা পাড়ছিল
তাকে বোবা করে রাখে এমন ক্ষমতা বিশ্বপ্রকৃতিতে নেই ।
তাকে ফোটাতে গিয়েই মানুষ গড়েছে

তার সমাজ তার শিল্প তার সাহিত্য,
তাকে বলছে যুগে যুগে জনে জনে নতুন ভাষায়,
আর ভাবছে, বলার যা ছিল তার সবটুকু বলা গেল কৈ ।
তোমার পক্ষে থেমে থাকা অসম্ভব হোল,
তার তার তোমারও সহনাতীত ;
তুমি বললে চুপে চুপে, “তোমাকে আমার ভাল লেগেছে.
আমি তোমার বোন হতে চাই ।”

এবার আমার চুপ ভাঙলো ;
হেসে উঠলাম এত জোরে যে ঝিল্লীস্বরও ডুবে গেল ।
তুমি ব্যথা পেলে, করুণ যন্ত্রণায় রাখলে তোমার চোখ দুটি
আমার চোখের দিকে ।
আমার তখন মত্তাবস্থা, তোমার ব্যথা বুঝবো কেন ?

আধুনিক বাংলা কবিতা

মনে হোল, আমায় তুমি চাও, দেহ মন প্রাণ সবটা দিয়েই চাও,
এ স্বধু একটা ছলনা,
ছলনাময়ী নারীর অকারণ চাতুরীর লীলা ।
তাই বল্লুম, বেশ শান দিয়ে,
“ও সব তাই বোন পাতানো আমি মানি মা,
তুলে রাখো তোমার অস্ত্র তাইদের জন্তে ;
আমি যা চাই তা-ই চাই, বদলে অস্ত্র কিছু নিই না ।”
তুমি চোখ ফিরিয়ে নিয়ে বললে না কিছু উত্তরে ।
আবার ঝিল্লীর অক্লান্ত কল্লোল ।

তুমি রেখেছ তোমার কথা,
দিয়েছ ভেঙে আমার কামনার স্পর্ধা,
গিয়েছ তুমি তারই ঘরে যাকে তুমি চেয়েছিলে ।
তোমার নিষ্ঠায়, তোমার দাক্ষিণ্যে, তোমার শালীনতায় আমি মুগ্ধ
আমার জগৎ জনবিরল নয়, নারীবর্জিত নয় ।
বন্ধুতা হয়, অন্তরঙ্গতা হবার আগেই মিইয়ে যায়,
বন্ধুরা বলে, আমার প্রাণ নেই ।
বান্ধবীরা বলে, “তোমার মন একটা অন্ধ গলি,
মনে হয় পথ আছে, আসলে পথ নেই, ফিরে আসতে হয় ।”
বলি, যেটাকে আড়াল ভাবো ভেঙে ফেললেই পারো ।
উত্তর দেয়, “সেটা ত মানুষ-গড়া পাঁচিল নয়, স্বভাবে-গড়া পাহাড়
তাকে উড়িয়ে দিলে তোমার মনের গড়নই যাবে বদলে,
তুমি আর তুমি থাকবে না,
যা দিয়ে তুমি টানো তাই হারাবে ।”
শুনে হাসি আর তাবি, মানুষের স্বভাব কত না প্রভাবের সমষ্টি ।
তোমাকে যে সব সময়েই মনে পড়ে তা নয়,
কখনও বা দিনান্তে, কখনও মাসান্তে ;

নজরুল ইসলাম

আজ এই বিনিদ্র রাতে ক্ষীণ ঝিল্লীস্বরে তোমাকে দেখতে পাচ্ছি,
আমার অন্তরের কেন্দ্রে, আমার হৃৎপদের কোষে,
আমার যা কিছু মাধুর্য, যা কিছু স্মরণি যেখান থেকে ক্ষরিত হচ্ছে ।
আজ অন্ধকারে চোখ মেলে একটা প্রশ্ন বারবার জিজ্ঞেস করছি,—
তোমার জীবনে কি এমন রাত আসে না
যখন ঘুম তোমাকে ত্যাগ করে,
তুমিও শুনতে পাও এই ক্ষীণ ঝিল্লীস্বর,
আর ভুলতে পারো না সেই ঘন বন,
সেই সূক্ষ্ম পায়ে-চলা পথ,
সেই পাতার জালে বাধা-পাওয়া স্বপ্ন আলোয় দিনের
মাঝে ম্লানাত রাত্রি,
আর,
সেই অসংখ্য ঝিল্লীর দুর্জয় গর্জন ৷

নজরুল ইসলাম

(১৮২২-)

২৭. প্রলয়োল্লাস

তোরা সব জয়ধ্বনি কর !
তোরা সব জয়ধ্বনি কর !!
ঐ নূতনের কেতন ওড়ে কাল-বোশেখীর ঝড় ।
তোরা সব জয়ধ্বনি কর !
তোরা সব জয়ধ্বনি কর !!

আসছে এবার অনাগত প্রলয়-নেশার নৃত্য-পাগল,
সিঙ্কু-পারের সিংহ-দ্বারে ধমক হেনে ভাঙল আগল !

মৃত্যু গহন অন্ধ-কূপে
মহাকালের চণ্ড-রূপে—

আধুনিক বাংলা কবিতা

ধ্বংস-ধ্বংসে

বজ্র-শিখার মশাল জ্বলে আসছে ভয়ঙ্কর—

ওরে ঐ হাসছে ভয়ঙ্কর !

তোরা সব জয়ধ্বনি কর !

তোরা সব জয়ধ্বনি কর !!

ঝামর তাহার কেশের দোলার ঝাপ্টা মেরে কেশর ঢলায়,
সর্দনাশী জ্বালা-মুগী ধমকেতু তার চামর ঢুলায় ।

বিশ্বপাতার বক্ষ-কোলে

রক্ত তাহার রূপাণ ঝোলে

দোহুল্ দোলে !

অটরোলের হটগোলে স্তব্ধ চরাচর—

ওরে ঐ স্তব্ধ চরাচর ।

তোরা সব জয়ধ্বনি কর !

তোরা সব জয়ধ্বনি কর !!

ছাদশ রবির বহি জ্বালা তয়াল তাহার নয়ন-কটায়,
দিগন্তরের কাঁদন লুটায় পিঙ্গল তার ত্রশু জটায় !

বিন্দু তাহার নয়ন-জলে

সপ্ত মহাসিন্ধু দোলে

কপোল-তলে !

বিশ্ব-মায়ের আসন তারি বিপুল বাহুর পর—

হাঁকে ঐ “জয় প্রলয়ঙ্কর !”

তোরা সব জয়ধ্বনি কর !

তোরা সব জয়ধ্বনি কর !!

মাতৈঃ মাতৈঃ ! জগৎ জুড়ে প্রলয় এবার ঘনিয়ে আসে !

জরায় মরা মুয়র্ষুদের প্রাণ লুকানো ঐ বিনাশে !

নজরুল ইসলাম

এবার মহা-নিশার শেষে
আস্বে উষা অরুণ হেসে
করুণ বেশে !

দিগম্বরের জটায় লুটায় শিশু টাদের কর,
আলো তার ভর্বে এবার ঘর ।
তোরা সব জয়ধ্বনি কর !
তোবা সব জয়ধ্বনি কর !!

ঐ সে মহাকাল-সারথি রক্ত-তড়িত-চারুক হানে !
ধ্বনিয়ে ওঠে হ্রেষার কাঁদন বজ্র-গানে ঝড় তুফানে !
ক্ষরের দাপট তারায় লেগে উল্কা ছুটায় নীল গিলানে !

গগন-তলের নীল খিলানে

অন্ধ কারার বন্ধ রূপে
দেবতা বাঁধা যজ্ঞ-যূপে
পাষণ সূপে !

ঐ ত রে তার আসার সময় ঐ রথ-ঘর্ঘর—
শোনা যায় ঐ রথ-ঘর্ঘর ।
তোরা সব জয়ধ্বনি কর !
তোরা সব জয়ধ্বনি কর !!

ধ্বংস দেখে ভয় হয় কেন তোর ?—প্রলয় নূতন সৃজন-বেদন
আসছে নবীন—জীবন-হারা অ-সুন্দরে করতে ছেদন !

তাই সে এমন কেশে বেশে
প্রলয় বয়েও আসছে হেসে—
মধুর হেসে ।

ভেঙে আবার গড়তে জানে যে চির-সুন্দর !
তোরা সব জয়ধ্বনি কর !

আধুনিক বাংলা কবিতা

ঐ ভাঙা-গড়া খেলা যে তার কিসের তবে ডর ?
তোরা সব জয়ধ্বনি কর !—
বধূরা প্রদীপ তুলে ধর !
কাল ভয়ঙ্করের বেশে এবার ঐ আসে সুন্দর !
তোরা সব জয়ধ্বনি কর !
তোরা সব জয়ধ্বনি কর !!

২৮. চোর ডাকাত

কে তোমায় বলে ডাকাত বন্ধু, কে তোমায় চোর বলে ?
চারিদিকে বাজে ডাকাতি ডকা, চোরেরি রাজ্য চলে !
চোর ডাকাতের করিছে বিচার কোন্ সে ধর্মরাজ ?
জিজ্ঞাসা কর, বিশ্ব জুড়িয়া কে নহে দস্যু আজ ?
বিচারক । তব ধর্মদণ্ড ধর,
ছোটদের সব চুরি করে আজ বড়রা হয়েছ বড় !
যারা যত বড় ডাকাত দস্যু জোচ্চোর দাগাবাজ
তারা তত বড় সম্মানী গুণী জাতি-সজ্জতে আজ ।
রাজার প্রাসাদ উঠিছে প্রজার জমাট-রক্ত-ইটে,
ডাকু ধনিকের কারখানা চলে নাশ করি কোটি ভিটে ।
দিব্য পেতেছ খল কল্ ও'লা মানুষ-পেষানো কল,
আখ-পেষা হয়ে বাহির হতেছে ভুখারী মানব-দল !
কোটি মানুষের মস্তশুদ্ধ নিঙাড়িয়া কল-ওয়াল
ভরিছে তাহার মদিরা-পাত্র, পুরিছে স্বর্ণ-জ্বালা !
বিপন্নদের অন্ন ঠাসিয়া ফুলে মহাজন-ভূঁড়ি
নিরন্নদের ভিটে নাশ ক'রে জমিদার চড়ে জুড়ি !
পেতেছে বিশ্ব বণিক-বৈশ্য অর্থ-বেশালয়,
নাচে সেথা পাপ-শয়তান-সাকী, গাহে ষঙ্কের জয় !

নজরুল ইসলাম

অন্ন, স্বাস্থ্য, প্রাণ, আশা, ভাষা হারিয়ে সকল-কিছু,
দেউলিয়া হয়ে চলেছে মানব ধ্বংসের পিছু পিছু ।

পালাবার পথ নাই

দিকে দিকে আজ অর্থ-পিশাচ খুঁড়িয়াছে গড়খাই ।
জগৎ হয়েছে জিন্দানখানা, প্রহরী যত ডাকাত—
চোরে চোরে এরা মাস্তুল ভাই, ঠগে ও ঠগে শ্যাঙাৎ ।
কে বলে তোমায় ডাকাত, বন্ধু, কে বলে করিছ চুরি ?
চুরি করিয়াছ টাকা ঘটি বাটি, হৃদয়ে হান নি ছুরি !
ইহাদের মত অমানুষ নহ, হতে পার তৎপর,
মানুষ দেখিলে বাল্মীকি হও তোমরা রত্নাকর !

২৯. কাণ্ডারী হুশিয়ার

১

দুর্গম গিরি, কাস্তার, মরু, দুস্তর পারাবার
লজ্জিতে হবে রাত্রি নিশীথে, যাত্রীরা হুশিয়ার !

ছলিতেছে তরী ফুলিতেছে জল, ভুলিতেছে মাঝি পথ,
ছিঁড়িয়াছে পাল, কে ধরিবে হাল, আছে কার হিম্মৎ ?
কে আছ জোয়ান হও আগুয়ান হাঁকিছে ভবিষ্যৎ ।
এ তুফান ভারী, দিতে হবে পাড়ি, নিতে হবে তরী পার ॥

২

তিমির রাত্রি, মাতৃমন্ত্রী সাত্ত্বীরা সাবধান !
যুগযুগান্ত সঙ্কিত ব্যথা ঘোষিয়াছে অভিযান ।
ফেনাইয়া উঠে বঙ্কিত বৃকে পুঞ্জিত অভিমান,
ইহাদের পথে নিতে হবে সাথে দিতে হবে অধিকার ॥

আধুনিক বাংলা কবিতা

৩

অসহায় জাতি মরিছে ডুবিয়া জানে না সস্তরণ,
কাণ্ডারী ! আজি দেখিব তোমার মাতৃমুক্তিপণ !
“হিন্দু না ওরা মুসলিম্ ?” ওই জিজ্ঞাসে কোন্ জন ?
কাণ্ডারী ! বল, ডুবিছে মানুষ, সন্তান মোর মা'র !

৪

গিরি-সঙ্কট, ভীকু যাত্রীরা, গুরু গরজায় বাজ,
পশ্চাত-পথ-যাত্রীর মনে সন্দেহ জাগে আজ ।
কাণ্ডারী ! তুমি ভুলিবে কি পথ ? ত্যজিবে কি পথ মাঝ ?
ক'রে হানাহানি, তবু চল টানি নিয়াছ যে মহা ভার ।

৫

কাণ্ডারী ! তব সম্মুখে ঐ পলাশীর প্রান্তর,
বাঙালীর খুনে লাল হ'ল যেথা ক্লাইবের গঞ্জর ।
ঐ গঙ্গায় ডুবিয়াছে হায় ভারতের দিবাকর ।
উদিবে সে রবি আমাদেরি খুনে রাঙিয়া পুনর্কব ।

৬

ফাঁসির মঞ্চে গেয়ে গেল যারা জীবনের জয়গান
আসি অলক্ষ্যে দাঁড়ায়েছে তারা, দিবে কোন বলিদান ?
আজি পরীক্ষা জাতির অথবা জাতের করিবে ত্রাণ !
ছলিতেছে তরী, ফলিতেছে জন, কাণ্ডারী ছশিয়ার !

৩০.

হরস্ত বায়ু পূর্বইয়া । বহে অধীর আনন্দে ।
তরঙ্গে ছলে আজি নাইয়া । রণ-তুরঙ্গ-ছন্দে
অশান্ত অম্বর-মাঝে মৃদঙ্গ গুরুগুরু বাজে,
আতঙ্কে থরথর অঙ্গ মন অনন্তে বন্দে ॥

নজরুল ইসলাম

ভুজঙ্গী দামিনীর দাহে দিগন্ত শিহরিয়া চাহে,
বিষন্ন ভয়-ভীতা যামিনী খোজে সে তারা চন্দে ॥
মালঞ্চ এ কি ফুল খেলা! আনন্দে ফোটে যুথী বেলা,
কুরঙ্গী নাচে শিগী-সঙ্গে মাতি' কদম্ব-গন্ধে ॥
একান্তে তরুণী তমালী অপাঙ্গে মাখে আজি কালি,
বনান্তে বাঁধা প'ল দেয়া কেয়া-বেণীর বন্ধে ॥
দিনান্তে বসি' কবি একা পড়িস্ কি জলধারা-লেখা,
হিয়ায় কি কাঁদে কুল-কেকা আজি অশান্ত হৃন্দে ॥

৩১. প্রবর্তকের ঘুর-চাকায়

যায় মহাকাল মর্চ্ছা যায়
প্রবর্তকের ঘুর চাকায় ।
যায় অতীত
ক্লম্ব-কায়
যায় অতীত
রক্ত পায়—
যায় মহাকাল মর্চ্ছা যায়
প্রবর্তকের ঘুর চাকায় !

যায় প্রবীণ
চৈতী বায়
আয় নবীন
শক্তি আয় !
যায় অতীত,
যায় পতিত,
'আয় অতিথ,
আয়রে আয়—'

আধুনিক বাংলা কবিতা

বৈশাখী ঝড় সুরু হাঁকায়—
প্রবর্তকের ঘুর চাকায়
প্রবর্তকের ঘুর চাকায় !

ত্রি রে দিক-

চক্রে কার

বক্র পথ

ঘুর চাকার ।

ছটছে রথ,

চক্র যায়

দিগ্বিদিক

মূর্ছা যায় !

কোটা রবি শনী ঘুর পাকায়

প্রবর্তকের ঘুর-চাকায়

প্রবর্তকের ঘুর-চাকায় ।

ঘোরে গ্রহ তারা পথ-বিভোল,—

“কাল”-কোলে “আজ” খায় রে দোল ।

আজ প্রভাত

আনছে কা'য়,

দূর পাহাড়-

চুড় তাকায় ।

জয় কেতন

উড়ছে কার

কিংগকের

ফুল-শাখায় ।

ঘুরবে রথ,

রথ-চাকায়

নজরুল ইসলাম

রক্ত লাল

পথ আঁকায় ।

জয় তোরণ

রচ্ছে কার

ঐ উষার

লাল আভায়,

প্রবর্তকের ঘুর-চাকায়

প্রবর্তকের ঘুর-চাকায় ।

গর্জে ঘোর

ঝড় তুফান,

আয় কঠোর

বর্তমান ।

আয় তরুণ,

আয় অরুণ,

আয় দারুণ

দৈন্তৃতায় !

ভয় কি আয় !

ঐ মা অভয়-হাত দেখায়

রামধনুর

লাল শাঁথায় !

প্রবর্তকের ঘুর-চাকায়

প্রবর্তকের ঘুর-চাকায় !

বর্ষ-সতী স্বন্ধে ঐ

নাচছে কাল

থৈ তা থৈ !

আধুনিক বাংলা কবিতা

কই সে কই

চক্রধর,

ঐ মাথায়

গঙ কর !

শব-মায়ায়

শিব যে যায়

ছিন্ন কর

ঐ মায়ায়—

প্রবর্তকের ঘর-চাকায়

প্রবর্তকের ঘর-চাকায় !

জীবনানন্দ দাশ

(১৮৯৯-

৩২. পাখীরা

ধুমে চোখ চায় না জড়াতে,—

বসন্তের রাতে

বিছানায় শুয়ে আছি ,

— এগন সে কত রাত !

অই দিকে শোনা যায় সমুদ্রের স্বর,—

স্কাইলাইট মাথার উপর,

আকাশে পাখীরা কথা কয় পরস্পর ।

তারপর চ'লে যায় কোথায় আকাশে ?

তাদের ডানার ভ্রাণ চারিদিকে ভাসে ।

শরীরে এসেছে স্বাদ বসন্তের রাতে

চোখ আর চায় না ঘুমাতে ;

জীবনানন্দ দাশ

জানালার থেকে অই নক্ষত্রের আলো নেমে আসে,
সাগরের জলের বাতাসে
আমার হৃদয় স্তম্ভ হয় ;
সবাই ঘুমায়ে আছে সব দিকে,—
সমুদ্রের এই ধারে কাহাদের নোঙরের হয়েছে সময় ?

সাগরের অই পারে- আরো দূর পারে
কোনো এক মেরুর পাহাড়ে
এই সব পাখী ছিল ;
ব্লিজার্ডের তাড়া পেয়ে দলে দলে সমুদ্রের 'পর
নেমেছিল তারা তারপর,—
মানুষ যেমন তার মৃত্যুর অজ্ঞানে নেমে পড়ে !
বাদামি—সোনালি—শাদা— ফুটফুট ডানার ভিতরে
ববারের বলের মতন ছোট বৃকে
তাদের জীবন ছিল,—
যেমন রয়েছে মৃত্যু লক্ষ লক্ষ মাইল ধরে সমুদ্রের মুখে
তেমন অতল সত্য হ'য়ে !

কোথাও জীবন আছে,— জীবনের স্বাদ রহিয়াছে,
কোথাও নদীর জল র'য়ে গেছে— সাগরের তিতা ফেনা নয়
খেলার বলের মত তাদের হৃদয়
এই জানিয়াছে ;—
কোথাও রয়েছে প'ড়ে শীত পিছে. আশ্বাসের কাছে
তা'রা আসিয়াছে ।

তারপর চ'লে যায় কোন্ এক ক্ষেত্রে
তা'হার প্রিয়ের সাথে আকাশের পথে যেতে যেতে
সে কি কথা কয় ?
তাদের প্রথম ডিম জন্মবার এসেছে সময় !

আধুনিক বাংলা কবিতা

অনেক লবণ ঘেঁটে সমুদ্রের পাণ্ডা গেছে এ মাটির ঘাণ,
ভালোবাসা আর ভালোবাসার সন্তান,
আর সেই নীড,
এই স্বাদ—গভীর—গভীর !

আজ এই বসন্তের রাতে
ঘুমে চোখ চায় না জড়াতে ;
অই দিকে শোনা যায় সমুদ্রের স্বর
স্ফাইলাইট মাথার উপর,—
আকাশে পাখীর কথা কয় পরম্পর ।

৩৩. শকুন

মাঠ থেকে মাঠে মাঠে—সমস্ত তপুর্ভ'রে এশিয়ার আকাশে আকাশে
শকুনেরা চরিতেছে, মানুষ দেখেছে হাট ঘাঁটি বস্তু ;—নিস্তর প্রান্তর
শকুনের ; যেখানে মাঠের দৃঢ় নীরবতা দাঁড়ায়েছে আকাশের পাশে
আরেক আকাশ যেন,—সেইখানে শকুনেরা একবার নামে পরম্পর
কঠিন মেঘের থেকে ;—যেন দূর আলো থেকে বৃষ ক্লাস্ত দিক্‌হস্তিগণ
প'ড়ে গেছে ; প'ড়ে গেছে পৃথিবীতে এশিয়ার ক্ষেত মাঠ প্রান্তরের পর
এই সব ত্যক্ত পাখী কয়েক মুহূর্ত শুধু ;—আবার করিছে আরোহণ
আধার বিশাল ডানা পাম্‌ গাছে,—পাহাড়ের শিঙে শিঙে সমুদ্রের পারে ;
একবার পৃথিবীর শোভা দেখে,—বোম্বায়ের সাগরের জাহাজ কখন
বন্দরের অঙ্ককারে ভিড় করে, দেখে তাই ;—একবার স্নিগ্ধ মালাবারে
উড়ে যায় ; কোন এক মিনারের বিমর্ষ কিনার ঘিরে অনেক শকুন
পৃথিবীর পাখীদের ভুলে গিয়ে চ'লে যায় যেন কোন্ মৃত্যুর ওপারে ;
যেন কোন্ বৈতরণী—অথবা এ জীবনের বিচ্ছেদের বিষণ্ণ লেগুন
কৈদে ওঠে...চেয়ে দেখে কখন গভীর নীলে মিশে গেছে সেই সব হুন ।

জীবনানন্দ দাশ

৩৪. বনলতা সেন

হাজার বছর ধরে' আমি পথ হাঁটিতেছি পৃথিবীর পথে,
সিংহল সমুদ্র থেকে নিশীথের অন্ধকারে মালয় সাগরে
অনেক ঘুরেছি আমি ; বিশ্বিসার অশোকের ধূসর জগতে
সেখানে ছিলাম আমি ; আরো দূর অন্ধকারে : বিদর্ভ নগরে ;
আমি ক্লান্ত প্রাণ এক, চারিদিকে জীবনের সমুদ্র সফেন,
আমারে ছুদণ্ড শাস্তি দিয়েছিল নাটোরের বনলতা সেন ।

চুল তার কবেকার অন্ধকার বিদিশার দিশা
মুখ তার শ্রাবস্তীর কারুকার্য ; অতি দূর সমুদ্রের পর
হাল ভেঙে যে নাবিক হারায়েছে দিশা,
সবুজ ঘাসের দেশ যখন সে চোখে দেখে দারুচিনি-ছৌপের ভিতর,
তেমনি দেখেছি তারে অন্ধকারে ; বলেছে সে, 'এতদিন কোথায় ছিলেন ?'
পাখীর নীড়ের মত চোখ তুলে নাটোরের বনলতা সেন ।

সমস্ত দিনের শেষে শিশিরের শব্দের মতন
সন্ধ্যা আসে ; ডানার রৌদ্রের গন্ধ মুছে ফেলে চিল ;
পৃথিবীর সব রং নিভে গেলে পাণ্ডুলিপি করে আয়োজন
তখন গল্পের তরে জোনাকীর রঙে ঝিলমিল ;
সব পাখী ঘরে আসে—সব নদী, —ফুরায় এ জীবনের সব লেন দেন ;
থাকে শুধু অন্ধকার, —মুখোমুখি বসিবার বনলতা সেন ।

৩৫. নগ্ন নির্জন হাত

আবার আকাশে অন্ধকার ঘন হয়ে উঠেছে :
আলোর রহস্যময়ী সহোদরার মত
এই অন্ধকার ।

যে আমাকে চিরদিন ভালোবেসেছে,
অথচ যার মুখ কোনোদিন দেখিনি,

আধুনিক বাংলা কবিতা

সেই নারী'র মত

ফাঙ্কন আকাশে অন্ধকার নিবিড় হ'য়ে উঠেছে ।

মনে হয় কোন বিলপ্ত নগরীর কথা

সেই নগরীর এক ধসর প্রাসাদের রূপ জাগে হৃদয়ে ।

ভারত-সমুদ্রের তীরে

কিনা ভূমধ্যসাগরের কিনারে

অথবা টায়ার সিন্ধুর পারে

আজ নেই, কোনো এক নগরী ছিল একদিন.

কোন এক প্রাসাদ ছিল ,

মল্যবান আসবাবে ভরা এক প্রাসাদ :

পারস্য গালিচা, কাশ্মীরী শাল, বেরিন তরঙ্গের নিটোল মুক্তাপ্রবাল.

আমার বিলপ্ত হৃদয়, আমার মৃত চোখ, আমার বিলীন স্বপ্ন আকাঙ্ক্ষা,

আব ভূমি নারী--

এই সব ছিল সেই জগতে একদিন ।

অনেক কমলারঙের রোদ ছিল,

অনেক কাকাতুয়া পায়রা ছিল,

মেহগনির ছায়াঘন পল্লব ছিল অনেক ;

অনেক কমলারঙের রোদ ছিল,

অনেক কমলারঙের রোদ .

আর ভূমি ছিলে ;

তোমার মূগের রূপ কত শত শতাব্দী আমি দেগি না,

খুঁজি না ।

ফাঙ্কনের অন্ধকার নিয়ে আসে সে সমুদ্রপারের কাহিনী,

অপকূপ গিলান ও গম্বুজের বেদনাময় রেখা,

লুপ্ত নাম্পাতির গন্ধ,

জসীম উদ্দীন

অজস্র হরিণ ও সিংহের ছালের ধসর পাণ্ডুলিপি,
রামধন্য রঙের কাচের জানালা,
ময়ূরের পেখমের মত রঙীন পর্দায় পর্দায়
কক্ষ ও কক্ষান্তর থেকে আরো দূর কক্ষ ও কক্ষান্তরের
ক্ষণিক আভাস,-
আয়ুহীন স্ত্রী ও বিষ্ময় !

পর্দায়, গালিচায় রক্তাভ রৌদ্রের বিচ্ছুরিত স্বেদ.
বক্তিম গেলাসে তরমুজ মদ :
তোমার নগ্ন নির্জ্জন হাত ;
তোমার নগ্ন নির্জ্জন হাত ।

জসীম উদ্দীন

(তারিখ জানাননি

৩৬. রাখালী

এই গাঁয়েতে একটি মেয়ে চুলগুলি তার কালো কালো,
মাঝে সোনার মুখটি হাসে আঁপারেতে চাঁদের আলো ।
বান্ধে ব'সে, জল আনিতে, সকল কাজেই হাসি যে তার,
এই নিয়ে সে অনেক বারই মায়ের কাছে গেয়েছে মার ।
সান্ করিয়া ভিজে চুলে কাখে ভরা ঘড়ার ভারে,
মুখের হাসি দ্বিগুণ ছোটো কোন মতেই থামতে পারে ।
এই মেয়েটি এমনি ছিল যাহার সাথেই হ'ত দেখা
তাহার মুখেই এক নিমেষে ছড়িয়ে যেত হাসির রেখা ।
মা বলিত, বড়ুরে তুই মিছিমিছি হাসিস্ বড়,
এ শুনেও সারা গা তার হাসির চোটে নড় নড় ।
মুখগানি তার কাঁচা কাঁচা, না সে সোনার, না সে আবীর,
না সে করুণ সাঁঝের গাঙে আঁপ-আলো রঙীন রবির ।

আধুনিক বাংলা কবিতা

কেমন যেন গাল দু'খানি মাঝে রাঙা ঠোঁটটি তাহার,
মাঠে ফোটা কল্মি ফুলে কতটা তার খেলে বাহার।
গালটি তাহার এমন পাতল ফুঁয়েই যেন যাবে উড়ে
দু-একটি চুল এলিয়ে পড়ে মাথার সাথে রাখছে ধ'রে।
সাঁজ সকালে এ-ঘর ও-ঘর ফিবৃত যখন হেসে খেলে!
মনে হ'ত ঢেউয়ের জলে ফুলটির কে গেছে ফেলে!

এই গাঁয়ের এক চাষার ছেলে ও পথ দিয়ে চলত ধীরে
ওই মেয়েটির রূপের গাঙে হারিয়ে গেল কলসীটিরে।
দোষ কি তাহার? ওই মেয়েটি মিছিমিছি এমনি হাসে,
গাঁয়ের রাখাল! অমন রূপে কেমনে রাখে পরাগটা সে!
এ পথ দিয়ে চলতে তাহার কোঁচার হুঁদুম যায় যে পড়ে,
ওই মেয়েটি কাছে এলে আঁচলে তার দেয় সে ভ'রে।
মাঠের হেলের 'নাস্তা' নিতে হাঁকোর আশুন নিবে যে যায়
পথ ভুলে কি যায় সে ওগো ওই মেয়েটি রান্ছে যেথায়?
'নীড়ে'র ক্ষেতে বারে বারে তেঁষ্টাতে প্রাণ যায় যে ছাড়ি
ভরু হুপুরে আসে কেবল জল খেতে তাই ওদের বাড়ী।
ফেরার পথে ভুলেই সে যে আমার আঁটির বাঁশীটিরে
ওদের ঘরের দাওয়ায় ফেলে মাঠের পানে যায় গো ফিরে।
ওই মেয়েটি বাজিয়ে তারে ফুটিয়ে তোলে গানের ব্যথা,
রাঙা মুখের চুমোয় চুমোয় বাজে সেথায় কিসের কথা!
এমনি করে দিনে দিনে লোক-লোচনের আড়াল দিয়া
গেঁয়ো স্নেহের নানান্ ছলে পড়ল বাঁধা দুইটি হিয়া।

সাঁঝের বেলা ওই মেয়েটি চলত যখন গাঙের ঘাটে
ওই ছেলেটির ঘাসের বোঝা লাগত ভারি ওদের বাটে।
মাথার বোঝা নামিয়ে ফেলে গামছা দিয়ে লইত বাতাস
ওই মেয়েটির জল-ভরনে ভাস্ত ঢেউয়ে রূপের উছাস।

জসীম উদ্দীন

চেয়ে চেয়ে তাহার পানে বলত যেন মনে মনে
“জল ভর লো সোনার মেয়ে, হবে আমার বিয়ের ক’নে ?
কলমী ফুলের নোলক দেব, হিজল ফুলের দেব মালা,
মেঠো বাঁশী বাজিয়ে তোমায় ঘুম পাড়াব, গাঁয়ের বালা,
বাঁশের কচি পাতা দিয়ে গড়িয়ে দেব নখটি নাকের
সোনালতায় গডব বালা তোমার দুখান সোনা হাতের ।
ওই না গাঁয়ের একটি পাশে ছোট বেঁধে কুটিরখানি
মেঝেয় তাহার ছড়িয়ে দেব সব্বে ফুলের পাপ্‌ড়ি আনি’ ।
কাজল তলার হাতে গিয়ে আনব কিনে পাটের শাড়ী,
ওগো বালা, গাঁয়ের বালা, যাবে তুমি আমার বাড়ী ?”
এই রূপেতে কত কথাই আসত তাহার ছোট মনে,
ওই মেয়েটি কলসী ভ’রে ফিরত ঘরে ততক্ষণে ।
রূপের ভার আর বহিতে নারে কাঁথখানি তার এলিয়ে পড়ে
কোনোরূপে চলছে ধীরি মাটির ঘড়া জড়িয়ে ধ’রে ।
রাখাল ভাবে কলসখানি না থাকলে ভার সরু কাঁখে
রূপের ভারেই হয়ত বালা পড়ত ভেঙে পথের বাঁকে ।

গাঙেরি জল ছল ছল বাহুর বাঁধন সে কি মানে
কলস ঘিরি উঠছে তুলি’ গৈয়ো বালার রূপের টানে ।
মনে মনে রাখাল ভাবে গাঁয়ের মেয়ে সোনার মেয়ে
তোমার কালো কেশের মত রাতের আঁধার এল ছেয়ে ।
তুমি যদি বল আমায় এগিয়ে দিয়ে আসতে পারি
কলাপাতার আঁধার-ঘেরা ওই যে ছোট তোমার বাড়ী ।
রাঙা দু’খান পা ফেলে যাও এই যে তুমি কঠিন পথে
পথের কাঁটা কত কিছু ফুটতে পারে কোন মতে ।
এই যে বাতাস—উতল বাতাস উড়িয়ে নিল বুকের বসন
কতখন আর রূপের লহর তোমার মাঝে রইবে গোপন ।

আধুনিক বাংলা কবিতা

যদি তোমার পায়ের খাড়া যায় বা খুলে পথের মাঝে
অমন-রূপের মোহন গানে সাঁঝের আকাশ সাজবে না যে ।
আহা আহা সোনার মেয়ে একা একা পথে চল,
ব্যথায় ব্যথায় আমার চোখে জল যে ঝরে ছল ছল ।
এমনিতর কত কথায় সাঁঝের আকাশ হ'ত রাঙা
কগন হলুদ আধ-হলুদ আধ-আবীর মেঘে ভাঙা ।
তার পরেতে আস্ত আঁধার ধানের ক্ষেতে বনের বৃকে
ঘাসের বোঝা মাথায় লয়ে ফিরত রাগাল ঘরের মুখে ।

সেদিন রাখাল শুনল পথে সেই মেয়েটির হবে বিয়ে
আসবে কালি 'নওসা' তাহার ফুল-পাগড়ি মাথায় দিয়ে ।
আজ্জকে তাহার 'হলুদি-কোটা' বিয়ের গানে ভরা বাড়ী
মেয়ে-গলার করুণ গানে দেয় কে তাহার পরাণ ফাড়ি' ।
সারা গায়ে হলুদ মেখে সেই মেয়েটি করছিল সান্
কাঁচা সোনা ঢেলে যেন রাঙিয়ে দেছে তাহার গা'থান ।
চেয়ে তাহার মুখের পানে রাখাল ছেলের বুক ভেঙে যায়,
আহা ! আহা ! হলুদ-মেয়ে কেমন করে ভুললে আমায় ?
সারা বাড়ী খুশীর তুফান—কেউ ভাবে না তাহার লাগি,
মুখটি তাহার সাদা যেন খুনী মোকদ্দমার দাগী ।
অপরাধীর মতন সে যে পালিয়ে এসে আপন ঘরে
সারাটা রাত মরুল বুঝে কি ব্যথা সে চক্ষে ধ'রে ।

বিয়ের ক'নে চলছে আজি স্বপ্নের-বাড়ী পাল্কি চ'ড়ে
চলছে সাথে গাঁয়ের মোড়ল বন্ধু ভাই-এর কাঁধটি ধ'রে ।
সারাটা দিন বিয়ে বাড়ী ছিল যত কল-কোলাহল
গাঁয়ের পথে মৃষ্টি ধ'রে তারাই যেন চলছে সকল ।
কেউ বলিছে, মেয়ের বাপে খাওয়াল আজ কেমন কেমন ?
ছেলের বাপের বিস্তি-বেসাং আছেন ভাই তেমন তেমন ?

জসীম উদ্দীন

মেয়ে-জামাই মিলছে যেন চাঁদে চাঁদে চাঁদের মেলা
সূর্য্য যেমন বইছে পাটে ফাগছড়ান সাঁঝের বেলা ।
এমনি ক'রে কত কথাই কত জনের মনে আসে
আশ্বিনেতে যেমনিতর পানার বহর গাঙে ভাসে !
হায়রে আজি এই আনন্দ যারে লয়ে এই যে হাসি
দেখল না কেউ সেই মেয়েটির চোখ দুটি যায় ব্যথায় ভাসি ।
খুঁজল না কেউ গাঁয়ের রাখাল একলা কাঁদে কাহার লাগি'
বিজন রাতের প্রহর জাগে তাহার সাথে ব্যথায় জাগি' ।

সেই মেয়েটির চলা পথে সেই মেয়েটির গাঙের ঘাটে
একলা রাখাল বাজায় বাঁশী ব্যথায় ভরা গাঁয়ের বাটে ।
গভীর রাতে ভাটীর সুরে বাঁশী তাহার ফেরে উদাস
তারি সাথে কেঁপে কেঁপে কাঁদে রাতের কালো বাতাস ;
ককণ করুণ—অতি করুণ বুকগানি তার উতল করে,
ফেরে বাঁশীর ডাকটি ধীরে ঘুমো গাঁয়ের ঘরে ঘরে ।

“কোথায় জাগো বিরহিণী ত্যজি বিরল কুটিরখানি,
বাঁশীর ভরে এস এস ব্যথায় ব্যথায় পরাণ হানি' ।
শোন শোন দশা আমার গহন রাতের গলা ধরি'
তোমার তরে, ও নিদ্রা, একা একা কেঁদে মরি ।
এই যে জমাট রাতের আঁধার, আমার বাঁশী কাটি' তারে
কোথায় তুমি, কোথায় তুমি, কেঁদে মরে বারে বারে ।”

ডাকছাড়া তার কান্না শুনি একলা নিশা সহিতে নারে,
আঁধার দিয়ে জড়িয়ে ধরে হাওয়ায় দোলায় ব্যথার ভারে ।
তাহার ব্যথা কে শুনিবে ? এই দুনিয়ায় মানুষ যত
তাহার মত, ছেলেবেলার থাকতে পারে বুকের ক্ষত ।
তাদের ব্যথার একটু পরশ যদিই বাঁশী আন্তে পারে
(তারা) রাখালীরও উদাস সুরে গায় যেন গো 'তাইরে নারে'

৩৭. সংগতি

মেলাবেন তিনি ঝোড়ো হাওয়া, আর
পোড়ো বাড়িটার
ঐ ভাঙা দরজাটা
মেলাবেন ।

পাগল ঝাপটে দেবে না গায়েত কাঁটা ।
আকালে আগুনে তুষায় মাথা ফাটা
মারী কুকুরের জিভ দিয়ে ক্ষেত চাটা,
বগ্গার জল, তবু ঝরে জল,
প্রলয় কাঁদনে ভাসে ধরাতল—
মেলাবেন ।

তোমার আমার নানা সংগ্রাম,
দেশের দেশের সাধনা, সুনাম,
ক্ষুধা ও ক্ষুধার যত পরিণাম
মেলাবেন ।
জীবন, জীবন-মোহ,
ভাষাহারা বুকে স্বপ্নের বিদ্রোহ—
মেলাবেন, তিনি মেলাবেন ।

ছপুর ছায়ায় ঢাকা,
সঙ্গীহারানো পাখি উড়ায়েছে পাখা,
পাখায় কেন যে নানা রং তার আঁকা ।
প্রাণ নেই, তবু জীবনেতে বেঁচে থাকা
— মেলাবেন ।

তোমার সৃষ্টি, আমার সৃষ্টি, তাঁর সৃষ্টির মাঝে
যত কিছু স্মর, যা কিছু বেস্মর বাজে
মেলাবেন ।

অমিয় চক্রবর্তী

মোটর গাড়ির চাকায় ওড়ায় ধুলো,
যারা স'রে যায় তারা শুধু—লোকগুলো ;
কঠিন, কাতর, উদ্ধত, অসহায়,
যারা পায়, তারা সবই থেকে নাহি পায়,
কেন কিছু আছে বোঝানো, কিছু বা বোঝা না যায়—
মেলাবেন ।

দেবতা তবুও ধরেছে মলিন কাঁটা,
স্পর্শ বাঁচায় পুণ্যের পথে হাঁটা,
সমাজধর্মে আছি বর্মেতে আঁটা,
ঝোড়ে হাওয়া আর ঐ পোড়ে দরজাটা
মেলাবেন, তিনি মেলাবেন ॥

৩৮. বৃষ্টি

অন্ধকার মধ্যদিনে বৃষ্টি ঝরে মনের মাটিতে ॥
বৃষ্টি ঝরে রুক্ষ মাঠে, দিগন্তপিয়াসী মাঠে, স্তব্ধ মাঠে,
মরুময় দীর্ঘ তিয়াষার মাঠে, ঝরে বনতলে,
ঘনশ্যামরোমাঙ্কিত মাটির গভীর গৃঢ় প্রাণে
শিরায় শিরায় স্নানে, বৃষ্টি ঝরে মনের মাটিতে ।
ধানের ক্ষেতের কাঁচা মাটি, গ্রামের বৃকের কাঁচা বাটে,
বৃষ্টি পড়ে মধ্যদিনে অবিরল বর্ষাধারাজলে ॥

যাই ভিজে ঘাসে ঘাসে বাগানের নিবিড় পল্লবে
স্তম্ভিত দিঘির জলে, স্তরে স্তরে, আকাশে মাটিতে ॥

অন্ধকার বর্ষাদিনে বৃষ্টি ঝরে জলের নির্ঝরে
গতির অসংখ্য বেগে, অবিশ্রাম জাগ্রত সঞ্চারে, স্বপ্নবেগে
সঞ্চলিত মেঘে, মাঠে, কল্পিত মাটির অন্তপ্রাণে

আধুনিক বাংলা কবিতা

গেরুয়া পাথরে জল পড়ে, অরণ্য তরঙ্গশীর্ষে, মাঠে
ফিরে নামে মর্মজল সমুদ্রে মাটিতে ।

বৃষ্টি ঝরে ॥

মেঘে মাঠে শুভক্ষণে ঐক্যধারে

বিছ্যতে

আগুনে

ঘূর্ণাঝড়ে

স্রজনের অঙ্ককারে বৃষ্টি নামে বর্ষাজলধারে ॥

রচিত বৃষ্টির পারে, রৌদ্র মাটি, রুদ্র দিন, দূর,
উদাসীন মাঠে মাঠে আকাশেতে লগ্নহীন সুর !

৩৯. মেঘদূত

(শিল্পলোক)

শাপগ্রস্ত সেদিনের মেঘঝড়
হোলো আজ কালির আঁচড়,
বর্গধূলি ।

হে যক্ষ,

তোমারও সে-গতি ; লুপ্তি-মেঘে

অঙ্গুলি-

কম্পিত রেখার সূক্ষ্ম তুলি-

লগ্ন হলে চিত্রীর উচ্ছেগে ।

তব সখ্য

ছাপার অক্ষর,

কালিদাস ।

অমিয় চক্রবর্তী

সে ছবি

সংস্কৃত কাব্য,

— ছাত্রের, প্রিয়ার নয় — হোলো ইতিহাস, —

খোঁজে ভগ্নশেষ

উজ্জয়িনী চূড়ার উদ্দেশ্য ॥

(পৃথিবী ও প্রাণলোক)

রষ্টি পড়ে,

ছাতাঅলা গলির ভিতরে ।

গঙ্গা,

বেত্রবর্তী নদী নয় শিপ্রা নয়, তবু তার সংজ্ঞা

সেই জলে, সেই মেঘে, হাওয়ায় প্রবাহে ।

(আজিকে কাহারে চাহে ?)

হাওয়ায় পূলে

লক্ষ লক্ষ,

হে যক্ষ,

মনোরথে নয়, বাস-এ, মোটরে ইত্যাদি

অনাদি

তোমাদেরই বহি এই ধারা ।

এ জীবন আজো মিল-হারা ।

দেখো গভুত

চলে মর্ত্যে দুই মেঘদূত ।

(ব্যক্তিবিশেষ ও সংঘটনের পরিণাম)

এই দুই ধারা পারে

যক্ষ,

কোথা নিজে তুমি ?

সে কোথায় ?

আধুনিক বাংলা কবিতা

রচিবारे

পারে কোন্ সৃষ্টি-কবি মেঘকায়া,

জলের হাওয়ার ছায়া

সেদিনের ? সেই ভূমি,

জন্মবন, বিরহ-জ্যোতির শূন্য উঠিবে কুসুমি' ?

আবার প্রাণের নাট্যে নব রামগিরি-

আশ্রমের মূর্ত্তি ঘিরি'

শাপমুক্ত কোনো সৃষ্টি ঝড়ে

তিন মেঘদূত এক হবে,

আপনা-সম্পূর্ণ লিখা

মিলনের যুক্ত-শিখা ?

কবে

কালির আঁচড়ে

বর্ণধূলি-

লগ্ন কোন্ চিত্রীর অঙ্গুলি-

ঘূর্ণাবেগে,

জেগে-

ওঠা বাদলের কণ্ঠস্বরে ?

৪০. চেতন স্মারক

সোনা বানাই । সঁাকোর বাঁ পাশে গয়না

কাঁচের বাস্কে, জান্লায় দ্রষ্টব্য ; জান্লার উপর ময়না

রেগে ওঠে তোমাদের ভিড়ে— ছোলা খাও, বলো “রাধে

রাধে” “কেষ্ট কেষ্ট” — বলতে বাধে

গলিতে, তোমাদের অতীব নোংরা গলিতে,

সোনার সুন্দর, রূপোর রূপকার, এই নর্দমার দোকান দেহলিতে

অমিয় চক্রবর্তী

ধ্যান বানাই । এই আমার উত্তর ।

ড্রেন, ধুলো, মাছি, মশা, ঘেয়ো কুন্তোর

আড়ৎ বেঁধে আছ, বাঁচো (কিমাশ্চর্য্য বাঁচা) এবং যমের কৃপায়, মরা ;

অমৃতস্য অধম পুত্র, বন্দী স্মাৎস্মোঁতে গলির ঘরে ইঁদুর-ভরা ;

নেই রাগ ।— অবশ্য । আছ আনন্দে । খাও ভেজাল ঘিয়ের জিলিপি,

শিশু কাদায়, ধোঁয়ার সংসার, খুলে ওষুধের ছিপি

মা-বোনকে খাওয়াও— দয়ার ডাক্তার অস্তিম লাগলে,

তৎপূর্ব্বাবধি রান্নার পাকে কষে ঘোরাও ; নিজে ভাগলে

শক্ত সিনেমার সীটে, ইতর প্রাণের গিল্টি

মুখ-ভরা পান, দৃশ্য হলিউড, মোক্ষের পিল্টি

ভোলায় ধিক্কার, সন্ধ্যোটা কাটে ; তবু রাত্রে জেগে ভাবো ভাবোই

কিছু একটা হয়তো হবে, বৃষ্টি বা কোথাও যাবো, যাবোই—

কোথাও যাবে না, গলিতেই থাকবে । বডো রাস্তায় যাদের বাসা

হাঁ ক'রে দেখবে তাদের মোটর, পনেরোটা বেড়াল, সখের চাকর—

থাকবে থাসা,

কেউ ছোঁবে না তাদের ঘোড়-দোড়, মদপাশা ; দরোয়ানের লাঠি

বাঁচাবে তাদের লুঠ-ভরা সিন্ধুক ; একটু ঈর্ষা করবে, দীর্ঘশ্বাস, তবু

তাদের চাটবে মাটি

চাকরির রাস্তায় । তোমরা ধার্মিক, কৃষ্ণের জীব, বিদ্রোহ করো না,

অদৃষ্ট মানো,

পরজন্মের পথ পাও গলিতেই ; আহা গদগদ মাদুলি, তাগা, মূর্ত্তি,

বুকে টানো ;

গুরুদর্শন, কর্তার বাক্য, দলীয় ভক্তির অদ্ভুত দৈবে

মরলে যাও স্বর্গে— জীবনকে বানাও নরক— বিশুদ্ধ আর্ধ্যামি সহবে

বিদেশীর শাসন ; যতক্ষণ আছে জাত, অধিকারী-তত্ত্ব, ম্লেচ্ছকে ঘণা

ভয় কি দেশের ? বাহিরের পরাজয় হবেই তো, (ভিতরে জীবনুজ)

কলিয়ুগ কিনা ।

আধুনিক বাংলা কবিতা

তাল তাল সোনা, উত্তম উত্তর ; ছুঁড়ে তো মারা যায় না ?
গলিয়ে গলিতে মেশাই রোদ্দুরে, দাঁড়ের ময়নাকে দিই বায়না
গান শোনায় বনের ; চোখে আছে, আমার চালসের চোখেও, গাঁয়ে
গঙ্গার উপর

শুভ্র ধাপ, তেঁতুলগাছের ঝিল্মিল, প্রাণের ছাঁদ মেলাই রূপোর
চন্দ্রহারে, দোলাই কানের ঢুলে, আমার উত্তর মণিতে বাঁধি ;
জেলে দিতে পারি নে গলিকে (এবং তোমাদের), নই নৈতিক পন্টন,
সভার বক্তা ইত্যাদি ।

শুধু জানি আগুন, আগুনের কাজ, সৃষ্টির আগুন লাগলে প্রাণে
তীব্র হানে বেদনা জাগ্‌বার, আর্টের আগুন, মরীয়াকে টানে ।

গিবত আধবুড়োর উদ্ধত এই গয়না !

ভিড়ে কাঁচ ভেঙে না ;— বুলি, বুলি, রাম রাম, বলো ময়না
বলো ফার্সি, আরবি, ধার্মিক গজল— ফিরে গলির গর্ভে
সোনার মার নাও সঙ্গে— পারো তো কিছু কিনো— থাক্, চাইনে
খদ্দের ধরতে ॥

স্বধীন্দ্রনাথ দত্ত

(১৯০১-)

৪১. হৈমন্তী

বৈদেহী বিচিত্রা আজি সঙ্কুচিত শিশিরসঙ্ক্যায়
প্রচারিলো আচম্বিতে অধরার অহেতু আকৃতি ।
অস্তগত সবিতার মেঘমুক্ত মাজলিক দ্যুতি
অনিত্যের দায়ভাগ রেখে গেলো রজনীগন্ধায় ॥

ধুমায়িত রিক্ত মাঠ, গিরিতট হৈমন্তমোহিত,
তরুণ-তরুণী-শূন্য বনবীথি চ্যুত পত্রে ঢাকা,
শৈবালিত শুক্ক হৃদ, নিশাক্রাস্ত বিষণ্ণ বলাকা,
স্নান চেতনারে মোর অকস্মাৎ করেছে মোহিত ॥

স্বধীন্দ্রনাথ দত্ত

নীরব নশ্বর যারা, অবজ্ঞেয় অকিঞ্চন যত,
তাহারা আজিকে যেন লভিয়াছে অপূর্ব মহিমা ।
আমার সঙ্কীর্ণ আত্মা অতিক্রমি, দর্শনের সীমা
ছুটেছে দক্ষিণাপথে যাযাবর বিহঙ্গের মতো ॥

সহসা বিশ্বয়মৌন উচ্চকণ্ঠ বিতর্ক বিচার,
পরাণের ছিদ্রে ছিদ্রে পরিপূর্ণ অনবদ্য সুর ;
জানি, মোহ মুহূর্তের শেষ হবে নৈরাশে নিষ্ঠুর,
তবু জীবনের জয় ভাষা মাগে অধরে আমার ॥

যারা ছিল একদিন. কথা দিয়ে চলে গেছে যারা,
যাদের আগমবার্তা মিছে বলে বুঝেছি নিশ্চয়,
স্বয়ম্ভু সঙ্কীর্ণ আজ তাদের চপল পরিচয়
আকস্মিক দুর্শায় থেকে থেকে করিবে হারা ॥

ফুটিবে গাথায় মোর দুঃস্থ হাসি, স্তব্ধের ক্রন্দন.
দৈনিক-দীনতা-দৃষ্ট বাঁচবার উল্লাস কেবল.
নিমেষের আত্মবোধ, নিমেষের অধৈর্য্য অবল,
অখণ্ড-নির্বাণ-ভরা রমণীর তড়িৎ চুম্বন ॥

মোদের ক্ষণিক প্রেম স্থান পাবে ক্ষণিকের গানে,
স্থান পাবে, হে ক্ষণিকা, শ্লথনৌবি যৌবন তোমার ।
বক্ষের যুগল স্বর্গে ক্ষণতরে দিলে অধিকার,
আজি আর ফিরিবো না শাস্ত্রতের নিফল সঙ্কানে ॥

৪২. মহাসত্য

অসম্ভব, প্রিয়তমে, অসম্ভব শাস্ত্রত স্মরণ ;
অসঙ্গত চির প্রেম ; সম্বরণ অসাধ্য, অগ্নায় ;
বন্ধুদ্বার অন্ধকারে প্রেতের সম্ভ্রুত সম্বরণ
সাক্ষ করে ভাগীরথী অকস্মাৎ বসন্তবন্যায় ॥

আধুনিক বাংলা কবিতা

এ-মিলন অনবদ্য, এ-বিরহ অনির্বচনীয়
ধ্বংসসার স্বপ্নসূত্রে অচিরাৎ হারাবে স্বরূপ ;
আশা আজি প্রবঞ্চনা ; দিবো না স্মারক অঙ্গুরীয়
ব্যবধি বর্দ্ধিষ্ণু জেনে অঙ্গীকার নির্বোধ বিদ্রুপ ॥
তবু রবে অন্তঃশীল স্বপ্রতিষ্ঠ চৈতন্যের তলে
হিতবুদ্ধিহস্তারক ক্ষণিকের এ আত্মবিশ্বাস ;
তোমারি অকায় প্রশ্ন জীবনের নিশীথ বিরলে
মূল্যহীন ক'রে দিবে আজন্মের সঞ্চিত স্মৃতি ॥
মৃত্যুর পাথেয় দিতে কানাকড়ি মিলিবে না যবে,
রূপাঙ্ক যুবার ভ্রান্তি সেই দিন মহাসত্য হবে ॥

৪৩. নাম

চাই, চাই, আজো চাই তোমারে কেবলি ।
আজো বলি,
জনশূণ্যতার কানে রুদ্ধ কণ্ঠে বলি আজো বলি—
অভাবে তোমার
অসহ অধুনা মোর, ভবিষ্যৎ বন্ধ অন্ধকার,
কাম্য শুধু স্ববির মরণ ।
নিরাশ অসীমে আজো নিরপেক্ষ তব আকর্ষণ
লক্ষ্যহীন কক্ষে মোরে বন্দী ক'রে রেখেছে প্রেমসী ;
গতি-অবসন্ন চোখে উঠিছে বিকশি
অতীতের প্রতিভাস জ্যোতিক্ষের নিঃসার নিঃশ্বোকে ।
আমার জাগর স্বপ্নলোকে
একমাত্র সত্তা তুমি, সত্য শুধু তোমারি স্মরণ ॥
তবু মোর মন
মোহপরে করেনি আশ্রয় ।
জানি, তুমি মরীচিকা ; তোমাসনে প্রাণবিনিময়
কোনো দিন হবে না আমার ।

স্বধীন্দ্রনাথ দত্ত

আমার পাতালমুখী বসুধার ভার,
জানি, কেহ পারিবে না ভাগ ক'রে নিতে ;
আমারে নিষ্পিষ্ট করি মিশে যাবে নিশ্চিহ্ন নাস্তিতে
এক দিন স্বরচিত এ-পৃথিবী মম ॥

জানি, ব্যর্থ, ব্যর্থ সেই সন্ধ্যা নিরুপম
যবে মোর আননে নেহারি
অগাধ নয়নে তব ফলদা স্বাতীর পুণ্য বারি
হয়েছিলো সহসা উচ্ছল ।
জানি, সেই বনপথে করেছিলি আপনারে ছল ;
চিরাভ্যস্ত প্রেমনিবেদনে
পশিনি তোমার মর্মে, আপনার চিত্তের গহনে
শুধু পুঞ্জ করেছিলি মিথ্যার জঞ্জাল ।
জানি, কত তরুণীর গাল
অমনি অধৈর্যভরে শত বার দিয়েছি রাঙায়ে ;
অনুপূর্ব পথিকার পায়ে
বজ্রাহত অশোকেরে অলঙ্কার করেছি বিনত
ক্ষণিক পুষ্পের লোভে । জানি, প্রথামতো
তাহাদের পদরেখা মুছে গেছে রৌদ্রে জলে ঝড়ে ।
জানি, যুগান্তরে
তোমারো দুর্ভহ স্মৃতি লুপ্ত হবে পথের ধলায় ॥

তবু চায়, প্রাণ মোর তোমারেই চায় ।
তবু আজ প্রেতপূর্ণ ঘরে
অদম্য উদ্বিগ্ন মোর অব্যক্তেরে অমর্যাদা করে ;
অনন্ত ক্ষতির সংজ্ঞা জপে তব পরাক্রান্ত নাম—
নাম— শুধু নাম— শুধু নাম ॥

উটপাখী

আমার কথা কি শুনতে পাও না তুমি ?
কেন মুগ্ধ গুঁজে আছো তবে মিছে ছলে ?
কোথায় লুকাবে ? ধু ধু করে মরুভূমি ;
ক্ষয়ে ক্ষয়ে ছায়া ম'রে গেছে পদতলে ।
আজ দিগন্তে মরীচিকাও যে নেই ;
নির্ঝাক, নীল, নিশ্চয় মহাকাশ ।
নিষাদের মন মায়ামগে ম'জে নেই ;
তুমি বিনা তার সমূহ সর্বনাশ ।
কোথায় পলাবে ? ছুটবে বা আর কত ?
উদাসীন বালি ঢাকবে না পদরেখা ।
প্রাক্‌পুরাণিক বাল্যবন্ধু যত
বিগত সবাই, তুমি অসহায় একা ॥

ফাটা ডিমে আর তা দিয়ে কী ফল পাবে ?
মনস্তাপেও লাগবে না গুঁতে জোড়া ।
অখিল ক্ষুধায় শেষে কি নিজেকে খাবে ?
কেবল শূণ্ণে চলবে না আগাগোড়া ।
তার চেয়ে আজ আমার যুক্তি মানো,
সিকতাসাগরে সাধের তরণী হও ;
মরুদ্বীপের গবর তুমিই জানো,
তুমি তো কখনো বিপদপ্রাপ্ত নও ।
নব সংসার পাতি গে আবার চলো
যে-কোনো নিভৃত কণ্টকায়ত বনে ।
মিলবে সেখানে অস্তিত নোনা জলও,
গসবে খেজুর মাটির আকর্ষণে ।

সুধীন্দ্রনাথ দত্ত

কল্পলতার বেড়ার আড়ালে সেথা
গ'ড়ে তুলবো না লোহার চিড়িয়াখানা ;
ডেকে আনবো না হাজার হাজার ক্রেতা
ছাঁটতে তোমার অনাবশ্যক ডানা ।
ভূমিতে ছড়ালে অকারী পালকগুলি
শ্রমশোভন বীজন বানাবো তাতে ;
উধাও তারার উড্ডীন পদধূলি
পুঙ্খে পুঙ্খে খুঁজবো না অমারাতে ।
তোমার নিবিদে বাজাবোনো কুমঝুমি,
নির্কোষ লোভে যাবে না ভাবনা মিশে ;
সে-পাড়া-জুড়নো বুল্বুলি নও তুমি
বর্গীর ধান খায় যে উনতিরিশে ॥

আমি জানি এই ধ্বংসের দায়ভাগে
আমরা দুজনে সমান অংশীদার ;
অপরে পাওনা আদায় করেছে আগে,
আমাদের পরে দেনা শোধবার ভার ।
তাই অসহ লাগে ও-আত্মরতি ।
অন্ধ হলে কি প্রলয় বন্ধ থাকে ?
আমাকে এড়িয়ে বাড়াও নিজেরি ক্ষতি ।
ভ্রান্তিবিলাস সাজে না দুর্ভিক্ষপাকে ।
অতএব এসো আমরা সন্ধি ক'রে
প্রত্যাশকারে বিরোধী স্বার্থ সাধি :
তুমি নিয়ে চলো আমাকে লোকোত্তরে,
তোমাকে, বন্ধু, আমি লোকায়তে বাঁধি ॥

আধুনিক বাংলা কবিতা

সন্ধান

আপনারে অহর্নিশি খুঁজি ।

কিন্তু যার স্পর্শ পাই, নিগূঢ়, বিশ্রান্তানাপ বুঝি,
আমার অন্বিষ্ট সে তো নয় ।

সে কেবল বাচাল হৃদয়

বহুরূপী, বহুভাষী, বহুব্যবসায়ী,

যার সনে আত্মীয়তা নাই

স্বচ্ছন্দ দেহের কিম্বা স্বতন্ত্র বুদ্ধির ;

যে-অধীর

পৃথ্বীর পৃথুল কোলে শাস্ত হয়ে থাকিতে পারে না ;

যার স্বপ্নসেনা

অলৌক স্বর্গের দ্বারে হানা দিতে ছুটে বারে বারে

জ্যোতিষ্মান ব্রহ্মাণ্ডের শূণ্যময় পরিখার পারে

যেথা তার প্রতিনিধি, জ্বর ভগবান,

পাশরি সম্রাটনিষ্ঠা, অগোচর সামন্তসমান,

অনাদি নীরবে ব'সে আপনার মনে

চক্রাস্তের উর্গাজাল বোনে ॥

আমি যারে চাই

তার মাঝে ভেদ নাই, দ্বন্দ্ব নাই, দেশ-কাল নাই ;

তাহার শরীর বুদ্ধি, মনীষা মনন

শিল্প-উপাদান-সম অখণ্ডতা করে বিরচন ;

অবিকল, সিদ্ধ, স্বয়ম্বশ,

নিঃশঙ্ক সে অপমানে, অন্বেষণ করে না সে যশ ;

সে কেবল নির্লিপ্ত অয়নে

পূর্ণ করে ভগ্ন বৃত্ত ; নিরাসক্ত বিভাবিকীরণে

জানায় দিকের বার্তা অমাগ্রস্ত নিঃসঙ্গ তরীরে ;

সুধীন্দ্রনাথ দত্ত

রূপসীরে
নিষ্কাম উদ্দীপ্তি তার করে পূজারতি
কুরূপার কুৎসিত বসতি
মায়াপুরী হয়ে ওঠে নৈর্ব্যক্তিক তার অনুরাগে ;
ডরে না সে ব্যাধি, মৃত্যু, জরা ;
চিতার ফুলিঙ্গযোগে জীবনের দীপপরম্পরা
জ্বালায় সে নির্বিবাদ নির্বাণের আগে ॥

অক্ষয় মনুষ্যবট নির্বিকার যে-প্রাণপরাগে
নিত্য বিকশিত হয় আশুক্লান্ত নির্বিশেষ ফলে,
সে-অনাম চিরসত্তা খুঁজি আমি আপন অতলে ॥

নরক

অন্ধকারে নাহি মিলে দিশা ॥

দৌর্ঘায়িত নিশা
বয়স্কীর্ণ বারান্দনাপারা
দুর্গম তীর্থের পথে হয়ে সঙ্গীহারা
ঘুমায়ে পড়েছে যেন আতিথেয় অজানার পাশে
দুর্শ্বর অভ্যাসে ।
কেশকীর্টে ভরা তার মাথা
লুটায় আমার কাঁধে, পরণের শতচ্ছিদ্র কাঁথা
বিষায় জীবনবায়ু সঙ্কীর্ণ কুটীরে,
তাহার বিক্ষিপ্ত বাহু ধরিয়াকে মোর কণ্ঠ ঘিরে,
ক্ষণে ক্ষণে
অজ্ঞাত দুঃস্বপ্ন তার সন্ত্রস্ত কম্পনে
সঞ্চারিত হয় মোর জাতিস্মর অবচেতনায় ॥

আধুনিক বাংলা কবিতা

অতন্দ্রিত চক্ষু কিছু দেখিতে না পায় ;
শুধু মোর সঙ্কচিত কায়া
অন্তর্ভব করে যেন নামহীন কাহাদের ছায়া
শিয়রে সংহত হয়ে উঠে ;—
কোন্ যাদুঘর হতে দলে দলে পাশে এসে জুটে
অবলুপ্ত পশুদের ভূত
কুৎসিত, অদ্ভুত ।
অমূর্ত আকাঙ্ক্ষা হানি, নিরাকার লজ্জা অসন্তোষ,
অসিদ্ধ ছুরাশা দস্ত, নিষ্ফল আক্রোশ
কানাকানি করে অন্তরালে ।
রক্তহীন বিশ্বতির প্রতন পাতালে
অতিক্রান্ত বিলাসের, অস্বাবর প্রমোদের শব
অন্তর্কর সাম্প্রতেরে করিবারে চায় পরা ভব
জোগায়ে জীয়ানরস অপুষ্পক বীজে ॥

অয়ি মনসিজে,
কোথা তুমি কোথা আজ এই স্থূল শরীরী নিশীথে ?
তোমার অতল, কালো, অতল আঁখিতে
তারকার হিম দীপ্তি ভ'রে
তাকাও আমার মুখে । অনাত্মীয় অসিত অন্ধরে
এলাও অস্পৃশ্য কেশ সূক্ষ্ম, নিরুপম,
স্বপ্নস্বচ্ছ বরাভয়ে আত্মত্যাগী বেরেনিকে-সম ।
হেমন্ত হাওয়ার নিমন্ত্রণে
অনঙ্গ আত্মারে মোর ডাক দাও নীহারশয়নে
দুস্তর নাস্তির পরপারে ;
দাঁড়িয়ে যে-নির্ঝাণের নির্লিপ্ত কিনারে
নিরুদ্বেগ নচিকেতা দেখেছিলো অধোমুখে চাহি
সন্তোগরাত্রির শেষে ফেনিল সাগরে অবগাহি

স্বধীন্দ্রনাথ দত্ত

কষিতকাঞ্চনকাস্তি নগ্ন বসুন্ধরা
তারি প্রলোভনতরে সাজায়িছে যৌবনপসরা
রূপে, রসে, বর্ণে, গন্ধে, কামাতুর রামার সমান,
হে বৈদেহী, করো মোরে সেখানে আস্থান ॥

পশুশ্রম, নাহি মিলে সাড়া ।

শৃগুতার কারা

অগোচর অবরোধে ঘিরে মোর আর্ত মিনতিরে ;
যতট পলাতে চাই অভেদ্য তিমিরে
মাথা ঠুকে রক্তপঙ্কে পড়ি,
অগ্রজের মৃতদেহ যায় গড়াগড়ি
ক্রিমিভোগ্য দুর্গন্ধে যেখানে,
চরে যেথা ক্ষয়স্তুপে ভোজ্যের সন্ধান
ক্লেদপুষ্ট সরীসৃপ, শ্বেদশ্রাবী বক্র বিষধর,
পঙ্কিল মণ্ডুক আর মূষিক তঙ্কর,
বজ্রনখ পেচক, বাছড় ॥

বমনবিধুর

আমার অনাত্ম্য দেহ প'ড়ে আছে যন্নয় নরকে ।
মৌন নিরালোকে
ভুঞ্জে তারে খুশিমতো গৃধু নিশাচর ।
দুস্তর, দুস্তর, জানি, শাস্তি মোর দুঃসহ, দুস্তর ।
মনে হয় তাই
আত্মরক্ষা হাস্কর, সুসঙ্কল্প মোখিক বড়াই,
জীবনের সার কথা পিশাচের উপজীব্য হওয়া,
নির্বিবকারে, নির্বিববাদে সওয়া
শবের সংসর্গ আর শিবির সদ্ভাব ।
মানসীর দিব্য আবির্ভাব,

আধুনিক বাংলা কবিতা

সে শুধু সম্ভব স্বপ্নে, জাগরণে আমরা একাকা ;
তাহার বিখ্যাত রাখী,
সে নহে মঙ্গলসূত্র, কেবল কুটিল নাগপাশ ;
মলময় তাহার উচ্ছ্বাস
বোনে শুধু উর্গাজাল অসতর্ক মক্ষিকার পথে ॥

অমেয় জগতে

নিজস্ব নরক মোর বাঁধ ভেঙে ছড়ায়েছে আজ ;
মানুষের মর্মে মর্মে করিছে বিরাজ
সংক্রমিত মড়কের কীট ;
শুকায়েছে কালশ্রোত, কদমে মিলে না পাদপীঠ ।
অতএব পরিত্রাণ নাই ।

যন্ত্রণাই

জীবনে একান্ত সত্য, তারি নিরুদ্দেশে
আমাদের প্রাণযাত্রা সাক্ষ হ'য় প্রত্যেক নিমেষে ॥

ব্যাপ্ত মোর চতুর্দিকে অনন্ত অমার পটভূমি ;
সবি সেথা বিভীষিকা, এমন কি বিভীষিকা তুমি ॥

প্রার্থনা

হে বিধাতা,
অতিক্রান্ত শতাব্দীর পৈতৃক বিধাতা,
দাও মোরে ফিরে দাও অগ্রজের অটল বিশ্বাস ।
যেন পূর্বপুরুষের মতো
আমিও নিশ্চিন্তে ভাবি, ক্রীত, পদানত,
তুমি মোর আজ্ঞাবাহী দাস ।
তাদের সমান
মণ্ডুকের কূপে মোরে চিরতরে রাখো, ভগবান ।

সুধীন্দ্রনাথ দত্ত

কমঠবৃত্তির অহঙ্কারে
ঢাকো ক্ষণভঙ্গুরতা । তাদের দৃষ্টান্ত-অনুসারে
আমিও ধরাকে যেন সরা জ্ঞান করি ।
মর্যাদার ছিদ্রিত গাগরি
জোড়ে যেন বারম্বার ডুবে আত্মপ্রসাদের শোতে ।
রৌদ্র জ্যোতি হতে
আবার ফিরাও মোরে তমসার প্রভ দায়ভাগে ।
যুগধরা হাড়ে যেন লাগে
উজ্জ্বল জ্যোষ্ঠদের তৈলসিক্ত মেদ ;
মরে যেন উদ্বন্ধনে অপজাত হৃদয়ের খেদ ॥

পিতৃপিতামহদের প্রায়
তোমার নামের গুণে তীর্ণ হয়ে দশম দশায়
মৃঢ়, মৃক গড্ডলেরে দিই যেন বলি
রক্তপিপাসিত যুগে ।
বাচাল বিদ্রুপে
ভঙ্কারিলে দুর্বৃত্তের উন্নত দস্তোলি,
গুরুজনদের মতো করি যেন সাষ্টাঙ্গ প্রণাম
শক্তির উচ্চল পায়ে ; আর্তির সংক্রাম
কেটে গেলে কালক্রমে জনাকীর্ণ রাজপথ থেকে,
ক্ষীণ বৃকে অপ্রতিষ্ঠ পৌরুষেরে ঝেড়ে,
হাসিমুখে হাত নেড়ে
পলাতক সধর্মীরে ডেকে
প্রমাণিতে পারি যেন সবি ভব ইচ্ছা, ইচ্ছাময় ॥

এলে পরে লাভের সময়,
সদসৎনির্বিচারে, সকলি তোমার দান ব'লে,
নিঃস্বের স্বৈদান্ত কড়ি হাতায়ে কৌশলে
আমিও জমাই যেন যক্ষসংরক্ষিত কোষাগারে ।

আধুনিক বাংলা কবিতা

শ্রুতিধর মাস্কাতার উক্তির উদ্ধারে
লুকায়ে ইন্দ্রিয়াসক্তি ; অবিম্বা জন্মের জঞ্জালে
বিষায়ে সঙ্কীর্ণ সৌধ ; জলে, স্থলে, নভে
বিরোধের বীজ বুনে ; নিরন্তর নিষ্কাম প্রসবে
ভগ্নস্বাস্থ্য গর্ভিণীর ক্লিন্ন অন্তকালে
তোমার প্রতিভূ সেজে উন্নরক স্বর্গের আশ্বাসে
সাম্বীর সদগতি যেন করি ।
উর্দ্ধশ্বাস উৎসবের উদ্বায়ী উচ্ছ্বাসে
তোমারে পাশরি,
দারুণ দুর্দিনে যেন পূজা মেনে বিশ্বয়ে শুধাই,
“স্মরণে কি নাই,
“দয়াময়. আশ্রিতেরে স্মরণে কি নাই ?”

ভগবান, ভগবান,
অতীতের অলৌক, আত্মীয় ভগবান,
অভিব্যাপ্ত আবির্ভাবে আজ
আমার স্বতন্ত্র শূন্যে করো তুমি আবার বিরাজ ।
শকুনির ক্ষুধানিবারণে
শশুশ্যাম কুরুক্ষেত্রে মায়াবাদ ভ'নে
সূচ্যগ্রমেদিনীলোভী যুযুৎসুরে ক্ষমিতে শেখাও
অপরের অপঘাত । তুলে নাও,
আমার রথাস্বরজ্জু, হে সারথি, তুলে নাও হাতে ।
স্বার্থের সংঘাতে
বিতর্ক, বিচার হানো । মর্মে মর্মে, মজ্জায় মজ্জায়
জাগাও অগ্নায়, শাঠ্য । হিংস্র অলজ্জায়
পুণ্যশ্লোক সগোত্রের তুল্য মূল্য দাও দাও মোরে ।
অপ্রকট সত্যের জোরে
আমার অস্তিম যাত্রা অতিক্রমি স্মেরুর বাধা

সুধীন্দ্রনাথ দত্ত

হয় যেন নন্দনে সমাধা,
যেখানে প্রতীক্ষারত স্বরসুন্দরীরা
স্কৃতির পুরস্কারে পাত্রে ঢেলে অমৃত মদিরা,
নীবীবন্ধ খুলে,
শুয়ে আছে স্বপ্নাবিষ্ট কল্পতরুগলে ॥

কিন্তু যেথা সপিল নিষেধ
স্বপুচ্ছের উপজীব্যে সাধে আত্মবেদ
প্রমিত্তির বিষরক্ষে, অমিত্তির অচিন্ত্য অভাবে ;
অস্তুরঙ্গ জনতার নিবিড সদ্ভাবে
হয়নি নাসোপযোগী অগ্যাবধি যে-নিস্তাপ মক ;
পশুপতি বাজায় ডমক
মোর গোষ্ঠীপতিদের নাচায়নি যার ত্রিসীমায় ;
নিরালম্ব নিরালোকে যেথা
দেবদ্বিজপ্রবঞ্চিত ত্রিশঙ্কু বিমায়,
মৌনের মন্ত্রণা শোনে যত্নবিপ্রলব্ধ নচিকেতা ;
সেখানে আমার তরে বিছায়ো না অনন্ত শয়ান,
হে ঈশান.
লুপ্তবংশ কুলীনের কল্পিত ঈশান ॥

উজ্জীবন

কেন তুমি আসো না এখনো ?
ওই শোনা
নির্জিতের নিরুপায় কণ্ঠস্বর শোনো
অতিদৈব দেউলের প্রতিধ্বনিপ্রহত গম্বুজে
উদয়ান্ত তোমাকেই খুঁজে,
অবশেষে ফিরে আসে আত্মঘাতী পরিহাস-রূপে ।

আধুনিক বাংলা কবিতা

সাহিত্যিক যুগে

বিনা রক্তে হয়ে গেছে বলি

ইতিমধ্যে কত শত পরাণপুত্তলি :

আর্তনাদ ছাড়া আজ নৈবেদ্যের যোগ্য কিছু নেই ॥

নিবৃত্তিত আশ্বাসের দ্বিরুক্তি শুনেই

জনশূন্য উন্মুখ গোপুর,

পিশাচী চম্বর

অগ্রগতি নিকটক, পযুঁষিত পাণ্ডাঘর সমেত

ভূতপূর্ব বিশ্বাসীরা হয় জমায়েৎ

সমুৎপন্ন সর্বনাশে অন্ধিত্যক্ত পরস্ব কুড়াতে,

প্রতিবাতে

ছুঁনিবার পতাকার প্রাগলভ্য কেবল

মুখরিত করে নভস্তল ॥

আসন্ন প্রলয় :

যত্নভয়

নিতান্তই তুচ্ছ তার কাছে ।

সর্বস্ব ঘুচিয়ে যার! ব্যবচ্ছিন্ন দেহে আজো বাঁচে,

একমাত্র মুর্খাই তাদের নির্ভর ;

প্রাণ আর জড়

আবার তাদের মধ্যে আশ্লিষ্ট অশ্লীল সহবাসে ।

প্রত্যাগত প্রহ্ন বিপর্যাসে

পরিপূর্ণ বিরক্তির অস্তিম মণ্ডল ।

আখণ্ড

নিরর্থক নামমাত্র : জরাগ্রস্ত সহস্রাক্ষে আর

পড়ে না নরকী কীট ; কুলিশপ্রহার

কম্পিত হাতের দোষে নির্দোষের মুণ্ডপাত করে ॥

স্বধীন্দ্রনাথ দত্ত

অস্পৃশ্য অস্বরে

তবুও অদৃশ্য তুমি ?

নিরঙ্কুশ, নিঃসন্তান, নিত্য মরুভূমি

আস্তিকের পুরস্কার—প্রতিশ্রুত ভ্রম্বর্গ তবে কি ?

এই পরিণতির লোভে কি

জন্মালে নারীর গর্ভে, আত্মবলি দিলে নরমেধে,

কণ্টককিরীট প'রে, বিনা ধনুর্বেদে

হলে ছুঃস্থ ধূলির সম্রাট,

মৃত্যুর কবাট

থুলে রেখে, চ'লে গেলে সার্বজন্য স্বধার সন্ধানে,

আশ্রিতের কানে

সাম্য-মৈত্রী-তিতিক্ষার বীজমন্ত্র ঢেলে,

মিয়াদৌ প্রদীপ জ্বলে

পণজীবী প্রতীক্ষার অনন্ত অভাবে ?

নিশ্চিহ্ন সে-নাচিকেতা ; নৈরাশ্রের নির্ঝাণী প্রভাবে

বৃক্ষাঙ্কিত চৈতে্যে আজ বীতাগ্নি দেউটি ;

আত্মহা অসূর্যালোকে ; নক্ষত্রেও লেগেছে নিছটি ।

কালপেঁচা, বাতুড়, শৃগাল

জাগে শুধু সে-তিমিরে ; প্রাগ্রসর রক্তিম মশাল

অমাকে আবিল করে ; একচক্ষু ছায়া,

দীপ্ত নখ, স্ফীত নাসা, নিরিন্দ্রিয় বৈদ্যুতিক কায়া

চতুর্দিকে চক্রব্যূহ বাঁধে ।

অপমৃত বিধাতার লগ্নভ্রষ্ট প্রেত যেন কাঁদে

নিষেধের বহিঃপ্রান্তে কোথা ॥

ওরা কার হোতা ?

পদধ্বনি—কার পদধ্বনি

হানে মোনে অন্তনাদ ? আগমনী—

আধুনিক বাংলা কবিতা

কার আগমনী আজ আনে আচম্বিতে
অতিশ্রুতি অন্তরায় প্রত্যাশিত আকাশবাণীতে ?
বিকল্পব তবে কি নিশ্চয় ?
যে-পশুবলের হারে হয়েছিলে তুমি মৃত্যুঞ্জয়,
এবারে কি তার উজ্জীবন ?
অন্তভৌম সমাধিতে ছিলো সঙ্গোপন
যে-মিশরী শব,—
তুমি নও,—আসে কি সে— অর্দ্ধ পশু, অর্দ্ধেক মানব
সঙ্গে ক'রে দিগ্বিজয়ী মরু ?

পুরাণপুরুষ হত : বাজে বক্ষে আস্তির ডমরু ॥

শাশ্বতী

শ্যামলী বরষা সাঁঝের আড়িনাপরে
এলায়ে দিয়েছে শ্রান্ত শিথিল কায়া ;
ছাড়া পেয়ে আজ লুকাচুরি খেলা করে
গগনে গগনে পলাতক আলো ছায়া ।
অলখ শরৎ দাঁড়ালে সমীপে এসে,
শুনি সমীরণে তারি মৃদঙ্গ-ধ্বনি,
প্রতীক্ষণের অচল নিরুদ্দেশে
উতলা হয়েছে অকারণ আগমনী ।
কুহেলীকলুষ দীর্ঘ দিনের সীমা
এখনি হারাবে কোমুদাজাগরে যে ;
বিরহবিজন ধৈর্যের ধূসরিমা
রঞ্জিত হবে দলিত শেফালীশেজে !
মিলনোৎসবে সেও তো পড়েনি বাকি,
নবান্নভোজে তাহারো আসন পাতা ;

সুধীন্দ্রনাথ দত্ত

পাছে চাহে শুধু আমারি উদাস আঁখি,
একবেণী হিয়া ছাড়ে না মলিন কাঁথা ॥

একদা এমনি বাদল শেষের রাতে—
মনে হয় যেন শত জনমের আগে—
সে আসি সহসা হাত রেখেছিল হাতে,
চেয়েছিলো মুখে সহজিয়া অনুরাগে ।
সেদিনো এমনি ফসলবিলাসী হাওয়া
মেতেছিলো তার চিকুরের পাকা ধানে ;
অনাদি যুগের যত চাওয়া যত পাওয়া
খুঁজেছিলো তার আনত দিঠির মানে ।
একটি কথার দ্বিধাথরথর চূড়ে
ভর করেছিলো সাতটি অমরাবতী ;
একটি নিমেষ দাড়ালো সরণীজুড়ে,
থামিল কালের চিরচঞ্চল গতি ;
একটি পলের অমিত প্রগল্ভতা
মর্ত্যে আনিলো ধ্রুবতারকারে প'রে ;
একটি স্মৃতির মান্বষী দুর্বলতা
প্রলয়ের পথ দিলো অব্যাহত ক'রে ॥

'আজি সে-রজনী ফিরেছে সগৌরবে
অধরা আবার ডাকে সুধাসঙ্কেতে ;
মদমুকুলিত তারি দেহসৌরভে
অনামা কুসুম আঁধারে উঠেছে মেতে ।
আজিকে আকাশ নীল তারি আঁখিসম ;
সে-রোমরাজির কোমলতা নব ঘাসে ;
তাহার রসনা পুন বলে— 'প্রিয়তম' ;
আজি সে কেবল আর কারে ভালোবাসে

আধুনিক বাংলা কবিতা

স্মৃতিপিপীলিকা তাই এ-মাধুরী হ'রে
আমার রক্তে পুঞ্জিত করে কণা ;
সে ভুলে ভুলুক, কোটি মন্বন্তরে
আমি ভুলিবো না, আমি কভু ভুলিবো না ॥

মণীশ ঘটক

(১৯০১-)

পরমা

আর কেহ বুঝিবে না ; তোমাতে আমাতে
এ বোঝাপড়ার পালা সাক্ষ করে যাবো আজ রাতে
অন্তরঙ্গ আলাপনে ।
রাত্রির অঞ্চল সঞ্চালনে
শান্ততর, স্নিগ্ধতর হয়ে এলো বায়ু,
তৃতীয়ার চন্দ্রের প্রমাণ
হোলো শেষ । মেঘলোক হয়ে পার
ঘনিষ্ঠ আগ্রহ রচে পরম আত্মীয় অঙ্ককার ।
হলা পিয় সহি,
জাস্তব জিগীষা বন্ধে অতীতের সে নিষাদ নহি আমি নহি ।
একদা যে আসঙ্কের ক্রুর আক্রমণ
সবিদ্রোপে উপেক্ষিয়া কুমারীর আত্মরক্ষা-পণ
বধির বাসব-হস্তচ্যুত বজ্রসম
তোমারে করিলো চূর্ণ, আমারি নির্মম
স্বার্থ পরমার্থ দ্বন্দ্রে আজি নির্বাচিত
সে অনল, স্মৃতিভস্মরূপে সমাহিত ।
অনলস কাল-আবর্তনে

মণীশ ঘটক

মহীরুহ হয়েছে অঙ্গার । হয়ত পরম কোনো ক্ষণে
অঙ্গারে ফুটিবে হীরা । সে প্রসঙ্গ আজি অবাস্তর ।

পূর্ণলোহ যৌবনের মধ্যাহ্ন ভাস্কর
সেদিন জলিতেছিলো এ দেহ-অঙ্গরে ।
দিকে দিগন্তরে
সমীর শ্বসিতেছিলো অগ্নিবর্ষী শ্বাস ।
চক্ষে ভরি' ত্রাস,
তুমি কেন কাঁপ দিলে সে ধ্বংস-উৎসবে ?
যৌবন গৌরবে
বঙ্কলশাসনমুক্ত তুঙ্গ স্তনদ্বয়
সহসা উদ্বেল হোলো শুভ্র বক্ষময় ।
শিহরিলো প্রবাল অধর
কেন্দ্রীভূত কামনার চুম্বক বিথারে থরথর ।
অজ্ঞাত শঙ্কায়
অপাঙ্গে অনঙ্গতীর মুহুমূর্ত্ত থমকিলো হায় !

আশ্রম-আশ্রয় ত্যজি আজন্মতাপসী কণ্ঠস্থতা
নিষ্কলুষা কুরঙ্গীর নৃত্যরঙ্গে হলে আবিভূর্তা
নিষ্করণ কিরাতের পরুষ সংস্পর্শে আচম্বিত
মদাপ্নুতা,—হারালে সশ্বিৎ !

হায় সগি হায়,
তুমি ত জানিলে নাকো সেই মৃগয়ায়
এক অশ্বে হত হোলো মৃগী ও নিষাদ ।
আদিরিপু উন্মোচিলো প্লাবনের বাঁধ,
সেই পথ দিয়া
প্রেম এলো বণ্যাসম দুকূল প্লাবিয়া

আধুনিক বাংলা কবিতা

স্বগন্তীর সমারোহে ।
অনাগন্ত আজো তাহা বহে
ছবার প্রবাহে তুলি উন্নত কল্লোল,
আমার নিখিল তারই উল্লাসে আজিও উতরোল !

প্রমথনাথ বিশী

(১৯০২)

নিঃসঙ্গ সন্ধ্যার তারা

নিঃসঙ্গ সন্ধ্যার তারা,
দ্বিতীয়ার চাঁদ,
নীলাভ পদ্মার ধারা, শূন্যতা অগাধ ।
স্তিমিত হাঁসের দল,
পশ্চিম বনাস্ততল
স্নান কঁদ কঁদ ; শূন্যতা অগাধ ॥

শুধু দুটি মুগ্ধ প্রাণী,
শূন্য শর বন,
পদ্মার নাহিকো বাণী, স্বপন-নির্জন ।
অসীম রাত্রির পানে
যায় তারা কোন্ গানে
ছায়ার মতন ! স্বপন নির্জন ॥

হে পদ্মা

হে পদ্মা তোমার
বনরেখা বিবর্জিত দিগন্তের দেশে
ডুবে যায় ক্লাস্ত রবি গলিয়া নিঃশেষে
বিন্দুমাত্র সার ।

প্রমথনাথ বিশী

নিশ্চপল জলতল যেন একটানা
ধূমল পাটল এক বাতুড়ের ডানা
করিছে বিস্তার ।

পশ্চিমে ত্রিবলী বর্ণ ; কানন নিবিড় ;
মূহুমূহ স্বচ্ছ ছায়া হ'তেছে গভীর ;
নৃত্যশীল ভঙ্গী যেন লঘু গুড়নাটির
বিদ্যুৎপর্গার ।
হে পদ্মা তোমার ।

নদীতে শেহলা শ্যাম ; রোদে পোড়া ঘাস,
দগ্ন মাঠে উঠিতেছে উদ্ভিজ্জ স্ব্বাস
শিশিরের স্পর্শ লভি ; বিমূঢ় বাতাস
গন্ধে আপনার ।
হে পদ্মা তোমার !

ধুমাক্ত পল্লীপথে ঘণ্টা গোধুলির ।
তালে তালে দাঁড় ফেলা কচিং তরীর ।
হঠাৎ শ্রবণে পশে কুলায়-অধীর
ধ্বনি বলাকার !
বালুস্তূপে মগ্ন দীর্ঘ মাস্তুলের ঘিরে
দেখিষ্ঠ জলিছে দীপ্তি আসন্ন তিমিরে
সন্ধ্যা-তারকার ।
হে পদ্মা তোমার !

প্রাচীন আসামী হইতে

পশ্চিম দিগন্ত আমি জলন্ত রবির
বাসনার চিতাশয্যা ; তুমি সখী দূর

আধুনিক বাংলা কবিতা

পূর্ববনাস্তুর রেখা—অতল গভীর
রহস্যের অধিনেত্রী ! মোরে দগ্ন করি
জ্বালাই বহির শিখা—তারি দৃপ্ত রাগে
হেরিতেছি কান্তি তব মূর্ছায় বিধুর ।
মিলিয়াছে তব অঙ্গে দিবসশরীরী,
দেখা-না-দেখার প্রান্তে তব মূর্তি জাগে ।

কোথা তুমি, কোথা আমি, শূন্যতা অগাধ,
বুকে বুকে পরশন ঘটিল না কভু !
কেবল চুলের গন্ধ, শয্যা ক্ষুধাতুর,
শুধু সৌন্দর্যের কশা—কষায়-মধুর !
উঠিল গভীর রাত্রে দ্বাদশীর চাঁদ—
অগণ্ড দিগন্তে হেরি ঘেরা দৌহে তবু ।

অচিন্ত্যকুমার সেনগুপ্ত

(১৯০৩)

প্রথম যখন

প্রথম যখন দেখা হয়েছিল, কয়েছিলে মৃদুভাষে
'কোথায় তোমারে দেখেছি বল ত',—কিছুতে মনে না আসে ।

কালি পূর্ণিমা রাতে

ঘুমায়ে ছিলে কি আমার আতুর নয়নের বিছানাতে ?
মোর জীবনের হে রাজপুত্র, বুকের মধ্যমণি,
প্রতি নিঃশ্বাসে শুনেছি তোমার স্তব্ধ পদধ্বনি !
তখনো হয়ত আঁধার কাটেনি,—সৃষ্টির শৈশব,—
এলে তরুণীর বুকে হে প্রথম অকণের অন্তভব !

আমি বলেছিলুম, 'জানি,

স্তবগুঞ্জনে তুলি তোরে ঘিরে' হে মোর মক্ষিরাণী !'
যাপিলাম কত পরশতপ্ত রজনী নিদ্রাহীন,
হু'চোখে হু'চোখে পাতিয়া শুধালে, 'কোথা ছিলে এতদিন ?'

অচিন্ত্যকুমার সেনগুপ্ত

লঘু দু'টি বাছ মেলে,

মোর বলিবার আগেই বলিলে : 'যেয়ো না আমারে ফেলে ।'

আজি ভাবি বসে' বহুদিন পরে ফের যদি দেখা হয়.

তেমনি দু'চোখে বিশ্বাসাতীত জাগিবে কি বিশ্বয় ?

কহিবে কি মুহূহাসে ;

'কোথায় তোমারে দেখেছি বল ত, কিছুতে মনে না আসে ॥'

প্রিয়া ও পৃথিবী

নিঃশব্দ, নিঃশব্দপদে একদিন এসেছিল কাছে
ঈপ্সিত যত্নের মত ; নয়নে যেটুকু বহি আছে,
অধরে যেটুকু ক্ষুধা—সব দিয়ে লইলাম মুছে
লোলুপ লাষণ্য তব ; দিনান্তের দুঃখ গেল ঘুচে,
উদিল সন্ধ্যার তারা দিগ্বধুর ললাটের টিপ ।
কদম্বপ্রসব সম জলে' ওঠে কামনাপ্রদীপ,
যুগ্ম দেহে ; শ্মশানে অতসী হাসে, নিকষে কনক ;
মেঘলগ্ন ঘনবল্লী আকুল পুলকে নিষ্পলক ।
কঙ্করে অঙ্কুর জাগে, মরুভূতে ফুটিলো মালতী—
তুমি রতি মৃতিমতী, আর আমি আনন্দ-আরতি !
দেহের ধপতি হ'তে জলে' ওঠে বাসনার ধনা
লেলিহরসনা তবু কালো চোখে কোমল করুণা ।
শুভ্র ভালে খেলা করে তৃতীয়ার ম্লান শিশু শশী,
তোমার বরাজ যেন সন্ধ্যাস্নিগ্ধ, শ্যামল তুলসী ।
ভূজের ভূজঙ্গতলে হে নতাজী, নির্ভয় নির্ভরে
তোমার স্তনাগ্রচূড়া কাঁপিলো নিবিড় থরথরে !
'ক্ষুরৎপ্রবাল ওঠে গৃঢ়ফণা চুম্বন উৎসুক,
একপারে রক্তাশোক, অগ্ন তটে হিংসুক কিংসুক ।

আধুনিক বাংলা কবিতা

শ্লথ হ'লো নীবিবন্ধ, চূর্ণালক, শিথিল কিঙ্কিণী,
কজ্জলে মলিন হোলো পাণ্ডু গণ্ড, কাটিলো যামিনী ।
দূরে বৃষ্টি দেখা দিলো দিখালার রজত-বলয়,
বলিলাম কানে কানে : 'মরণের মধুর সময় ।'

আজি তুমি পলাতকা, মুক্তপক্ষ পাখি উদাসীন,
ক্লান্ত, দূরনভোচারী দিগন্তের সীমান্তে বিলীন ।
বিদ্যুৎ ফুরায়ে গেছে, কখন বিদায় নিলো মেঘ,
অবিচল শূন্যতার নভোব্যাপী নিস্তব্ধ উদ্বেগ
আবরিয়া রহিয়াছে হৃদয়ের অনন্ত পরিধি ।
চাহি না ঘণিত মৃত্যু, তব গুপ্ত, হীন প্রতিনিধি ।
নীবিবন্ধ শিথিলিতে কটিতটে যদিও কিঙ্কিণী
বাজে আজো, কজ্জলে মলিন গণ্ড, তব কলঙ্কিনি,
চাহি না অতীত মৃত্যু । নভন্তলে অনিবন্ধনীবি
ঘুম যায় পার্শ্বে মোর বীরভোগ্যা প্রেয়সী পৃথিবী ।
তা'রে চাই ; তাহারি সূধার তরে অসাম্য সাধনা,
বিস্মিত আকাশ ঘিরি' সম্মিত, স্ননীল অভ্যর্থনা,
অজস্র প্রশ্রয় । মৃত্তিকার উদ্বেলিত পয়োধরে
সন্তোগের সুরশ্রোত ওষ্ঠাধরে উচ্ছ্বসিয়া পড়ে,
শস্য ফলে, নদী বহে, উর্ধ্বে জাগে উত্তুঙ্গ পর্বত,
হাস্ত করে মৌনমুখে উলঙ্গ, উজ্জ্বল ভবিষ্যৎ ।
আয়ুর সমুদ্র মোর দুই চক্ষে, মৃত্যু পদলীন,
তোমার বিস্মৃতি দিয়া পৃথিবীতে করেছি রঙীন ।
নক্ষত্র-আলোক হ'তে সমুদ্রের তরঙ্গ অবধি
বহে' চলে একখানি পরিপূর্ণ যৌবনের নদী ।
তা'রি তলে করি স্নান, নাহি কুল, নাহি পরিমিতি,
তুমি নাই, আছে মুক্তি, পৃথীব্যাপী প্রচুর বিস্মৃতি ।

রবীন্দ্রনাথ

আমি ত' ছিলাম ঘুমে,

তুমি মোর শির চূমে'

গুঞ্জরিলে কৌ উদাত্ত মহামন্ত্র মোর কানে কানে :

চল রে অনঙ্গ কবি

ডেকেছে মধ্যাহ্ন-রবি

হেথা নয়, হেথা নয়, অন্ত কোথা, অন্ত কোনখানে ।

চমকি' উঠিল জাগি'.

ওগো মৃত্যু-অনুরাগী

উন্নত ডানায় কোন অভিসারে দূর-পানে পাও,

আমারো বৃকের কাছে

সহসা যে পাগা নাচে—

ঝড়ের ঝাপট লেগে হয়েছে সে উন্নত উধাও ।

দেখি চন্দ্র-সূর্য-তারা

মত্ত নৃত্যে দিশাহারা,

দামাল যে তৃণশিশু, নীহারিকা হয়েছে বিবাগী,

তোমার দূরের সুরে

সকলি চলেছে উড়ে

অনির্গীত অনিশ্চিত অপ্রমেয় অসীমের লাগি' ।

আমারে জাগায়ে দিলে,

চেয়ে দেখি এ-নিথিলে

সন্ধ্যা, উষা, বিভাবরী, বসুন্ধরা-বধু বৈরাগিণী ;

জলে স্থলে নভতলে

গতির আগুন জলে

কল হ'তে নিল মোরে সর্বনাশ। গতির তটিনী ।

আধুনিক বাংলা কবিতা

তুমি ছাড়া কে পারিত
নিয়ে যেতে অব্যাহত
মরণের মহাকাশে মহেন্দ্রের মন্দির-সঙ্কানে ;
তুমি ছাড়া আর কার
এ উদাত্ত হাহাকার—
হেথা নয়, হেথা নয়, অণু কোথা, অণু কোন্খানে

প্রেমেন্দ্র মিত্র

(১৯০৪-

অগ্নি-আখরে

অগ্নি-আখরে আকাশে যাহারা লিখিছে আপন নাম
চেন কি তাদের ভাই !
তুই তুরঙ্গ জীবন-মৃত্যু জুড়ে তারা উদাম
হুয়েরি বলা নাই !

পৃথিবী বিশাল তারা জানিয়াছে আকাশের সীমা নাই,
ঘরের দেওয়াল তাই ফেটে চৌচির ;
প্রভঞ্নের বিবাগী মনের দোলা লেগে নাঁচে ভাই,
তাদের হৃদয়-সমুদ্র অস্থির !

বলি তবে ভাই শোন তবে আজ বলি,
অস্তরে আমি তাদেরই দলের দলী ;
রক্তে আমার অমনি গতির নেশা ;
নাসায় অগ্নি স্ফুরিছে যাহার, বিজলী ঠিকরে স্ফুরে
আমি শুনিয়াছি সে হয়রাজের হ্রেষা !

যে শোণিতধারা ঘুমায়ে কাটাল পুরুষ চতুর্দশ ;
দেখি আজো ভাই লাল তার রঙ, তাজা তার জৌলস ।

প্রেমেন্দ্র মিত্র

আজ্ঞো তার মাঝে শুনি সে প্রথম সাগরের আহ্বান ;
করি অল্প ভব কল্পনা তীত সৃষ্টির উষা হতে

তার জয় অভিযান !

তপতী কুমারী মরু আজ চাহে প্রথম পায়ের ধলি ;
অজানা নদীর উৎস ডাকিছে ঘোমটা আধেক খুলি ।

নিসঙ্গ গিরিচূড়া,

তুহিন তুষার-শয়নে আমারে স্মরিছে বিরহাতুরা ।

উত্তর মেরু মোরে ডাকে ভাই দক্ষিণ মেরু টানে

ঝটিকার মেঘ মোরে কটাক্ষ হানে ;

গৃহ-বেষ্টনে বসি,

কখন প্রিয়ার কণ্ঠ বেড়িয়া হেরি পূর্ণিমা-শশী !

সুশীতল ধারা নদীটি বহুক্ মস্থরে তব তীরে,

গৃহবলিভুক্ পারাবতগুলি কূজন করুক ঘিরে,

পালিত তরুর ছায়ে থাক ঢাকা তোমাদের গৃহখানি ;

স্বোত্র রচিও, যদি পার তব প্রিয়ার আঁখি বাখানি ।

ছোট এই আশা, স্মথ,

ঈর্ষা করি না, ঘৃণা নহে ভাই, শুধু নহি উৎসুক ।

মনের গ্রন্থি জটিল বড় যে খুলিতে সহে না তর ;

সোহাগের ভাষা কখন শিখি যে নাই মোটে অবসর ;

শুনে কাল হ'ল ভাই,

অরণ্য-পথ গভীর গহন, সাগরের তল নাই !

মোদের লগ্ন-সপ্তমে ভাই রবির অট্‌হাসি,

জন্ম-তারকা হয়ে গেছে ধূমকেতু !

নৌকা মোদের নোঙর জানে না,

শুধু স্রোতে চলে ভাসি

কেন যে বুঝি না, বুঝিতে চাহি না হেতু !

আধুনিক বাংলা কবিতা

আমি কবি

আমি কবি যত কামারের আর কাঁসারির আর ছুতোরের,
মুটে মজুরের,
—আমি কবি যত ইতরের !

আমি কবি ভাই কন্ঠের আর ঘন্ঠের,
বিলাস-বিবশ মন্ঠের যত স্বপ্নের তরে ভাই,
সময় যে হয় নাই !

মাটি মাগে ভাই হলের আঘাত
সাগর মাগিছে হাল.
পাতালপুরীর বন্দিনী ধাতু,
মানুষের লাগি কাঁদিয়া কাঁটার কাল,
দুরন্ত নদী সেতুবন্ধনে বাঁধা যে পড়িতে চায়,
নেহারি আলসে নিখিল মাধুরী
সময় নাহি যে হয় !

মাটির বাসনা পূরাতে ঘুরাই
কুস্তকারের চাকা,
আকাশের ডাকে গড়ি আর মেলি
দুঃসাহসের পাখা,
অভ্রংলিহ মিনার-দস্ত তুলি,
ধরণীর গৃঢ় আশায় দেখাই উদ্ধত অঙ্গুলি !

জাফ্রি-কাটান জানালায় বুঝি
পড়ে জ্যোৎস্নার ছায়া,
প্রিয়র কোলেতে কাঁদে সারঙ্গ
ঘনায় নিশীথ মায়া ।

প্রেমেন্দ্র মিত্র

দীপহীন ঘরে আধো নির্মলিত

সে দু'টি আঁখির কোলে,
বুঝি দুটি ফোঁটা অশ্রুজলের

মধুর মিনতি দোলে,
সে মিনতি রাগি সময় যে হয় নাই,
বিশ্বকর্মা যেথায় মত্ত কর্ষে হাজার করে
সেথা যে চারণ চাই !

আমি কবি ভাই কামারের আর কাঁসারির
আর ছতোরের, মুটে মজুরের,
—আমি কবি যত ইতরের ।

কামারের সাথে ঠাতুড়ি পিটাই
ছতোরের ধরি তুরপুন,
কোন সে অজানা নদীপথে ভাই
জোয়ারের মুখে টানি গুন !
পাল ভুলে দিয়ে কোন্ সে সাগরে,
হাল ফেলি কোন্ দরিয়ায় ;
কোন্ সে পাহাড়ে কাটি সূড়ঙ্গ,
কোথা অরণ্য উচ্ছেদ করি ভাই কুঠার-ঘায় ।

সারা ছুনিয়ার বোঝা বই আর খোয়া ভাঙি
আর খাল কাটি ভাই, পথ বানাই,
স্বপ্নবাসরে বিরহিণী বাতি
মিছে সারারাত্তি পথ চায়,
হায় সময় নাই !

আধুনিক বাংলা কবিতা

নীল দিন

কত বৃষ্টি হয়ে গেছে,
কত ঝড়, অন্ধকার মেঘ,
আকাশ কি সব মনে রাখে !
আমারও হৃদয় তাই
সব কিছু ভুলে গিয়ে
হ'ল আজ সুনীল উৎসব !

তুমি আছ, তুমি আছ,
এ বিশ্বয় সওয়া যায় না ক ;
অরণ্য কাঁপিছে ।
মনে মনে নাম বলি,
আকাশ চুইয়ে পড়ে
গলানো সোনার মত রোদ ।

গলানো সোনার মত
রোদ পড়ে সব ভাবনায় ; -
সোনার পাখায়
গাহন করিতে ওঠে
নীল বাতাসের স্রোতে
রৌদ্রমত্ত পায়রার কাঁক ।

এ নীল দিনের শেষে
হয়ত জমিয়া আছে
সূর্য-মোছা মেঘ রাশি রাশি
তবু আজ হৃদয়ের
ভরিয়া নিলাম পাত্র
এই নীল স্বপ্নের সূধায় ।

প্রেমেন্দ্র মিত্র

হৃদয়েরে কত পাকে

স্মরণ জড়িয়ে রাখে

মরণ শাসায় ।

তবু মুহূর্তের ভুল

ক্ষীণায় ফুলিঙ্গ তবু

অন্ধকারে হাসিয়া উঠুক

শীতল শূন্যতা হতে

উল্কা আসে পৃথিবীর

নিষ্করণ নিশ্বাসে জ্বলিতে ;

স্টেপির দিগন্তে দেখি

আগু-পিছু তুষারের

মাঝখানে ফুলের প্লাবন ।

তোমার নয়ন হতে

আজিকার নীল দিন

জীবনের দিগন্তে ছড়ায় ;

মিছে আজ হৃদয়েরে

স্মরণ জড়াতে চায়

মরণ শাসায় ।

নীলকণ্ঠ

হাওয়াই দ্বীপে যাইনি দক্ষিণ সমুদ্রের কোনো দ্বীপপুঞ্জে ।

তবু চিনি ঘাসের ঘাগরাপরা ছায়াবরণ তার স্নন্দরীদের ;

—বিদেশী টহলদারের ক্যামেরা-কলুষিত চোখে নয় ।

দেখেছি তাদের ঘাসের ঘাগরায় নাচের ঢেউএর হিল্লোল,

নোনা হাওয়ার দমকে দমকে যেমন নারকেল-বনের দোলা ।

আধুনিক বাংলা কবিতা

মোহিনী পলিনেসিয়া !

মহাসাগরে ছড়ান

ভেঙে-যাওয়া ভুলে-যাওয়া কোন সুদূর সভ্যতার নাকি ভগ্নাংশ ।

আমি জানি,

সমুদ্রের ঔরসে

প্রবাল দ্বীপের গর্ভে তার জন্ম !

সূর্যের ঔরসে

মহারণ্যের গর্ভে যার জন্ম

আঁধার-বরণ সেই আফ্রিকাকেও জানি ;

—সৌগিন শিকারী আর পণ্ডিত-পর্যটকের চোখে নয় ।

অরণ্য চোয়ানো ঝাপসা আলোয়

কি, দিগন্ত-ছোয়া 'ফেন্টে'র চোখ-ঝলসানো উজ্জলতায়

উদ্দাম আঁধার-বরণ আফ্রিকা !

কণ্ঠে তার ছুরন্ত আরণ্য উল্লাস

—হে-ইডি, হাইডি, হা-ই !

হে-ইডি, হাইডি, হা-ই !

কালো চামড়ার ছোয়াচ বাঁচাতে

কালো মনের ছোয়াচে রোগে জর্জর

মার্কিন ক্লীবের প্রলাপ-প্রতিধ্বনি নয় ।

রাত্রি-নিবিড়, অরণ্য-গহন আফ্রিকার

রোমাঞ্চিত উত্তাল উচ্চারণ,

—হে-ইডি, হাইডি, হা-ই !

হে-ইডি, হাইডি, হা-ই !

অরণ্য ডাকে ওই,—বাই !

প্রেমেন্দ্র মিত্র

সিংহের দাঁতে ধার, সিংহের নখে ধার

চোখে তার মৃত্যুর রোশ্‌নাই

—হে-ইডি, হাইডি, হা-ই !

বন-পথে বিভীষিকা, বিয়,

আমাদেরও বলম ভীক্ষ !

কাপুরুষ সিংহ ত' মারতেই জানে শুধু

আমরা যে মরতেও চাই !

হে-ইডি, হাইডি, হা-ই !

মেয়েদের চোখ আজ চক্‌চকে ধারালো ,

নেচে নেচে ঢেউ তোলা নাচের নেশায় দোলা

মিশ্‌কালো অঙ্গে কি চেকনাই !

মৃত্যুর মৌতাতে বৃন্দ হয়ে গেছি সব

রমণী ও মরণেতে ভেদ নাই !

হে-ইডি, হাইডি, হা-ই !

হে-ইডি, হাইডি, হা-ই !

আমাদের গলায় কই সেই উদাম উল্লাস,

ঘাসের ঘাগরার ছুরস্ত সমুদ্র-দোলা ?

কেমনে করে থাকবে !

আমাদের জীবনে নেই জলস্ত মৃত্যু,

সমুদ্র-নীল মৃত্যু পলিনেসিয়ার !

আফ্রিকার সিংহ-হিংস্র মৃত্যু !

আছে শুধু স্তিমিত হয়ে নিভে যাওয়া,

—ফ্যাকাশে রুগ্ন তাই সভ্যতা ।

সভ্যতাকে হুস্থ করো, করো সার্থক ।

আনো তীব্র তপ্ত ঝাঁঝালো মৃত্যুর স্বাদ,

সূর্য্য আর সমুদ্রের ঔরসে

যাদের জন্ম,

মৃত্যু-মাতাল তাদের রক্তের বিনিময় ।

আধুনিক বাংলা কবিতা

ভরাট-করা সমুদ্র তার উচ্ছেদ-করা অরণ্যের জগতে
কি লাভ গড়ে কুমি-কৌটের সত্যতা,
লালন করে' স্তিমিত দীর্ঘ পরমাণু
কচ্ছপের মত ।

অ্যামিবারও ত' মৃত্যু নেই ।
মৃত্যু জীবনের শেষ সার আবিষ্কার
আর
শিব নীলকণ্ঠ !

অন্নদাশঙ্কর রায়

(১৯০৪-)

'জর্নাল' থেকে

পদ্মার চর

সারাদিন ভর পদে পদে ব্যর্থতা
তিক্ত মনের বিরস রুক্ষ কথা
আনন্দ আশা তিলে তিলে লাঞ্ছিত—
এই কি মোদের বহুদিবাবাঞ্ছিত
পদ্মার চরে বাস ।

নির্জন দ্বীপ, ভেক মক মক করে
আকাশ জ্বলিছে তারার সলিতা ধরে
জলের সঙ্গ জাগায় কৌ অশ্রুভব
মৃদু তালে বাজে কল্লোল কলরব
বায়ু বহে উচ্ছ্বাস ।

মেঘ বেগ

গুরু মন্ডর মেঘের সঙ্গে লঘু চঞ্চল মেঘের
নভ প্রাঙ্গণে বাঘুরথে আজ প্রতিঘন্ডিতা বেগের

হেমচন্দ্র বাগচী

ঘর্ষণে ওঠে ঘর্ষর রব তাহার সঙ্গে মেশা
রথতুরঙ্গ ধাবন রভসে সঘনে ছাড়ে যে হ্রেষা ।
খুরেতে চাকায় চকমকি ঠোকে ফুলকি ছোটায় ছডায়
ব্যোম মার্গের দীপ্তি সে আসি দিক বলে দেয় ধরায় ॥

কবির প্রার্থনা

রত্নক আমার কাল্যে বালার্কময়ুগচ্ছটা শতবর্ণ মেঘ
বিহঙ্গের গীতিমুক্তি বনস্পতিপরমায়ু মৃত্তিকার রস
শিশিরের স্বচ্ছ স্নগ শিশুর শুচিতা পশুদের নিরুদ্ধেগ
সর্বশেষে শর্বরীর প্রশান্ত অম্বরতলে নারীর পরশ ॥

৬২. 'রাখী'র উৎসর্গ

আমরা দুজনা দুই কাননের পাখী
একটি রজনী একটি শাখার শাখী
তোমার আমার মিল নাই মিল নাই
তাই বাঁধিলাম রাখী ।

হেমচন্দ্র বাগচী

(১৯০৪-)

৬৩. 'গীতিগুচ্ছ' থেকে

চেয়ে চেয়ে দেখি

কতদিন চেয়ে দেখি

চোখে রঙের নেশা লাগে—

বর্ষার ভরা নদী, কাশফুল,

মাঝে মাঝে এক একখানি নোকো ভেসে চলেছে,

গাঁয়ের লোকগুলি চলেছে নিঃশব্দে

দেখি আর মনে হয়—

এ যেন পৃথিবীর অর্দ্ধাবগুষ্ঠিত রহস্যময় মুখ

আধুনিক বাংলা কবিতা

নেপথ্যে চলেছে অযুত আয়োজন
এই চিত্রটিকে তুলে ধরবার জগ্ন ।

বর্ষার দিনে

বর্ষার দিনে গঙ্গার তটরেখায় রেখায়
চলেছে আমার মন ।
বাব্‌লাগাছের হরিদ্রাভ ফুল—
অসংখ্য পাখীর একতান বাকার
শালিখ পাখীর মেলা—
এই শ্যামল শোভার মধ্যেও
হৃদয়ের কান্না থামে না কিছুতেই ।

বড় সুন্দর এই পৃথিবী

বড় সুন্দর এই পৃথিবী ।
সাধ যায় এই
অপরূপ সবুজ শোভাব মধ্যে
বেঁচে থাকি কিছুকাল ।
শুধু দেগি আর স্বপ্নের মায়াজ্ববন
রচনা করি
অগণন মুহূর্তের ফাঁকে ফাঁকে ।

ছুটি

মনে হয় যেন ছুটি পেয়েছি
সমস্ত চিরাচরিত মানব-পন্থা থেকে
মুক্তি পেয়েছি আমার মনে ।
ভিতরের মানুষটাকে কে জানে ?
সে শুধু বীণা বাজায় আর গান গায়
আর উদাসীন দৃষ্টিতে চেয়ে থাকে
যেখানে শ্যামল বনের অন্তরালে
ভীকু কাঠবিড়ালী হরিত-গতিতে
যাওয়া-আসা করে নিঃশব্দ, নিঃসঙ্কোচ !

হেমচন্দ্র বাগচী

প্রহর

এক এক সময় অনুভব করি
পৃথিবীর বক্ষবিদারণ যে স্বত-উৎসারিত রসধারা,
আমি যেন তা'রই প্রান্তরেখায় বিম্বিতদৃষ্টি বালকের মত বসে আছি।
চিরকাল যেন স্তম্ভিত হ'য়ে আছে
আমার সেই মুহূর্ত দর্শনের কাছে।
মনে মনে বলি,
হে প্রচ্ছিন্না, তোমার গুণ আর অপসারিত ক'রো না
অত প্রখরতা সেইব কি ক'রে ?

ভাঙা কোঠাবাড়ী

অনেক দিনের ভাঙা কোঠাবাড়ি
কাঠাল আম নারকেলের বাগান,
তা'র ফাঁকে ফাঁকে দেগি
একটি মেয়েকে
শ্যামল বনশোভার মত.
মনের পীড়া যে দূর করে
এমন মেয়ে।

একটি ছোট পতঙ্গ

কোথায় একটি ছোট পতঙ্গ বাসা বাঁধছে
জামগাছের শুকনো কাঠের ভিতরে।
তা'র সেই ক্লান্তিহীন কর্মের তীব্র তীক্ষ্ণ শব্দ এসে লাগছে
আমার মস্তিষ্কের স্নায়ুকেন্দ্রে।
অপরূপ শরৎপ্রভাতে সেই শব্দ আমার কত ভালোই না লাগছে !
ছোট্ট একটি পাখী বারে বারে ডাকছে—কুকুলি কুকুলি !
মনে হয়, এই উপেক্ষিত আবেষ্টনীর মধ্যে সঞ্চিত হ'য়ে আছে
চিরযুগের মধু—
তা' আমাদের কর্মক্লাস্ত দৃষ্টির নেপথ্যে।

৬৪. “স্বপ্নো নু, মায়া নু, মতিভ্রমো নু”

প্রতিরাত্রে আমি হংসপদিকার গান শুনি
বিরহিণী হংসপদিকা—
বহুবল্লভ দুঃস্বপ্নের শুদ্ধাস্তবিহারিণী ।
স্বপ্নে আমি চ’লে যাই কালিদাসের কালে
যখন নদীকান্তারনগরীতে সমাচ্ছন্ন সমৃদ্ধ ভারতবর্ষ
কবির কাব্য যখন মেঘলোক থেকে মাটির পৃথিবীকে
প্রিয়তার পদনখের সঙ্গে উপমা দিতে অধীর—
স্বপ্নে আমি সেই কালে অবতীর্ণ হই
আর গান শুনি হংসপদিকার—
রাজউপবনে বিরহিণী নারীর মুখ গুঞ্জরণ
মনে হয়, এ স্বপ্ন, না মায়া, না মতিভ্রম !

প্রতি রাত্রে আমি আমার প্রিয়তমার গান শুনি
প্রোষিতভর্তৃকা প্রিয়তমা—
গৃহবাতায়নপার্শ্ববর্তিনী কল্যাণী বধু—
স্বপ্নে আমি নেমে আসি আধুনিকের কালে
যখন পীড়াজর্জর ত্রস্ত জীবনে অবসর দুর্লভ,
কবির কাব্যে যখন আর প্রিয়া নেই
প্রিয়তার পদনখ যখন আর সম্মানিত হয় না কবির বাক্যে
বিচিত্র সুন্দর উপমায় আর অলঙ্কারে ;—
তখন আমি গান শুনি—
ভীত দাসজীবনের গান—
কঙ্করে আর তপ্ত মরুবালুকায়
দুঃখিনী প্রিয়তমার মুখের রেখা অঙ্কন করি
মনে হয়, এ বিরহ, না মিলন, না মৃত্যু !

সুরেন্দ্রনাথ গোস্বামী

(১৯০৫-)

৬৫. বজ্রলিপি

(অংশ)

মস্তিকার নীড ত্যজি' সমুদ্র ও আকাশের ছরন্তু মায়ায়
সুদূরের আকর্ষণে সুরু হল প্রতীচীর যন্ত্র অভিযান
অবাধ বাণিজ্যেলে বিশ্বব্যাপ্ত কল্যাণী লক্ষ্মীরে
আসুরিক মন্ত্রবলে দ্বীপগৃহে বন্ধন-আশায় ;
সেই যুগে,
মহাদেশদেশান্তরে পণ্যবীথিকার
স্ববিস্তৃত দীর্ঘাছায়াতলে,
লুণ্ঠিত কাঞ্চনসূপ অন্তরাল অন্ধকারে
সন্তর্পণে রূপ নিল সর্ক-অগোচরে,
মানবের মস্তিষ্কের তন্তুজালমাঝে অর্থক্রিয়া বুদ্ধির বিজ্ঞান ;
সেই হতে সরস্বতী অলক্ষ্মীর দাসীবৃত্তি করে চিরদিন ।

জাগ্রত চেতনাস্তরে অনক্ষণ কর্ম ও চিন্তায়
সর্কংসহা বসুমতীসম
যে বাস্তব বিশ্বাসের ভিত্তিমূলে রহিয়াছে অচল অটল,
তারে এরা দিতে চায় উড়াইয়া
আত্মতত্ত্ব, মায়াবাদ,
বিশ্বপ্রেম, মানবতা, পরামুক্তি ধূপের ধোঁয়ায় ।
উদ্দেশ্য কেবল,
বৈশ্বদ্বারে উজ্জ্বলিত করি'
শূদ্রশক্তি জাগরণে ভয়ত্রস্ত বণিকের তরে,
ধর্মের বচন বচি' নির্মম কালের যাত্রা যদি কিছু রুধিবারে পারে ।

আধুনিক বাংলা কবিতা

* * * *

নৈকস্ম্যাসিদ্ধির উর্দ্ধপথে
অতিবৃদ্ধি বিভ্রাটের অতীন্দ্রিয় প্রগতির ফলে
বস্তুহীন শূন্যলোকে যদি কেহ লভে পরাস্থিতি
তার তরে নহে দেহ, অন্ন প্রাণ, সমাজজীবন,
সমষ্টির অনেকান্ত বিরোধের অরণি-ঘর্ষণে
অগ্নির ক্ষুণ্ণস্পর্শে নবযুগ খাণ্ডবদাহন ।
ইহলোক-দেবতার কাঞ্চনের নিক্রণের সাথে
ক্লেব্যগ্রস্ত তামসিক ঈশ্বরেরে লয়ে
দগ্ধপ্রাণ ভস্মরূপে ধরিত্রীর ভারের লাঘব,
পূর্ণতর জীবনের উর্ধ্বরতা সম্পাদন তরে,—
স্বকঠিন বজ্রলিপি লেখা আছে তার লাগি
নিষ্করণ অগ্নির অক্ষরে ।

বিমলাপ্রসাদ মুখোপাধ্যায়

(১৯০৬)

৬৬. তির্যক

তির্যক সবি, পৃথিবী মানুষ—
প্রাচ্য নৃত্য, কবির ফাণ্ডা
আধো পথে থেমে মিলায় আভাসে
কুটিল রেখায় ভঙ্গুর হাসে ।

যুগুৎসু জানে নায়ক-নায়িকা আত্মরত
বিতত বন্ধে কাব্যেরো প্রাণ ওষ্ঠাগত ।
বাঁকানো সাঁথিতে সিন্দূর রাঙা
বন্ধিম ঠোটে ফোটে হাসি ভাঙা ।
সর্পিল গ্রীবা শ্লেষ-চতুর
মীড়ের মোচড়ে আনে বেসুর ।

হুমায়ূন কবির

চোখের কোণেতে তেরছা রঙ্গ
সুদূর চাঁদের শৃঙ্গ-ভঙ্গ ।
চিত-চঞ্চরী রমণী নগ্ন,
ফুলডাল হায় কটি-বিলগ্ন !

সবি হেথা সৃচৌমুগ
ধ্বনি ব্যঞ্জনা আলোচনা আর কবিতা প্রণয়-রীতি ।
শুধু লাগে অহেতুক
ভুল-ফুটানোর মন্তুর জানা গোড়ী রসের প্রীতি ।

হুমায়ূন কবির

(১৯০৬ -)

৬৭. সনেট

(১)

ক্ষান্ত কর অতীতের পুরাতন গৌরবের কথা ।
সে কাহিনী আর বার শুনবার নাহি কোন সাধ ।
স্মৃতি তার আজি শুধু চিত্ত ভরি জাগায় তিক্ততা,
ক্রুর কণ্ঠে বর্তমান তারে শুধু দেয় অপবাদ ।
সুদূর অতীতে যদি আমাদের পূর্বপুরুষেরা
ভুবনে রচিয়া থাকে সভ্যতার নব ইতিহাস,
বঞ্চিত ক্ষুধিত এই দাসত্বের অপমানে ঘেরা
মোদের জীবনে মেলে স্বপ্নেও কি তাহার আভাস ?

সে কাহিনী মিথ্যা আজি । মিথ্যা তারে করেছি আমরা ।
যে ঐশ্বর্য ছিল সেথা তারে মোরা করিয়াছি ক্ষয়
আমাদের জীবনের দৈন্ত দিয়া তীব্র ক্ষুধা দিয়া ।
আপন পৌরুষ দিয়া যদি পারি করিবারে জয়
সে গৌরব পুনর্বার, অস্তরের অনলে দহিয়া
রচিব ভারতবর্ষে মানবের স্বপ্নের অমরা ।

আধুনিক বাংলা কবিতা

(২)

শুনিয়া নিদ্রার ঘোরে অযোধ্যার নাম ।
হেরিলাম স্বর্ণপুরী । পথে পথে তার
শত শত নরনারী কাঁদে অবিরাম,
আর্তকণ্ঠে নভোতলে ওঠে হাহাকার ।
তরুণ দেবতা সম কিশোর কুমার
যৌবনে সন্ন্যাসী সাজি চলিয়াছে বনে—
সীতার বিরহ-ভয়ে পুরী অন্ধকার,
গগন স্বসিয়া ওঠে নিরুদ্ধ ক্রন্দনে ।

চমকি উঠিল জাগি । তপ্ত নিদাঘের
মর্চ্ছিত ভুবন ভরি রৌদ্রানল জলে ।
ষ্টেশন-অঙ্গনে ডাকে গ্রীষ্মাতুর স্বরে
অযোধ্যার নাম । ধসর ধূলির পরে
বসে আছে বানরের দল । দূরে ঝলে
সূর্যালোকে স্বর্ণচড়া ভগ্ন মন্দিরের ।

অজিত দত্ত

(১৯০৭-)

৬৮. যেখানে রূপালি

যেখানে রূপালি ঢেউয়ে ছলিছে ময়ূরপঙ্খী নাও,
যে-দেশে রাজার ছেলে কুমারীরে দেখিছে স্বপনে,
কঁচের বরণ কণ্ঠা একাকী বসিয়া বাতায়নে
চুল এলায়েছে যেথা—কালো আঁখি স্নদূরে উধাও ;
যে-দেশে পাষণ-পুরী, মানুষের চোখের পাতাও
অযুত বৎসরে যেথা নাহি কাঁপে, ঈষৎ স্পন্দনে,
হীরার কুম্বম ফলে যে-দেশের সোনার কাননে,
কখনো, আমার পরে, তুমি যদি সেই রাজ্যে যাও :

অজিত দত্ত

তা'হলে, তোমারে কহি, সে দেশে যে পাশাবতী আছে,
মায়ার পাশাতে যেই জিনে নয় মাতৃষের প্রাণ,
মোহিনী সে অপরূপ রূপময়ী মায়াবীর কাছে
কহিয়া আমার নাম শুধাইয়ো আমার সন্ধান ;
সাবধানে যেয়ো সেথা, চোখে তব মোহ নামে পাছে,
পাছে তা'র মৃদুকণ্ঠে শোনো তুমি অরণ্যের গান ।

৬৯. রাঙা সন্ধ্যা

রাঙা সন্ধ্যার স্তব্ধ আকাশ কাঁপায়ে পাথার ঘায়
ডানা মেলে দূরে উড়ে চ'লে যায় দু'টি কম্পিত কথা,
রাঙা সন্ধ্যার বহির পানে দু'টি কথা উড়ে' যায় !

পাথার শব্দে কাঁপে হৃদয়ের প্রসূর-সুস্কতা,
দূর হ'তে দূর— তবু কানে বাজে সে পাথার স্পন্দন,
ক্ষীণ হ'তে ক্ষীণ, ঝড়ের মতন তবু তা'র মত্ততা ।

চলে' যায় তা'রা চোখের আড়ালে—লক্ষ কথার বন
অটহাস্তে কোলাহল করে, তবু ভেসে আসে কানে
পাথার ঝাপট ; বজ্র ছাপায়ে এ কি অলি-গুঞ্জন ?

যাযাবর যত পক্ষী-মিথুন—থামে তারা কোন্‌গানে ?
মাতৃষের ছায়া সে আলোর নীচে পড়েছে কি কোনোদিন ?
তুমি তো আমারে ভুলে যাবে নাকো—যদি যাই সন্ধ্যানে ?

তুমি নীড়, তুমি উষ্ণ কোমল ; পাথার শব্দ ক্ষীণ,
তবু সে আমারে ডাকে, ডাকে শুধু ছেদহীন, ক্ষমাহীন ।

আধুনিক বাংলা কবিতা

৭০. একটি কবিতার টুকরো

মালতী, তোমার মন নদীর স্রোতের মত চঞ্চল উদ্দাম ;
মালতী, সেখানে আমি আমার স্বাক্ষর রাখিলাম ।

জানি, এই পৃথিবীতে কিছুই রয়ে না ;
শুরুকৃত্য দুই পক্ষ বিস্তারিয়া মহা শূন্যতায়
কাল বিহঙ্গম উড়ে' যায়
অবিশ্রান্ত গতি ।

পাখার ঝাপটে তা'র নিবে যায় উল্কার প্রদীপ,
লক্ষ লক্ষ সর্বিতার জ্যোতি ।

আমি সেই বায়ুস্রোতে খ'সে-পড়া পালকের মত
আকাশের শূন্য নীলে মোর কাব্য লিখি অবিরত ;
সে-আকাশ তোমার অন্তর,
মালতী, তোমার মনে রাখিয়াছি আমার স্বাক্ষর ।

৭১. মিস্ — —

কলঙ্ক-কঙ্কণ ভাঙো ! ও কেবল ভ্রষণ তোমার ।
বারবার সকলের চোখের উপরে তাই বুঝি
সেই তব কলঙ্কের ঐশ্বর্যের মহামূল্য পুঁজি
চঙে আর গ্যাকামিতে নানাভাবে করিছ প্রচার ।
দ্রোপদীর কথা ভাবি' মনে আনিয়ো না অহঙ্কার
উষাকালে তব নাম মানুষ স্মরিবে চোখ বুজি',
দুর্ভাগ্য, দুর্ভাগ্য তব, রাহময় তোমার ঠিকুজী,
সেথায় নক্ষত্র নাই অনির্বাণ স্মরণীয়তার ।

কলঙ্ক-ভ্রষণ খোলো ! বহু-প্রেম-গর্বি যদি চাহ—
যদি ভালোবাসিবার শক্তি থাকে, প্রিয়তম মাঝে

বুদ্ধদেব বসু

ছাথো তবে পার্থ-ভীম-যুধিষ্ঠিরে, পঞ্চ পাণ্ডবেরে ;
যে-কলঙ্কে লুকু করি' বল হ'তে বলতরদেরে
উর্গায় টানিতে চাও - সে-ভ্রষণ নারারে না সাজে—
বিশ্বাস করিতে পারো, এর চেয়ে উৎকৃষ্ট বিবাহ ।

৭২. সনেট

একবাব মনে হয়, দূরে-- বল দূরে--শাল, তাল,
তমাল, হিন্তাল আর পিয়ালেব ছায়া ম্যান-দেশে
প্রেম বঝি নাহি টুটে. অক্ষ বঝি কোনো দিন এসে
আগি হ'তে মুছে নাহি নেয় স্বপ্ন : বঝি এ-বিশাল
ধরণীর কোনো কোণে ফুল ফুটে রয় চিরকাল,
বসন্ত-সন্ধ্যার মোহ দক্ষিণ বাতাসে আসে ভেসে,
বঝি সেথা রজনীর পরিতপ্ত প্রেমের আবেশে
প্রভাত-পদ্মের ভরে কেঁপে ওঠে তারাব মণাল ।

যদি তাই হয়, তবু সেই দেশে তুমি আর আমি
বাহতে জড়িয়ে বাহ নাহি যাবো শান্তির সন্ধানে ;
মোদের জানালা পথে বয়ে যাক পৃথিবীর স্রোত ।
সে-স্রোতে কখনও যদি ভেসে আসে নীলাভ-শরৎ,
তোমার চোখের কোলে, মেঘ যদি কভু মোহ জানে.
সে চোখে আমার পানে চেয়ো তুমি একস্মাৎ থামি' ।

বুদ্ধদেব বসু

(১৯০৮)

৭৩. প্রেমিক

নতুন নবীর মতো তুমি তব ? জানি, তার ভিত্তিমূলে রহিয়াছে

কুৎসিত কঙ্কাল—

(ওগো কঙ্কাবতী !)

আধুনিক বাংলা কবিতা

মৃত-পীত বর্ণ তার : খড়ির মতন শাদা শুষ্ক অস্থিশ্রেণী—
জানি, সে কিসের মূর্তি । নিঃশব্দ, বীভৎস এক রক্ষ অট্টহাসি—
নিদারুণ দস্তহীন বিভীষিকা ।
নতুন-নবীর মতো তবু তব ? জানি, তার ভিত্তিমূলে রহিয়াছে সেই
কঠিন কাঠামো ;
হরিণ-শিশুর মতো করুণ আঁখির অন্তরালে
ব্যাধিগ্রস্ত উন্মাদের দুঃস্বপ্ন যেমন ।

তবু ভালোবাসি ।

নতুন নবীর মতো তব তলুখানি
স্পর্শিতে অগাধ সাধ, সাহস না পাই ।

সিন্ধু-গর্ভে ফোটে যত আশ্চর্য কুসুম
তার মতো তব মুখ, তার পানে তাকাবার ছল
খুঁজে নাহি পাই ।

মনে করি, কথা ক'বো : আকুলিবিকুলি করে কত কথা রক্তের ঘর্ষিতে ;
(ওগো কঙ্কাবতী !)

বারেক তাকাই যদি তব মুখ-পানে,
পৃথিবী টলিয়া ওঠে, কথাগুলি কোথায় হারায়,
খুঁজে নাহি পাই ।

দূর থেকে দেখে তাই ফিরে যাই ; (যদি কাছে আসি,
তব রূপ অটুট র'বে কি ?)

ফিরে চ'লে যাই ।

দূর থেকে ভালোবাসি দেহখানি তব—
রাতের ধূসর মাঠে নিরিবিলি বটের পাতারা
টিপ্-টাপ্, শিশিরের বরাটুকু
যেমন নীরবে ভালোবাসে ।

মোরে প্রেম দিতে চাও ? প্রেমে মোর ভুলাইবে মন ?
তুমি নারী, কঙ্কাবতী, প্রেম কোথা পাবে ?

বৃক্কেব বসু

আমারে কোরো না দান, তোমার নিজের যাহা নয়
ধার-করা বিস্তে মোর লোভ নাই ; সে-ঋণের বোঝা
বাড়িয়া চলিবে প্রতিদিন--

যতক্ষণ সেই ভার সর্বনাশ না করে তোমার ।
সে-ঋণ করিতে শোধ দ্রৌপদীর সবগুলি শাড়ি
খুলিয়া ফেলিতে হবে ।

সভামধ্যে, মোর দৃষ্টি-'পরে
নিতান্ত নিরাবরণা, দরিদ্র, সহজ
তোমাকে দাঁড়াতে হ'বে ; রহিবে না আর
রহস্যের অতীন্দ্রিয় ইন্দ্রজাল ।

বরং প্রেমের ভাগ করিয়ো না--সেই হবে ভালো :

দূর থেকে দেখে মুগ্ধ হবো
তবু মুগ্ধ হবো ।

না-ই বা চিনিলে মোরে । আমি যদি ভালোবেসে থাকি,
আমিই বেসেছি ।

সে-কথা তোমার কানে নানা সুরে জপিতে চাহি না ;—
আমার সে-ভালোবাসা—তুমি তারে পারিবে না কখনো বুঝিতে

তবু, ধরা যাক্ ।

ধরা যাক্, তুমি মোরে স্থাপিয়াছো হৃদয়ের মণির আসনে,
তুমি—আমি—তু'জনেরি স্ফূট বিশ্বাস,
তুমি মোরে ভালোবাসো ।

সেই অন্তসারে মোরা চলিফিরি, কথা কই, হাতে হাত রাখি
লাল হ'য়ে ওঠো তুমি—অনেক লোকের মাঝে চোখে চোখ পড়ে যদি কভু,
লাল হ'য়ে উঠি আমি—পাশের লোকের মুখে তব নাম শুনি কভু যদি ;

আধুনিক বাংলা কবিতা

আমার মুখের 'পরে চুলগুলি আকুলিয়া দাও—

সেই গন্ধে রোমাঙ্কিয়া ওঠে বসুন্ধরা ।

আরো কহিবো কি ?

নরীর শরীর তব যেমন রেখেছে ঢেকে কুৎসিত কঙ্কাল,

তেমনি তোমার প্রেম কোন্ প্রেতে করিছে গোপন —

তাহা কহিবো কি ?

আমার দুর্ভাগ্য এই, সকলি জেনেছি ।

মোর কাছে এসে আজ যে-অঞ্চল টানি' দাপ্ত স্বন্দর লজ্জায়,

জানি, তাহা শ্লথ হবে কোনো-এক রাতে ;—

(তখন কোথায় আমি ?)

যে-শঙ্কার শিহরণ তব দেহ-লাবণ্যেরে মোর কাছে করেছে মধুর

(ওগো কঙ্কাবতী—

মধুর ! মধুর !)

জানি, তাহা থেমে যাবে ধসর প্রভাতে এক, যবে চক্ষু মেলি'

পার্শ্বস্থ জালুর দৃঢ় আকুঞ্চন থেকে

আপনার কটিতট নেবে মুক্ত করি' ।

অনিশ্চিত ভয়ে ভরা ভবিষ্যৎ-তরে

যে-উৎকর্ষা নিত্য হানা দেয়

তোমা-আমা-আমা ;—

আমাদের মিলনের পরিপূর্ণতম মুহূর্তটি

যে-ব্যথায় টনটন করে ওঠে ;—

তব কোলে মাথা রেখে চুলগুলি নিয়ে যবে আঙুলে জড়াই,

তখন যে-বেদনায় হেরি তোমা দুঃপ্রাপ্য, দুর্লভ ;

যে-বেদনা এই প্রেমে করেছে মহান্,

(ওগো কঙ্কাবতী—

মহান্ ! মহান্ !)

জানি, তুমি ভুলে' যাবে সে-উৎকর্ষা সে-বেদনা, সেই ভালোবাসা

বুদ্ধদেব বসু

প্রথম শিশুর জন্মদিনে ।

তোমার যে-সুন্দরেখা বঙ্কিম, মৃগ, ক্ষীণ, সততস্পন্দিত—

দেখেছি অস্পষ্টতম আমি শুধু আভাস যাহার,

যাহার ঈষৎ স্পর্শ আনন্দে করেছে মোরে উন্মাদ—উন্মাদ,

(ওগো কঙ্কাবতা !)

জানি, তাহা স্ফীত হবে সচোজাত অধরের শোষণ-তিয়াষে ।

আমারে করিতে মুগ্ধ যে-স্বস্নিগ্ধ সুষমায় আপনারে সাজাতে সর্বদা,

তোমার যে-সৌন্দর্যেরে ভালোবাসি (তোমারে তো নয় !),

জানি, তা ফেলিয়া দেবে অঙ্গ হ'তে টেনে—

কারণ, তখন তব জীবনের ছাঁচ

চির-তরে গড়া হ'য়ে গেছে,

কিছুতেই হবে নাকো তার আর কোনো ব্যতিক্রম ।

সুন্দর না হ'লে যদি জীবনের পাত্র হ'তে কোনো ক্ষতি, ক্ষয় নাহি হয়,

সুন্দর হবার গৃঢ়, দুর্লভ সাধনা—

ক্লেশকর তপশ্চর্যা

কে আর করিতে যায় তবে ?

সব আমি জানি, তবু—তাই ভালোবাসি,

জানি ব'লে আরো বেশি ভালোবাসি ।

জানি, শুধু ততদিন তুমি র'বে তুমি,

যতদিন র'বে মোর প্রিয়া ।

সন্মুখে মৃত্যুর গুহা, তোমার মৃত্যুর ;

ফুটেছে। ফুলের মতো ক্ষণ-তরে আজিকার উজ্জল আলোতে,

প্রেমের আলোতে মোর—

তারি মাঝে যত তব ঝিকিমিকি, ফুরফুরে প্রজাপতিপনা !

তাই সেই শোভা পান করি—

আঁধি দিয়ে, প্রাণ দিয়ে, আত্মা দিয়ে, মৃত্যুর কল্পনা দিয়ে

সেই শোভা পান করি ।

আধুনিক বাংলা কবিতা

তোমার বাদামি চোখ—চকচকে, হালকা, চটুল

তাই ভালোবাসি ।

তোমার লালচে চুল—এনোমেলো, শুকনো নরম

তাই ভালোবাসি ।

সেই চুল, সেই চোখ, তাহারা আমার কাছে অরণ্য গভীর,

সেথা আমি পথ খুঁজে নাহি পাই,

নিজেরে হারিয়ে ফেলি সেই চোখে, সেই চুলে—লালচে-বাদামি,

নিজেরে ভুলিয়া যাই, আমারে হারাই—

তাই ভালোবাসি ।

আর আমি ভালোবাসি নতুন ননীর মতো তনুলতা তব,

(ওগো কঙ্কাবতী !)

আর আমি ভালোবাসি তোমার বাসনা মোরে ভালোবাসিবার,

(ওগো কঙ্কাবতী !)

ওগো কঙ্কাবতী !

৭৪. ছায়াচ্ছন্ন হে আফ্রিকা

ছায়াচ্ছন্ন হে আফ্রিকা,

শেষ তব শীর্ণ ছায়া শুষে নিলো আজ

শুভ্র সভ্যতার সূর্য ।

করো, জয়ধ্বনি করো,

ছিন্ন হ'লো ঘন অন্ধকার

মেঘবর্ণ মেখলা লুপ্তিত—

ঐ এলো প্রেমিক বণিক-বীর

তব নগ্ন কোমার্ঘ্যেরে ত্বরিতে করিতে

সভ্যতাসন্তানবতী

দীর্ঘ তব হৃৎপিণ্ডের রক্তের যৌতুকে ।

বুদ্ধদেব বসু

হে আফ্রিকা, হও গর্ভবতী ।

আনো আনো বাণিজ্যের জারজেরে

দ্রুত তব অন্ধতলে ।

পূর্ণ হোক কাল ।

স্বলোদর লোলজিহ্ব লোভ

আত্মক্ষীত বাণিজ্যের বীজ

হোক পূর্ণ হোক ।

করো,

বিকলাঙ্গ, পক্ষাঘাত-পঙ্গু, নপুংসক বিকৃত জাতক

তার জয়ধ্বনি করো ।

উন্নত কামার্ত ক্লীব, আত্মরক্ষা আত্মহত্যা তার ।

হে আফ্রিকা,

অবসন্ন বণিকবৃত্তির নিহিত মৃত্যুর 'পরে

বিদ্যুৎ-চমকে

কালের কুটিল গতি গর্ভবতী করিবে কঙ্কালে ।

হে আফ্রিকা, হে গণিকা-মহাদেশ,

একদিন তব দীর্ঘ বিষুবরেখার

শতাব্দীর পুঞ্জ-পুঞ্জ অন্ধকার

উদ্দীপিত হবে তীব্র প্রসব-ব্যথায় ।

করো,

মৃত্যুরে মগ্নন করি' নবজন্ম কাঁপে থরোথরো

জয়ধ্বনি করো ।

৭৫. *Do you remember an inn, Miranda ?*

ছোটো ঘরখানি মনে কি পড়ে

স্মরণমা ?

মনে কি পড়ে ?

আধুনিক বাংলা কবিতা

জানালায় নীল আকাশ ঝরে
সারাদিনরাত হাওয়ার ঝড়ে
সাগর-দোলা,
সারাদিনরাত জানালা খোলা
দিগন্ত থেকে দিগন্তরে,
সাগর ভ'রে
চেউয়ের দোলা ।
সারাদিনরাত হাজার চেউয়ের উচ্চস্বরে
দিগন্ত-জোড়া হাওয়ার ঝড়ে
কী যে লুটোপুটি ছুটোছুটি ঐ ছোট ঘরে
মনে কি পড়ে ?
কত কালো রাতে করাতের মতো চিরে
ভাঙাচোরা চাঁদ এসেছে ফিরে
তীক্ষ্ণ তারার নিবিড় ভিড়ে
ভাঙন এনে,
কত ক্লান্ত রাতে চুপে-চুপে চাঁদ এসেছে ফিরে
সাগরের বুকে জোয়ার হেনে
তোমারে আমারে অন্ধ ততল জোয়ারে টেনে
মনে কি পড়ে
স্বরঙ্গমা
মনে কি পড়ে ?
কত উদ্ধত সূর্যের বাণে তুমি আর আমি গিয়েছি ছিঁড়ে
কত যে দিনেরে চূষন টেনে দিয়েছি মুছে
কত যে আলোর শিশুরে মেরেছি হেসে
সেই ছোটো ঘরে মনে কি পড়ে
স্বরঙ্গমা ?
জানালায় নীল আকাশ ঝরে
সারাদিনরাত চেউয়ের দোলা

বুদ্ধদেব বসু

সমুদ্র-জোড়া দিগন্ত থেকে দিগন্তরে
সারাদিনরাত জানালা খোলা ।
দস্যু হাওয়ার উচ্চস্বরে
তপ্ত চেউয়ের মস্ত জোয়ার-জ্বরে
কী যে তোলপাড় দাপাদাপি ঐ ছোট ঘরে মনে কি পড়ে
স্মরণমা ?
মনে কি পড়ে
তোমার আমার রক্তে চেউয়ের দোলা,
মনে কি পড়ে
তোমাব আমার রক্তে হাজার ঝড়ে
কত সমুদ্র তপ্ত জোয়ার-জ্বরে
মনে কি পড়ে ?
কত মৃত ঠাঁদে এনেছি ফিরায়ে রাত্রিশেষে
কত বর্বর শিশু-স্বর্ষে মেরেছি হেসে
ঘন-চুম্বন-বন্ধ্যায় কোন্ অন্ধ অতলে গিয়েছি ভেসে
মনে কি পড়ে
স্মরণমা
মনে কি পড়ে ?

৭৬. পূর্বরাগ

(অংশ)

এবার তবে ঝড় ।

পাষণ-কালো আকাশে আলো ক্ষণিক কাপে
দ্বিপ্রহর হ'লো প্রথর স্নায়ুর তাপে
রাত্রিদিন চিরমলিন কর্মহীন ।

আধুনিক বাংলা কবিতা

বুদ্ধিজীবী রুদ্ধঘরে সঙ্গীহীন
আত্মরতির সম্মোহনে কাটায় দিন ।
পাষণ-কালো আকাশে আলো কখন কাঁপে ?

ক্ষুধমনে রুদ্ধঘরে একলা যাপে
বুদ্ধিভোগী পাণ্ডুরোগী রক্তহীন ।
প্রেম তো শুধু বায়লজির দাবি মেটায় ।

গগনমনের আন্দোলনের আবর্জনা
ব্যর্থশ্রমে অর্থাগমের বিড়ম্বনা
চারদিকেই পোড়ো জমি ফাঁপা মানুষ
শান্তি শুধু গ্রন্থাগারের অন্ধকারে

এবার তবে ঝড় ।
এবার তবে বিদ্যুতের তীক্ষ্ণ নখে
পাষণ-কালো আকাশ যাক ছিঁড়ে,
এবার তবে দীপ্ত দারুণ তরুণ চোখে
আশার লাল মশাল ।

আকাশ-ভরা আলো ।
দীপ্ত দারুণ তরুণ চোখের আগুন জ্বালো
রুদ্ধঘরের অন্ধকারের পাষণ-পটে
তীব্র আশার অঙ্গীকারে ।

চিরবিরস অবসরের শিথিল জরা
অর্থাগমের তিক্তশ্রমে নিত্য মরা ।
শান্তি শুধুই গ্রন্থাগারের অন্ধকারে ?

বুদ্ধদেব বসু

মূঢ় ইতর ধৃত লোলুপ স্বার্থপর
গণমনের জন-নায়ক জয় হে !
—তুচ্ছ করার অভিনয়ে সহ করা
মিছিমিছি ছটফটিয়ে কী হবে !

এবার তবে নতুন করো ।
তন্মনের তরুণতার আগুন জালো
মুক্ত প্রেমের দীপ্ত শাণিত দুঃসাহসে ।
হায়রে ভীকু আত্মকামে শৃঙ্খলিত !

শিথিলন্যায় শীতলশিরা রক্তহীন
উচ্চচূড় আলশ্বেত অকালজরা
ব্যর্থতার তিক্ততায় নিত্য মরা—
প্রেম কি শুধু বায়লজির দাবি মেটায় ?
—হায়রে ভীকু ক্ষুদ্র কামে শৃঙ্খলিত !

পাষণ ফেটে আকাশে ফোটে আশার রংমশাল
কর্মখর দ্বিপ্রহর দীপ্ত হ'লো ;
কবি-কিশোর, শক্তি তোমার মুক্ত করো,
বৃহন্নলা, ছিন্ন করো ছদ্মবেশ ।

৭৭. চিন্কাই সকাল

কী ভালো আমার লাগলো আজ এই সকালবেলায়
কেমন ক'রে বলি ।

আধুনিক বাংলা কবিতা

কী নির্মল নীল এই আকাশ, কী অসহ্য সুন্দর
যেন গুণীর কণ্ঠের অবাধ উন্মুক্ত তান
দিগন্ত থেকে দিগন্তে :

কী ভালো আমার লাগলো এঁই আকাশের দিকে তাকিয়ে ;
চারদিক সবুজ পাহাড়ে আঁকাবাঁকা, কুয়াশায় ধোঁয়াটে,
মাঝখানে চিহ্না উঠছে ঝিলকিয়ে ।

তুমি কাছে এলে, একটু বসলে, তারপর গেলে ওদিকে,
ইষ্টিশানে গাড়ি এসে দাঁড়িয়েছে, তা-ই দেখতে ।
গাড়ি চ'লে গেলো ।—কী ভালো তোমাকে বাসি,
কেমন ক'রে বলি ।

আকাশে সূর্যের বগ্না, তাকানো যায় না ।
গোকুললো একমনে ঘাস ছিঁড়ছে, কী শান্ত !
—তুমি কি কখনো ভেবেছিলে এই হৃদের ধারে এসে আমরা পাবো
যা এতদিন পাইনি ?

রূপোলি জল শুয়ে-শুয়ে স্বপ্ন দেখছে, সমস্ত আকাশ
নীলের স্রোতের ঝ'রে পড়ছে তার বৃকের উপর
সূর্যের চুম্বনে । এখানে জ'লে উঠবে অপরূপ ইন্দ্রধনু
তোমার আর আমার রক্তের সমুদ্রকে ঘিরে
কখনো কি ভেবেছিলে ?

কাল চিহ্নায় নোকোয় যেতে-যেতে আমরা দেখেছিলাম
ছোটো প্রজাপতি কত দূর থেকে উড়ে আসছে
জলের উপর দিয়ে ।—কী দুঃসাহস ! তুমি হেসেছিলে আর আমার
কী ভালো লেগেছিলো

বুদ্ধদেব বসু

তোমার সেই উজ্জ্বল অপরূপ স্মৃতি । ঢাথো, ঢাথো,
কেমন নীল এই আকাশ ।—আর তোমার চোখে
কাঁপছে কত আকাশ, কত মৃত্যু, কত নতুন জন্ম
কেমন ক'রে বলি ।

৭৮. এখন যুদ্ধ পৃথিবীর সঙ্গে

এখন যুদ্ধ পৃথিবীর সঙ্গে, এই পৃথিবীর ।

একদিকে আমি, অন্ডদিকে তোমার চোখ শুদ্ধ, নিবিড় ;
মাঝখানে আঁকাবাঁকা ঘোর-লাগা রাস্তা এই পৃথিবীর ।

আর এই পৃথিবীর মানুষ তাদের হাত বাড়িয়ে
লাল রেখা আঁকতে চায়, তোমার থেকে আমাকে ছাড়িয়ে
জীবন্ত, বিষাক্ত সাপের মতো তাদের হাত বাড়িয়ে ।

আমার চোখের সামনে স্বর্গের স্বপ্নের মতো দোলে
তোমার দুই বুক ; কল্পনার গ্রন্থির মতো খোলে
তোমার চুল আমার বৃকের উপর ; ঝড়ের পাখির মতো দোলে

আমার হৃৎপিণ্ড ; আমরা ভয় করবো কা'কে ?
আমরা তো জানি কী আছে এই রাস্তার এর পরের বাঁকে—
সে তো তুমি—তুমি আর আমি ; আর কা'কে

আমরা দেখতে পাবো ? আমার চোখে তোমার দুই বুক
স্বর্গের স্বপ্নের মতো ; তোমার বৃকের উপর উত্তপ্ত, উৎসুক
আমার হাতের স্পর্শ ; কূল ছাপিয়ে ওঠে তোমার দুই বুক

আমার হাতের স্পর্শে, যেন কেমনা অন্ধ অদৃশ্য নদীর
থরশ্রোত ; তার মধ্যে এই সমস্ত ছরস্তু পৃথিবীর
চিহ্ন মুছে যায় ; শুধু এই বিশাল অন্ধকার নদীর

আধুনিক বাংলা কবিতা

তীব্র আবর্ত, যেখানে আমরা জয়ী, আমরা এক, আমি
আর তুমি—কী মধুর, কী অপক্লপ-মধুর এই কথা—
তুমি—তুমি আর আমি ।

৭৯. ম্যাল-এ

(১)

‘আপনারা কবে ? আমরা এসেছি সাতাশে ।
ওক্ভিলে আছি । আসবেন একদিন ।’
শাড়ির বাঁধনে শোভে শরীরের ইসারা,
ঠোঁটের গালের রঙের চমকে কী সাড়া !
কী করুণ, আহা, অতরুণ তনু সাজানো !
সবি বুঝলুম । ইচ্ছে হ’লে যে বাংলাও পারে বলতে
তাও বুঝলুম । মহৎ যত্নে অ্যাক্সেসেণ্ট্‌গুলো মাজানো
ব্যর্থ কি হবে তাই ব’লে, বলো !

নিখুঁত বাংলা ফোটে ফিরঙ্গ রঙ্গে
ইংরিজি স্বরে তির্যক গতিভঙ্গে ।

আমরা চম্কে থম্কে দাঁড়াই, হয়তো বা কারো জুতোই মাড়াই,
বাংলা শুনেই সার্থক শ্রম চোরাস্তায় সঙ্কেবেলায় হাঁটলে ।
ভাবি শুধু এই, অমনি স্বরেই বেরোবে কি বুলি হঠাৎ চিমটি কাটলে ?

(২)

আজকে না-হয় ম্যালেই চলো,
ভারি সুন্দর বিকেল—না ?
মিমির জন্তে কী খেলনা
কিনবে ? দোকানে গেলেই হ’লো
তোমার নতুন কী চাই, বলো ?
কিছু চাইনে ? এমন মিথ্যে

বুদ্ধদেব বহু

কী ক'রে বললে ? কপট অঙ্ক
রটায় আমার কত কলঙ্ক,
তুমিও কি তাই শুনে ঘাবড়ালে ?
গণিকা গণিত লক্ষপতিকে
খোসামোদ করে ; পেয়ে বেগতিকে
আমাকে নিত্য করে নাজেহাল ;
কখনো একটু পিঠ চাপড়ালে
খুসি হয় ম—পানি পায় হাল ।

এ ছাড়া আমার, বিশ্বাস করো, আর-কোনো দোষ নেই চরিত্রে ।

(৩)

আজ্ঞে কি মানবে গণিতের কড়া জুলুম
জাতুকর-রোদে এমন বিরল বিকেলবেলায় ?
হীন অঙ্কের মেনে দাসত্ব
হারাবো কি শেষে জীবনস্বত্ব,
বেঁচে থাকবার এই কি সর্ত ? তুমিই বলো !
সিঁদুরে শাড়িটা প'ড়ে নাও তাডাতাড়ি । ম্যালাই চলো ।
মলিন হিসেব ঋণের কঁজও আজকে মিলায়
তুষার-তাঁবুর দড়ি-ছেঁড়া তিব্বতি এ-হাওয়ায় ।
ভোলো প্রতিদিন-পুঞ্জিত ঋণ, ভোলো বেমালুম
জোড়াতালি-দেয়া ছেঁড়াখোঁড়া দিন ।

কপাল ভালো,

খালি প'ড়ে আছে আস্ত বেঞ্চি ।

ভোলো, ভয় ভোলো,

যে-ভয় জীবনে ফণিমনসার বন,
যে-ভয়ে নিত্য মেনে চলি মহাজন,
যে-ভয়ে কখনো গাঙ্গির কভু অরবিন্দের চরণ-শরণ,

আধুনিক বাংলা কবিতা

ত্যাগের কন্যা যোগের পন্থা মানস-বরণ,
দিশি সিনেমায় ঋষি-মহিমায় ইচ্ছা-পূরণ,
সত্য, শিব ও স্তম্ভরে ঢাকি জীর্ণ জীবন, জীবনে-মরণ,
যে-ভয়ে নিত্য ব্যর্থ কর্ম, মিথ্যাচরণ,
কেননা জীবন কেবলি জীবনধারণ,

জীবিকাই হয় জীবন । আজ

সে-ভয় ভোলো ।

ঢাখো চেয়ে ঢাখো পায়ের তলায় মেঘের মেলায় আলো মিলায়
উত্তর-জোড়া তুষার-চড়ায় খেয়ালি বিকেল আগুন ছড়ায়,
ক্ষণিক রঙের বণিক সূর্য নিবলো এবার । হারালো তুষার-মোড়া উত্তর,
হারালো আকাশ হঠাৎ কুয়াশা লেগে, বারুদ-গন্ধী মেঘে ।

ছায়ামূড়ি দিয়ে ছায়ামূর্তির মতো

জটিল জনতা প্রগল্ভ গতিশীল ।

স্বৈরী মেঘের পূর্ণ স্বরাজ

দেখেই কি ওরা এমন দরাজ ?

স্বৈচ্ছাচারের উচ্চড়ার জঙ্গমতা

বঙ্গমাতার সন্তানেরাও আজ কি পেলো ?

মেঘ-মুড়ি দিয়ে জললো আলো,

ন্যামপোস্টগুলো পরেছে আলোর গোল টুপি,

ঠিক খুঁটান দেবদূত !

এসো কাছে এসো, শোনো কথা চুপি-চুপি ।

এ কি নয় অদ্ভুত

তুমি আর আমি ব'সে আছি এই কুয়াশামোড়া

চৌরাস্তায়, মেঘের মধ্যে,

সব বেয়াদব চোখ মুছে গেছে এ-ঘন মেঘে—

এবার বলো !

এখনি হয়তো হঠাৎ-হাওয়ার আঘাত লেগে

মেঘ কেটে যাবে । কেটে যাবে এই গণিত-অতীত বিরল ক্ষণ

নিশিকান্ত

এখনি বেলো । ঐ তো এলো

নিষ্ঠুর হাওয়া মেঘের ঝাঁটা, কুয়াশা-কাটা !

আকাশ ফেটে কি ফুটলো তারা ? লাগলো হাওয়ার তীব্র তাড়া ?

এবার তাহ'লে ফিরেই চলো । আজো কি হ'লো

তোমার আমার অনেকদিনের অঙ্গীকারের উদ্যাপন !

নিশিকান্ত

(১৯০৯)

৮০. পণ্ডিচেরীর ঈশানকোণের প্রান্তর

কোন

সঙ্কোপন

থেকে এল, এই উজ্জল

শ্যামল

বিন্দুর শিখা !

এই পাষাণখণ্ড-কণ্টকিত

শুদ্ধ রুধির-সঞ্চিত

প্রাণহীন রক্তবর্ণ মৃত্তিকা

কার স্পর্শে পেয়েছে প্রাণ ?

অমৃত-সিক্ত বন-মঞ্জুরীর অবদান

কোন অদৃশ্য সৌন্দর্যের উৎস থেকে উৎসারিত—

এই গরল-কুণ্ডলিত

ভূজঙ্গ-ভূমির অঙ্গে অঙ্গে

প্রক্ষুটিত মাধুরীর তরঙ্গে !

যোজনের পর

যোজন বিস্তৃত প্রান্তর ;

আজ সকাল বেলা

এসেছি এখানে । দূরে দূরে দেখা যায় রক্ষ মাটির সূপের মেলা,

আধুনিক বাংলা কবিতা

তারি উপর দণ্ডের মত দাঁড়ানো জমাটবাঁধা পাথরকুটির চাঙ্ড়া, যেন

ক্ষিপ্ত মুণ্ড

নাসাথড়গধারী গণ্ডার, যেন উচ্চত শুণ্ড

‘মদ-মত্ত মাতঙ্গের মত ।

রাক্ষসী মেদিনী অবিরত

বৎসরে বৎসরে

নিজেই নিজেকে গ্রাস ক’রে ক’রে

সৃষ্টি ক’রেছে এই আরক্তদশন

বৃভুক্ষার গহ্বর প্রাঙ্গণ ।

বক্ষে তার

বালু-কঙ্করের বক্ষিত পঙ্কার

কঙ্কাল ।

তারি একপাশে ভস্ম-তাল

শ্মশান ; প’ড়ে আছে দগ্ন-শেষ চিতার

নিরুত্তাপ পাংশু অঙ্গার,

জীর্ণ মলিন বিক্ষিপ্ত কঙ্কার

রাশি, ভগ্ন কলসের কানা,

নর-কপালের করোটা, শকুনির নখর-চিহ্ন, শব-লুক্ক সংগ্রামে পরাজিত মৃত

বায়সের বিচ্ছিন্ন ডানা ;

বসে আছে অপরায়েয়

লোলুপ দৃষ্টির অধিকারী কৃষ্ণকায় সারমেয় ।

তবু সেখানে সর্বজয়ী জীবনের

বিকাশের

লিখা

এনেছে দুর্লভ তৃণ-মঞ্জরী, বিন্দু বিন্দু সবুজ গুল্ম-শিখা !—

আর

দুর্দম দুর্বার

মর্ত্য-বিদ্রোহী তাল-বিটপীর বৃন্দ ; তাদের

নিশিকান্ত

অটল স্বরূপের

অভিযান তুলেছে উর্ধ্বের

উদ্দেশে, যেন সহস্রশির

বাসুকীর

শত শত ফণা রসাতল ভেদ ক'রে

উঠেছে ছলে অনন্ত অশ্বরে,

তারা

পান করে যেন সেই সুনীল সুধার অক্ষর-ধারা ;

যেন কোন খেয়ালী চিত্রকর আষাঢ়ের

ঘনীভূত মেঘের

রঙের পাত্র শূন্য ক'রে নিয়ে

ধূম-কেতুর পুচ্ছের মত বিশাল তুলি দিয়ে

ঐ অত্রংলিত রেখার সারি করেছে অঙ্কিত,

তারি চূড়ায়

শাখায় শাখায়

করেছে তরঙ্গিত

হরিদ্বর্ণ রশ্মিবিকীর্ণ তীক্ষ্ণ-ধার

পাতার

ত্রিকোণ মণ্ডলিকাছন্দের নীহারিকাপুঞ্জ ; সেখানে বিষাগ

বাজায় বাতাস, দোলে বিজয় নিশান ;

তাদের

সর্বঅঙ্গে পুরু ইম্পাতের

চক্রাকার আবর্তনের

কালজয়ী আবরণ ;

নল-কূপের মত তাদের মূল—

এই উষরপিণ্ডপৃথুল

পৃথিবীর জঠরের অতল-তলে

পলে পলে

আধুনিক বাংলা কবিতা

ক'রেছে সঞ্চিত

মর্ত্য-শ্মশান-মস্থিত

অমৃত ।

হে সম্রাট শিল্পী, সুন্দর ! কোন অচিন্ত্য লোকের

রহস্যের

বেদিকায় ব'সে আছ তুমি ?

এই মরু-বাস্তব ভূমি

তোমার

নিমগ্ন কল্পনার

নির্লিপ্ত আনন্দের

পরম-বস্তু-রসের

রঞ্জনে রঞ্জিত হয় ।

জ্যোতির্ময় !

দাও দীক্ষা, অপূর্ব রূপান্তর সাধনের মন্ত্র দাও আমায় ;

যে মন্ত্রের শক্তিতে সত্তায়

বিলুপ্ত হবে মেদিনীর

মাতঙ্গ প্রকৃতির

মদমত্ত অভিযান, রাক্ষসী কামনার

বুভুক্ষার

বিক্ষুব্ধ আসক্তি ;

জীবনের অভিব্যক্তি

হবে মূর্ত, ঐ বিরাট তাল-বিটপীর নীলাশ্বরচুম্বিত আত্মার মত, বর্তিকা

জ্বলবে অস্তরে

ঐ ওজস্বান তৃণ-শিখার অক্ষরে ।

দাও তোমার বর্ণমন্দাকিনীর লাবণ্যধারা-নির্ঝরিত তুলিকা,

স্পর্শে যার

দীর্ঘ ক'রে আমার

কঠিন প্রাণ-থণ্ডের শিলা

অরুণকুমার মিত্র
মুঞ্জরিত হবে তোমার
অমর্ত্য-মালঙ্কর
মাধুর্য মন্দারের
সৌন্দর্য লীলা ।

অরুণকুমার মিত্র

(১৯০৯-)

৮১. ভূমিকা

প্রাস্তরে কোনো আলেয়া কোথাও গিয়েছে নিভে—

অস্থির দিন এসেছে নাকি ?

স্বপ্ন-শহর চূর্ণ তারায় ছিটিয়ে দিয়ে

রৌদ্রের ডাক হঠাৎ বৃষ্টি ।

বেলায় বেলায় ধারালো সময় আসে,

স্টীলের কুঠিতে কঠোর পরিক্রমা ;

নগণ্য রাত তন্দ্রায় গেলো মুছে ;

আশু ইতিহাস শিথিল-স্মৃতি ।

পিছনে ছড়ানো ভঙ্গুর ভিড জমাট বাঁধে,

মিছিল মিলেছে জনশ্রোতে ;

ঘনিষ্ঠ মন দ্রুত মুহূর্তে অনাবৃত,

ফাটলে ফাটলে ছায়ার। ডোবে ।

আবিষ্কারের চমক লেগেছে সবে—

নাবিকের চোখে ঘূপের সীমানা ভাসে,

পায়ের তলায় দ্রুততম হ'ল যেন

বহুদিনকার উধাও গতি ।

ভাগ্যের সীমা খড়্গের মতো আসন্ন কি ?

প্রস্তুতি, মানি, সমুদ্রত ;

আধুনিক বাংলা কবিতা

তীক্ষ্ণ বাঁশীতে সুর কেটে গেছে সকাল বেলা—
রোদের ফালিতে হাড়ের গুঁড়ো
সংহত বেগ ঘন সঙ্কটে চাপা ;
উড়ন্ত ধুলো কালো মেঘ হ'বে নাকি ?
নিশুতি চাঁদের মমতা তো নেই মনে,
অন্তরায়ণে দিনের সুর ।

৮২. লাল ইস্তাহার

প্রাচীরপত্রে পড়োনি ইস্তাহার ?
লাল অক্ষর আগুনের হলুকায়
ঝলসাবে কাল জানো !
(আকাশে ঘনায় বিরোধের উত্তাপ—
ভোঁতা হয়ে গেছে পুরাণো কথার ধার !)
যুগান্ত উৎকীর্ণ ; এখনি পড়ো
নতুন ইস্তাহার ।—

ভিড়ে ভিড়ে খোঁজো ফৌজ তো তৈয়ার
প্রস্তুত হাতিয়ার ;
শত্রু মুঠোয় স্বর্গ ছিনিয়ে নেওয়া
দেবতারার পারে ঠেকাতে আর কি, বনো ?
শৃঙ্খলে আসে সৈনিক-শৃঙ্খলা—
উঁচু কপালের কিরীট যে টলোমলো !

নিঃশ্বাস চাই, হাওয়া চাই, আরো হাওয়া !
এই হাওয়া যাবে উড়ে ;
দেবতারার সাবধানী ;
ঘোরালো ধোঁয়ায় হাঁপাবে অন্ধকার—
মামুষেরা, হুঁশিয়ার !

বিষ্ণু দে

ঘরের জান্না হয় তো বিপদ ডাকে ;
মর্চে-ধরা ও ঝিমোনো গরাদে গুলো
গোপন রেখেছে আব্ছা গারদ নাকি ?
ঘরের মানুষ, মৃত রাত নয় ভুলো !

প্রাচীরপত্রে অক্ষত অক্ষর
তাজা কথা কয় শোনো—
কখন আকাশে ক্রকুটি হয় প্রথর,
এখন প্রহর গোণো !
উপোসী হাতের হাতুড়ীরা উগত,
কড়া-পড়া কাঁধে ভবিষ্যতের ভার ;
দেব্তার ক্রোধ কুৎসিত রীতিমতো—
মানুষেরা, হুঁশিয়ার !
লাল অক্ষরে লট্কানো আছে ঢাংখো
নতুন ইস্তাহার !

বিষ্ণু দে

(১৯০২)

৮৩. অভীপ্সা

এ আকাশ মুছে দাও আজ,
অন্ধকারে রাত্রি লেপে দাও,
জ্যোৎস্না ডুবিয়ে' দাও অনিদ্রার ঘন কালিমায় ।
ছুই চোখ ঢেকে দাও, বাতাসের ব্যূহ ভেদ করে'
রাত্রির ঘোমটা-ঘেরা সমুদ্রের পদক্ষেপধ্বনি
ঢেকে এসো দ্রুতপদে
রুদ্ধ করে' নিঃশ্বাস প্রশ্বাস
নিঃশব্দ তোমার পদপাতে ।

আধুনিক বাংলা কবিতা

স্থিরতা-নিস্তরু অন্ধকারে
অনিদ্রার শূণ্ণে হোক নিরালম্ব আমাদের
মুখোমুগি দেখা ।
পৃথিবীকে চূর্ণ চূর্ণ করে'
আকাশে ছড়িয়ে এসো অন্ধকারে আমাতেই আজ ।

৮৪.০ চতুর্দশপদী

য়ত্নের তমসাতীরে, কৌটদষ্ট শিরে
তোমার মুক্তির বাণী ঝরে, চক্রবাক !
উন্মোচিত, হে বাচাল ! শূণ্ণক্ষরা নীরে
বিডম্বিত দ্বিজ্ঞাসার বক্র জটাপাক ;
ব্যর্থ বটে মাদুর্যের সাধনা নিবিড,
ব্যক্তিত্বের রক্তহীন দরবারী বিকাশ,
স্বয়ম্বর ধর্ম বৃথা, গুরে নষ্টনীড় !
অশ্বখে বজ্রাগ্নিপাতে বৃথাই আকাশ ।
য়ত্নের তমসাতীরে, তীব্র আত্মদানে
শূণ্ণের বিরাট নীলে মেলে দাও পাখা ।
প্রাণসূর্যে স্তব করো, যদি আর্তগানে ।
খুলে' যায় আদিগন্ত হিরণ্ময় ঢাকা,
যদি তব শূণ্ণে স্কল জনতাসজ্জাতে
আনন্দতড়িৎ-নৃত্যে অন্তসূর্য মাতে ॥

৮৫.০ টপ্পা-ঠংরি

তোমার পোস্টকার্ড এল,
যেন ছড়টানা স্রোতে
পিৎসিকাটোর আকস্মিক ঘূর্ণী,
রেডিওর ঐক্যতানে বিস্মিত আবেগ ।

বিষ্ণু দে

দিন কাটল

যেন জিল্‌হাবিলস্থিতে ।

গানের কলির গলিতে গলিতে

বাস্ গেল, ক্লাস্ গেল কালের জয়যাত্রায় কেটে ।

জাঁদরেল প্রোফেসরের মাথায় নাম্ন

ব্যঙ্গাতীত ক্ষমার আকাশে প্রথম করুণার আশীর্বাদ ।

কাব্যেই হল করুণা, করুণায় কাব্য

সেই দিন প্রথম ।

নাম্ন সন্ধ্যা,

সূর্যদেব, এখানে নাম্ন সন্ধ্যা,

কবিতার সন্ধ্যা

পিলু বারোয়ার সন্ধ্যা ।

একাকার এই ম্লান মায়ায়

জাগরহৃদয়ের গোধূলিলগ্নে

শুধু নীলাভ একটু আলো এল

তোমার পোস্টকার্ড,

আর এল তোমার ট্রেনের অস্পষ্ট দূরগত ডাক ।

সূর্যদেব, এর পূর্ববী ওর বিভাসকে আশীর্বাদ করে' চলে'

যাক ।

বাসের একি শিংভাঙা গৌ !

যন্ত্রের এই খামখেয়াল !

এদিকে আর পঁচিশমিনিট—

ওরে বিহঙ্গ, ওরে বিহঙ্গ মোর ।

স্বৈচ্ছাতন্ত্র ছেড়ে স্বৈতাচারী টামই ভালো,

ইচ্ছার দায়িত্বহীনতা ছেড়ে সংস্কারের বাঁধা সড়ক ।

আধুনিক বাংলা কবিতা

বড়োবাজারের উপলউপকূলে
জনগণের প্রবল শ্রোত
উগারিছে ফেনা
আর বিড়ির আর সিগারেটের আর উত্তনের আর মিলের ধোঁয়া
আর পানের পিক্
আর দীর্ঘশ্বাস,
বড়োবাবুর গঞ্জনায়
বড়োসাহেবের কটা চোখের ব্যঞ্জনায়
দাম্পত্যমিলনের শ্রান্ত সম্ভাবনায়
অপত্যাধিক্যের অন্তশোচনায়
ট্রামের বাসের কারের ফেরিওয়ালার রলরোলে ।
এই ক্লাইভ্ ডালহুসি লায়ন্স রেঞ্জের ডেলিপ্যাসেঞ্জারদের
ক্লান্ত নীরবতায়
তিলু গুঞ্জে
শুধু অস্পষ্ট একটা বিরাত লাগ্ ডাঁট আওয়াজ
যেন শিশিরভেজা মাটিতে পাতাঝরার গান
বা যেন একটা বিরাত অতনু দীর্ঘশ্বাস
বড়োবাজারের ক্ষতবিক্ষত কিন্তু অমর আকাশে
তারায় তারায় কাঁপন লাগে যার মৌড়ে মৌড়ে ।
নিতে হল ট্যাক্সি ।
নতুন ব্রিজে কি ট্রামলাইন পাতবে ওরা ?
হে বিরাত নদী !
স্বীমারের বাঁশী
খালাসীর গান
সবপেয়েছির দেশে
ককেনের দেশে

বিষ্ণু দে

যত কিছু বই ছিল সব পড়ার শেষে
ক্লাস্ত রক্তের বিবর্ণ আবেশে
স্টীমারের বাঁশী
আর খালাসীর গান !

ট্র্যাফিক থম্কে দাঁড়ায়, হেঁচট খায়
বেতলা, বেহুরো, মিলের, কলের, চোড়ার ধোঁয়ায়
পল্টনের ফাঁকে ফাঁকে শিরশিরে হাওয়ায়
আলোয় ঝিকিমিকি জনশ্রোতে ।
জনশ্রোতে ভেসে যায় জীবন যৌবন ধনমান.
আশে আর পাশে, সামনে পিছনে
সারি সারি পিঁপড়ের গান,
জানিনি আগে, ভাবিনি কখনো
এত লোক জীবনের বলি,
মানিনি আগে
জীবিকার পথে পথে এত লোক.
এত লোককে গোপনসঞ্চারী
জীবন যে পথে বসিয়েছে জানিনি মানিনি আগে
পিঁপড়ের সারি
অগণন ভিডাক্লাস্ত হে সহর, হে সহর স্বপ্নভারাতুর !

পাঁচমিনিট, পাঁচমিনিট মোটে
কালের যাত্রার ধ্বনি শুনিতে কি পাও
উদ্দাম উধাও
ট্রেন এল বলে' হাওড়ায় ।
ওপারে স্টক্ এক্সচেঞ্জের এপারে রেলওয়ের হাওড়া,
তারি মধ্যে বসে আছেন শিবসদাগর
ট্যাক্সির হৃদস্পন্দে ট্র্যাফিকের এটাক্‌সিয়ায় ।

আধুনিক বাংলা কবিতা

এল ট্রেন

মস্থিত করে' রক্তের জোয়ার
আমারই একান্ত মগ্নচেতন্য মস্থিত করে',
দেখলুম তোমার ক্লোস্-অপ্, মুখ জানলায়,
—একটা কুলি—
শুনলুম যেন ভোরবেলাকার ভৈরবীতে ।

হায়রে ! আশার ছলনে ভুলি !
কোথায় তুমি ! ট্রেন ত এল !
কয়লাখনি ধসে' পড়ুক;
পশ্মঘট নাষ্ট বা থাম্‌ল,
ট্রেন ত এল !
তোমার কি অস্থখ হল ?
তোমার বাবার ?
হঠাৎ দেখি লাব্‌সি
বলে, এই যে, কি খবর,
আমার জন্মে এলেন নাকি ?
দিদি আসবে সাতুই ।

ভেবেছিলুম তন্দ্রালসা সন্ধ্যার গোধূলি-চায়ায়
ট্যাঙ্কির নিঃসঙ্গ মায়ায়
ট্রেনের ছন্দে স্পন্দিত তোমার হৃদয়ের গানে
হাতে হাত উষ্ণতায়
করব সেই চরম প্রকাশ, সেই পরম যবনিকামোচন ! হায়রে !
—আমার ফাঁকা লিবিডোকে এখন চালাব কোন্ খেয়ালের
বাঁকা খালে ?
কোন্ ধ্রুপদী অবদমনের নিদ্রাহীনতায় ?

৮৬. জন্মাষ্টমী

(অংশ)

অস্ত্রাচলে অন্ধকাব, স্থবির রাত্রির
স্থির দিরাটপাথায়
ঘনায় আবেগ
আকাশ এসেছে নেমে আত্মীয়তায়
অন্তরঙ্গ, অর্ণ, নির্মেঘ ;
দারকার দস্ত্য ভয় ঈন্দ্রপ্রস্থে নৈকট্যে মধুর ।
দার্ঘ শালতকসার
মহাবনে শুদ্ধ
শুদ্ধ প্রতীক্ষায় ধীর মৌন স্থির.
বিশ্বরূপ মতিমার স্নিগ্ধ কণা খোঁজে
অন্তরঙ্গ, অথব-বিধুর ।
বিহঙ্গ জাগে নি আজও অশ্বখশাথায় জীবযাত্রাকাকলীমুগুর,
অথবা জেগেছে নাড়ে, শিরাস্ফোটে লেগেছে তাদের
এ প্রাকৃত দ্যাবিভাবে নিরুদ্ধ আবেগ ।
পাঁচপাহাড়ের
চুড়ায় নেইকো আজ দিতিজ স্পর্ধার
উদ্ধত গ্রীবার গতি,
শান্তমতি
ক্ষান্ত স্থির অকনত নিবৃত্ত উৎসুক
যেন শোনে কান পেতে মিটিমিটি কার পদধ্বনি !
বাতাসের বেগ
চলে গেছে দিগন্তসীমার
বজ্রকোষে পরিখাপ্রাকারে সমুদ্রের পারে
চংক্রমণ স্বতই সম্বরি' ।

আধুনিক বাংলা কবিতা

সামান্য ঝিল্লীও মৌন, ক্রন্দনশর্বরা
শেষ হল, সেও বুঝি জানে ।
এ তীব্র প্রহরে
প্রতিবেশী বিচ্ছিন্ন সহরে
শৈশবের অসহায় ঘুম
না জানি ফোঁটায় কতো বার্ষিকের জাতিস্মর আকাশকুসুম ।
এ রাত্রিপ্রয়াণে
সংহত সত্তার বাস্তব এই গোপনিত্তে, ঘনিষ্ঠ সঙ্ক্যায়
মহাকাল প্রশান্ত অক্ষরে
স্মিত গুণাপরে
কূলপ্রাণী বর্গহারা আকাশগঙ্গায়
ধ্যানমৌন সান্নিধ্য বিলায়
ছায়াতপহীন ।
সারস্বত মুহূর্তের কালাতীত স্তম্ভিত লীলায়
জাগ্রতস্বপ্নের ভেদ বুঝি তার নাই ।
তাই পরিব্রজবাসী সঙ্ক্যাভাষী এই অবধত
আত্মীয়প্রহরে যতো ভূত-
বিশেষ সঙ্ঘের ক্ষিপ্র পাল—
হে দংশ্ট্রাকরাল !
গুহাহিত সমাহিত অন্তরের শূন্যে নীল মহাশূন্যমাঝে
প্রত্যক্ষ প্রতীক তাই রাত্রি আর দিন
আত্মদানে রোমে রোমে ঐক্যতানে রোমাঙ্কিত বাজে
নামে রূপে একাকার মহাশূন্যমাঝে ।
আসন্নশরৎঊষা ঝাড়ে শুধু কুরুবকশাখা
কৈলাসের শীকরবীজনে, শুধু ঝরে ঝারি শিশিরসলিল,
হৈমবতী ধৌত করে কুহেলিকা, সম্মোহকলিল ।
সর্বংসহা আমাদের বসুন্ধরা সুন্দরী বারেক
বিলম্বিতগ্রীবা,

বিষ্ণু দে

রাকা মুখ ফিরায় বুঝি বা ।
সূর্যের বিরাট তূর্ষে হিরণ্যগর্ভের
আলোককাডায় নাকাডায়
মুক্তিস্নাত লঙ্ঘিত দর্বে
উচ্চশ্রব রক্তিমারায়

আনন্দ, আনন্দ শুধু আনন্দনিধানন আকাশ ।
আনন্দে শিহরে শৃঙ্গ বাতাসের মাতরিশ্বাবেগে ।
হে মৈত্রেয়, আত্মসহোদর,
এ সঙ্গীত আগাদেরে আর নাহি সাজে ।
আনন্দের যে তৈরবী মীড়ে মীড়ে
স্বপ্নার শিরে শিরে
সায়ুজ্যসঙ্গীতে,
অগ্নিমাঙ্গল্যরী ত্রীত তাড়িত সন্নিতে
আমাদের নিঃস্পন্দ আবেগে,
হে মৈত্রেয়, আত্মীয়সোদর,
সেই সুর মেগে
অঘমর্ষী উদ্গীথ-মুংর
এ কুৎসিত জীবনের ক্লেব্যগামী ব্যর্থতা জানাই
কুস্তীরক তাই ।

৮৭. ক্রেসিড।

স্বপ্ন আমার কবিতা,
অমাবস্কার দেয়ালি,
ধূম্রলোচন নিদ্রাহীন
মাঘরজনীর সবিতা ।

* * *

আধুনিক বাংলা কবিতা

হৃদয় আমার খেয়ার যাত্রী বৈতরণীর পার ।
কাণ্ডারীহীন বালুকা বেলায় দৃষ্টি ঘুরিছে দূবে ।
হৃদয় আমার ছাপিয়ে উঠেছে বাতাসের হাহাকার ।

* * *

দিনগুলি মোর তুলে নিলে অঞ্চলে ।
বালুচরচারী দৃষ্টিতে ঝবে সান্নিধ্যের ধার ।
রাত্রিঃ চাও ? শ্রাবণের ধারাজলে
মুগর হৃদয় তালীবনদীঘি কল্লোলে অবিরাম ।

* * *

ফ্রেসিডা ! তোমার খমকানো চোখে চমকায় পরাভয় ।
আশ্লেয়ে তব অনন্তশ্রুতি ক্রতুকৃতমের শেষ ।
তোমাতেই করি মত্ত মরণে জয় ।

* * *

মহাকাল আজ প্রসারিল কর মোর দক্ষিণ করে ।
ভীরু দুর্বল মন !
দৈবের হাতে হাত বেঁধে যাওয়া মহাসিন্ধুর পারে !
সর্ব-সমর্পণ !

* * *

হেলেনের প্রেমে আকাশে বাতাসে ঝঞ্জার করতাল ।
দ্যুলোকে ভুলোকে দিশাহারা দেবদেবী ।
কাল রজনীতে ঝড় হয়ে' গেছে রজনীগন্ধা-বনে ।

* * *

বৈশাখী মেঘ মেঘুর হয়েছে সূদূর গগনকোণে ।
কুরুক্ষেত্রে উড়েছে হাজার রথচক্রের ধূলি ।

বিষ্ণু দে

স্বপ্ন গোধূলি ডুবে গেল খর রক্তের কোলাহলে ।

* * *

লাল মেঘে ঠেলে নীল মেঘ, নীলে ধোঁয়া মেঘেদের ভীড়

মেঘে মেঘে আজ কালো কঙ্কার দিন হল একাকার ।

বিদ্যুৎ নেভে ঈশান-বিষাণে, বজ্রঃ দিশাহারা ।

এলোমেলো পাখা ঝাপটি তবৎ ওড়ে কথা ক্রেসিডার ।

* * *

ভ্রান্তি আমাকে নিয়ে' যায় যদি বৈতরণীর পার,

ভবিষ্যহীন আঁধার ক্লান্তি কাকে দেব উপহার ?

তপ্ত মরুর জনহীনতায় কোথায় সে প্যাণ্ডার ?

* * *

স্বসমুখ সে কোন দেবতার দ্বিরাচারী সম্ভাষে

অমরানতীব সমাহারী নারী হেলেনের বালালোল !

মোর কুরুবক জেবলী কেবল, ঝরে জবাসন্ধাশে !

* * *

সূর্যালোকের ধারায় জেগেছে জীবনের অক্ষুর ।

আত্মদানের উৎসেই জানি উজ্জীবনের আশা ।

অসূর্যালোকে বন্দী, কুমারী, তোমাতেই খুঁজি ভাষা ।

* * *

সময়ের খলি শতচ্ছিন্ন বিস্মৃতি-কাঁট কাটে ।

প্রাণোপাসনার পূজারী তাইতো তোমার স্মরণ মাগি ।

প্রাণহস্তারা বলরোলে চলে ট্রয়ের মাঠে ও বাটে ।

* * *

আধুনিক বাংলা কবিতা

উষসী আকাশ ধসর করেছে মরণের আনাগোনা ।
হেলেনের বুকে শবসাধনার বিশ্রাম আর নেই ।
আমার হৃদয়-ঘটাকাশে শুধু জীবনের আরাধনা ।

* * *

ঊয়ের প্রাচীর ভঙ্গুর কেন ? কোন্ হেলেনের
অমর রূপের প্রথর আবেগে বিপুল বিশ্ব হারাল দিশা ?
লোকোত্তর এ রূপসী বা কেন ? লোকায়তিক এ মরণ-তৃষা ?

* * *

জানি জানি এই অলাভচক্রে চংক্রমণ ।
সোৎপ্রাসপাশে বলি নাকো তাই কথা ।
ক্রেসিডা ! আমার প্রচণ্ড আকুলতা—
জীজিবিস্ব প্রজাপতির বিভ্রমণ ।

* * *

সোনালি হাসির ঝরণা তোমার গুষ্ঠাধরে ।
প্রাণকুরঙ্গ অঙ্গে ছড়ায় চপলময়া ।—
মুখর সে গান ভেঙে গেল । আজ স্তব্ধ তমাল ।
হাল্কা হাসির জীবনে কি এল ফসলের কাল ?

* * *

এই তবে ভোরবেলা !
হে ভূমিশায়িনী শিউলি ! আর কি
কোনো সান্ত্বনা নেই ?

* * *

রজনীগন্ধা দিয়েছিলে সেই রাতে,
আজ তো সে ফোটে দেখি—

বিষ্ণু দে

মদির অধীর রাতের তন্বী ফুল—
রজনীগন্ধা, বিরাগ জানে না সে কি ?

* * *

দুঃস্বপ্নেও প্রেম করে নি এ আশা ।
শক্রশিবিরে কুমারীর নত চোখে, মুখে, সারা শরীরে নগ্নভাষা !
হে গ্রীক নাগর । ট্রয়কে হারালে আজই !

* * *

কালের বিরাট অটহাসির ছায়া।
ঢেকে দিল ঢেকে তোমারও মরণ-মায়।—
হে মাতরিশ্বা, মহাশূণ্ডের স্রুগে
তুড়ি দিয়ে' যাই তোমারও প্রবল মুখে ।

* * *

তুমি ভেবেছিলে উন্মাদ করে' দেবে ?
উদ্বায়ু আজো হয়নি আমার মন !
লোকায়ত মোর স্বেচ্ছাবর্মে লেগে
বর্শা তোমার হ'য়ে গেল খান্-পান্ ।

* * *

বুদ্ধি আমার অপাপবিদ্ধমস্তাবির ।
জড়কবন্ধ অন্ধ কর্মে ফুৎকার মোর নর্মাচার ।
প্রাক্তন-পাশ্চাত্য মাগিনা । মন তুষার ।

* * *

পাহাড়ের নীল একাকার হল ধূসর মেঘের স্রোতে
পাঁচ পাহাড়ের নীল ।

আধুনিক বাংলা কবিতা

বাতাসেরা সব বাসায় পালান মেঘের মুষ্টি হতে ।
সুন্ধ নিখর পাঁচ-সায়রের বিল ।

* * *

শিবা ও শকুনি পলাতক, জানি ভাগ্য তো কুকলাস ।
কুরুক্ষেত্রে ইন্দ্রপ্রস্থ, পরাঙ্কিতেরই জয় !
শরৎমাধুরী লুট করে' ফিরি—জয় জয় ট্রয়লাস ।
উল্লাসে গায় পালে পালে ক্রীতদাস ।

* * *

বিজয়ী রাজার দানসত্রের শ্রাবণ প্লাবনে ভাসে
পুরজন আর গৃহহীন যতো বৃভঙ্কু ভিক্ষুক ।
হায়েনার হাসি আসে স্মৃতিপটে—বেহিসার্বী ক্রেসিডা সে !

* * *

তুমি চলে' গেলে মরণ মারীচ মায়াবীর ডাকে মৃক-
বধির ওষ্ঠাধরে ।
তারপরে এল রণমস্থানে দূর বিদেশের নারী ।
কালো সন্ধ্যায় তুলে দিলে শ্বেত বাহু—
স্মরণ তোমার হানে আজো তরবারি ॥

৮৮. ঘোড়সওয়ার

জনসমুদ্রে নেমেছে জোয়ার,
হৃদয়ে আমার চড়া ।
চোরাবালি আমি দূরদিগন্তে ডাকি—
কোথায় ঘোড়সওয়ার ?
দীপ্ত বিশ্ববিজয়ী ! বর্শা তোলো ।
কেন ভয় ? কেন বীরের ভরসা ভোলো ?

বিষ্ণু দে

নয়নে ঘনায় বারেবারে ওঠা পড়া ?
চোরাবালি শুধু দূরদিগন্তে ডাকি ?
হৃদয়ে আমার চড়া ?

অঙ্গে রাখিনা কাহারো অঙ্গীকার ?
চাঁদের আলোয় চাঁচর বালির চড়া ।
এখানে কখনো বাসর হয় না গড়া ?
য়গতৃষ্ণিকা দূরদিগন্তে ডাকি ?
আত্মাহুতি কি চিরকাল থাকে বাকি ?

জনসমুদ্রে উন্মথি' কোলাহল
ললাটে তিলক টানো ।
সাগরের শিরে উদ্বেল নোনাঙ্গল,
হৃদয়ে অধির চড়া ।

চোরাবালি ডাকি দূরদিগন্তে,
কোথায় পুরুষকার ?
হে প্রিয় আমার, প্রিয়তম মোর !
আয়োজন কাঁপে কামনার ঘোর,
অঙ্গে আমার দেবে না অঙ্গীকার ?

* * *

হাল্কা হাওয়ায় বল্লম উঁচু ধরো ।
সাত সমুদ্র চৌদ্দনদীর পার—
হাল্কা হাওয়ায় হৃদয় তু'হাতে ভরো,
হঠকারিতায় ভেঙে দাও ভীকু ঘর ।

পাহাড় এখানে হাল্কা হাওয়ায় বোনে
হিমশিলাপাত ঝঙ্কার আশা মনে ।

আধুনিক বাংলা কবিতা

আমার কামনা ছায়ামূর্তির বেশে
পায়ে পায়ে চলে তোমার শরীর ঘেঁষে ।
কাঁপে তনুদায়ু কামনায় খরোখরো ।
কামনার টানে সংহত গ্লেসিয়ার ।
হালকা হাওয়ায় হৃদয় আমার ধরো,
হে দূরদেশের বিশ্ববিজয়ী দাপ্ত ঘোড়সওয়ার !

সূর্য তোমার ললাটে তিলক হানে ।
নিশ্বাস কেন বহিতেও ভয় মানে !
ভুরঙ্গ তব বৈতরণীর পার ।
পায়ে পায়ে চলে তোমার শরীর ঘেঁষে
আমার কামনা প্রেতচ্ছায়ার বেশে ।
চেয়ে দেখ ঐ পিতৃলোকের দ্বার !

জনসমুদ্রে নেমেছে জোয়ার—
মেরুচূড়া জনহীন—
হালকা হাওয়ায় 'কেটে গেছে কবে
লোকনিন্দার দিন ।

হে প্রিয় আমার, প্রিয়তম মোর !
আযোজন কাঁপে কামনার ঘোর ।
কোথায় পুরুষকার ?
অঙ্গে আমার দেবে না অঙ্গীকার ?

৮৯. পদধ্বনি

পদধ্বনি !
কার পদধ্বনি
শোনা যায় ?

বিষ্ণু দে

মদিরহাওয়ায় রজনীগন্ধার মত কেঁপে ওঠে রোমান্থিত রাত্রির ধমনী

ও কে আসে নীল জ্যোৎস্নাতে

অমৃত-আধার হাতে ৫ কে আসে আমার ছায়ায়.

বার্ধক্যবাসরে ?

অসহায় জরাগ্রস্ত পাণ্ডু অস্থ্যারে

ছিন্ন করে' দিতে আসে সপিল উল্কা

তিমিরপঙ্কের শ্রোতে, রসাতলসঙ্কল তাঁপারে ?

হে প্রেয়সী, হে স্তম্ভদ্রা.

তোমার দাক্ষিণ্যভারে

হৃদয় আমার

বারবার হয়েছে প্রণত,

প্রেম বহুরূপী

যত্নোবার যতো। চন্দ্রবেশে

প্রসন্ন হয়েছে জানি উদ্ভূত সে তোমার লীলার ।

মস্থিত স্থতির রাত্রে শালীন ঐশ্বর্যে স্বপ্নে দিচ্ছুরিত ঘুম—

বিস্তীর্ণ জীবন ভরে' বনে' গেছি কত শত আকাশকুণ্ডলম—

অভ্যস্ত প্রহরে এই নিয়মের সজ্জিত নিগড়ে

স্বরভি নিশীথে,

ক্ষয়িষ্ণু কর্মের প্রান্তে ঘনিষ্ঠ নিভতে

হে ভদ্রা. এ কার পদধ্বনি !

ছড়ায় অমনি নক্ষত্রের মণি সে কোন্ অধরা

উন্নত ভঙ্গরা !

সুরসভাতলে বৃষ্টি নৃত্যরত স্তম্ভরী রূপসী

বিভ্রান্ত উর্বশী !

আকস্মিক কামনার উদ্বেল আবেগে

পদক্ষেপ মাত্রারিক্ত, বহুভুক্তিতার

মুদ্রা লোল উচ্ছ্বাসের বেগে

সে আতিশয্যের ভার

আধুনিক বাংলা কবিতা

বিড়ম্বিত করে' দেয় পার্থের বোধন,
মুহূর্তের আত্মদানে সঙ্কুচিত এ পার্থিব মানবের মন ।
হে ভদ্রা, এ হৃদয় আমার
তোমাতে ভরেছে তাই কানায় কানায়,
প্রেমের একান্ত দানে টলোমলো একাধিকবার
বৈতরণী অলকনন্দায় যমুনাগঙ্গায়
ঘুরে' ফিরে' আদিঅন্ত তোমাতে জানায়
সম্মিলিত জীবনের আদিগন্ত মুক্ত মোহানায় ।
মনে পড়ে সেদিনের ঝড়ে সে কী পদধ্বনি, হুকার, টঙ্কার,
উৎসবের অবসরে আমাদের পলায়ন
প্রেমের বিহ্বল বেগে, হে ভদ্রা আমার.
যাদবের পঙ্কপাল পিছে তাড়া করে,
পিছু পিছু ছোটে পদধ্বনি,
ক্ষিপ্ত ক্রমঃ ব্যাজরোষে, স্ফীতোদর হৃদয়ঃ ক্ষিপ্ত ধাবমান,
তোমার নিটোল হাতে উল্লসিত সে তুরায়যান,
দেশকালসন্ততির পারে
অবহেলে করেছি প্রয়াণ ।
পদধ্বনি, সেই পদধ্বনি
আমাদের স্মৃতির বাসরে
জরিফুঃ ধমনী ক্ষিপ্ত করে,
দেহাতীত এ তাত্র মিলনে কালোত্তর ক্ষণে
সমগ্র সত্তার অঙ্গীকারে
তোমাকে জানাই আজ, হে বীরজননী,
প্রাণেশ্বৰ্যে ধনী বিরাটচৈতন্যে তাকে করেছ স্বীকার ।
তবু পদধ্বনি
হৃদপিণ্ডে যে স্পন্দমান, রক্তে তার দোলা ।
স্মৃতির পিঞ্জরদ্বার রেখেছি তো খোলা
তবু কেন এতই অস্থির !

বিষ্ণু, দে

স্মৃতির ঐশ্বর্যে ধনী, বার্ক্যবাসরে
সঞ্চিত অতীতে জানি গচ্ছিত জীবন,
তবু অভিমানী
কেন অকারণ সারাক্ষণ সেই পদধ্বনি !
একি আসে নগ্ন অরণ্যের
প্রাক্‌পুরানিক প্রাণী ? অসত্য বনের পিতৃকুল ?
দানব দস্তুর পাল ?
দস্তুর ভয়াল
প্রাক্তন পৃথিবী এঠে নিজস্ব স্মৃতির
করাল অতীত নিয়ে আমার অতীতে ?
আমার সত্তার ভিত্তে বর্ষের রাত্তির
সে পার্থিব স্মৃতি
জাগায় পার্থেরো ভয় ।
মনে হয় এই পদধ্বনি
এই পদধ্বনি শোনা যায়—
বঝি নায়
প্রচণ্ড কিরাত !
উন্মথিত হিমশিলা, তুষারপ্রপাত ঝরে, পলাতক কিন্নরীর দল,
ছিন্নভিন্ন দেওদারবন !
শালপ্রাংশু হাতে সব পাশবিক বল,
চোখে জলে প্রচ্ছন্ন অনল ! পাশুপত ছল !
আহা ! সে তো শুভ্র আবির্ভাব, দেবতার উদার প্রসাদ !
মিলে গেল নবশক্তি আত্মদ্রানে উজ্জীবিত ভীত অবসাদ ।
তবু আজ এ কি কলরব ! পদধ্বনি ! ছুরন্ত মিছিল !
ঘুমন্ত নগর, ঘরে ঘরে থিল,
উর্ধ্বশ্বাস উৎসবে কাতর বিলাসী যাদবঘুবাদল
অতীত অর্জিত স্মৃতি এলোমেলো অলস ভোগের
নিত্যনব আবিষ্কারে ক্লাস্তিভারে নিদ্রাস্ক বিকল ।

আধুনিক বাংলা সাহিত্য

হায় কালের ধারায়

নিয়মে হারায় পার্থসারথির পরাক্রম ।

বটের ছায়ার মতো, সর্বক্ষম নেতার রক্ষায়

ছত্রধর নেই আজ সম্পূর্ণ মানব ।

স্মৃতি তার দ্বারকায় অবসরবিনোদনে লোটে ;

স্মৃতি তার কদম্বছায়ায়, যমুনার নীলজলে বৃথা মাথা কোটে।

তবু এই শিখিল প্রহরে

নূপুরমঞ্জীরে আর ঘোর শঙ্খরবে মেতে ওঠে কার পদধ্বনি !

পদধ্বনি, কার পদধ্বনি ! কারা আসে সঙ্কুল আধারে

তিমির পঙ্কের শ্রোতে প্রান্তর ও অরণ্যকে ছিঁড়ে

উচ্চার উন্মত্ত বেগে ভকম্পের উচ্চ হাহাকারে

বিষায়ে রক্তের শ্রোত, আচম্বিতে কাঁপায়ে' পমনী

কার পদধ্বনি আসে ? কার ?

এ কি এল যুগান্তর ! নবঅবতার কোন ! কার আগমনী !

এ যে দস্যুদল !

সুভদ্রা আমার !

লুক্ক যাযাবর ! নির্ভীক আশ্বাসে আসে ঐশ্বর্য-লুণ্ঠনে,

দ্বারকার অঙ্গনে অঙ্গনে

চায় তারা রঞ্জিলাকে প্রিয়া ও জননী

প্রাণেশ্বর্যে ধনী,

চায় তারা ফসলের ক্ষেত, দীঘি ও খামার

চায় সোনাজালা গনি । চায় স্থিতি, অবসর ।

দস্যুদল উদ্ধত বর্বর

আপন বাহুর সাহসী বুদ্ধিতে দৃষ্ট ভবিষ্যে নির্ভর

দস্যুদল এল কি ছুয়ারে ?

পার্থ যে তোমার

অক্ষম বিকল ভদ্রা, গাণ্ডীবের সে অভ্যস্ত ভার

আজ দেখি অসাধ্য যে তার !

জ্যোতিরিন্দ্রনাথ মৈত্র

চোখে তার কুরুক্ষেত্র, কাণে তার মত্ত পদধ্বনি
ব্যর্থ ধনঞ্জয় আজ, হে ভদ্রা আমার !
হে সঞ্জয়, ব্যর্থ আজ গাণ্ডীব অক্ষয় ॥

জ্যোতিরিন্দ্রনাথ মৈত্র

(১৯১১-)

৯০. গুহাব গান

প্রভু !

তোমার মাথায় পড়ে স্বচ্ছ শুভ্র বাতের কণিকা ।
তোমাকে রয়েছে ঘিরে জাঁধারের নীরব আলোক ।
আমি আছি অতল গুহায় ।
বুকের উপর চেপে রয়েছে অজ্ঞতা
গভীর সে রাত,
স্তুপীকৃত পাহাড়ের সমাধির মত ।
আমি যেন শুনতে পাই আমার এ সমাহিতি থেকে
নরম রাতের চূর্ণ বিন্দু-বিন্দু ঝরে,
কালো আঙুলের মত গুচ্ছ-গুচ্ছ
তোমার ও-চূলে ।

প্রভু !

তোমার বিশাল হাত আমাকে ফিরেছে খুঁজে, জানি,
শিকারী হাতের ছায়া কেঁদে গেছে দেহের উপর ।
আমার বুকের রক্ত হয় নি কো এখনো ত হিম ।
এক বিন্দু উষ্ণতায় যদি জলে জীবন আমার,
এক বিন্দু চোখের আভায়,
এ বন্ধন বন্ধুই আমার ।

প্রভু !

তোমার মাথার 'পরে অর্ঘ্য পড়ে
অনাদি রাতের !

আধুনিক বাংলা কবিতা

তার ঘন সুরতির ঝড়
আমার অসাড় ঘারে করে করাঘাত,
চ'লে যায় গ্রহলোক পানে ।
আমি থাকি প'ড়ে অসহায় ।
পক্ষাঘাত দুর্ভেদ্য প্রহরী ।
তোমার কুঠারে করে বিচূর্ণ আমায় ।
দুহাত ছড়িয়ে দাও রাতের আকাশে ।
আমার এ গুহাকাশে বজ্র হানো, প্রভু
দন্ধ হোক আমার এ শব ।

৯১. চন্দ্রলোক

ক্লাস্তি নেমেছে নগরের বুকে—
ধূসর মেঘের অঞ্চল ভরা পাপ ।
ধনভাণ্ডারে অনশনে মরে
বিরহী যক্ষ—গলিত মাধবী মঞ্জরী আর
নির্জন প্রান্তর ।
চর্ক্য, চোষ, পানীয় চাৰ্বাকেরও
ধূলি ধূসরিত ।
ইতিহাস শুধু হাসে বিধাতার হাসি ।
তাই ক্ষান্তির ছায়া,
ব্যসনের গ্নাসে—ফণি মনসার
ক্ষেতে ক্ষেতে ঘোরে কাক ।
আয়ু সীমানায় মহাত্মাদের সারি ।
কুস্তীপাকের ভাবনা কাঁপায় পা—
পুণ্যের থলি গোণাগুণি, চাপা
ফিস্ ফিস্ কানে কানে ।

জ্যোতিরিন্দ্রনাথ মৈত্র

নিদারুণ শীতে হাড়ে হাড়ে ঝঙ্কত—
তিব্বতী কৈলাস ।
দূর হতে শুনি,
লৌহ কবাটে শৃঙ্খল-গুঞ্জন ।
এবার শাস্তি-পুরস্কারের তুহিন রাত্রি-দিন ।
আর্তনাদের দুর্বার প্রাস্তরে
দুয়ার কি যাবে খুলে !
তবু ভাল,
আমি শোভাযাত্রার শেষে ।
কুষ্ঠের সারি,
অন্ধ, খঞ্জ, বধিরেরা গলাগলি ।
মৃতবৎসার বৎসেরা জমে, মেঘের মতন
হামাগুড়ি দিয়ে দূরে ।
অস্পোপচারে, হাঁসপাতালের দল—
অন্ধবিহীন, যন্ত্রণা-কুঞ্চিত
কবন্ধদের সারি ।
স্বদেশপ্রেমিক,
টেররিষ্টদের ঘাড়ে চেপে চলে—
এখানেও বক্তৃতা !
কামুক কামুকী মৈথুনরত—
কুকুর কুকুরী ।
বিশ্বপ্রেমিক মাতালেরা করে
ছায়াদের হাতে আত্মসমর্পণ ।

আমাদের ক্লাস্ত দেহে
সাড়া নেই প্রারব্ধ পাপের ।
প্রাস্তন, জাতক স্রোতে
ক্ষয়ে ক্ষয়ে, মুছে গেছে আজ ।

আধুনিক বাংলা কবিতা

প্রার্থনার শেষ ঋণ,
শোধ করি তর্পণের তিলে
পিতৃলোক পানে ।
উর্ধ্ব জলে ধরিত্রীর কামনা-তপন—
যে কামনা স্থবিরের—
শিথিল পেশী ও মেদে । ঘোরে কুমিকীট
অস্ত্রে অস্ত্রে ।
অগ্নিমান্দ্য তাই কল্পশেষে ।
আজ তাই পুংসবন
অন্তর্বর বর্বরের হাতে ।
পৃথিবীর রক্ত-মাংস চক্রহীন প্রজ্জাহীন
পাতালের পথে ।
প্রপঞ্চের যাত্রাশেষে ক্ষান্ত তাই স্থবিরের গান ।

চঞ্চলকুমার চট্টোপাধ্যায়

(১৯১৪-)

৯২. রাজকুমার

হে রাজকুমার ! উজ্জল খর নভে
রাজ্যশাসন ও দিগ্বিজয়ের কালে
কৈপেছে নগর অশ্বুনিদাদী রবে,
মুণ্ডনিপাত করেছ তালবেতালে ।
রূপসীরা কত তব অলক্ত-পদে
বশীকরণের মায়াবী মন্ত্র পড়ে'
সঁপেছে তোমাকে রতি-সুখ-সার মদে ।
নারীমেদ-ভারে প্রাসাদ উঠেছে গড়ে' ।
রমণীমোহন নবনীকাস্ত, যেন
গোধূলি লালিমা পড়েছে অধরে মুখে ;

চঞ্চলকুমার চট্টোপাধ্যায়

রাজকবি যত বিরচি নান্দী, হেন
মণিকুটুম কাপায়েছে সুরসুখে ।

জানিনা সে কোন রজনীর অবসানে—
(অমাত্যদের ষড়যন্ত্রের বিষে)
বারেক ফিরায়ে হত রাজ্যের পানে
অশ্বখুরের ধলায় গিয়েছ মিশে ।

হাতবদলের ঘটা সে কি নির্মম !
নূতন পতাকা উড়েছে প্রাসাদচূড়ে !
ঝঙ্কারিত চ্যুতপত্রের সম
স্মরণ তোমার কখন গিয়েছে উড়ে ।

তারপর এ কি ! বিধির অপার ছলে
দেখি যে তোমায় তরণী বোঝাই ঘাটে ।
টাকার দাপটে হরেক রকম কলে
জনগণমনে উদ্বাঘ যত কাটে ।

জলবায়ু মাটি আবার তোমার হাতে ।
জনসম্পদে কর কোম্পানি ঠেসে ।
শেয়ারবাজার 'তেজীমন্দি'র সাথে
গড়াগড়ি যায় তোমার পায়েতে এসে ।

কত ভাবে ভোল দেখালে কুমার তবে ।
মূলতুবী কর বেসাত গায়ের জোরে !
রচি' ব্যুহজাল গোয়েন্দা লয়ে ভবে
রেখেছ ঘিরিয়া সূচির দুর্গ পরে ।

আজ অবশেষে জনগণে মিশি নেতা ।

আধুনিক বাংলা কবিতা

এ্যাসেম্‌রি হ'ল জমাট কর কি সাধে ?
ক্রেতা বিক্রেতা তুমিই তাদের সেথা ।

রক্তের দাগ ঢাকবে আর্তনাদে ।

৯৩. সনেট

থেমে গেছে অক্ষ ঝড় ; শান্ত হল গ্রহ স্বস্ত্যয়নে ;
হৃদপিণ্ড কাঁপিছে তবু ধরিত্রীর শঙ্কায় আহত ।
তুমি যেন মাতরিখা, অন্তরীক্ষে আমার জীবনে
কামনার বনস্পতি মুহূর্মুহু নাড় অবিরত ।
প্রশান্তি দিয়েছে যেন হৃদয়ের দীর্ঘ আশীর্বাদ ।
বনপথ অলিগলি স্বপ্নালোকে হল জাগরিত ।
ভগ্নমৃত দেহ নিয়ে ঈগলের নেইকো বিবাদ ।
কুক্কুটের জয়গাথা অরণ্যেরে করে বিচলিত ।
তবু কি রয়েছে ভ্রাস্তি ? জানি জানি নগরে বিপ্লব
আর যত নাগরিক হৃদয়ের ঘন গুঁঠাপড়া
মুহূর্তে গিয়েছে থেমে । জাতিস্বর অরণ্য পল্লব
প্রাক্তন ধরণী বক্ষে ছিন্নপত্রে দেয় বুঝি ধরা ।
ধনতন্ত্র রজনীর বিপর্যস্ত পেটিকোটে আহা,
মেদবাহী গণিকার স্মৃষ্টিতে কি আছে সুরাহা !

দিনেশ দাস

(১৯১৫-)

৯৪. কাস্তে

বেয়নেট হ'ক যত ধারালো—
কাস্তেটা ধার দিও বন্ধু !
শেল আর বম হ'ক ভারালো
কাস্তেটা শান দিও বন্ধু !

দিনেশ দাস

নতুন চাঁদের বাঁকা ফালিটি
তুমি বুঝি খুব ভালবাসতে ?
চাঁদের শতক আজ নহে তো
এ-যুগের চাঁদ হল কাশ্বে !

ইস্পাতে কামানেতে ছুনিয়া
কাল যারা করেছিল পূর্ণ,
কামানে কামানে ঠোকাঠুকিতে
আজ তারা চূর্ণ-বিচূর্ণ :

চূর্ণ এ লোহের পৃথিবী
তোমাদের রক্ত-সমুদ্রে
গলে পরিণত হয় মাটিতে,
মাটির-মাটির যুগ উর্ধ্বে !

দিগন্তে মৃত্তিকা ঘনায়
আসে ওই ! চেয়ে দেখ বন্ধু !
কাশ্বেটা রেখেছ কি শানায়
এ-মাটির কাশ্বেটা বন্ধু !

সমর সেন

(১২১৬-)

৯৫. স্মৃতি

আমার রক্তে খালি তোমার সুর বাজে ।
রুদ্ধশ্বাস, কত পথ পার হয়ে এলাম,
পার হয়ে এলাম
মস্থর কত মুহূর্তের দীর্ঘ অবসর ;
স্মৃতির দিগন্তে নেমে এলো গভীর অন্ধকার,

আধুনিক বাংলা কবিতা

আর এলোমেলো,
ভুলে যাওয়ার হাওয়া এলো ধসর পথ বেয়ে :
রুদ্ধশ্বাস, কত পথ পার হ'য়ে এলাম, কত মুহূর্ত,
শ্রান্ত হয়ে এলো অগণিত কত প্রহরের ক্রন্দন,
তবু আমার রক্তে খালি তোমার সুর বাজে ।

৯৬. মুক্তি

হিংস্র পশুর মতো অন্ধকার এলো—
তখন পশ্চিমের জলন্ত আকাশ রক্তকরবীর মতো লাল :
সে অন্ধকার মাটিতে আনলো কেতকীর গন্ধ,
রাত্রে অলস স্বপ্ন
এঁকে দিলো কারো চোখে,
সে অন্ধকার জেলে দিল কামনার কম্পিত শিখা
কুমারীর কমনীয় দেহে ।

কেতকীর গন্ধে ছরস্তু,
এই অন্ধকার আমাকে কি করে ছোবে ?
পাহাড়ের ধসর স্তম্ভতায় শান্ত আমি,
আমার অন্ধকারে আমি
নির্জন দ্বীপের মতো সূদূর, নিঃসঙ্গ ।

৯৭. একটি মেয়ে

আমাদের স্তিমিত চোখের সামনে
আজ তোমার আবির্ভাব হোলো :
স্বপ্নের মতো চোখ, সুন্দর, শুভ্র বুক,
রক্তিম ঠোঁট যেন শরীরের প্রথম প্রেম
আর সমস্ত দেহে কামনার নির্ভীক আভাস ;
আমাদের কলুষিত দেহে

সময় সেন

আমাদের দুর্বল, ভীৰু অন্তরে
সে উজ্জ্বল বাসনা যেন তীক্ষ্ণ প্রহার

৯৮. মছয়ার দেশ

(১)

মাঝে মাঝে, সন্ধ্যার জলশ্রোতে
অলস সূর্য দেয় ঐকে
গলিত সোনার মতো উজ্জ্বল আলোর স্তম্ভ,
আর আগুন লাগে জলের অন্ধকারে ধূসর ফেনায় ।
সেই উজ্জ্বল স্তম্ভতায়
ধোঁয়ার বক্ষিম নিশ্বাস ঘুরে ফিরে ঘরে আসে
শীতের দুঃস্বপ্নের মতো ।

অনেক, অনেক দূরে আছে মেঘ-মদির মছয়ার দেশ,
সমস্তক্ষণ সেখানে পথের দুধারে ছায়া ফেলে
দেবদারুণ দীর্ঘ রহস্য,
আর দূর সমুদ্রের দীর্ঘশ্বাস
রাত্রের নির্জন নিঃসঙ্গতাকে আলোড়িত করে ।
আমার ক্রান্তির উপরে বারুক মছয়া-ফুল,
নামুক মছয়ার গন্ধ ।

(২)

এখানে অসহ, নিবিড় অন্ধকারে
মাঝে মাঝে শুনি—
মছয়া বনের ধারে কয়লার খনির
গভীর, বিশাল শব্দ,
আর শিশিরে-ভেজা সবুজ সকালে,
অবসন্ন মানুষের শরীরে দেখি ধূলোর কলঙ্ক

আধুনিক বাংলা কবিতা

ঘুমহীন তাদের চোখে হানা দেয়
কিসের ক্লাস্ত হৃৎস্বপ্ন ।

৯৯. নাগরিক

মহানগরীতে এলো বিবর্ণ দিন, তারপর আলকাতরার মতো রাত্রি

আর দিন

সমস্ত দিন ভরে শুনি রোলারের শব্দ,
দূরে, বহুদূরে কৃষ্ণচূড়ার লাল, চকিত বালক,
হাওয়ায় ভেসে আসে গলানো পিচের গন্ধ ;
আর রাত্রি
রাত্রি শুধু পাথরের উপরে রোলারের
মুখর হৃৎস্বপ্ন ।

তবু মাঝে মাঝে মুহূর্তগুলি

আমাদের এই পথ

সোনালী সাপের মতো অতিক্রম করে ;

পার্শ্বের কলের উপরে আকাশ তখন

পাথরের মতো কঠিন,

মনে হয় যেন সামনে দেখি—

ছধারে গাছের সবুজ বগা,

মাঝখানে ধূসর পথ,

দূরে সূর্য অস্ত গেল ;

ভরা চাঁদ এলো নদীর উপরে,

চারিদিকে অন্ধকার—রাত্রের বাপসা গন্ধ,

কিছুক্ষণ পরে হাওয়ার জোয়ার আসবে

দূর সমুদ্রের কোন দ্বীপ থেকে,—

সমর সেন

সেখানে নীল জল, ফেনায় ধসর-সবুজ জল,
সেখানে সমস্ত দিন সবুজ সমুদ্রের পরে
লাল সূর্যাস্ত,
আর বলিষ্ঠ মানুষ, স্পন্দমান স্বপ্ন—

যতদূর চাই হাঁসির অরণ্য,—
পায়ে চলা পথের শেষে কান্নার শব্দ ।

ভস্ম অপমান শয্যা ছাড়ে
হে মহানগরী !
রুদ্ধশ্বাস রাত্রির শেষে
জলন্ত আগুনের পাশে আমাদের প্রার্থনা,
সমান জীবনের অম্পষ্ট চকিত স্বপ্ন ।

আর কত লাল সাড়ী আর নরম বুক, আর টেরী কাটা মসৃণ মানুষ,
আর হাওয়ায় কত গোল্ড ফ্লেকের গন্ধ,
হে মহানগরী !

যদি কোনোদিন কর্মহীন পূর্ণ অবকাশে বসন্ত বাতাসে
—স্কুল আর কলেজ হোলো শেষ, ক্লাইভ ষ্ট্রীট জনহীন,
দশটা-পাঁচটার দীর্ঘশ্বাস গিয়েছে থেমে,

সঙ্ক্যা নামলো :

মাঝে মাঝে সবুজ গাছের নরম অপরূপ শব্দ,

দিগন্তে জলন্ত চাঁদ, চিৎপুরে ভিড় ;

কাল সকালে কখন সূর্য উঠবে !

কলেরা আর কলের বাঁশী আর গণোরিয়া আর বসন্ত

বণ্টা আর দুর্ভিক্ষ

শৃঙ্খল বিশ্ব অমৃতস্য পুত্রাঃ

সঙ্ক্যার সময়,

আধুনিক বাংলা কবিতা

রাস্তায় অন্তর্ভব আত্মার উচ্ছ্বাসে
মাঝে মাঝে আকাশে শূনি
হাওয়ার চাবুক,
আর ঝাপসাভাবে শুধু অন্তর্ভব করি—
চারিদিকে ঝড়ের নিঃশব্দ সঞ্চারণ ।

১০০. কয়েকটি দিন

নদীর জলে
শৈশবে দেখেছি গলিত উলঙ্গ শব,
রক্তিম প্রাণ গ্রীষ্মে কুমুদা গাছে আসে ;
আজ সহর হতে বহুদূরে, শালবনের পথে
বালুতে অতিক্রান্ত দিন রাত্রির ভগ্নস্তুপ,
বিকেলে কাকেরে রক্ষ দিগন্তপ্রাবিত লাল সৌন্দর্য,
বন্ধুর মাঠে সন্ধ্যায় শৃগাল, কোকিল ডাকে ;
তারপর এই কর্কশ বালুতে, এই রক্তপঙ্কে
আকাশের নিবিড় নীল আগুন লাগল ।

নরম মাংসস্তুপে গভীর চিহ্ন এঁকে
নববর্ষের নাগরিক চলে গেল রিক্ত পথে
বন্দ্য নারীর অন্ধকারে পৃথিবীকে রেখে ।
দীর্ঘ দিনে করাল রোদ্দ নির্মম ঐশ্বর্য বিলায়,
উপরে ধূর্ত কাকের ভিড়,
গরুর গাড়ীর ছায়ার পিছনে
স্থলিতগতি ভ্রান্ত কুকুর ঘোরে ।
ধাবমান কাল
ট্রেনের লৌহরেখার উপরে আজো আনে লোহিত-হলুদ চাঁদ
সন্ধ্যার দিকে তপ্ত আবেগে
স্নিগ্ধ মেঘে আকাশ শান্ত গভীর ।

সমর সেন

দিন যায়, বসন্ত গতপত্র বহুদিন
গ্রামে গ্রামে মাঘ মাসে দীর্ঘদেহ কাবুলীরা আসে,
ঘুরে ফিরে হানা দেয় ঘরে ঘরে,
বর্বর ভাষায় কাঁচাপাকা দাড়ি হাওয়ায় নড়ে ।

চায়ের দোকানে বিনষ্ট দল,
শুধু মনাস্তরের কর্কশ কোলাহল ।

আজ শুধু মনে হয়,
ক্ষুধিত স্বৈদান্ত মুখের উপরে টর্চের লাল আলোর পর,
পাথর-কঠিন যুগে যন্ত্রণার
আর পৃথিবীতে পুঞ্জীভূত শতাব্দীর স্তম্ভতার পর
সমুদ্রের শব্দের মতো শেষহীন বজ্রের গুরু গুরু প্রতিধ্বনি

* * * *

মড়কের কলরোল, নতুন শিশুর কান্না,
চিরকাল বেলাভূমির সমুদ্রের শেষহীন সঙ্গম !
অতীতের শবসস্তোগী মন
কালের স্থবির যাত্রায় স্থির অশান্তি আনে ।
আজ দুঃস্বপ্নে দেখি,
বৃদ্ধ শিশু আর বুদ্ধিহীন বৃদ্ধের দল
স্বলিত দাঁতের ফাঁকে ফাঁকে কাঁদে আর হাসে
ট্রামে আর বাসে ;
দূরে পশ্চিমে
বিপুল আসন্ন মেঘে অন্ধকার স্তম্ভ নদী ।

১০১. *For Thine is the Kingdom*

একমাত্র তোমাকে সত্য বলে মানি ।
দারুণ গ্রীষ্মে অভীপ্সা-ব্যাকুল মন

আধুনিক বাংলা কবিতা

তোমার আদেশে সহরের দিগ্বিজয়ে ঘোরে,
তোমার আদেশে সন্ন্যাসীর সাধনা-সঙীন দিনগুলি
যুবতী-সঙ্কল আসরে
সাক্ষ্য-সঙ্গীতে সংহত ।
প্রভু, পৃথিবীতে তোমার লীলা অবিরাম,
এ্যাসেম্‌রি হলে বিরহ ছলে মিলন আনো,
প্রবীণ কবির মুখে আবার আনো
স্বদেশী গান ।

রাত্রির দৃষিত রক্তে বিকলাঙ্গ দিনের প্রসবে
আমাদের তন্দ্রা ভাঙে ;
তারপর আকাশ ভারি হয়ে ওঠে,
বিরস কাজের সুরে
কতোদিনের ক্লাস্তিতে কলের বাঁশী বাজে ;
পিছনে সমস্তক্ষণ ক্ষিপ্রগতি বাসের শব্দ ।
পৃথিবীর কবিতার শেষ নেই :
দিনের ভাঁটার শেষে
গলিত অক্ষকারে মরা মাঠ ধূ ধূ করে,
চরাচরে মরা দিনের ছায়া পড়ে ।
উদ্দাম নদীতে শেষ খেয়া নেই,
শিকারী কীট সোনার ধানে ।
তাই বন্ধিম ব্রহ্ম যীশু পরমহংস
সময় যখন আসে তখন সকলি মানি,
ছুর্গম দিন,
নামহীন অশান্তিতে বিচলিত বুদ্ধি,
তবু সরল চরম কথাটি এই বলে মানি :
ভারি ট'য়াক ছাড়া কিছুই টে'কে না,

সমর সেন

সবার উপরে আমিই সত্য,
তার উপরে নেই ।

১০২. বকধার্মিক

নবাবী আমল শুধু সূর্যাস্তের সোনা ।
ব্যবসায়ী সংসার
বারে বারে পাকা ধানে মই দিল,
চোখ বেঁধে আজ ভবের খেলায় ভাসা !
তবু ত চারিধারে অদৃশ্য ধ্বংসের গ্লেসিআর ।
নকল দুঃস্বপ্নে আর কতোকাল কাটাই,
সামুদ্রিক মাছের তেলে শরীর বৃদ্ধি ;
শীতের কুয়াসায়, নদীর নরম হাওয়ায়
নিজেরি গোলকধাঁধায় মন অবিরত ঘোরে ;
মনে পড়ে
কিছুর দেশে দিগন্তে লোহিত সূর্য
কুয়াসায় ঝাপসা পাহাড়
লাল পথে কালো সাঁওতাল মেয়ে ।
আবার আড়চোখে চেয়ে দেখি আমার মানসপৃথিবীতে
বিরোধের বীজ পুঁজি, কত স্বর্গবণিক ঢোকে,
কী অপরূপ প্রশান্তি মুখে !
এরোপ্নেনের চঞ্চল বেগ হাওয়ায় ওড়ায়
বকমুখ মন্ত্রীর নাম ।
গাত্রদাহ শুধু নিষ্ফল আক্রোশ ।
সখি, শেষে কি গেরুয়া বসন অঙ্কিতে ধরে
ব্রহ্মচারী বেশে পণ্ডীচেরী যাবো !
—সকালে হাওয়া খেতে নদীসৈকতে আসি,
যদি দেখি—

আধুনিক বাংলা কবিতা

ফেরী ষ্টীমার ওপারে, হাওড়ার পোল তোলা,
বসে থাকি বিষণ্ণ মুখে ।

সন্ধ্যায় ভিড়াক্রান্ত মন্দিরে কাঁসর ঘণ্টা
দেবতারো চোখে অনিদ্রা আনে,
পূজোর পচা ফলে ফুলে পিচ্ছিল পথে
রক্তচক্ষু পুরোহিত হাঁকে,
হাঁকে জগদল বৃষভ
কালসন্ধ্যার এই কুটিল লগ্নে
রাস্তায় হাসির গররায় ঘোরে তুখোড় ইয়ারের দল,
রেস্তহীন গুলিখোর, গাঁজেল, মাতাল ;
অবশেষে শূণ্যের সরাইখানায়
ভ্রাম্যমাণ বিলোল দিন অদৃশ্য হয়,
পিছনে রেখে যায় শুধু কারণের গন্ধ,
কয়েক প্রহরের নিশাচর শান্তি ।
আবার ব্রাহ্মমুহুর্তে
চিৎপুরের বারান্দায় কোকিল ডাকে,
অলস হাই তোলে বেকার কুকুর ।
দেব নখরে লোলচর্ম, পীত চোখ
ক্রমে ক্রমে গঙ্গাতীরে নিরানন্দ নারীদল জমে ।

কামাক্ষীপ্রসাদ চট্টোপাধ্যায়

(১৯১৭-)

১০৩. মৈনাক, সৈনিক হও

স্বার্থান্বেষী কুরচক্রী, স্থবির মম্বরা
মম্বর বিষাক্ত ধ্বনি প্রতিদিন আনে
ক্ষীত বৃদ্ধ ক্লাস্ত জরা দেহে ।

কামাক্ষীপ্রসাদ চট্টোপাধ্যায়

অনড় অটল প্রজ্ঞা জীবনের কানে
শুধু এক ক্লান্ত কথা কয় ।
দীর্ঘ দীর্ঘ দিন-রাত প্রেত পদক্ষেপে
বিষণ্ন নিরন্ন প্রহরে
আসে আর যায়
আজো কি অরণ্য হায় শুধু স্বপ্ন দেখে
তারাদের দীপপুঞ্জ জাগ্রত রাত্রিতে ?
শিশিরের গানে আর ঝিঁঝিঁদের গানে ?
মিশরের কানে
মস্থর বিষাক্ত ধ্বনি প্রতিদিন আনে
ক্ষীত বৃদ্ধ জরদগব দিন ;
আয়ুহীন, বলহীন, মেদহীন, হীন
হে বৈরাগী, ভাবো একবার
গর্ভ অন্ধকার
এ ভীষণ নিশ্চিত জরার ।

যেদিন সে ফাস্তনের আরক্ত প্রহরে
জ্বলন্ত জীবন যেন মোমাছির পাখা ;
মর্ম্মরিত উচ্চকিত যৌবন-চঞ্চল,
মর্ম্মরিত উর্ম্মিবাগীময়,
গেয়েছিল জীবনের জয় ।
আজ তারা মিশরের মমির মতন
বিশ্বতির নিঃস্পন্দ শিশিরে
কেন জেগে রয় ?

হে জরদগব দিন
উড়ে যেতে পারো একবার
বাহুড়ের মত, ডানা নেড়ে নেড়ে ;

আধুনিক বাংলা কবিতা

ঝিঝিঝিঝিঝি

সেই সব আরক্ত প্রহরে ?

মৈনাক, সৈনিক হও

ওঠো কথা কও ।

দূর কর মন্ত্র মন্ত্রা—

মেদময় স্ফীত বৃদ্ধ জরা ।

রক্তে জাগে পুরানো সূর্যের ইতিহাস ;

সে কি পরিহাস ?

এ সুদীর্ঘ দিন-রাত্রি প্রেত-পদক্ষেপে

স্মৃতিকে করেছে পিরামিড ।

আর সব উন্মিয় আরক্ত প্রহর

মিশরের মমি, হায়,

শিশিরে ধসর ।

মৈনাক, সৈনিক হও ।

১০৪. অবসর

আমরা ছিঁড়েছি দুর্গম দিন । মন্ত্রতা

দিয়েছে অনেক প্রলাপ কাহিনী । স্মৃতির ছায়ে

এসেছে দানব ঈশাণ কোণের ধ্বংস রথে :

রাখীবন্ধনী ছিঁড়ে গেছে । আজ, সময় হ'লো ?

এখানে যুদ্ধ । বক্ষ্যা মাটির প্রাসাদ গড়ি

বুদ্ধির ধারে শীর্ণ শরীর শানানো শুধু

যুতুদুতেরা নিশ্চুপ মনে মন্ত্র পড়ে—

দিবা অবসান সেতুবন্ধনে, সক্ষ্যা এলো ।

কিরণশঙ্কর সেনগুপ্ত

ধারকরা তাপে দেহ সঁকে নাও, শয্যাশায়ী,
শরসঙ্কানী মন মেলে মিছে গিলাতে চাও,
দূরে ঝাউবনে ঝোড়ো রাত কাঁদে ক্লাস্ত মনে
বহু বছরের অভিশাপে ভরা স্বপ্ন শুধু ।

কৃষ্ণচূড়ার উদ্ধত ডালে আকাশ আলো,
তোমার আমার মধ্যে বিরাট স্মৃতির সেতু ;
মাঘের সূর্য্য তীর্থযাত্রী । বিশাল ছায়া ।
প্রলাপী মনের পাঁচিলে রুদ্ধ । মিথ্যে খোঁজা

কিরণশঙ্কর সেনগুপ্ত

(১৯১৭-)

১০৫. হে ললিতা ফেরাও নয়ন !

হে ললিতা ফেরাও নয়ন !

যদি শুভ্র শ্রীদেহের স্বাদ
আর নৈশ আশ্লেষ-শয়ন
মুক্তিমান এনেছে জীবনে,
দূরে থাক্ লোক-পরিবাদ ।

জীবনের নাট্য-যবনিকা
পড়ে' যাবে মনে রাখো নাকি ?
মুছে গেলে জীবন্ত জীবিকা
কী করিবে তখন একাকী ?
শুধু চোখে ক্লাস্ত গতভাষ !

হৃদয়ের ব্যাকুল স্থাপদ
খুঁজে ফেরে আরক্ত শিকার,
কান পেতে স্থির হ'য়ে শোনে
পক্ষধ্বনি শত বলাকার ।
ঘুম নাই নিদ্রালু নয়নে ।

আধুনিক বাংলা কবিতা

উতরোল নিবিড় রজনী ।
খোলো রক্ত লাজ-আবরণ,
লজ্জা-অপমান শঙ্কা ছাড়ে !
শোনো মোর ধমনীর ধ্বনি,
আগে রাখো মানুষের মন !

উপরেতে আকাশ ছড়ানো,
নীচে কাঁপে মদালসা বায়ু,
হে ললিতা, কাছে এসো শোনো-
হিমসিক্ত তোমার চূষনে
শেষ হবে মোর পরমাণু !

অদূরেতে কৃষ্ণ মৃত্যু কাঁপে,
তবু যেন ত্বণের মতন
ভেসে চলি অস্তিম বিপাকে,
আকাজ্জায় স্তব্ব অচেতন,
মৃত্যু আনে নৈশ পরিশ্লেষ !

তাণ্ডবের দীর্ঘশ্বাস শুনে
আছিলাম ঘোর অচেতন,
আকাজ্জার জাল বুনে-বুনে
এইবার হয়েছে উধাও
বক্ষোমাঝে উদ্ধত নয়ন !

এই লহো মোর দুই হাত ।
অতীতের সাধনায় বুঝি
আকাজ্জিত মৃত্যু-বরাভয়
লভিয়াছি দেহপ্রাপ্ত খুঁজি !
ক্লাস্ত তনু সুন্দর অক্ষয় ।

মণীন্দ্র রায়

(১২১২-)

১০৬. স্বদেশ

ত্রিয়মাণ হতশক্তি হে স্বদেশ,
প্রণাম । শতাব্দীশেষ
মৃত তমিস্রার ; সূর্য্যোদয় আরক্ত গন্তীর
বিহ্বল দিগন্তপারে স্থান্ন জনতার
স্নায়ুজালে—ধমনীর লোহিত বিস্ময়ে ।

জাগে স্তম্ভিত মাটির

দলিত নিরুদ্ধ স্বাধিকার ।

স্ববির শতাব্দীশেষে হে স্বদেশ, প্রণাম আমার ।

দম্ভের প্রাসাদচূড়া হ'তে

নিষ্পিষ্টের বক্ষিতের পুঞ্জীভূত বেদনার শ্রোতে

যাহারা দেখেছে শ্লেষে মেথলার প্রায়,

পিশাচ বাতাসে ঘোরে সে-কলঙ্ককরণ অধ্যায় ।

স্বর্গরশ্মি দিবসের উচ্চকিত গতি

মস্মরিত জনারণ্যে আনে আজ সবুজ উল্লাস ।

যুগান্ত-তোরণপথে জয়যাত্রা । শ্লথ পাশ

জীবনের, জড়তার ।

হে স্বদেশ, প্রণাম আমার ।

স্বভাষচন্দ্র মুখোপাধ্যায়

(১২২০-)

১০৭. পদাতিক

(সুরেন্দ্রনাথ গোস্বামী-কে)

যেখানে আকাশ চিকণ শাখায় চেরা

চলো না উধাও কালেরে সেখানে ডাকি

আধুনিক বাংলা কবিতা

হা ! হতোস্মি সড়কে বেঁধেছি ডের।

মরীচিকা চায় বালুচারী আত্মা কিঃ?

লাল মেঘ গুহ। পাবে না হয়তো খুঁজে
নিজেরে নিখিলমিছিলে মিলাও যদি
চলো তার চেয়ে মরা গড়ে ঘাড় গুঁজে
হবো অপরূপ অপরাহ্নের নদী ।

হরিণ সময় লাগামে বাঁধতে পারো ?
বিশ শতকেও ফুলের বেসানি করি
অতল হৃদের মিতালি হৃদয়ে গাঢ়
হিংস্রক হাওয়া দেহে আঁকে চক্খড়ি ।

প্রতিবেশী টাদ নয়তো অনাত্মীয়
রামধনু-রং দেশেও জমাবো পাড়ি
মাঠের শিশির ঝ'রবে না একটিও
ক্রীতদাস ছায়া গোটাবে না পাত্-তাড়ি ।

২

জানি ; পলাতক পাথায় নভশচারী
খোঁজা নিষ্ফল নক্ষত্রের ঘাঁটি ;
ফাঁকা ভাঁড়ারের ওস্তাদ সংসারী—
আর কতদিন থাকবে ধোঁকার টাটি ।

পিরামিডে থাক্ পিরীতি কফিন্ ঢাকা,
অহল্যা হোক্ পিচ্ছিল হাতছানি,
প্রগল্ভ যুঁই মেলুক বক্ষ্যা শাখা,
চাঁদের চোখেতে পড়ুক অন্ধ ছানি ।

উপবাসী রাত অক্ষয় অভিনেতা ।
হৃদয় হাঙর-যক্ষাই ঠোকরাবে !

হুভাষচন্দ্র মুখোপাধ্যায়

কসলের দিন সামনে কঠিনচেতা—
অবৈতনিক বেডেই তা' টের পাবে ।

বুঝেছি : ব্যর্থ পৃথিবীর পাড় বোনা ।
স্বপ্নের ভাঁড় সামনেই ওলটানো ।
তামাসা তো শেষ । পারের কড়িও গোণা—
ককালখানা কালের স্কন্ধে টানো ।

৩

শ্রীমতী, আমার অরণ্যস্বাদ
মেটে এখানেই । লেকে সঙ্ক্যায়
গোচারণ ঘাসে প্রার্থী যুবক ।
কমগুলুতে কারণ তাই তো,
ওঁ তৎ সৎ,—প্রলাপ মানেই ।
ফরাসী রাজ্য ভালো লাগে, তাই
সংসার-ত্যাগ । লাল ড্রাসে কাঁপে
গ্লেন্সিয়ার দিন । পেশোয়ারীদের
করকমলেই ভবলীলা শেষ ।

৪

(উজ্জ্বলীবা ডাস্টবিন নির্জন ব'লেই)
অনেক আন্নেয় রাত্রে নিষিদ্ধ আমরা
দেখেছি : বৈষ্ণব বেণে অরূপণ হাত দেয় পণ্য যুবতীকে ।
অবশ্য নেপথ্যে চলে নিরামিষ নাচ আর গান ।
কখনো নিষ্ঠুর হাতে তার। কিন্তু মারে নাকো মশা একটিও ।
(আমরা কয়েকটি প্রাণী,—হু'চোখে ঘুমের হরতাল ।)
মাঝে মাঝে শোনা যায় ভবঘুরে কুকুরের ঠোঁটে
নতুন শিশুর টাটকা রক্তিম খবর !

আধুনিক বাংলা কবিতা

(তন্নী চাঁদ ক্রোড়পতি ছাদের সোফায় !)

চীনা লালসৈনিকের শরীরে এখন
নিবিড় নির্বাণ-বিদ্যা বীক্ষণ করে কি বেঅনেট ?
বোমাত্মক এরোপ্লেন গান গায় দক্ষিণ সমীরে—
মরণ রে তুঁছ মম শ্যাম সমান ।

সুপুষ্ট ঈশ্বর শুনি উষণীষ আকাশে
পূঁজি রাখে আমাদের অর্জনের রুটি—

(শাদা মেঘ তারি কি স্বাক্ষর !)

মৌমাছির মত ব'সে কতিপয় নক্ষত্র নাগর
নিশাচর ফুটির চড়ায় ।

উচ্চারিত ক্ষোভে তাই বিস্ফোরক দিন
ছাত্র আর মজুরের উজ্জল মিছিলে
বিপ্লব ঘোষণা ক'রে গেছে ।

তবুও আড্ডায় চলে মন-দেয়া-নেয়ার হেঁয়ালি ।

প্রতিদ্বন্দ্বী সব্যসাচী ডবল-ডেকারে

(চাক্ষুষ আমার দেখা) ফাস্তুনী কবির।

অর্ধেক চাঁদের মত কী করুণ চ্যাপ্টা হ'য়ে গেছে !

অহিংসা পরমো ধর্ম নীলবর্ণ শৃগালের দলে !

টাকার টঙ্কারে শুনি : মায়া এ পৃথিবী ।

জীবের স্থলভ মুক্তি একমাত্র স্বস্তিকার নিচে !

সংগ্রাম নিশ্চিত, তবু মাস্তুতো ভায়েরা

বিষম সন্ধিতে আজ কী চক্রান্ত চৌদিকে ফেঁদেছে !

আজকে এপ্রিল মাস,—(চৈত্র না ফাস্তুন ?)

ব্রহ্ম নোগুচির নিন্দা চড়ায়েরা ভণে

অগ্নিবর্ণ সংগ্রামের পথে প্রতীক্ষায়
এক দ্বিতীয় বসন্ত । আর
গলিতনখ পৃথিবীতে আমরা রেখে যাবো
সংক্রামক স্বাস্থ্যের উল্লাস ।
ততদিন আত্মরক্ষার প্রাচীর হোক
প্রত্যেক শরীরের ভগ্নাংশ ;

জীবনকে চেয়েছি আমরা, বিদ্যুৎ জীবনকে ।
উজ্জ্বল রৌদ্রের দিন কাটুক যৌথ কর্ণণায়
আর ক্ষরধার প্রত্যক্ষ তরঙ্গ তুলুক কারখানায়
দুর্ঘটনাকে বেঁধে দেবে কর্মঠ যুবক
নিখুঁত যন্ত্রের মধ্যতায় ।
অরণ্যকে ছেঁটে দেবার দিন এসেছে আজ ।

তবে, যুদ্ধ আজ ।
রাজত্বের অন্তকম্পা নেই,
প্রজাপুঞ্জের স্বপ্ন-ভঙ্গ ।
বণিকপ্রভু চোখ রাঙায়,
কারখানায় বন্ধ কাজ ।
(ইতিহাস আমাদের দিক নেয় ।)

উদাসীন ঈশ্বর কেঁপে উঠবে না কি
আমাদের পদাতিক পদক্ষেপে ?

১০৮. প্রস্তাব

প্রভু, যদি বলো, অমুক রাজার সাথে লড়াই ।
কোনো দ্বিধা করবো না । নেবো তীর ধলুক

আধুনিক বাংলা কবিতা

এমনি বেকার । মৃত্যুকে ভয় করি খোড়াই—
দেহ না চ'ল্লে, চ'ল্বে তোমার কড়া চাবুক ।

হা-ঘরে আমরা ! মুক্ত আকাশ ঘর, বাহির ।
হে প্রভু, তুমিই শেখালে, পৃথিবী মায়া কেবল—
তাইতো আজকে মন্ত্র নিয়েছি উপবাসীর ।
ফলে নেই লোভ ! তোমার গোলায় তুলি ফসল ।

হে সওদাগর,—সিপাই, সান্দ্রী সব তোমার ।
দয়া ক'রে শুধু মহামানবের বুলি ছড়াও—
তারপরে, প্রভু, বিধির করুণা আছে অপার ।
জনগণমতে বিধিনিষেধের বেড়ি পরাও ।

অস্ত্র মেলেনি এতদিন । তাই ভেঁজেছি তান ।
অভ্যাস ছিলো তীরধনুকের, ছেলেবেলায় !
শত্রুপক্ষ যদি আচম্কা ছোঁড়ে কামান—
বল্বো, বৎস ! সত্যতা যেন থাকে বজায় !

চোখ বুঁজে কোনো কোকিলের দিকে ফেরাবো কান ॥

সূচীপত্র

অচিন্ত্যকুমার সেনগুপ্ত

প্রথম যখন	১২৮
প্রিয়া ও পৃথিবী	১২৯
রবীন্দ্রনাথ	১৩১

অজিত দত্ত

যেখানে রূপালি	১৪৮
রাঙা সন্ধ্যা	১৪৯
একটি কবিতার টুকরো	১৫০
মিস্—	১৫০
সনেট	১৫১

অন্নদাশঙ্কর রায়

'জর্নাল' থেকে	১৪০
'রাখী'র উৎসর্গ	১৪১

অমিয় চক্রবর্তী

সংগতি	১০০
বৃষ্টি	১০১
মেঘদূত	১০২
চেতন শ্রাক্ষা	১০৪

অরুণকুমার মিত্র

ভূমিকা	১৭১
লাল ইস্তাহার	১৭২

আধুনিক বাংলা কবিতা

কামাক্ষীপ্রসাদ চট্টোপাধ্যায়	
মৈনাক, সৈনিক হও	২০৮
অবসর	২১০
কিরণশঙ্কর সেনগুপ্ত	
হে ললিতা	২১১
চঞ্চলকুমার চট্টোপাধ্যায়	
রাজকুমার	১২৬
সনেট	১২৮
জসীম উদ্দীন	
রাখালী	২৫
জীবনানন্দ দাশ	
পাখীরা	২০
শকুন	২২
বনলতা সেন	২৩
নগ্ন নির্জ্জন হাত	২৩
জ্যোতিরিন্দ্রনাথ মৈত্র	
গুহার গান	১২৩
চন্দ্রলোক	১২৪
দিনেশ দাস	
কাস্তে	১২৮
নজরুল ইসলাম	
প্রলয়োল্লাস	৮১
চোর ডাকাত	৮৪
কাণ্ডারী হুশিয়ার	৮৫
দুঃস্বপ্ন বায়ু	৮৬
প্রবর্তকের ঘুর-চাকা	৮৭

সূচীপত্র

নিশিকান্ত

পণ্ডিচেরীর ঈশাণকোণের প্রাস্তর ১৬৭

নীরেন্দ্রনাথ রায়

ঝিল্লীস্বর ৭৮

প্রমথনাথ বিশী

নিঃসঙ্গ সঙ্ঘ্যার তারা ১২৬

হে পদ্মা ১২৬

প্রাচীন আসামী হইতে ১২৭

প্রেমেন্দ্র মিত্র

অগ্নি-আখরে ১৩২

আমি কবি ১৩৪

নীল দিন ১৩৬

নৌলকণ্ঠ ১৩৭

বিমলাপ্রসাদ মুখোপাধ্যায়

তির্য্যক ১৪৬

বিষ্ণু দে

অভীপ্সা ১৭৩

চতুর্দশপদী ১৭৪

টঙ্কা-ঠুংরি ১৭৪

জন্মাষ্টমী ১৭২

ফ্রেসিডা ১৮১

ঘোড়সওয়ার ১৮৬

পদধ্বনি ১৮৮

আধুনিক বাংলা কবিতা

বুদ্ধদেব বসু

প্রেমিক	১৫১
ছায়াচ্ছন্ন হে আফ্রিকা	১৫৬
<i>Do you remember an inn, Miranda</i>	১৫৭
পূর্বরাগ	১৫৯
চিঙ্কায় সকাল	১৬১
এখন যুদ্ধ পৃথিবীর সঙ্গে	১৬৩
ম্যাল্-এ	১৬৪

মণীন্দ্র রায়

স্বদেশ	২১৩
--------	-----

মনীশ ঘটক

পরমা	১২৪
------	-----

মোহিতলাল মজুমদার

পান্থ	৬৬
-------	----

যতীন্দ্রনাথ সেনগুপ্ত

দুখবাদী	৭১
কবির কাব্য	৭৩
দেশোদ্ধার	৭৫

যতীন্দ্রমোহন বাগ্‌চী

যৌবন চাঞ্চল্য	৫৪
---------------	----

রবীন্দ্রনাথ ঠাকুর

সন্ধ্যা ও প্রভাত	২৯
একটি দিন	৩০
অচেনা	৩১
প্রশ্ন	৩২

সৃষ্টিপত্র

বিশ্বয়	৩২
উন্নতি	৩৪
সাধারণ মেয়ে	৩৭
শিশুতীর্থ	৪২
মধ্যদিনে যবে গান	৫১
কেন পাশ্চ এ চঞ্চলতা	৫২
নৌলাঞ্জন ছায়া	৫৩
নৌল অঞ্জন ঘন	৫৩

সত্যেন্দ্রনাথ দত্ত

দূরের পাল্লা	৫৬
ইলশে গুঁড়ি	৫৯

সমর সেন

স্মৃতি	১৯৯
মুক্তি	২০০
একটি মেয়ে	২০০
মহয়ার দেশ	২০১
নাগরিক	২০২
কয়েকটি দিন	২০৪
<i>For Thine is the Kingdom</i>	২০৫
বকধার্মিক	২০৭

সুকুমার রায়

শব্দকল্পভ্রম	৬২
রামগরুড়ের ছানা	৬২
ছলোর গান	৬৩
শুনেছ কি বলে' গেল	৬৪
আবোল তাবোল	৬৪

আধুনিক বাংলা কবিতা

সুধীন্দ্রনাথ দত্ত	
হৈমন্তী	১০৬
মহাসত্য	১০৭
নাম	১০৮
উটপাখী	১১০
সন্ধান	১১২
নরক	১১৩
প্রার্থনা	১১৬
উজ্জীবন	১১৯
শাস্তী	১২২
সুধীরকুমার চৌধুরী	
একটি নিমেষ	৭৭
সুভাষ মুখোপাধ্যায়	
পদাতিক	২১৩
প্রস্তাব	২১৭
সুরেন্দ্রনাথ গোস্বামী	
বজ্রলিপি	১৪৫
ছমায়ূন কবির	
সনেট (১)	১৪৭
সনেট (২)	১৪৮
হেমচন্দ্র বাগ্‌চী	
'গীতিগুচ্ছ' থেকে	১৪১
স্বপ্নো হু	১৪৪

